

FRANCISCI ANTONII SPADA
SACERD. S. THEOL. & V. J. D.

ANTELUCANÆ VIGILIÆ,

Sive

EXERCITATIONUM LIBRI III.

Quibus præcipua ad Civilem Facultatem per-
tinentia, nec non Celebriorum Civitatum Ortus,
Progressusque tractatur.



Superiorum Permissu.

VIENNÆ, Typis JOANNIS PETRI VAN GHELEN, Sac. Cæsareæ Regiæque
Majestatis Aulæ, & Universitatis Typographi. 1725.



Illustrissimo , atque Excellentissimo
DOMINO , DOMINO
RAYMUNDO
VILANA
Y

P E R L A S,
MARCHIONI DE RIALP
SAC. ROM. IMP. COMITI,

Sac. Cæs. R. & Cath. Majest. à Secretis Statûs
Intimæ Admissiõis , &c.

FRANCISCUS ANTONIUS SPADA
S. P. D.



Um elucubrationibus , quas elaborare in animum induxi , præcipuus de Civili Disciplina , deque Civitatum toto orbe celebratarum ortu , progressuque , ac tandem


dem interitu sermo sit , jure optimo tibi Vir Excellentissime dicari oportebat ; Exemplo namque , quod ejusdem facultatis objectum est & finis sub optimo maximo Principe (quo quid præclarius ?) fermè doces universos ; Nòrunt quippe quâ Vigilantiâ , Zelo ac Fide , quâve Prudentiâ , Sapientiâque publicas Utilitates , ac Beneficia , maximaque ac ardua quæque Statûs negotia cures , promoveas , perficias. Ea enim pro solatiis accipiens , Naturam ipsam vincere videris , cùm nîl fermè temporis labatur occupatione vacuum ; Ac nisi rerum experienciâ comprobatum esset , expectationem adeò vicisse , ut vel invidiam verteres in admirationem virtutis (licèt , quod tibi soli contigisse videtur , nemo sit , qui non amet , atque suspiciat , certentque studiis tot diversi moris , atque ingenii homines) Augusto tamen fuisse probatum , grande atque indubium esset Virtutis , Probitatis , rerumque gerendarum solertiæ documentum : ùt enim sorte nascendi , ità mentis altitudine , acerrimoque judicio Cæsar omnibus præesse dignoscitur ; unde Viros vel obtutu ipso æstimat , Optimosque nescit , legitque. Cùmque cognomenta , quibus Roma , Senatusque olim *Augustos* , assentionibus plerumque , onerare potiùs quàm honorare videbatur , Virtute priùs , rebusque gestis , Constantiâque , ac Fortitudine meruisset , quàm consensu Universorum obtineret ;

tineret ; ultima quidem laus esset , tanto Principi
 placuisse. Sed omnium Oculis subjiciuntur Virtu-
 tes tuæ ; nemo enim , qui te viderit , audierit ,
 tecumque locutus fuerit , easdem celebrare desinit.
 Quapropter cum magna negotia magnis egere adjutori-
 bus omnibus compertum sit, vel suffragiis universorum
 Tu solus fuisses acclamatus. Ego quidem cum sæpius ac-
 cessissem, eumque impertiri honorem placuisset , ut
 inter tot , tantaque negotia, quæ sustines, ferè sem-
 per admiseris, mecum ipse revolvens Moderationem,
 animique Candorem , verborum pondus, Benigni-
 tatemque, ac morum suavitatem, quibus singulorum
 amorem meruisti , nunquam tamen suspicere satis
 possum & assiduam illam laboris patientiam , quâ ut
 olim Tribunorum Ædes Romæ diu noctuque pate-
 re debebant, sic te velle, jubere scimus, patere tuas ,
 ut quocunque tempore facilem tui accessum præ-
 beas, tantamque hominum multitudinem cujuscun-
 que Ordinis audias , eorumque negotia expedias,
 ut nisi esses assuetus , atque à natura ita compara-
 tus , miserationem cum amore atque admiratione
 simul excitares ; & studium illud harmonicâ quâ-
 dam proportionem juvandi cunctos , lædendi nemi-
 nem , ut Mæcenæ olim. Quos quidem viros Diis
 æquabat prisca Ætas, imò homines ipsos in Deos
 referre propter beneficia visa est ; atque hinc illud

vulgò usurpatum : *Homo homini Deus, homo homini Lupus.* Quid autem cætera percurrere opus, cum nemo sit, qui te nesciat, & nec justissimis licet laudibus celebrari velis? Cumque in publica peccare commoda videar, si proluxior sim, illud solummodò dixisse sufficiat, adeò nempe Magnorum Virorum doctes, virtutesque ad capeffendam, tractandamque Rempublicam necessarias in te uno eminere, ut non ab aliis quorum laudes referunt historiæ, exemplum capere, sed si etiam illi non fuissent, cæteris præbere videaris. Quare, ut devotum qualecumque hoc animi mei testimonium æquo suscipias animo, utque voluntatem duntaxat meam, non verò donum respicere digneris, enixè rogo, obtestorque. Vale.

Author

Author Helvidio suo S. P. D.

 Uasivisti ex me sæpiùs Helvidj, ecquem ex Philosophia fructum, quamque rerum Notionem percepissem? te namque literarum osorem, atque præcipuè Philosophorum insectatorem simulabas; nec enim semel versiculos illos Scaligerianos recitanti aucti :

*Quo te ambulando cumque veritas gentium,
Vitare non est disputatorum genus,
Procax, protervum, fastuosum, garrulum,
Quos pacis hostes ultima hæc ætas tulit;
Qui nocte lucem, nigra vertunt candidis,
Et questionum tristitate condiunt
Natas in usum sobrii risus dapes.
Hos nec decorum est, nec tuum refellere :
Tali hoste victo, quis triumphus te manet ?
Luctante, eadem pugna gliscit acrior ;
Nec dignitatem fronte ferreâ pudor
Expressus auget ; Claritatem nec dabit
Extorta rixis veritas. In jurgiis
Vicisse nolle, quàm queas, victoria est.*

Nec Luciani Hermotimum, aliæque hujuscemodi argumenta omittebas ; Ego autem, dum præcipuè rationes audiebam tuas, Philosophum, cum Antiphilosophus videbare, te agnoscere delectabar. An enim quia tot disputationes, atque opinionum monstra angue pejus horreas, Sapientiamque illam solum-

solummodò sequaris, quâ sola bona, quæ honesta, mala tantum, quæ turpia : Potentiam, Nobilitatem, cæteraque extra animum, neque bonis, neque malis adnumerat, quâque ingenium illustre altioribus studiis adeò excoluisti, ut firmior adversus fortuita, cunctisque vitæ officiis æquabilis, opum contemptor, recti pervicax, constans adversum metus Rempublicam capesses, Philosophum non audies ? Sed quia nec de te loqui, nec disputando tecum agere permissum est, hinc brevissimè studiorum rationem exponam, ut sicuti par est, tibi satisficiam. Et quidem Philosophorum placitis non *adeò delectatum esse compertum habes*, ut in partes abirem, sed ut illorum potius historiam, & quomodo tamque variè de rerum Natura differerent, me non lateret. Visum tamen est, ex Philosophia ipsa fabulosam primùm Theologiam fuisse intertextam, adeò ut Philosophorum primi apud Chaldæos, Ægyptios, Indos, Persas, Populosque alios nullam ex nihilo creationem agnoscere, nec Deum ipsum à rebus creatis separantes, è Creaturis ipsis tot Numina effecisse, & ad eorum captum Religionem, Superstitionesque effinxisse, ut rudem Vulgum flectere, Cætusque hominum jure sociare possent, videantur; Hinc ejus Sapientiæ Cultores, apud Ægyptios præcipuè, Sacerdotes erant, *Arsepedonæ* dicti, apud Æthiopes *Gimnosopbistæ*, *Confutiani* apud Chineses, atque apud Persas *Magi*, ut & apud Indos *Brachmanes*, *Druidaque* apud Gallos; nam & iidem Sacris præerant, & mores hominum ad Societatem componebant; Græcorumverò Poëtæ primi fabulosam illam Theologiam versibus explicabant, ut homines in admirationem magis pertraherent, atque facilius ad Societatem instituerent. Cum autem procedentibus temporibus Philosophorum turba nimis excrevisset, fabulosa illa mysteria detegi cœperunt; Qua de causa cum nec verum illis agnoscere datum esset, delirarunt adeò, ut idem sit, cum iis philosophari, ac velle prorsus insanum fieri; hinc cum Religionem illas, ritusque deriderent (unde processit *Atheismus*)
quan-

quandoque Vulgi iras experti, aut damnati fuere, aut fugere coacti, ut *Socrates* ab Atheniensibus, *Aristoteles*, qui ne damnaretur, fugam cepit, *Demonax*, qui accusatus, quod nec *Minervæ* Sacra faceret unquam, nec *Eleusiniis* initiatus esset, Turbam lapides jam in illum jacentem flexit rationibus: nec, inquit, *Deam* Sacrificiis indigere putabam, nec mysteriis initiari necesse duxeram, quoniam si mala essent, non reticuissem, si verò bona, ea patefacere non destituissem; compluresque alios cum ex Dogmaticorum, tum Academicorum, Scepticorumque sectis; licet ipsimet Academici, dum de omni re in utramque partem disputant, *Scepticismum* sapiant. Dogmaticorum autem verè dixeris, quot *Capita*, tot *Sententia*; quamvis duntaxat in impietate convenient; Materiam enim, ex qua omnia sunt genita ab æterno tradidit; Spiritum verò ac veluti materiam *mentem*, quæ variò se corpore miscet, Deum effecerunt, primam nempe *Virtutem*, seu *Causam*, eamque propterea fato ac necessitati Causarum subicere, undè illud:

Nec Deo vertisse licet,

Quæ nexa suis currunt causis.

Mundum propterea ingentem, & incorruptibilem, imò Universum unum, Mundos verò innumerabiles, ajebant esse; hinc tot de natura Deorum qui eam *Virtutem* subsequabantur, deque Providentia, atque Animorum immortalitate deliramenta; quare, cum in explicanda materiam quidditate, tum motu differre solummodo videntur, re tamen ipsa idem sentiunt.

Quantum igitur sit cum Christianis Philosophis immane dissidium vides; licet præter æternas illas Fidei veritates, quibus cum de Deo, tum de rerum ex nihilo creatione recta veraque sentire sumus edocti, cætera ferme à veteribus illis fuerint mutuati.

Quare sicut Sectas eorum, Recentiorumque doctrinam noscere haud supervacaneum, ita cum iis philosophari, atque in disputationibus, dubiisque rerum tempus terere, inane prorsus ac stultum foret; nec enim homo in Mundum venit, ut incer-

ta speculetur, sed ut bene agat, vivatque; unde Cicero: Rerum, inquit, obscuritatem & difficilem veritatis indagationem, adeoque ipsam desperationem ad confessionem ignorantie adduxisse Socratem, & veluti amantes Socratem, Democritum, Anaxagoram, Empedoclem, omnesque panè Veteres, qui nihil cognosci, nihil percipi, nihil sciri posse dixerunt; angustos sensus, imbecilles animos, brevissima curricula Vitæ, & ut Democritus, in profundo Veritatem esse demersam: Opinionibus & Institutis omnia teneri; nihil veritati relinqui, deinde tenebris omnia circumfusa esse, asseruerunt. Quapropter rectè quidem de hac Philosophia cum Cornelio Nepote agebas, non esse Magistrum Vitæ. Quis enim, ut Tullius inquit, Philosophorum invenitur, qui sit ita moratus, ita animò & vitâ constitutus, ut ratio postulat? Qui disciplinam non ostentationem suæ scientiæ, sed legem vitæ putet? Qui obtemperet sibi ipsi, & Decretis pareat suis? &c.

Fortius verò in S. Theologiam inanes etiam disputationes, quæque captum superant, irreplisse, meritò dolebas; nec enim per texta fabulis, nec è Græcorum Poesi nata conspicitur, cum Deus ipse velum ignorantie cunctis adèd abstulerit, ut veram, æternamque vocem, faciemque suam attendere, ac suspicere valeant. Eam igitur, cum ex utroque Testamento, tum è Conciliis, Patribusque, Sacra etiam historia, & jure quod Canonicum nuncupamus, suis veluti ex Incubis, puram nitidamque derivare dumtaxat studui. Juri quidem universo adèd operam impendi, ut fontes ipsos, causasque Legum noscere curarem; quæ sinè Civili Disciplina, rectaque historiarum cognitione nunquam perspectæ poterunt esse. Quos propterea historiæ, curiosis dumtaxat, vanisque rerum inflati, operam dare vides, rectè quidem, ut in cæteris, damnare non cessas; quid enim quot Romanorum millia ceciderint apud Cannas, quot Persarum Marathoniâ pugnâ noscere prodest? Alios autem facta quædam Heroum admirantes, atque eorum narratione suprâ cæteros gravi supercilio elatos advertebas; quâ ratione Cartesium

Histo-

Hyſtorias damnâſſe, ejusque verba protuliſſe memini : atque etiam , nî fallor erant , ipſæ Hiſtoriæ quantumvis veræ , ſi præſtium rerum non augent , nec immutant , ut lectu digniores babeantur , earum ſaltem viliores & minus illuſtres circumſtantias omitunt ; Unde fit , ut ea , quæ narrant , numquam omnino qualia ſunt , exhibeant , & qui ſuam vivendi rationem ad illarum exempla componere nimium ſtudent , proni ſint in deliria antiquorum Heroum , & tantum hyperbolica facta meditentur. Sed non eſt, quod mireſis, ex eadem materia ſuis quemque ſtudiis apta colligere. In eodem prato Bos verbam quarit, Canis Leporem, Ciconia Lacertum. Cum Ciceroniſ libros de Republica prebendit hinc Philologus aliquis, hinc Grammaticus, hinc Philoſophiæ dedita, alius aliud curam ſuam mittit. Philoſophus admiratur, contra juſtitiâ dici tam multa potuiſſe. Cum ad banc eandem lectionem Philologus acceſſit, hoc ſubnotat, duos Romanos Reges eſſe, quorum alter Patrem non habet, alter Matrem ; nam de Servii Matre dubitatur ; Anci Pater nullus, Numæ nepos dicitur. Præterea notat, cum quem nos Dictatorem diſcimus, & in hyſtoriis ita nominari legimus, apud antiquos Magiſtrum Populi vocatum. Hodieque id extat in Auguralibus librû, & Teſtimonium eſt, quod qui ab illo nominatur Magiſter Equitum eſt. Aque notat, Romulum periſſe Soli defectione. Eoſdem libros cum Grammaticus explicuit, primum, reapſe dici ab Cicerone, id eſt, reipſâ, in Commentarium refert ; Nec minus ſepſe, id eſt, ſeiſpſe.

Tua igitur veſtigia ſequutus, animadvertere ſolummodo moris erat, quomodo initia fuerint Civitatis, qualisque primum Ordo, ſeu forma : quæ Cautiones ad eam conſervandam : qui finis, ad pacem nempe colendam, an ad bella : quæ Leges. Converſionem quoque Ordinis, Cauſasque Conſilia, cum in bello, tum in pace, honeſta, utilia, utraque ſimul, quaque de cauſa eventus his æque aut minus reſponderint : Civium factiones : Ingenia : Religionem ; Virtutes denique, ac Vitia, cum Populi Univerſi, tum ſingulorum. Hinc cum hiſtoriæ vacare contingit, noſcendi homines præcipuus eſt finis, quod maximum

est ad Sapientiam comparandam incitamentum, ex aliorum enim Vita, moribusque animum regere, atque ad Virtutum exemplar componere, quam præceptis facilius erit. Quis enim perditæ adeò spei, demortuique pudoris erit, ut dum Tigellini vitia, Helvidiique illius Prisci Virtutes, ad cujus Exemplar es compositus, Oculis sibi subjicit, animum ad eas sectandas, vitiaque fugienda stimulis agitari non sentiat suum? Hinc historiam ipsam exemplarem Philosophiam appellare soleo (a) *pau- ci namque prudentia honesta ab deterioribus, utilia ab noxiis discernunt, plures aliorum eventis docentur.*

Habes jam, Amicorum optime, Studiorum rationem, quosque ex Philosophia fructus carpere adnitar; nec dubito abs te probari, cum eos jam decerpisse vitæ ratio satis ostendat. Cur autem Exercitationes, quas tibi mitto, conscripserim, ex Præ- fatione dignosces. Vale.

(a) Tacit. Annal. lib. 4.



PRÆFATIO.



Ignorantia, inquit *Thebanus ille Philosophus*, Sphynx est hominibus; sicut enim homines illa enecare fingebatur, qui suas Ambages intelligere nequibant; ita qui nec quid bonum, nec quid malum nōrunt, atque in rerum cū Divinarum, tūm humanarum cognitione cæutiunt, nec sibi, nec Civitati vivunt: Non igitur aut inanes disputationes, aut Syllabarum monimenta animum hominis efformant. Sed, quantum Natura mortalis patitur, rerum notitia, quæ cū ad sui, & aliorum cognitionem, unde seipsum, aliosque regendi facultas unice derivatur, tūm ad Summi rerum Opificis Dei contemplationem veluti manuducat; Quā propterea Sapientiā, Prudentiāque, ut quemcunque, ita fortius eos, quibus nascendi sorte datum est, ut *illorum bona, malaque ad Rempublicam pertineant*, præditos esse oportere dignoscitur. Iis namque solummodo facultatibus erudiri necesse est, quibus *Ingenia ad magnæ fortunæ cultum excitantur*; nam *bodie, ut omnium rerum, sic quoque literarum intemperantiā laboramus, nec vitæ, sed Scholæ discimus*, adeoque homines sumus ignavā opera, *Philosophia sententia*, ut inquit Agellius. Hinc vox illa Marii: *Non didici literas, parum placebat eas discere, quippe quæ ad Virtutem Sapientiæ Doctōribus nihil profuerunt. At illa multo optima Reipublicæ doctrinam*: hostes ferire, præsidia agitare, nihil metuere nisi turpem famam: hyemem & æstatem iusta pati: humi requiescere: eodem tempore inopiam & laborem tolerare. Hæc atque alia faciendo *Majores no-*

*stri Rempublicam condidere; meritoque laudatur Agricola, quoniam studio scientiæ flagrantem animum coercuit, tenuitque, quod est difficillimum, ex Sapientia modum; Eaque de causa prohibebant Gothi Atalarium Regem, sicut Mater Amalassuntha cupiebat, liberaliter institui, doceri que, cum literis effœminari animum, & ad timorem traduci putarent; Quare Demades de Atheniensibus inquit, quod similes tiliarum essent, quibus exemptâ lingua nihil inesset rationis, adeoque verborum copia, quâ præstabant, cum hostibus pugnabant, non armis. Lacedæmonii verò literarum ignari res præclarissimas domi, foris que gesserunt, quas alii scriptis mandarunt; Hinc Scythæ, alii que literas omnes ac monumenta veterum penitus abolere conati sunt, imò nec historias admisere; quoniam putarunt, ab iis scribi non posse, qui sequuntur alienam fidem; multoque minus ab illis, qui rebus adfuerunt, vel præfuerunt, cum de se ipsis multa mentiantur, aut Principum metu, vel præmiis, vel odio distrahi, à vero deflectant. Quare vel inter Acroamata vasta quedam Imperia retulerunt *literarum exilium*; quoniam Subditi argutiis, subtilitatibusque inhærentes, Regimen ipsum carpere, actiones Principum ad examen vocare, & Populum quandoque commovere solent; Nam ut in Civitate plebejus Ordo numerò cæteros solet antecellere; sic in re literaria Pseudosapientium turba, quorum pars maxima ex injuria populi, atque ex clade & sanguine miserorum vivere studet, præcipue verò forenses Rabulæ, quos Juris Consultorum nomine superbire videmus, dum nil aliud agere, quam vel ipsa intrâ mœnia latrocinia defendere, atque admittere profitentur. Alii autem, qui se *literationes* putant, *umbratili studio sic ingenium occuparunt, ut supinè stulti evaserint; sedentariis enim meditationibus velut Vaterno oppressi, negotia fugiunt, negligunt publica & privata, nilque æstimant, quod non aspersum sit librario pulvere; Et cum omnia agant, ut sciant, si sciant, nihil agunt; sibi sapiunt: Sibi omnia intelligunt, docti & prudentes, sed sibi. Ità verò quod sciunt, nesciunt, Reipublica tandem**

tandem sibi quæ inutiles. Et cum auctoritatem sibi arrogent doctiorum, nihil omnino minus sunt quam docti. Quippe dum banc rem sterili contemplatione probant, illam improbant; nullam non ignorant, & ubi omnia didicerint, vel nesciunt, quod nesciunt omnes, vel sciunt, quod utilius nescirent. In virilibus exercitiis inepti, imbelles, effeminati, meticulosi, imbecilles; Nam quasi ex abditu educiantriu, conspectu hominibus velut umbræ territantur, ac in hominum turba ne homines quidem sunt, quasi eum Minerva nervos mentis incidisset.

Illa igitur Sapientia unice amplectenda, semperque colenda, quæ Animum format & fabricat, vitam disponit, actiones regit, agenda & omittenda demonstrat, sedet ad gubernaculum, & per anticipia fluctuantium dirigit cursum. Quod tamen unice assequemur, si relictis quotquot sunt Scholasticorum nugis, eorumque Philosophorum deliramentis, de quorum Grege nil infandum vel Agros somniasse, Varro affirmavit, quod non aliquis dixerit Philosophus, ineptiisque Grammaticorum; quæ ad hominem, quæ ad Naturam, quæque ad Naturæ Parentem pertinere dignoscuntur, haud ignoremus. Quare prius humanæ Naturæ limites, diversosque hominum status, quomodo scilicet se habuerint, dum solâ Naturæ lege vivere sucti erant, quæque illa æternum mansura Lex præscripserit ab initio; ab ea verò, quomodo ad Civilem Vitam; illamque, quam universas penè apud Gentes Politiam cernere licet, devenerint; quæque sint ejus species, quænam optimum tranquillumque Regimen præstantes; quæ verò sint perturbatæ, ac vitio affectæ, investigare tenemur. Secundo verò: Causas in Natura positas, earumque progressus, Mundi que totius admirabilem ordinem, magnitudinem atque concentum, figuramque perquirere, ut iis gradibus ad immortalis Dei veram contemplationem, qui postremus erit Sapientiæ terminus, quæque Summum hominis, extremumque bonum unice constituit, abducamur. Sicut enim is, qui ex alta quadam ac densa caligine primò in lucem prodit, non alibi Solis splendorem, quam in Terra potius est contemplari, sicque paulisper con-

confirmato visu, in Nubibus, Lunaque, ac tandem Solem ipsum audet contueri; Ità Dei Essentiam, summamque bonitatem prius in rebus humanis, dein ipsis in Naturæ causis, admirabilique rerum omnium ordine animadvertere; ac tandem ipsam rerum omnium Moderatoris cognitionem, quantum Natura hominum Capax esse poterit, auspicari tenemur; Licet enim finitæ mentis oculi ejus fulgore perstringantur adeò, ut omnino delitescant, atque cæcutiant, ad amorem tamen acui necesse est, cum unice humana cuncta eò debeant collimare. Nec propterea mirabimur, si tot apud Nationes diversos Religionum ritus, ac Sacrorum monstra videbimus; quoniam cum ad Summi Numinis metum, reverentiamque Natura ipsa homines duceret, è *Religione* primi Rerumpublicarum fundatores partem *Polices* effecere, eamque accommodarunt Civitatibus, adeò ut Religio esset propter illas, ut de Romanis graviter Polybius inquit lib. 6.

Quapropter eam suspicere solummodò fas erit, quæ omni Civitate prior, nec propterea uti pars Politices, à Deo ipso tradita est, adeoque vel eadem Politia pars erat Religionis, quam impletis mysteriis Deus ipse verbo, exemploque firmavit, ac propterea nedum tranquillam Rempublicam, sed hominem ipsum in hac etiam vita beatum unice reddere potis est.

Hinc ut me duntaxat aliquatenus erudirem (nec enim exigui ingenii mei vires aliud suppetere agnoscebam) placuit laborem aggredi, quò prius de naturali hominum Societate, dein verò de Civili, posteaque de universo Jure, ac tandem de vera Ecclesia sermo instituebatur; jamque ab aliquot annis inter tot externarum rerum impedimenta, quibus undique circumdatus fueram, & nunc quoque implicitum doleo, scriptionem adeò continuo prosequutus eram, ut pauca ad absolvendum, licet male congestum opus, deesse viderentur; sed proh dolor! fato quodam nupero ex Italia itinere cuncta intercідere, & nulla profuit diligentia, nullæ impensæ, nec summorum Virorum authoritas;

tas; nîl enim Ferrariæ, ubi in maximum hoc infortunium incidi, aliquid intentatum reliqui; hinc animum penè despondi, nullumque aliud solamen erat, nisi de iisdem rebus Sermones cum amicis habere sæpiùs.

Præcipuè verò frequentibus colloquiis cum Excellentissimis Comitibus Marco Adamo, & Josepho Czobor (a) mirum in modum delectabar; suspiciebamque virum cum Zelo & Fide ergà Cæsarem, præclarissimisque rebus bello & pace gestis, tum animi altitudine veram gloriam adeptum, nedum eam Reipublicæ scientiam, uti Marius ille, cujus duntaxat virtutes refert, profiteri, sed humanarum Divinarumque rerum notionem assidua optimorum Authorum lætione sibi quoque comparasse. Et vel prima juvenia filium ad Virtutis Exemplar mirè compositum, excelsum, vividumque Animum adeo Sapientiæ studio excoluisse mirabar, ut quamquam vetustissima, gloriosissimaque nobilitate præfulgeat, ipsa tamen virtute nobilior videatur, quàm Genere; hinc me vel ab initio in sui admirationem traxit; quæ fuit occasio scribendi; cum enim sæpius vel Mensæ accumbentes de Civili Disciplina, deque Romanorum Historia sermo esset, eodem tempore monendo ambo jubere visi sunt, ut ea saltem ipsa, de quibus loquebamur conscribere non displiceret. Quare Exercitationes aliquas brevissimo temporis spatio elaboratas, ut eisdem, sicut par erat, morem gererem, in lucem edere deliberavi. In his autem, facultates primùm humanæ Naturæ, errorumque ac præjudiciorum causas, & naturalem hominùm justitiam, Sapientiæque terminum, atque in hac vita veluti bonorum extremum: dein verò Civilem disciplinam universaliter quidem, brevissimèque percurrere volui, ut faciliùs ad Civitatum præcipuarum Origines, Incrementaque, nec non Conversiones agnoscendas, describendasque descenderem, utque nedum ortus,

C

pro-

(a) Comes Marcus Adamus Franciscus Czobor de Czobor Szent Mibali, Arcium, & Dominiorum Saffus, Holies, Elterbo, Szamolansii, Vifeneæ, & Jokò hereditarius Dominus, S. C. R. C. M. Intimus, & Excellsi Consilii Hungarici Consiliarius, Campi Vigiliarum Præfectus, atque in eodem Hungaria Regno Janitorum Regalium Magister, Comitatus Bodrogensis Supremus Comes, & Legionis Habsburgianæ Catastrorum Tribunalis.

progressusque, variæque illarum formæ, sed interitus causæ velut oculis subicerentur.

Ea autem est huiusce scriptionis methodus, ut in Exercitatione de Civili disciplina primò Familia, Viciniæque, deo Civitas, ac tandem ipsius Ordo, sive Respublica brevissimè explicentur; hinc ad varias ejus formas cum rectas, tum aberrantes transeo, conversionumque causas, ac singularum formarum cautiones attingo; ac tandem de Magistratibus, deque Judiciis brevi quidem excursu verba facio.

Hanc autem facultatem Regiam atque Arthitectonicam jure meritò nuncupârunt Plato & Aristoteles; quoniam nedum omnes Reipublicæ partes curat, constituit, & conservat; verum etiam cæteris facultatibus adeò necessaria videtur, ut nec percipi sinè ejus adjumento queant. Quomodo enim Theologus Hebræorum Politiam à Deo institutam, ejusque conversionem in Regnum intelliget? Aut quomodo Saulis, Davidis, aliorumque Regum actiones, ac instituta cognoscet? Nec profectò Juris-Consultus Legum universarum origines, earumque utilitates percipere, fortiusque (quod verum est Juris-Consulti munus) usquam Legislator esse poterit, nisi cognitâ Civitatum origine, earumque progressu, ac ordine ritè perspectis; ut enim Navis Gubernator ad omnem Cœli faciem & opportunitatem vela expandere, contrahere, ac invertere tenetur; ita Legislator ad Reipublicæ utilitatem, Civium ingenia, rationesque temporum, Civitatis Leges debet accommodare; Orator autem cuncta ferme adjumenea ex hac facultate mutuatur, quoniam in Magistratibus potissimum, Legationibus, belli pacisque actionibus versatur. Quis autem historiam à Politica sejunxerit? cum illa historiæ sit anima; ea namque simpliciter actiones, Politica verò earum causas persequitur. Quid cæteras percurrere necesse est, cum nulla sit facultas, cui ejus adjumento non sit opus?

Exercitationes autem de humanæ Naturæ facultatibus, deque Justitia Hominum naturali non sinè causa præmittendas du-
xi,

xi, cū ipfismet Civilis Difciplina principiis, fuo veluti fundamento ignitur. Oportebat autem facultatem illam, Civitatumque ordinem aufpicaturo, juftam rerum præconci- pere ideam, animique motus rationi fubjicere; quapropter tertiam Exercitationem de Vita beata Sapientis adnectere haud inane duxi; cumque his Exercitationibus Librum primum abfolvi. Secundum verò à Civitate Romanorum ordiri placuit, ut continenti veluti rerum ferie ejusdem facultatis præcepta exemplis illuftrarem, quorum nulla alia magis ferax; cū Con- verfiones omnes paffa fuerit; nec enim, ut cæteri, Vetuftalia, privatasque Leges, & Ritus Romanorum, ac facta perfecutus fum; fed qualem Civitati formam Romulus, cæteri que Reges dederint, quomodoque mutarit Tarquinius ille Superbus; caufas item Conversionum, veramque fub initiis Reipublicæ formam; ejus- que tandem interitum, donec Auguftus Cæfar rerum potitus fuerit, explicare conatus fum; atque ab ipfo demum Cæfare, cujus potiffimam Status rationem attingo, ut Tiberii quoque ad Auguftulum ufque *Auguftorum* feriem percurro; in cæteris autem Civitatibus eundem fermè ordinem, brevius quidem, cū nec tot conversiones, ingentesque motus paffæ fuerint, fervare volui; Divinam verò Hebræorum Rempublicam majori curâ, ftudioque defcribere par erat. Atque licet Carolus Sigo- nius, compluresque alii abfolutas etiam Reipublicæ Tractationes elaborarint; haud tamen inanem omnino laborem fufcepiffe con- fido; cū illi nec per temporum feriem Politicæ mutationes, nec ordinem ipfum adeò accuratè expofuiffe videantur; in quibus propterea perpetuò fedulòque verfari in animum induxi.

Cætera verò, quæ ad hiftoriæ Leges, rectumque ufum pertinebant, Libro tertio tractantur, & vel prima ejusdem Li- bri Exercitatio rerum ordinem, methodumque, quam fervare placuit, palam facit.



INDEX.

LIBER PRIMUS.

De Natura Hominis, deque Civili Societate.

EXERCITATIO PRIMA.
De facultatibus humanæ Naturæ.
EXERCITATIO SECUNDA.
De Justitia hominum Naturali.

EXERCITATIO TERTIA.
De Vita beata Sapientis.
EXERCITATIO QUARTA.
De Civili Disciplina.

LIBER SECUNDUS.

De Ortu & progressu præcipuarum aliquot Europæ Civitatum.

EXERCITATIO PRIMA.
De Civitate Romanorum.
Exercitationes, quæ secundo Volumine continentur.

EXERCITATIO SECUNDA.
De Civitate Lacedæmonum, & Atheniensium.

EXERCITATIO TERTIA.
De Civitate Venetorum.
EXERCITATIO QUARTA.
De Hebræorum Civitate.
EXERCITATIO QUINTA.
De præcipuis Europæ, quæ nunc florent, Civitatibus.

LIBER TERTIUS.

De vero Historiarum Usu.

EXERCITATIO PRIMA.
De præcipuo Historicorum fine.
EXERCITATIO SECUNDA.
De recta Historiarum methodo.
EXERCITATIO TERTIA.
De ratione Temporum.
EXERCITATIO QUARTA.
De Populorum moribus & Ingeniis.
EXERCITATIO QUINTA.

De Quatuor Monarchiis.
EXERCITATIO SEXTA.
De Historia Legum.
EXERCITATIO SEPTIMA.
De Historia Naturali.
EXERCITATIO OCTAVA.
De Historia Sacra.
Conclusio Operis.

INDEX CAPITUM.

Quæ Libri I. Exercitationibus continentur.

EXERCITATIONIS PRIMÆ

Caput I. De duplici hominis Natura. Pag. 3.	II. De iusta rerum Univerſarum
II. De Lumine naturali. ibidem.	Idea. ibid.
III. De rerum omnium formis. 4.	III. De Conſtantia Sapientis. 28.
IV. De Angelis, & Anima Rationali. 5.	IV. De Sapientis Actione. 29.

EXERCITATIONIS QUARTÆ

V. De Intellectu & Voluntate. ib.	Caput I. De primo Civitatis Ortu. Pag. 31.
VI. De principio aſſequendæ Veritatis. 6.	II. De neceſſitate Ordinis in ipſa Civitate. 34.
VII. De Cauſis Errorum ac præjudiciorum. 8.	III. De Variis Ordinibus Civitatis. 38.
VIII. De bonorum Extremo. 9.	IV. De Summa Potestate. 38.
IX. De Stoicorum Doctrina. ibid.	V. De Dominatione Unius. 42.
X. De aliis Errorum ac præjudiciorum cauſis. 10.	VI. De Regali Monarchia. 43.

EXERCITATIONIS SECUNDÆ

Caput I. De quorundam Philoſophorum Placitis, quoad juſticiam hominum naturalem. Pag. 12.	VII. De Tyrannide. 45.
II. De natura hominum Sociati. 14.	VIII. De Ariſtoſratia. 47.
III. De norma rerum humanarum. 18.	IX. De Democratia. 49.
IV. De ratione Hominis. 19.	X. De Converſione Ordinis in Civitate. 52.
V. De Hobelii Erroribus. 20.	XI. De Cautionibus ſingularum formarum Civitatis. 58.
VI. De Spinoſæ Impietate. 24.	XII. De Legum Origine. 66.

EXERCITATIONIS TERTIÆ

Caput I. De ultimo fine hominis. Pag. 25.	XIII. De Magiſtratribus. 67.
	XIV. De Fœderibus. 69.
	XV. De Ordinibus Civium. 73.
	XVI. De Collegiis. 74.
	XVII. De Cenſoribus. 77.

Exercitationis Primæ Libri Secundi Capita.

Caput I. De Urbis Romæ Initiiis. 83.	IX. De raptu Sabinarum. ibid.
II. De prima Civitatis forma. 85.	X. De fœdere cum Sabinis. ibid.
III. De Officio Regis, Senatus, & Populi. 86.	XI. De Cœde Tatii Regis. 94.
IV. De Sacerdotibus à Romulo inſtitutis. 87.	XII. De Romuli obitu. 95.
V. De Aſylo. 88.	XIII. De Interregno. ibid.
VI. De Nuptiarum ritu. ibid.	XIV. De Numæ Pompilii Electione. 96.
VII. De mixta Civitatis forma. 89.	XV. De Numæ Religione. 97.
VIII. De Inſignuorum, ac ſervorum Officiis. 93.	XVI. De Religione Romanorum Univerſa. 98.
	XVII.

Caput XVII. De Diis Romanorum.	ibid.
XVIII. De Peregrinis Diis.	110.
XIX. De Sacerdotibus Romano-	rum.
	111.
XX. De Sacrificiis Suæve Taurili-	bus.
	113.
XXI. De Paganalibus.	ibid.
XXII. De Tulli Hostilii Electione.	
	114.
XXIII. De bello Albanorum.	ibid.
XXIV. De Bello Fidenatium, Vejen-	tiumque, ac Mettii Fuffetii
	supplicio.
	115.
XXV. De artibus Romanorum ad	augendam Civitatem.
	ibid.
XXVI. De Anco Martio Rege.	116.
XXVII. De Bello Latinorum.	117.
XXVIII. De Tarquinio Prisco Re-	ge.
	118.
XXIX. De Nævio Aſcio Augure.	119.
XXX. De Tarquinii Regis cæde.	ib.
XXXI. De Servio Tullio.	120.
XXXII. De Comitibus Romanorum.	
	ibid.
XXXIII. De Comitibus Curiatis.	ibid.
XXXIV. De Comitibus centuriatis.	123.
XXXV. De Censu.	ibid.
XXXVI. De Tributis Comitibus.	128.
XXXVII. De cæteris Servii Tullii	Inſtitutis.
	131.
XXVIII. De cæde Servii Tullii.	132.
XXXIX. De Tarquinii Superbi Ty-	rannide.
	133.
XL. De Lucio Junio Bruto.	136.
XLI. De uxorio Regiorum Juvenum	certamine.
	137.
XLII. De Sexti Tarquinii scelere, &	Lucretiæ obitu.
	ibid.
XLIII. De Lucii Junii Bruti Jura-	mento.
	ibid.
XLIV. De Conversione Civitatis.	138.
XLV. De nova forma Civitatis.	139.
XLVI. De Exilio Collatini.	140.
XLVII. De nobilium Adoleſcentium	Conjuratone, eorumque ſup-
	plicio.
	141.

Caput XLVIII. De bello Vejentium, ac Tar-	quinienſium.
	ibid.
XLIX. De Lucio Valerio Conſule.	142.
L. De Marco Horatio Pulvillo.	ibid.
LI. De Bello Hetrufco.	ibid.
LII. De Fœdere cum Porſenna Re-	ge iſto.
	143.
LIII. De Dictatoria Potestate.	ibid.
LIV. De prima ſecefſione Plebis in	Montem ſacrum.
	145.
LV. De Concordia Patrum, & Plebis,	deque Tribunis ejusdem.
	150.
LVI. De Ædilibus.	154.
LVII. De Quæſtoribus.	155.
LVIII. De Prætoribus Urbano, & Pere-	grino.
	157.
LIX. De Præfecto Urbi.	158.
LX. De Judiciis Romanorum.	159.
LXI. De Judiciis Coriolani.	161.
LXII. De Spurio Caſſio Viſcellino.	
	162.
LXIII. De Lege Agraria.	ibid.
LXIV. De modo deducendæ Colo-	niæ.
	163.
LXV. De Limitibus.	ibid.
LXVI. De Terminis.	ibid.
LXVII. De Legibus Limitaneis.	164.
LXVIII. De prima Romani Agri di-	viſione.
	165.
LXIX. De Senatû Conſulto Agri	dividundi.
	166.
LXX. De rerum Urbanarum Statu.	
	167.
LXXI. De Bello Hetrufco, & cum	Vejentibus.
	168.
LXXII. De Cæſonis Fabii Virtute.	
	ibid.
LXXIII. De Diſcordia Patrum &	Plebis.
	ibid.
LXXIV. De Voleronis Audacia.	169.
LXXV. De Creatione Tribunorum	Tributis Comitibus.
	170.
LXXVI. De Colonia Antium dedu-	cta.
	171.

<u>Caput LXXVII. De Cajo Terentillo Arsa,</u>	
<u>deque Legibus Imperio Con-</u>	
<u>sulari scribendis.</u>	172.
<u>LXXVIII. De Cæsone Quintio,</u>	ibid.
<u>LXXIX. De Tribunorum plebis ca-</u>	
<u>lumnia.</u>	173.
<u>LXXX. De occupato, recuperato-</u>	
<u>que ab hostibus Capitolio. ib.</u>	
<u>LXXXI. De Consulatu Lucii Quintii</u>	
<u>Cincinati.</u>	174.
<u>LXXXII. De Volscorum, & Æquo-</u>	
<u>rum bello.</u>	175.
<u>LXXXIII. De Decemviris.</u>	176.
<u>LXXXIV. De Appio Claudio.</u>	177.
<u>LXXXV. De Contentionibus De-</u>	
<u>cemvirorum in senatu.</u>	178.
<u>LXXXVI. De Appii Claudii scelere.</u>	179.
<u>LXXXVIII. De Secessione Exercitus,</u>	
<u>ac Plebis à Decemviris.</u>	180.
<u>LXXXIX. De nimia Plebis Potesta-</u>	
<u>te.</u>	183.
<u>XC. De die Decemviris dicta.</u>	ibid.
<u>XCI. De Amnestia.</u>	184.
<u>XCII. De fœdo Populi Romani ju-</u>	
<u>dicio, Scæptio Authore.</u>	185.
<u>XCIII. De Canuleji Tribuni & Col-</u>	
<u>legarum rogationibus.</u>	ibid.
<u>XCIV. De Tribunis militum Con-</u>	
<u>sulari Potestate.</u>	186.
<u>XCV. De Consulatus Magistratu ple-</u>	
<u>beis etiam promiscuo.</u>	187.
<u>XCVI. De præcipuis Romanorum</u>	
<u>bellis.</u>	188.
<u>XCVII. De Gracchanis seditioni-</u>	
<u>bis.</u>	ibid.
<u>XCVIII. De Cajo Mario Consule</u>	189.
<u>XCIX. De Agrariis, & Frumenta-</u>	
<u>riis Legibus.</u>	190.
<u>C. De Belli Civilis origine.</u>	ibid.
<u>CI. De Bello Civili Syllanarum, &</u>	
<u>Marianarum partium.</u>	191.
<u>CII. De Lucii Syllæ Dictatoris In-</u>	
<u>stitutis.</u>	193.
<u>CIII. De Sertoriano bello.</u>	194.

<u>Ceput CIV. De bello Servili.</u>	ibid.
<u>CV. De bello Myrthratico.</u>	ibid.
<u>CVI. De Pompeji Virtute.</u>	195.
<u>CVII. De Conjuratone Catilinæ.</u>	ib.
<u>CVIII. De Triumviratu Marci Cra-</u>	
<u>si Cæsaris, & Pompeji.</u>	ibid.
<u>CIX. De bello Cæsaris, & Pompeji.</u>	197.
<u>CX. De Victoria Cæsaris atque Tri-</u>	
<u>umpho.</u>	198.
<u>CXI. De Cæsaris Dictatura perpetua.</u>	ibid.
<u>CXII. De Cæsaris nece.</u>	199.
<u>CXIII. De Marco Antonio & Octa-</u>	
<u>viano.</u>	ibid.
<u>CXIV. De Octaviani Artibus.</u>	200.
<u>CXV. De Triumviratu Lepidi, Octa-</u>	
<u>viani Cæsaris, & Antonii.</u>	201.
<u>CXVI. De bello adversus Brutum</u>	
<u>& Cassium.</u>	ibid.
<u>CXVII. De bello Octaviani Cæsaris,</u>	
<u>& Antonii.</u>	ibid.
<u>CXVIII. De Octaviani Cæsaris Prin-</u>	
<u>cipatu.</u>	202.
<u>CXIX. De Tiberio Cæsare.</u>	206.
<u>CXX. De Caji Caligulæ Domina-</u>	
<u>tione.</u>	208.
<u>CXXI. De Nerone.</u>	ibid.
<u>CXXII. De Galba Othone ac Vitel-</u>	
<u>lio.</u>	210.
<u>CXXIII. De Vespasiano, Tito, &</u>	
<u>Domitiano.</u>	ibid.
<u>CXXIV. De Nerva Trajano.</u>	ibid.
<u>CXXV. De Ulpio Trajano.</u>	ibid.
<u>CXXVI. De Hadriano, Antonino &</u>	
<u>Marco Aurclio.</u>	ibid.
<u>CXXVII. De Commodò, Pertinace,</u>	
<u>ac Didio Juliano.</u>	ibid.
<u>CXXVIII. De Septimio Severo.</u>	211.
<u>CXXIX. De Antonino Caracalla. ib.</u>	
<u>CXXX. De Macrino, ac Diadume-</u>	
<u>no.</u>	ibid.
<u>CXXXI. De Vario Avito Elagaba-</u>	
<u>lo.</u>	ibid.
<u>CXXXII. De Alexandro Severo.</u>	212.
<u>CXXXIII.</u>	

Caput CXXXIII. De Maximino Thrace. ib.	bus Valerio Maximino, & Constantio Chloro. ibid.
CXXXIV. De Gordiano & Filio. ib.	Caput CLIV. De Constantino. ibid.
CXXXV. De Maximo Pupieno, Cælio Balbino, & Gordiano junior. 213.	CLV. De Severo, & Galerio Maximo Cæsaribus. 219.
CXXXVI. De Philippo Arabe. ibid.	CLVI. De Constantino. ibid.
CXXXVII. De Martio. ibid.	CLVII. De Maxentio Herculei filio. ibid.
CXXXVIII. De Severo Hostiliano Gallo, atque Hostiliano Perperna. ibid.	CLVIII. De Licinio Cæfare. ibid.
CXXXIX. De Decio Patre, ac Filio. 214.	CLIX. De Maximiano Herculeo. ib.
CXL. De Jotapiano, Lucio Prisco, ac Julio Valente Imperii Invasoribus. ibid.	CLX. De Constantino Augusto. ibid.
CXLI. De Treboniani Galli dolo, & Imperii Invasione. ibid.	CLXI. De Constantino, Constantio atque Constante. 222.
CXLII. De Æmiliano. ibid.	CLXII. De Juliano. 223.
CXLIII. De Licinio, Valeriano, & Gallieno. ibid.	CLXIII. De Joviano. ibid.
CXLIV. De triginta Tyrannis. 215.	CLXIV. De Valentiniano. ibid.
CXLV. De Flavio Claudio Augusto. 216.	CLXV. De Valente. 224.
CXLVI. De Quintillo Fratre. 217.	CLXVI. De Gratiano, & Valentiniano Fratre. ibid.
CXLVII. De Aureliano. ibid.	CLXVII. De Maximo, & Theodosio. ibid.
CXLVIII. De Tacito. ibid.	CLXVIII. De Arcadio, & Honorio. 225.
CXLIX. De Florianio. ibid.	CLXIX. De Valentiniano. 226.
CL. De Probo. ibid.	CLXX. De Avito Averno. 227.
CLI. De Bonoso, & Proculo Anticæsaribus. ibid.	CLXXI. De Majoriano. 228.
CLII. De Aurelio Charo, Numeriano, & Charino. 218.	CLXXII. De Severo. ibid.
CLIII. De Diocletiano, & Maximiano Herculeo Augustis, Cæsari.	CLXXIII. De Antemio. ibid.
	CLXXIV. De Olybrio. ibid.
	CLXXV. De Glycerio. ibid.
	CLXXVI. De Julio Nepote. ibid.
	CLXXVII. De Romulo Momylo Augustulo. ibid.
	CLXXVIII. Conclusio. 229.





EXERCITATIO I.

DE FACULTATIBUS HUMANÆ NATURÆ.

DE homine loquimur, non quatenus corpus, seu materia quædam ex fibris, atque musculis materialibus, peneque innumerabilibus fabricata, suis ubique turgescens humoribus, quorum virtute in arteriis, venis, nervis, lymphaticis vasculis, aliisque receptaculis exerta vivit, variâque ratione se movet, quod Physicæ Doctoribus permittimus; sed quatenus est mente præditus, immortalique spiritu donatus; in quo propterea præcipue intelligendi atque volendi potentie elucescunt. Mens autem ipsa sua in materia veluti sepulta cum corpore in lucem prodit, nec propterea præter externarum rerum imagines aliud primo sibi offerri potest, ad quas quia nondum ad ratiocinandum apta, corporis scilicet infirmitate, ac imbecillitate impedita, totâ voluntate terri necesse est. Primas igitur functiones in externis ipsis solummodo rebus, quæ mentem excitare, ac percellere aptæ sunt, voluntate tantum, atque imaginatione perficit, donec adulto jam homine reflectendi vim, ratiocinandique facultatem, quâ verum agnoscit, veluti producit in aciem; paulatimque à rerum externarum imaginibus abstrahendo, velum illud ignorantie scindit, ac veritatem assequi potis est; quod tamen haud sine labore, atque

que animæ defatigatione succedit; conjunctio namque corporis satis est impedimento, quin mens ipsa à rebus externis, quæ illam percellere ac excitare aptæ sunt, omninò abstrahere se queat; cum igitur ipsamet rerum externarum imagines, perturbationes, cupiditatesque oriri faciant; efficax requiritur mentis motus, nè illis, ut sæpissimè accidit, trahatur; qui licèt primò cædium, laboremque oriri faciat, si tamen in contemplatione, reflexioneque persistat, jam affectiones ipsas, quin verum agnosceret, impedimento sibi fuisse percipiet; unde illas averfatur, ac fugit; cumque alio excitari motu, adversaque incipiat affectione percelli, ac ipsam veritatem velut à longè salutare, suavi quâdam solidaque oblectatione afficitur; quare ad ipsum assequendum verum magis magisque ut bonum impellitur; partim igitur pravis affectibus, ut navis medio in mari perculsa ventis in scopulos incidit vitiorum; partim lumine rationis illucescente, coërcitaque ventorum, vitiorum scilicet perturbationum vi, portum respicit veritatis; aliisque veluti propitio Zephyro ipsa mentis navicula ducta motibus, illum appellere satagit. Nunquam propterea sinè hisce animi motibus hominem invenies, cum sint ei, ut in actione versetur, ab ipsa natura inditi; unde in homine ipso quandam Relpublicæ imaginem videre videor: Princeps enim mens ipsa, animi motus sunt Cives, qui mentem excitant, atque adjuvant; Civitas verò animus, quem regere oportet, atque ut Civitatis finis felicitas est populorum, ita ipsius animi alter esse nequit, nisi tranquillitatis assecutio, quæ tunc habetur, dum cupiditates ipsæ, perturbationesque obediunt; mens verò imperat, nulloque proinde, ut ita loquar, hominis Respublica vitio affecta est. Menti ergo in perturbationes Civilis, ac Regia Dominatio fuit quidem ab ipsa natura instituta; nedum quia præstantiora secundum naturam dominari oportet, sed quia corpus ipsum ab anima vitam ducit, ac sustinetur. Mens verò, seu facultas ipsa cogitandi, quæ ab anima unicè veluti è suo fonte promanat (nec enim notione corporis aliud præter extensionem, soliditatem ac figuram intelligimus) rebus omnibus ab ipsa viventis corporis facultate pendentibus imperare debuit, ut cum potiore sui natura convenientes ederet actiones; aliter enim semper duceretur natura corporis, adeoque affectionibus continuò circumvolvi, ac undique jactari deberet; licèt enim corpus sinè jussu animi nunquam agat; quia tamen ipsimet illi inhæret corpori, cujus

cujus ipse, quatenus est cum eo conjunctus, particeps redditur; vi etiam ipsius corporeæ naturæ sæpissimè trahitur.

Duplicem propterea facultatem in homine considerare debemus, nè sibi ipse ipsi natura repugnare videatur, suisque damnetur legibus, si ratio, perturbationesque, virtus, & vitium ab eadem natura procederent; unumque alteri adversare ur, illudque damnetur: ea scilicet, quæ ipsius corporis propria animum quoque secum trahit, ab ea proveniens lege naturæ universa, quæ omnia etiam circumaguntur, quæque cuncta in orbe gigni, & interire videmus, quæque Deum ipsum Authorem refert; sua enim Omnipotentia motionem illam omnia permeantem certis legibus ordinavit, quibus rerum ipsarum universitas fieret: inque singulas species distribueretur, quibusque ita res creatæ reguntur, ut semper idem ordo servetur, nihilque præter eum intereat, aut producat, quique, ut est in rerum universitatem explicatus, nulum unquam vitium contrahere potis est, licet res singulæ vitiuntur; semper enim in integritatem cedit univerforum, cum è dissolutis rebus singulis alias regenerari videamus, ipsaque proinde communis natura semper reparatur.

Alia verò in homine facultas ab ipsa mente promanat, quam solus accepit; ei enim peculiariter, seorsumque à cæteris animalibus, rebusque corporeis indita, legem rationis constituit; quæ propterea tanquam præcipuâ, ac præstantiori duci debet; tantumque ab ea cum rebus aliis in orbe existentibus communi lege ad se derivare, quantum cum potiori illa rationis, quæ à cogitandi, ac reflectendi potentia ducit originem, concordare queat, ut inferius disseremus.

Ex qua porro illud, ut vocant, naturæ lumen unice fuit ad ratiocinandum, ac reflectendum, assequendamque veritatem aptissimum; quod cum ipso naturæ impetu repugnat, licet cum eo quam plurimi confudissent; unde amplissima errorum seges, totque Authorum distinctæ, pugnantisque Sententiæ provenire; impetus namque ab ea corporis lege, quam diximus, desumit originem, qui propterea lumen illud obnubilare solet, eumque homo sequens, à sua præstantiori natura, cui parere tenetur, rebellis efficitur; rationemque relinquens, in perturbationum incidit motus, qui veritatem assequi haud sinunt; imò extenuatis mentis viribus, corporis inde jam trahitur sensibus, qui hauriendo etiam è vitiis,

in quæ statim homo dilabitur, falsam voluptatem; mentem ipsam in oblivionem præstantioris boni violentiâ quâdam adducunt.

De
rerum
omnium
formis.

Ut autem naturales hominum facultates penitiùs cognosci, ac veluti ob oculos poni queant, suo illas à principio tanquam à fonte haurire necesse est; licet autem nullibi major sit difficultas, quàm in ipsis veritatem assequendi originibus, quas profundâ quadam caligine, quasi de industria natura circumtexit, non aded tamen in homine vis intelligendi hebes, ut meditatione, aut reflexione, lumine rationis prælucente, ipsasque tenebras dissipantē, mentis oculi causas ipsas, atque rectē cogitandi initia intueri nequeant. Formas rerum omnes juxta Philosophorum Doctrinam correspondens, ac proportionata sequitur inclinatio; quò igitur sunt perfectiores, ac è materia emergentes, eò sublimior inclinatio ipsas comitatur; aliæ autem aded in materia ipsa immerguntur, ut omni ex se ipsis ordinatione carentes, quadam veluti necessitate, ipsius naturalis dispositionis vi ad unum alligatæ, atque ordinatæ videntur; quare à natura indita proprietas ipsas aded consequitur, ut nullius prorsus præter naturæ Authorem arbitrio subjacere queant. Hinc cæco veluti pondere ad finem admodum limitatum determinantur, ut ad centrum, circumferentiam, &c. hujus autem generis sunt res omnes inanimæ, atque insensibiles, veluti mineralia, plantæ, lapides, cæteraque hujuscemodi.

Aliæ autem aliquantulum è materiæ fecibus defecatæ, veluti media se habere videntur inter illas, quæ omnem penitùs excludunt à materia dependentiam, & eas, quæ nullatenus ab ipsa materia emergere dictum est. Cùm enim mundus ipse ex partibus mirabili Dei artificio, ac sapientiâ unitis, ac ritè compaginatæ coaluisset, ipsas decuit ad extremorum unionem veluti media excogitari; quæ propterea non ad unum cæco impetu rapiuntur, sed varios actus, motusque proferre aptæ sunt, atque externis rerum objectis aded percelli, ut ad eorum variationem motus ipsos etiam edere diversos videantur: sic videmus canem ad blanditias, minasque nunc gessientem, nunc timbre veluti perculsum, fugam repente capeßere, nunc extero viso furoris signa dare, ac propterea lapides, non jacentem, sæpissimè mordere; hæ autem sive sint sensitivæ substantiæ, sive à Deo ita dispositæ, ut licet automata esse dicantur, ab ipso tamen Authore naturæ aded quodam instinctu naturaliter indito regi videmus, ut tot pro tuitione, ac conserva-
tione

tione sui valeant ciere motus, & omnia, quæ naturaliter exigunt, sibi parare queant; ad quod unice ab ipsa natura determinantur; instinctum tamen ipsum intrâ limites nimis arctos coercitum sortitæ, ab eadem materia tanquam ab organo, & subiecto dependent, ac propterea suæ tantum naturæ consulere aptæ sunt, cætera nescientes; unde quid ipsis expediat, quidve noceat, non iudicant, nec discernunt, aut res invicem conferre valent, quod rationis est proprium munus.

At in eminentiori ordine illas porro esse patet, quæ actui puro, Deo nempe, viciniore, adeo à materia ipsa recessere, ut à *Angelis*, Deo nulla materiæ mixtione creatæ, nullam etiam ab ea dependentiam agnoscant; nec propterea ipsius adjumento in subsistentia *& anima rationali.* do exigant; hæc autem sunt Angeli, & anima rationalis, de qua oportet aliquid proferre; ea namque licet quatenus ens creatum ad certum genus determinetur, soli enim Deo competit entitas infinita, in eo tamen ordine, quem intelligendi nuncupamus, amplitudinem habet penè infinitam; quare suam sequitur naturam proportionata inclinatio, quâ fertur ad summum bonum tanquam unice causam sui, ad quod propterea ex suæmet proprietate naturæ, quam pro affectuum, ac motuum suorum omnium principio inditam habuit, ab initio unice fertur. Quoniam autem summum bonum est solus Deus, illud quidem habitu semper diligit, actu verò, dum ad vim, proprietatemque exercendam naturæ suæ, nec externa, nec lex ipsa corporis naturæ promiscua, quatenus cum eo conjuncta extat, impediunt. Ex quo in nullo particulari bono quiescit; cum enim totâ illud careat plenitudine bonitatis, licet quodammodo ad idem se determinare, cumque eligere videatur, vi tamen inductâ sensuum, ac penè arreptâ, motu illo ab eis excitato deservescente, statim suâ capacitate minora videt, atque ad ea nunquam alligatur, quia non ex instinctu à natura sibi determinato fertur, sed electione suâ, atque arbitrio falsæ bonitatis, aut utilitatis imaginariæ specie deceptæ.

Quam porro animæ inclinationem in bonum, quò magis, quam voluntatis ipsius nomine nuncupabimus? hæc autem in tam *De intellectu, & voluntate.* magna vastaque appetendi capacitate non aliquo particulari iudicio, instinctuque moveri, sed ratione sese dirigere, ac ad melius visum determinari debuit: quæ quidem ratio ipsemet est intellectus, omni iudicio instinctuque naturæ major, atque universalior,

lior, cujus auxilio deliberat, discutiitque quid amplecti, quid verò fugere debeat; adeoque nè dum lumine ac directione procedit, sed à naturali necessitate ad unum determinante prorsus immans, ut propterea ex propria electione, quia scilicet vult, non ex naturæ necessitate, nempe quia est, actus inde omnes elicit sequantur, in quo arbitrii nostri libertatis essentia consistit. Quare voluntatis & intellectus mutuam dependentiam, processumque ac ordinem ipsimet animi motus ab homine non perturbatione ac præcipiti festinatione abrepto propter externarum rerum imagines, sed consilio ac ratione sese regente, si eos ritè perpendere velit, agnoscuntur; dum enim de re aliqua deliberare aggreditur, primò quidem perceptionem ipsius rei tanquam aliquod bonum agnoscit, adeoque ipsius intellectus actum proponentem, ac dirigentem statim sequitur applicatio voluntatis, complacentiam quandam propter propositum bonum oriri faciens, quæ ubi fortiter ipsam percellere potis est, magis intellectum excitat ad deliberandum, an debeat illud amplecti: in qua maximè judicandi facultate vim consistere intellectivam nemo non videt, ejus enim vi ex principiis primò naturaliter evidentibus ratione ac judicio conclusiones postea ad veritatem assequendam ritè deducuntur; quare eam consequitur voluntatis approbatio, sive consensus, cujus virtute denuò intellectus investigare media incipit ad assequendum finem necessaria, ex quibus eadem judicandi facultate aptiora proponit, quæ tandem voluntas ipsa eligit; unde demum opus ipsum homo aggreditur, propositoque fine assecuto, jucunditate quâdam, lætitiâque afficitur.

*De
principio
assequen-
da veri-
tatis.*

Igitur eadem judicandi facultate adeò mirabili quodam ordine homo ipse progreditur, ut acquisitas rerum perceptiones nedum simul connectat, sed opportunè dividat, superque illis naturalem veluti adhibendo Geometriam aptè ratiocinetur; sicuti namque in artificialibus quantitatem continuam abstractè considerando, tot Problemata, ac Theoremata efformat, ipsorumque veritatem licet rerum compositione involutam, dummodo dividat ordinatè, demonstrare potis est; ita etiam in ipso naturali rerum ordine si conjuncta cum nominibus, quæ rebus ipsis imponere placuit, clara, distinctaque significatarum rerum, earumque proprietatum, sive attributorum idea, illam examini subiciat, cumque bonitate ac malitia, utilitate ac damno convenientiam animadvertat,

gra-

gradatim veritatem ipsam elicere poterit ; quare singulorum terminorum cognitione , veraque rei , quæ per illam indigitatur , idea probè imbutum esse oportebit , ut præjudicia , erroresque vitari queant , unde rectè Lochius (a) „ Homines , inquit , „ quibus ab ineunte ætate usuvenit voces , quæ memoriæ „ traduntur , & nullo negotio retinentur , priùs discere , quàm „ ideas complexas , quibus annexæ erant , animo comprehendissent , pristinum istum morem per vitæ totius curriculum plerumque retinent , & quidem claras , distinctasque „ ideas in mentibus suis formare haud satis elaborantes , verba „ adhibent ad eas , quas habent incertas , & confusas notiones „ signandas , & quidem satis habent iisdem cum aliis vocibus uti , „ perinde quasi sono ipsarum idem semper sensus necessario subesset , etiam si hoc satis est ad vitæ communis usus , ubi rationibus hominum conducit ab aliis intelligi , & proinde ad illud „ signorum adjumento utuntur : tamen cum voces , quas proferunt , „ hoc modo significationis planè sunt expertes , necesse est , ut „ quoties de opinionibus , quas amplexantur , aut rebus , quæ ad „ commoda sua attinent , controversia oritur , institutus sermo „ multi strepitûs inanis , & loquacitatis sine sensu refertissimus sit , „ præsertim in rebus mores spectantibus ; hic etenim cum voces „ plerumque idearum multitudinem denotant ad hominum arbitrium congestarum non in natura sibi invicem constanter coherentium , seu illarum inanes tantùm cogitatione sæpè comprehenduntur , saltèm obscuræ valde , incertæque notiones ad eas attextuntur . Homines voces approbant , quæ apud vicinos communi sunt in usu ; atque nè forte , quæ iis sententia subjecta sit , ignorare videantur , fidenter eas usurpant , certæ significationis earum prorsùs securi ; quo pacto præter operæ compendium illud etiam lucri faciunt , quod sicut in ejusmodi sermonibus verè rarissimè loquuntur , ità se in errore versari haud facile convincantur ; & quidem si quis eos erroribus expellere conaretur , quorum errores , & vaga sententia est , illi similiter faceret , qui erronem , qui sedem stabilem , & domicilium certum non habet , domo exturbatum iret , &c.

Posteaque (b) subjicit : „ Hinc est , quod probabile mihi videtur , res in morali Philosophia æquè ac Mathesi demon-

„ stræ

(a) De intellectu hum. lib. 3. cap. 10. §. 4. (b) cap. 11. §. 16.

strari posse : rerum etenim , quæ vocibus moralibus designantur , determinata est essentia ; atque ita rerum ipsa convenientia , aut repugnantia sciri certissimè potest ; in hoc verò perfecta cognitio posita est.

„ Et infra: (c) Hæc verò hic obiter ut ostenderem , quàm maximi momenti illud instar obtinet , ut homines in omni disquisitione , in iis præsertim , quæ circa mores versantur , propriam vocis uniuscujusque vim definitione declarent : cùm scientiæ morali hoc lucis tantum allatum sit. Hoc si quis aspernabitur , is parum ingenuus saltèm dicendus est : definitio enim unica est ratio , per quam verborum moralium propria significatio notescit ; hoc tamen modo sensus illorum certè aded sciri potest , ut nullus controversiæ locus sit relictus. Quare generis humani ignavia , & pertinacia excusationem non habet , si quæ in morali non iis magis sint luculenta , & perspicua , quæ in naturali Philosophia traduntur , &c. Hæc ille.

De
causis et
totum , ac
præjudi-
cium.

Sed ultra istam errorum , præjudiciorumque causam , ignorantio scilicet rerum essentia per voces significatarum , altera , & quidem præcipua oritur ex ipsis rerum sensibilibus imaginibus , quæ mentem aded percellunt , atque assiduo penè motu afficiunt , ut inter ipsum , quem sensuum objecta motum excitant , atque ratiocinandi , verasque ideas efformandi facultatem quidam veluti conflictus intercedat , unde ab ipsis externis rebus abstrahendi difficultatem , ac naturalem quandam repugnantiam experimur. Id autem unice ab illis duabus corporis , mentisque naturis , quæ in unum hominem confluxere , procedit ; ex ipsa enim animi , corporisque conjunctione illæ causantur affectiones , quæ unicum veluti commune bonum , voluptatem nempe appetunt , molestiamque averfantur , ac fugiunt ; quare jucundum illud , quæ ipsæ sensuum excitant functiones animum etiam pervadendo perreptat ; unde mens ipsa sensuum vi aded premitur , ut sæpissimè superari , ac jam dictæ ipsius corporis propriæ facultati parere videatur , quam inter & peculiarem naturæ mentis congruentem , Rationis nempe , assiduum ipsum certamen , ac veluti pugna exoritur , ut propterea solus homo duabus naturis inter se discrepantibus secum ipse dimicare cogatur ; nec tamen culpâ careat , si lex ipsa corporis victoriam obtinendo , eum abducatur à lege mentis , quæ utpote præstantior ei semper dominari , ac imperare tenetur , sicuti

cunctæ rerum universitati lex ipsa corporis dominatur; ei namque subicere bonum omne ex corporis, animique conjunctione promanans, ac ex utroque participans, quod voluptatem nuncupamus, imò ut illi omnino deserviat, eamque mixtione ipsâ adjuvet, totis viribus efficere debet; incorruptum enim purumque veluti bonorum extremum, quo appetitiones, cupiditatesque omnes debent hominum collimare ac ferri, sola ratio ut à corpore secreta præbere potis est; ad quod assequendum, quæ ab ipsa rationis lege sunt ortæ virtutes dirigere, omnesque proinde sensuum functiones, atque animi affectiones, quæ vitia ducimus, & nuncupamus, quæque ab eo distinent hominem, atque avertunt, perniciosissimos veluti hostes reputare tenemur.

At quodnam inquit bonum ratio ipsa in hac vita producere potis est? illud quidem, cujus affecutione mens ipsa ægritudine omni, curarumque molestia immunis conquiescit; animi nempe tranquillitas, ad quam assequendam sola ratio virtutum ipsarum exercitio, quæ toti homini conveniunt, utpote præstantiori ejus Naturæ cognata, debet Cupiditatibus imperare.

De
Bonorum
extremo.

Licet autem, nè Stoicorum doctrinam objicias, eas veluti è medio tollere, omnemque protinus imperturbabilitatem adipisci, sicut ipsi affirmare volebant, sit impossibile, rectum tamen ipsarum usum potest homo assequi; quanquam & hoc difficillimum; si enim sensibilibus rerum imagines ejiciat, ab eisque quantum sufficit mens ipsa se abstrahat, ideasque rerum ratiocinio, ac reflexione præeunte rectè concipiat, nè dum sensus ipsi ei non erunt impedimento; sed quousque inhæret corpori, mentem ipsam suis moribus adjuvabunt, iis namque utetur ad rectè agendum; unde illud: *Virtuti immitte furorem.* Opus autem erit, non particularia aliqua rectè nôsse, sed universalium scientiam habere, ut eâ mediante ad particularia ipsa descendendo, eorumque naturâ probè perspectâ, mens ipsa haud faciliè decipiatur; si enim virtutum omnium particularium, ac vitiorum, animique affectionum fontem ipsum, ac universale principium ritè cognoverit, ipsius veritatis amore jam mens ipsa percellitur, paulatimque habitum inde efformare incipit ad ipsam rerum veritatem amore prosequendam, omniaque affecutionem ejus impediencia averfanda, ac fugienda; qui animi affectus motu ipso rerum essentia cognitionis excitatus, sicuti hominem ad virtutes sectandas incitat, rectèque operantem

De
Stoicorū
Doctrina.

reddit, ita si deficiat, quamvis nec ignorantiae tenebris adeo involutus existat, ut eam penitus non agnoscat, ipsa tamen sensuum functione, oppositaque affectione per motum à rebus externis excitatum orta sapientissime, ac facillime ducitur; unde illud Poëtae, Me deam sic loquentem inducentis:

Videō meliora, proboque; deteriora sequor.

Adeoque unicus assequendae veritatis fons uberrimus ipsa est sapientia, quae quia perennem, incorruptamque generat voluptatem, ipsam tandem animi tranquillitatem causat, atque tuetur; cujus proinde vi, atque amore rapti celebriores saeculorum omnium viri etsi religionis lumine destituti, virtutes naturales adeo colere, ut nedum sibi met ipsis lex fuerint, sed cæteris parandae felicitatis, quantum natura mortalis patitur, praeberint exemplum, quod & Poëtae ipsi sapientissime inculcaverunt; unde Juvenalis illud:

Semita certe

Tranquilla per virtutem patet unica vita.

Et Stoici solum sapientem etiam in Phalaridis Tauro beatum esse pronunciabant. Ea tamen est humanae naturae vis atque facultas, ut ubi sapientia deest, licet homines haud raro virtutum, bonique specie decipiantur, ac Sensuum functione, rerumque externarum motu ducantur, quia tamen voluptates ab ipsis ortae haud sunt praestantiori, ut diximus, eorum naturae convenientes, ut propterea ipsum hominem laedant; unde illud:

Nemo malus felix.

Et:

Rubet Auditor, cui frigida mens est,

Criminibus, tacita sudant praecordia culpa;

Hinc dolorem sentiunt, atque ex illa praetectorum, evidentiumque principiorum universali notitia particularibus suis actibus applicata, quod admiscere luminis rationis dissonum, atque repugnans deprehendunt, ac vident, molestiaeque animi afficiuntur; unde Juvenalis Satyr. 13.

Exemplo quodcumque malo committitur, ipsi

Displicet Auctori; prima est hac ultio, quod se

Judice nemo nocens absolvitur, improba quamvis

Gratia fallacis Pratoris vicerit urnam.

De aliis
errorum,
ac praeju-
dicatorum
causis.

Verum, quia jam diximus, duas in homine confluisse naturas, primamque infinitis rerum perceptionibus, quas externarum rerum

rerum produciunt imagines, aded corpus ipsum afficere, ut animum cum eo conjunctum secum trahat, mentemque ipsam incessanti motu fatiget, potissimum, quia ab initio ipsis externis rebus preoccupati circa tantum sensibilia prima ætate ferimur; duplex agnoscendæ veritati, parandæque sapientiæ oritur inde impedimentum: ipsæ scilicet perceptiones innumerabiles à rebus externis ortæ, ipsaque sensibus obsecundandi voluptas, atque ab eis abstrahendi molestia, ac propterea ad ratiocinandum, ac reflectendum repugnantia; cum enim ratiocinatio ipsa mentis attentionem, motumque solâ ipsius vi excitatum, illoque è sensibus producto potentio-rem exigit, quidam veluti dolor ex eo mentis labore percipitur, quem naturaliter homines averſantur, ac fugiunt; at alter, quem externa, sensusque causant, mentem ipsam, quia non ejus aciem intendere oportet, cum tantum facultatem ejus exerceat, gratâ quadam voluptate perfundit; quæ quidem cum non sit undequaque suæ naturæ conveniens, ut dictum est, ad eandem fertur, atque recurrit; unde in ipsa veritate, sapientiæque comparanda labor, atque molestia percipitur ab initio; postea verò animus ipse voluptate solidâ, maximâque jucunditate, ac tranquillitate potitur; quare secundum naturam idem prorsus, ac beatè vivere Stoicæ disciplinæ pronuntiavere Philosophi, quod non aliter contingere posse affirmabant, nisi mente ipsâ in perpetua rationis possessione constitutâ; tunc enim hominem juxta naturam operari decernebant, cum præcipuam ejus partem, quæ imò ipsum absolutè constituerebat, imperantem sequebatur; quapropter animi affectiones omnes tanquam malas condemnarunt, cum enim ex motu ab externis rerum objectis excitato produci, motumque ipsum potentio-rem in dies evadentem animadverterent, fortes quoque ab iis excitari animi perturbationes, à quibus omnium homini malorum seges, agnoverunt; tunc propterea hominem omnino voluere beatum, cum mens ipsa omni externarum rerum imagine, motuque spoliata, suæque unitate naturæ perspecta, contemplationi tantum vacaret; sic enim illud oriri affirmabant inæstimabile bonum, ejus scilicet quies in tuto collocata, ex qua gaudium verum, & immotum, comitasque & animi diffusio, quibus nec ut bonis, sed ut ex bono suo ortis, delectatur, ex qua etiam liber animus, & erectus, interritus, ac stabilis extra metus, extra cupiditates, cunctaque supra fortuita oritur.

Quæ quidem Stoicorum omnimoda tranquillitas, licet potius optari quam assequi possit, cum nequeat mens ipsa, ut dictum est, rerum externarum perceptionibus non moveri, nec dum ab illis abstrahit, id sine motu efficere queat, omnis enim ejus actio in perenni veluti naturæ suæ inditâ motione consistit; homo tamen facultatibus suis bene cognitis, externarum rerum, unde affectiones ipsæ producuntur, essentiam, proprietatesque reflectere debet, quasque agnoscat naturæ suæ, rationi nempe conformes amplectetur, ac bene dirigit, ut mentem ipsam nedum facultatum suarum exercitio conservet, sed eam adjuvantes, alacriorem, potentiorémque reddant; ac proinde licet sine animi affectionibus repariatur nemo, cum hominem ipsum ad operandum excitent; sapiens tamen in recto ipsarum usu à turba distinctus, nec tantum appetitu naturæ ducetur, neque impetu, sed affectiones ipsas rationi subjiciet, adeoque semper ad bonum dirigit; eas enim quæ ab ipso appetitu ortæ à rationis regula recedunt, compescere valebit, & cum Stoicis ritè ut vitiosas, ac tanquam animi morbos, ægritudinesque damnabit; dissidium autem Stoicos inter & Peripateticos eo unice redigi videtur, quod illi motus omnes, affectionesque rationi conformes à voluntate non distinguebant, ipsiusque voluntatis actus ad bonum inclinantis esse affirmabant, ideoque affectiones omnes proscripsere, cum illas tantum virtuti adversantes ita nuncuparent; Peripatetici autem, cum utrasque agnoscerent, eas, quæ rationi haud adversantur, sequendas esse docuere, cæteras autem merito damnarunt; quare in his, ut in multis, quæ Philosophi differunt, vocum discrimen advertimus, re tamen idem sentiunt.

EXERCITATIO II.

De Justitia hominum naturali.

*De
quorunda
Philoso
phorum
Placitis
quoad ju
stitiâ ho
minum
naturale.*

HAud cum turba negotium nobis est. Philosophorum quàm plurimi causam agunt, quorum Duces Carneades, Protagoras, cæterique non tantum justî, & injusti naturam, honesti vim, atque inhonesti, sed cæterarum quoque rerum naturas è medio tollentes, omniaque, ut cuique viderentur, atque apparerent, esse affirmantes: quorum successores è recentioribus nec pauci existere. Quid enim aliud Hobbes agunt, atque Benedictus ille Spinosa

noſta peſtis humani generis, cæteraque impiorum quorundam Politicorum turba, dum in ſtatu naturæ nil præter potentiam agnoſcunt, omniaque ex mutuo metu proceſſiſſe adſtruunt, jus omnibus in omnia ullâ ratione adhibita tribuentes ? ac propterea Lupos, Urſos, & Serpentes, qui nec ultra famem rapaces, nec niſi laceſſiti ſævientes obſervantur, iſſis ab hominibus naturæ ſtatu attento ſuſperari, ideoque ad mutuam cædem productos videri ; imò ultra progredientes, hominem uti Univerſi partem inadæquatam his inadæquatis affici ideis debere affirmârunt, quapropter vitia ejus veluti humanæ naturæ proprietates agnovère ; adeoque ita eſſe iis naturale, quorum malè eſt miſereri ; quibus autem bene, invidere ; ad vindictam pronos magis quàm ad miſericordiam eſſe ; utque reliqui ex ipſius ingenio vivant, ſua probent, cætera quæ repudiant, & alii quoque repro bent, appetere ; ſicut aëris æſtus, frigus &c. inde propterea fieri, ut cum omnes pariter eſſe primi velint, in contentiones deſcendant, invicemque opprimi nitantur, quique victor evadit, magis de alterius damno, quàm de ſuo commodo gaudere videatur.

Sed naturâ, non hominum opinione conſtitutum eſſe jus, plañeque nos omnes ad juſtitiam natos, licet ex jam dictis antecedenti Capite ſatis conſtare videatur, cum à natura datam hominibus ratiocinandi facultatem oſtenderimus, aliæ tamen ex ipſâ humanarum actionum praxi erunt proferendæ rationes, ut cum iſſidem adverſariorum armis pugnantes, ſecuriùs, certiùsque vincere valeamus ; ab ipſis enim diverſis ubique gentium moribus præcipuè deducunt, nullum jus à natura peti oportere, ſed ab utilitate, ſcitisque populorum, quorum alter prout ſibi conducere agnovit, leges fixit ; alter verò easdem abrogavit ; quod autem proficiſcitur à natura æternum id, ſibi que conſtans ac verum, unumque apud omnes eſſe ſemper oportet ; ignis namque, ut apud Indos, ſic univerſas apud Gentes urit, eademque eſt omnium aliarum rerum natura, nulloque temporis curſu variabilis ; legum autem diverſa ubique facies, nam apud Lacedæmones, quæ reliquæ gentes latrocinia pœnis avertere niſæ ſunt, nedum permiſſa, ſed laudata fuère ; quare gloriam potiùs, qui non deprehenſi fuiſſent cum re furtiva, quàm pœnam aſſequebantur. Nullum apud alias ex cognatione quantumvis æcta in nuptiis valuit impedimentum, ut propterea mater filio, natæ Pater, ſorori frater (quod ultimum

& Græci admisère) jungeretur, de Parthis namque Lucanus ait :
Epulis vesanâ, meroque.

*Regia non ullos exceptos legibus horret
 Concubitus.*

Quid de Japponensibus, qui (horrendum dictu) natos enecant, ipsorumque Sacerdotes Bontii nuncupati, ut Cretenfes olim, æternum detestanda illa Minois lege nefandum crimen admittunt, ac defendere audent.

Præterea cum Philautia illa suadens, ut propria commoda alienis anteferamus, indubiè proveniat à natura, quomodo desineant, quæ posthabitis propriis aliena custodiri jubent, contra vim esse naturæ, ac proinde stulta cenferi ?

*De
 natura
 hominum
 sociali.*

Nimis autem probans oratio isthæc facillimè captiosa, nulliusque propterea esse momenti statim apparebit, dummodo tantisper hominis præstantiam, suæque vim mentis, ac facultatem hac de causa superiori exercitatione enucleatam in animum revocare non displiceat ; solus namque ex tot animantium generibus, atque naturis eâ præclarissimâ conditione à Deo generatus, ut particeps sit rationis, & cogitationis, composque orationis, quæ mentis interpres dicitur, factus sit, cum cætera istarum facultatum expertia Natura prona, ac ventri obedientia finxerit. Quare ipsam cogitandi facultatem ad hominis naturam probè assequendam intendentes, eum advertimus mansuetum potius animal, ut ait Aristoteles, cumque ratione se cum cæteris conciliari, naturalique quâdam societate conjungi paratissimum. Licet autem si primas sensuum functiones, ac naturæ sequatur impetus, suam etiam cum alterius præjudicio promoveat utilitatem, quam tantum propterea spectantes populorum aliqui oblitteratâ pravis moribus, perversaque educatione, & consuetudine omni officiorum ratione, honestateque, tot impios mores amplexi, eos etiam uti leges, quamvis cum ipso naturali jure pugnantes, sequi statuere ; nullus tamen quamquam rudis, atque indoctus, si dubitet, ac parumper cogitet id, quod facturum in alterum sit, an jure facere possit, necnè, seque illius locò esse putet, repentè non videbit, perturbationes illas, impetusque naturæ, quæ ad faciendum instigabant, jam veluti in alteram translatas Trutinæ lancem nullius esse ponderis, statimque rationem ipsam robur suum exercere, ac propterea à faciendo debortari, voluntatemque penitus avertere. Quis autem
 adeo

adèd demortui pudoris poterit inveniri, ut admissio etiam in alcerum, quod pro se noluisse, & non erubescat, & fateri audeat, actionemque suam uti justam defendere velit? Data ergo est cuilibet ratio, atque cognitio, quâ quod sibi non vult, nec alteri faciendum esse discernit; cui autem, ut Cicero ait, ratio à natura data est, eidem & recta ratio data est; igitur & lex, quæ est ipsius rectæ rationis in jubendo, & vetando quædam explicatio: si lex, jus quoque, cum idem sint; omnibus autem data est ratio; lex ergo, & jus omnibus datum esse fatendum est. Et quidem si puerorum etiam gesta intueri velimus, licet perceptionibus tantum externarum rerum ducantur propter ætatem, ipsos tamen rationis, ac æquitatis semina prodere advertemus; cum voluptate enim societatem inter eos ineunt, pactaque observant, præstantiori obediunt, ludos suos probè instituunt, præmia rectè partiuntur, siquæ aliqua oritur differentia, eam prudentiori committunt, ejusque arbitrio componunt. Ulterius, ipsa, quam ætate majoribus debent, reverentia, promptè ab illis exhibetur, deque eo, quod malè factum esse cognoscunt, erubescunt, ac dolent; quos equidem motus esse à natura, quis porro negare audebit? quam in omnibus sequentes nec sinè causa offendunt, nec ulcisci desinunt, nec causam suam si coercantur, defendere negligunt; rationes imò adducunt, quibus ritè fecisse, aut ità fieri oportuisse demonstrare conantur.

Si populorum etiam, quorum meminimus, mores introspicere non piget, habent adhuc jura, quibus societatem colunt, atque custodiunt, quibus neglectis, nunquam stare, aut coalescere potuisset; ut nec latronum etiam, perditissimorumque hominum ulla posset vel brevissimo tempore, neglecto jure, perdurare societas, quæ solummodo salva & incolumis esse poterit, si alter alterum in partiendis spoliis non fraudet, nec ullus mentiatur, siquæ alteri, quem præstantiorem esse vident, obtemperent; pacta, fidemque religiosè custodiant, ac servant, seque mutuo defendant; quam rationem tetigit Aristoteles, magisque Cicero amplificavit, eaque etiam D. Chrysost. usus est. Quod autem à cæteris dissentiant, multaque admittant contra jus, atque honestatem, id, ut dixi, prave consuetudini, atque educationi tribuendum; nec inde propterea sequitur, nullum naturæ jus inter mortales esse, imò potius transgressio ejus agnoscitur, quæ propterea illud multò priùs existere demon-

mon-

monstrat; nec enim ejus, quod non est, aliqua potest esse transgressio; qua de causa illam Carneadis, Sectatorumque aliorum rationem nimis probare dixi, cum jus omne destruat, quod tamen cunctas adeo efferatas, ac barbaras servare gentes est manifestum, cujus virtute poenae improbis, bonis autem praemia, & honores proponuntur, cujusque vi pietas erga Deum, Parentibus obedientia, Patriae amor, Magistratum veneratio in pectoribus omnium veluti sculptae, atque adeo impressae, ut vix aliquem, nisi ferarum more agrestissimos etiam apud homines vixerit, invenias, qui hujus innati juris efficaciam non sentiat.

Sed quæ gens adeo inculta, atque efferata poterit reperiri, ut scelera ac vitia, hominesque illa sectantes non odio prosequatur, virtutes autem celebret, eisque praeditos extollat, nec summis honoribus afficere desinat? Quæ comitatem, clementiam, liberalitatem, quæ gratos homines, beneficiorumque memores, Patriæ, ac suis utiles, quique honestè viventes neminem lædunt, non suspicit, non veluti cultu prosequitur? Quis autem hæc non à natura hominum animis impressa, sed opinione tantum constituta poterit affirmare? An qui fortitudinem, magnanimitatemque exercet, justitiamque in omnes colit, id facit, quia ita hominibus sic placuit? An non natura virtutes alias sectatur, & ubi fert occasio explicare lætatur?

Sed quis unquam homines non à natura factos, ac in lucem ad colendam societatem editos fuisse negaverit? quod si nulla societas perditissimorum etiam, ut dictum est, absque lege, & justitia consistere potest, vel jus & justitiam natura existere, vel haud naturam sociabile animal hominem esse necesse est, quo quid absurdius? nec enim utilitate tantum homines sociantur, sed quia ita nati sunt, ut nec aliter vivere queant, nisi sociati, ut primâ Exercitatione dictum est. Aptum ergo natum animal ad se cum omnibus communicandum, aliudque alio participandum justum quoque naturam factum esse oportuit, eaque mentis facultate praeditum, ut bona à malis, justa ab injustis, licitaque ab illicitis discernere queat, quâ, uti omnium suorum actuum regulam uti debet. Quod si & ipsæ irrationales creaturæ, quæ naturali tantum feruntur instinctu, præcipue verò congregabiles, ut formicæ, ut apes, grues, &c. adeo quandam juris umbram exhibent, ut Aristoteles politica etiam, ac civilia animantia nuncupaverit, quid de homi-

homine, qui tam ad eò longè præstat, quique suâ ratione, consilioque regitur, dicendum erit? Grues compertum est (ut Cicero inquit) (a) „ Cùm loca calidiora petentes, maria
 „ transmittunt, trianguli formam efficere. Ejus autem summo angulo aër ab iis adversus pellicitur: deinde sensim ab utroque latere, tanquam remis, ita pennis cursus avium levatur. Basis autem trianguli, quem Grues efficiunt, eâ tanquam à puppi ventis adjuvatur, hæque in tergo prævolantium colla, & capita reponunt. Quod quia ipse Dux facere non potest, quia non habet, ubi nititur, revolat, ut ipse quoque quiescat; in ejus locum succedit ex iis, quæ acquieverunt: eaque vicissitudo in omni cursu conservatur.

Quid de Apibus, quid de Formicis, quæ in commune laborant, quæque vel hominem providum esse, ac vigilare docent, ut sua tempore officia conficere possit? Sed nec egregium de animantibus Philonis locum latine à Grotio in Prolegomenis redditum præterire visum est. „ Imitatores, inquit, saltè mutorum animalium estote homines, beneficio vicem rependere illa edocta norunt. Canes domûs defensores sunt; quin & pro heris moriuntur, si quod subito periculum eis contigerit; dicuntur & canum illi, qui greges comitantur, præcedere pecora, depugnantes ad mortem usque, ut pastores illæfos præservent. Nonne inter fœda tœdissimum est, in referenda gratia vinci hominem à cane, mitissimum animal à ferocissimo? quod si à terrestribus non satis edoceamur, transeamus ad naturam volucrum aëris viatricem, ut vel inde discamus quod oportet. Ciconiarum senes in nidis manent, volare invalidæ. Harum soboles per omnes propè, ut dixerim, terras, mariaque volitant, victum undique Parentibus quærentes: illæ pro ætatis merito fruuntur quiete, rerum copiâ, deliciis etiam; hæ verò itineris molestias solantur pietatis conscientia, & expectatione parvis olim, ubi senuerint, à sua prole; atque ita legitimo tempore debitum persolvunt necessarium, quod accepere reddentes. Neque enim ab aliis alimenta habere possunt, aut initio vitæ, parvæ cùm sunt, aut natu grandes in vitæ exitu; quapropter non alio, quàm Naturâ Magistro didicerunt educare vetulas, educatæ & ipsæ, cùm teneræ essent. Nonne verò hæc, ubi audiunt, habent, cur se præ pudore abscondant, qui Parentum curam non habent,

(a) De Legib. lib. 2.

„ atque eos negligunt, quos aut soli, aut præ cæteris sublevare
 „ debuerant, præsertim cum id facientes non tam daturi sunt
 „ quippiam, quam id quod debent, reddituri? nihil enim est li-
 „ beris proprium, quod non Parentum sit prius, qui aut de suo
 „ dederunt, aut acquirendi præbuerunt causas.

Quare Aristophanes, multas esse lepide avium leges, ait, Ci-
 coniarumque ipsarum tabulas legum festivè memorat.

Quod autem dixi Naturà justos homines factos, id ità intelli-
 gendum volo, ut nempe Deus ipse naturalis hominum justitiæ
 Author unicè sit habendus, Chrysostomum imitatus 1. ad Corinth.
 3. dum inquit: „ Cum naturam dico, Deum dico, ipse enim est
 „ naturæ opifex.

De
 Norma
 rerum
 humanarum.

Ut autem clariùs, penitiùsque hæc omnia dignoscantur, ac
 naturalis hominum justitia prorsus evincatur, seriò cogitandum
 nobis est, supremum ipsum mundi Opificem, ac Rectorem Deum,
 dum Universum ex nihilo creare voluit, ideam ordinis in ejus re-
 gimine servandi, secundum quam & ipse ageret, & omnes creatu-
 ræ, præcipuè verò rationales, quæ prima sunt, ac nobilior Uni-
 versi portio, agere deberent, ab æterno in mente sua præconce-
 ptam actu determinasse, quâ legem ipsam æternam, nè vocem no-
 tione vacuam anteponeere videamur, intelligimus, quamque uti
 perennem juris fontem, primamque totius honestatis originem u-
 nicè agnoscimus; ut enim inferior omnis Architectus pro ædificio,
 quod formare deliberat, nè dum ideam priùs concipit, quam ipse
 in operis progressu servet, sed eam vult à cæteris servari, ac præ
 oculis haberi, ut rectè agant, eoque propterea cuncta colliment,
 ut rectè procedendo, opus absolutum reddant, nec à fine aberrare
 queant; ità Deus Opt. Max. juxta æternam illam suæ mentis
 ideam debuit homini, ut se regeret, actusque omnes bene ordi-
 nare posset, regulam aliquam communicare, quam religiosè cus-
 todire, ac servare deberet, cum omnis ordo secundum normam
 aliquam in mente ordinantis existentem, procedere debeat; sic
 in artificialibus cuncta secundum regulas artis, quæ sunt in intel-
 lectu artificis, sequuntur; sic politicus ordo regulas in mente Prin-
 cipis præconceptas unicè custodit, ac servat; ergo naturalis etiam
 secundum illas ab Authore naturæ intentas operari, cursumque
 suum explere debuit; quas perpetuò in orbe servari suspicimus;
 ex his enim illa rerum consentiens, conspirans, & continuata co-
 gnatio

gnatio procedit ; ex his in tot naturæ moribus , tantisque temporum , ac rerum vicissitudinibus certus semper , sibi que constans ordo promanat. Cùm autem ab Authore ipso naturæ hæc omnia sapientissimè regantur , ac propterea aliquam in se operis sui regulam exigant , homini se ipsum gubernanti , actusque suos , ut sibi placet , ordinanti , danda fuit lex , ac norma , quâ se ritè , rectè que regere , ac ad Authoris sui mentem operari valeret. Unde enim facultatum suarum vis , & potentia cogitandi ? unde consilium , prudentia , rerumque gerendarum solertia ?

Quare à naturæ lege recedentes , peccatum necessariò admittunt , quia ut D. Augustinus loquitur , contra legem æternam faciunt ; hinc omnium humanorum actuum hæc prima regula esse debet , & norma cæterorum ; sic motus primi mobilis omnium aliorum motuum mensura est , & ordo ; sic amor omnium aliorum effectuum causa , &c. sic quoque Divina etiam ratio , & ordo ab illa præconceptus , quem legem æternam nuncupamus , omnem aliam rationem , ac intelligentiam in cæteris præcedit ordinibus.

Atque in hunc sensum dicitur , Deum illuminare omnem hominem venientem in hunc mundum. Quare cùm Regius ille Propheta Psalm. 4. dixisset : *Sacrificabo Sacrificium Iustitiæ* (bona sc. opera) sibi obijciendo , addens : *Multi dicunt , quis ostendit nobis bona* , respondit : *Signatum est lumen vultus tui Domine super nos ;* lumen nempe , ut D. Thomas ait (a) rationis , quod in nobis est ; *in tantum enim* (Deum alloquens) *potes ostendere , inquit , nobis bona , in quantum est lumen vultus tui* , id est à vultu tuo derivatum.

Ratio autem humana ab ipsa lege æterna tanquam propria ejus imago derivatur , unde duplicem nostræ voluntatis regulam agnoscere debemus , proximam scilicet , & homogeneam , ut eam Divus Thomas appellat (b) Et ipsa est nobis indita ratio ; aliam verò , uti primam , ac præcipuam , & ea est lex æterna , quæ est quasi ratio Dei. Hominum autem ratio , vel in notitia universalis principiorum , quæ practica nuncupamus , versatur , vel dum ad actus particulares cum reflexione , atque interiori agnitione applicatur per modum judicii ; nempe quando nedum aliquid egisse cognoscimus ; sed cùm an peragenda sit actio , vel an bene facta sit , inquirimus , ipsamque veluti ante rationis Tribunal sistimus , à quo si damnetur , synderetis illa & dolor excitatur ; unde

Dr

Ratione

hominis.

C 2

con-

(a) A. 2. q. 19. art. 4. (b) I. 2. q. 71. art. 6.

conscientiam remorderi ajunt ; sin autem probatur, læticia illa exoritur, & complacentia, quam propterea semper animi tranquillitas comitatur, quæ cum sit incorruptum, ac maximè exoptandum hominis bonum, meritò à justis, sapientibusque tantummodo vindicatur ; hinc semper flagitia ipsa, atque facinora Authoribus suis in supplicium vertuntur ; unde Tacitus egregiè ; (a) „ Neque frustra, inquit, præstantissimus sapientiæ (Platonem intelligit) firmare solitus „ est, si recludantur tyrannorum mentes, posse aspici laniatus, & „ ictus, quando ut corpora verberibus, ita sævitia libidine, malis „ Consiliis animus dilaceratur. Quippe Tiberium non fortuna, non „ solitudines protegebant, quin tormenta pectoris, suasque ipse pœnas fateretur. Quam porrò miserimam tyrannorum imaginem luculentissimè expressit Cicero, ac veluti nostris objecit oculis famigerato Dionysii Syracusanorum Tyranni, & Damoclis exemplo.

De Philautia autem quod dicebatur, si acutiùs rem perpendere velimus, ipsa eadem suadet, non esse utilitatem propriam cum alterius damno captandam, dum ex ipsa docemur, haud alteri faciendum, quod nobis nolumus, nè in caput proprium ruinam accersere nosmetipsi dicamur. Debet igitur rationem Duceem habere, ac proinde rectum sequi, quod & ipsam naturalem hominis justitiam evincet.

Nec profectò sequitur ; hic aut ille Populus injustitiam colit, hic aut ille tyrannus evasit, ergo nulla datur justitia ; dum idem porrò esset, ac si diceretur, Medicus hic ægrotum occidit, ergo non datur medicina. Sunt quippe à jure ipso aberrationes, quæ aliquorum perturbationes, impetusque Naturæ sequentium defectus accidunt, ac tantum abest, ut justitiam non à natura ortam probent, quod id ipsum potiùs evincere videantur.

De
Hobbesii
erroribus.

Ex quibus etiam Hobbesiana illa civilis doctrinæ dogmata statum hominum naturalem. hostilem esse, bellumque omnium in omnes, naturam homines dissociasse, inque mutuum eadem aptos produxisse, cum veritate, rectaque ratione pugnare evidentissimè liquet. Si quis autem penitiùs reflectendo progrediatur, Authorem ipsum sibi manifestè contradicere agnoscat, nec idè scripsisse, ut exacerbatos popularium suorum animos ad pacem, & concordiam, summæque potestatis obsequium revocaret, ut vitæ ejus Scriptor litteris prodidit, sed potiùs ut concitatiores, inque regiam Majestatem contumaciores efficeret, ipsamque penitus societatem

(a) *Annal.* 4.

ever.

everteret, toti propterea humano generi injuria sunt existimanda. Qui enim si Naturæ lex, ut ille definit, *dictamen est rectæ rationis circa ea, quæ agenda, vel omittenda sunt ad vitæ, membrorumque conservationem, quantum fieri potest, diuturnam*; effici unquam poterit, ut à recto rationis dictamine proficiatur illa in mutuam eadem inclinatio? An ipsa recta quoque naturalis ratio postulat, ut unusquisque jus habeat omnia bello acquirendi; ut unicuique omnia habere, & omnia facere liceat in quoscunque, suarumque actionum solum judicem esse? an dictata rectæ rationis tantum mensura erunt utilitatis? At si hoc est naturali jure permisum, quis negliget ad suam naturam redire? Cuinam pro crimine objici poterit, si hostis esse velit, atque ad ipsum naturæ statum reduci? tunc certe æqualis Regi, æqualis omnibus judex ille suorum operum collecta perditissimorum hominum turbâ bellum indicere, de jure grassari, occupare omnia poterit? Nec jure in eum agi tanquam proditor, tanquam rebellis, fur & latro, quia revocatus ad naturam suam, jure agit, & per dictamen rectæ rationis; hostis propterea dicendus erit, nec si majori potentiâ coerceri nequeat, notam aliquam mali hominis, aut infamiam subibit, gloriam imò apud Posterios assequetur?

Atqui ajunt Hobbessianæ doctrinæ assertores, aliud esse Naturæ legem definire, aliud statum illum hominum naturalem ob oculos ponere; hic bellum esse dixit Hobbes omnium in omnes, Naturæ legem rectæ rationis dictamen nuncupavit. Sed videant quæso, quomodo magis, magisque contradictionem involvant aucti Scriptoris effata isthæc; inquit enim, est lex Naturæ dictamen rectæ rationis; ergo inferre necesse est ab ipsa Natura rectam hominum rationem proficisci. Status igitur hominum naturalis aut est sicut ipsorum ratio exigit, aut non; si primum, ergo non est bellum omnium in omnes; si verò ipsimet rationi adversatur, quomodo amplius esse potest Naturæ status? Si hominum Natura est potissimum recta ratio, dumque propterea eam non sectantur, diversum statum constituere dicendum erit, ac ipsa exigit recta ratio; igitur non erit amplius Naturæ status, sed aberratio. Si dixisset Hobbes, abque Civitate, & Principe nequivisse homines in statu Naturæ, quæ rectæ rationis usum includit, conservari, pravos ob affectus ipsos tantum naturæ impetus sequentes, quorum vi mutuâ injuriâ, mutuisque cædibus sese affecissent, malaque hæc

non statui naturæ conformia, sed ab ipso potius aberrationes nuncupasset, staret utique definitio cum ipsa hominum status descriptione bellicâ, naturali rationi adversante; nec enim naturalis hominum status alter esse potest, aut debet, quàm ipsa jubet non tantùm universa Naturæ lex, sed humanæ naturæ peculiaris; quapropter si eam homines negligant, omniâque bello, ac vi miscere velint, jam status ille non ampliùs naturalis erit nuncupandus, cùm ab ipso Naturæ dictamine aberraret, sed potius naturali repugnans, quia Naturæ vitium, non autem dictamen sequitur. Haud ergo, ut Hobbes voluit, Natura homines dissociavit, atque produxit ad mutuam cædem, sed quia Naturæ lumen sectari nolunt, hæc admittere facinora videntur; nullum enim aliter esset in statu naturæ dictamen rectæ rationis; quod utique manifestam contradictionem involvit.

Præterea cùm summè imperantes in conditione, & statu naturali esse nemo ambiget, quis unquam eis vitam, bona, spes denique omnes poterit concedere, cùm singulos metum illum habere oporteat, nè scilicet Naturæ vim, ejusque status dictata sequentes ipsos sigillatim absorbeant; eoque magis timendi essent, cùm omnium vires exercere queant; in eos namque fluxere, unitæque redditæ cernuntur; quid enim non cogitare, & exequi auderet prava omnia in omnes perpetrandi voluntas cum summa potentia in statu naturæ juncta, si hæc ipsa juxta Hobbesiana dogmata secum ferret naturæ status?

Quis autem scævientibus ita ex natura hominibus atrocium unquam bellorum, dirarumque cladum esset finis? An ut altera Civitas alteri bellum inferat, extremaque adhibere media velit, ut eam sui juris efficiat, cùm id ei jure liceat, præter voluntatem aliud requires? An ipsa tantùm Imperii, ac Majestatis fines ampliandi cupiditas nimis ad bella gerenda non excitat voluntatem? Quæ li justa est ex ipsa natura, nulla jam gens esset, terræque nullæ, quantum incolis hæc profari liceret. (a) „ Quid nobis tecum est? nunquam terram tuam attigimus, qui sis? unde venias? licet ne ignorare in vastis sylvis viventibus?

Quod si, ut Hobbes affirmavit, lex ipsa Naturæ nullam obligandi vim habet, nisi quatenus pars est legis à Civitate constitutæ, jam propterea eam cuique fas erit spontè transgredi, cùm sese in naturalem statum asserere videat, unde ipsemet Hob-

(a) *Scythæ ad Alex. apud, Q. Curs. l. 4.*

bes tunc nullo Imperii jure puniri tanquam Civem posse docuit, sed uti hostem. Quis autem dum hoc à sola voluntate proficiscitur, eà doctrinā imbutus non omnia repetere, & vel summam rerum evertere audere poterit? Reges igitur, & Cives, & Magistratus denique omnes perpetuò rebus suis diffidere deberent, cum undique satis justæ suppetant causæ, velle scilicet alios in pristinum naturæ statum reverti, alios verò facultate ab ipsa natura recepta uti. Quodnam enim sufficiens, ac potens unquam excogitari poterit vinculum, ut longè aded dissita, atque inter se adversa, vel brevi momento in concordiam redigere potis erit? Aut quisnam aded pugnancia secum frontibus adversis componere unquam potuisset? Naturam expellat furcâ, tamen usque recurrat, dixit ille; Ergò quænam erit foederum, pactorum vis, & obligatio inter Civitates, Principesque Viros summam rerum habentes, si sunt invicem in statu naturæ, & propterea bellico? An non omnia frustra fient? An ulla remanebit Legatorum incolumitatis certitudo? Quomodo mercatorum fortuna omnis, Commerciorum, & hospitii jura facta recta esse poterunt, cum nemo à potentiorum vi securus unquam redi valeat, vel enim ipsa cogente naturâ feruntur ad statum bellicum, quo omnia jure possunt in debiliores experiri, nemo enim injuriam facit, cum statum sequitur naturæ suæ.

Sed clamant Hobbesii asseclæ, longè aliter se habere homines, dum in Civitate versantur, pactisque obstricti, sub Magistratu vivunt (multa enim, quæ ipso in statu Civitatis tanquam facinora vindicantur, rectissima essent in statu naturæ, & secus) quam si in primo dumtaxat statu naturæ considerentur, quo tantum differunt ab illo, quem nunc sub diversis Politicæ speciebus colunt, quantum cultores amicitiae ab iis, qui vitæ, ac fortunis nostris insidiantur; quare Societates omnes ideò per pacta coaluisse concludunt, ut tot malis, quæ à statu ipso Naturæ causabantur, quomodocunque à prudentioribus remedia adhiberentur.

Ergo, inquam, remedia ipsa non ut status hominum à Natura intentus, ac propterea naturalis assequatur, sed ut evertatur, esse adinventum fatendum erit? At si repugnare hoc rerum ipsarum evidentiâ demonstrat, quis profectò negare audebit, primum hominum naturæ statum bellicum non fuisse, pacemque potius, mutuumque hominum opem, ac societatem Naturam intendisse, totiusque propterea Politicæ genera ad eum finem, quem recta ratio

ab ipso Naturæ lumine defluens, pacem scilicet custodiendam, mutuaque officia inter homines servanda, consequendum, constituta fuisse?

*De
Spinoza
impietate.*

Ex quibus quanti etiam Spinofistarum assertio illa sit facienda, quâ hominibus, ut sunt pars Universi, naturæ inadæquatis regi conceptibus, mentisque, & carnis ductibus obedire adeo conveniens esse autumant, ut omnes illæ Animæ commotiones, & affectus, non vitia, sed proprietates, adeoque necessariæ, certisque ex causis ortæ dicantur, & sint; hinc persuasionem omnem in affectus parum posse, religionemque ipsam, ubi maximè necesse esset, nec plurimum valere, in foro scilicet, aula, omniq; alio hominum commercio; sed ubi non communicant; in templis nempe, atque in mortis articulo, dum morbus ipse affectus omnes vicit, ac homo segnis jacet. Quæ quidem deterrimi novatoris effata nedum hominem, sed cum Stoicis Deum, & omnia fato subjiunt, ac necessitati causarum; libertatemque arbitrii penitus evertunt; quare nunquam satis mirari desino, unde tanta in hominum pectoribus processerit audacia, dum nemo verè sapiat, nisi ignorantia suæ sibi ipse ipsi conscius existat; An ergo Spinozæ tantum verum assequi datum est? Solus ille rerum causas perscrutare simul, & adeo agnoscere potuit, ut aliis tanquam revelata mysteria vendicaret? Quis autem negare audebit, homines extitisse, qui libertate arbitrii freti, ac ratione ducti, vel in juventute affectus omnes adeo vicere, ut nedum facti, sed nec cogitatione ipsâ ab honestatis, virtutisque itinere aberraverint unquam? An veterum, novorumque Librorum sacra, profanaque monumenta ullam merentur fidem? An Philosophorum nemo extitit, qui in aliquo saltè virtutis genere ita excelluit, ut suæ commotiones naturæ sub jugum mitteret, & victor semper evaserit? Quid ergo necessitatem, quid vitium blaterat ille proprietatem naturæ? Sentit quicumque vult in se ipso rationis, reflexionis, conscientia, quibus malum aversatur, vim, atque tormenta. Sentit claram illam mentis cognitionem, qui ritè malum à bono secernit, quaque determinato inde iudicio cum aliis ritè pariter judicantibus convenit, & intrinsecè propterea in conceptu rectè judicantis includi debeat, cujusque vi sapissimè cupiditates quisque coërcet suas. Quod si proprietates essent humanæ naturæ, jam nunquam possent per Magistratus,

tus, Legumque poenas coerceri, nec à malo propterea unquam flecterent, illudque homines desinerent averfari.

Sed hæc relinquamus iis, quibus talia perversæ aded Doctrinæ elementa discutiendi animus fuit. Pessimi interim Novatores isti haud reminisci ægrè ferant, suam, ut cæterorum omnium, limitatam aded esse intelligentiam, ut, quò magis velint in naturalibus rerum causis inquirere, eò magis, si verum amant, nescire, atque ignorare, conscientiamque erroris sui fateri cogantur.

EXERCITATIO III.

De Vita beata Sapientis.

Nunc autem sapientis vitam, quam recto affectionum usu, ac imperante ratione meritò beatam nuncupamus (ipsum enim agere, atque operari ad præscriptum rationis naturalis est homini felicitas) ob oculos ponere debemus, ut ad eam ex animi sententia imitandam ejus imago sit veluti incitamentum, utque nedum lege ipsâ rationis, ac mentis virtutes omnes sectandi studio teneamur, sed cupiditates ipsæ, animique affectiones, lexque corporis peculiaris, iustitiæ, ut Apostolus loquitur, arma exhibeant ad finem ipsum, quem veluti ultimum in hac vita nobis proponere debemus, obtinendum, animi nempe tranquillitatem; ut præstantioris etiam (æternæ scilicet felicitatis,) absoluto itinere, majori cum fundamento spem fovere valeamus.

Sapiens igitur omnia potissimum ad animi curam transfert, obiterque tantum ea, quæ corporis sunt, ac pro necessitate naturæ peragit, cunctisque præjudiciis liber, justæque rerum universarum idea præconcepta, voluntatem, sensusque rationi subjicit, quâ præunte statim quæ in nostra potestate manent, quæque à nobis ipsis unice dependent, & quæ imperio fortunæ, potentiorumque vi subjecta assiduo penè motu veluti vertantur in orbem, cernere valet; quare in his, quæ penès se esse videt, summum exoptat locum, eoque rectè tendere nititur; cætera admittit quidem, nec aspernatur, haud enim se fortunæ muneribus, suæque virtutis fructibus putat indignum; sed nec illorum possessione inflatur, nec admissione cruciatur, aut dolet, ipsisque semper utetur, ut majorem explican-

De
ultimo fi-
ne homi-
nis.

De
justa re-
rum uni-
versarum
idea.

dæ virtutis nactus occasionem videatur, paupertate autem ejus animus nec inclinatur, neque deprimitur; hinc dum sapiens est dives, temperantia, liberalitas, magnificentiaque vocem, & faciem emittunt suam. Non ejus opes alicui detractæ, non cujusquam sanguine cruentæ, non dolo, injuriæque quæsitæ, aut quomodolibet malè intrantes adspiciuntur; sed tantum virtute partæ honestum introitum; honestum exitum habent; si autem effluxerint, quia nec in sua erat potestate illarum firma possessio, cum

Nunc ager Umbreni sub nomine, nuper Offelli

Dictus, erit nulli proprius: sed cedit in usum

Nunc mihi, nunc alii:

Earum propterea naturam, vicissitudinemque fortunæ satis perspectam habens, nihil amittet, nisi divitias, ipse idem manet.

Agnoscet Sapiens cupiditatibus nullum terminum esse, hominumque appetitus vel usque ad infinitum protrahi; unde nec vulgus ipse quiescit, nec quidem valet; cum omnimodè appetitus ipsos explere sit impossibile, quare potius rationi consentaneum, ac expediens esse videt, moderatè cum gaudio vitam agere, quam vanis rerum corruptus, atque jactatus, continuam subire molestiam; hinc neque cupit nimis, neque timet, sciens nil referre

Intra

Natura fines viventi jugera centum, an

Mille aret?

Ludum igitur, atque spectaculum ei præbet hominum turba, cum alter quasi argentum, aurumque omne congerere potis esset semper sollicitus, semperque anxius sui ipsius tyrannus efficitur, suæque ipsum exedunt curæ. At quid facias isti decepto cupidine falsi?

Jubeas miserum esse libenter

Quatenus id facit.

Alter verò honorum cupidus, nunc eos vili captat obsequio, nunc huc, illucque circumcursat, nunc spe pectus erigit, nunc inclinatur, ac mœrore animum conficit ipse suum; nec propterea præter figuram aliud hominis habet; an enim eum hominem dices, qui, nativam samittendo libertatem, sponte suâ, imò anxie quærit sibi servitutem, quâ nulla turpior, quia voluntaria? An hominem credis, qui volvens assidue saxum per ambitionem, atque honorem nunquam quiescit, seque totum arbitrio fortunæ permittens, regi-

regitur alieno nutu, non suo ? qui susque deque volvit omnia, ut paucis aliquando imperet, nec sibi tamen potis est imperare ? qui aliud clausum habens in pectore, aliud promptum in lingua, nunc unam, nunc aliam veluti Protheus alter personam gerit. Vertumnisq̃ue natus iniquis amicitias, inimicitiasq̃ue suscipere, atque dissolvere paratissimus, nil ex re, sed omnia ex commodo æstimat ?

Alter ventri, ac libidini serviens, inutile terræ pondus, ignavumq̃ue veluti pecus vitam agit, mancipiumq̃ue voluptatum, quibus unquam animum explet suum, sibimet incipit fastidio esse ; dum enim, quam nequit assequi, satietatem quærit, corporis, animiq̃ue vires simul labefactari dolet.

Quare nil aliud præter sollicitudines, quibus pectus implet, atque amaros pœnitentiæ aculeos inde consequitur ; conscius namque ipse animus se fortè remordet

Desidiosè agere astatem, lustrisque perire.

Hinc præclare Boëtius (a) *Tristes, inquit, exitus esse voluptatum, quisquis reminisci suarum libidinum vult, intelligit.*

Ægritudines autem, innumerique penè morbi, quorum gula præcipuè fons est, & origo, quanti hæc faciendæ sint voluptates, docent, ut propterea expediat potius famem pati, quam nimis indulgere ventri ; quippe multò plures, ut inquit ille, perdidit satietas, quam fames viros ;

Simul enim assis

Miscueris elixa, simul conchyliis Turdis,

Dulcia se in bilem vertent, stomachoque tumultum

lenta feret pituita.

Quid cætera percurrere opus, cum ex omnibus, quæ Vulgus iners agit, Sapiens occasionem capter magis exercendæ virtutis ? excelsio enim veluti sedens loco rerum omnium Analysim efficit, ac Mundum tanquam in speculo contemplatur ; cernit quam caduca, quam vana, fluxaque sint omnia ; nil proinde admiratur, nil melius, peiusq̃ue suâ spe videt, nunquam animo torpet ; omnia enim tanquam spectaculis, aut theatro præsens cernere gaudet, pariterq̃ue tranquillè agit, si vel in Orchestra, aut in quatuordecim sedeatur, vel nullo discrimine cum turba debeat permisceri ; ac sicut firmate, personisq̃ue indutos, cothurnosq̃ue, aut soccos gestantes negligit, sed eorum tantum actiones, imitationesq̃ue advertit,

D 2

tit,

(a) 3. de consol. prof. 7.

tit, ità in vulgum tam chlamidatos, quàm coronam refert; nec enim colorem vestium, quibus prætexta corpora sunt, tantùm aspicit, nec oculis de homine credit, sed meliori, ac certiori lumine incedens, animi bona suo perquirat animo, ac æstimat, cunctosque unicè metitur ex illis; quæcunque propterea alter alteri stupens monstrat, ridicula censet, ac misera, cum nunquam bonum quærat in speciem, sed solùm illud, & æquabile, & à secretiore parte formosius tantùm studet investigare.

De
constantia
Sapientis.

Quare nec dolet, si vanis rerum inflatos homines cernens; nil præter dolum, ingratitude, avaritiam, mendacium, cæterasque vitiorum pestes in orbe grassari videt: quid enim aliud ab iis sapientiæ penitus expertibus poterit expectari? An non illos, ut ignavum pecus, quod vult, ducit naturæ appetitus? An non sensus suos, cum ratio absit, ac rerum scientia, veluti Duces omnino sequentur; ac si nunquam Tragœdiæ finis esse deberet, spem omnem in ipsis fortunæ bonis collocare videntur? Sapiens autem ut in spectaculo, semper naturæ suæ convenienter vivendo, honestè fortunæ muneribus delectatur, nulloque afficitur dolore, quodd finis quocunque tempore adesse queat, sicuti nec de spectacula aut scenæ termino molestiam percipit; futurum igitur tempus respicit sinè metu, sinè cupiditate, cum sciat posse nil ad se pertinere; prævidet tamen, quæ agenda sunt, omnemque adhibet providentiam, ut bene se illo etiam tempore habere queat, non tamen anxie, ac cum animi perturbatione; præteriti verò temporis protinus obliviscitur, cum suum jam esse desierit, solumque animo perpendit, quam possit majorem sibi præteritorum observatione prudentiam comparare. Præsentem verò, Virtute duce, fruitur, jucundamque, ac solidam captat voluptatem, ad præscriptum rationis actiones dirigendo. Quare non divitem, non generosa è stirpe natum, ut nec aliis affluentem fortunæ bonis molestum illi erit, cum extra potestatem suam omnia hæc posita animadvertat, nec propterea mortem timebit, cum naturæ corporis convenientem agnoscat; ipsamque inter extrema naturæ munera ponet; quotidie enim se ipsum agnoscens ex infirmis, fluidisque contextum, suâ etiam spontè iturum in tabem animadvertit; cunctos igitur, seu sceptrateant, sive Thiaras, seu in foro veniuntur, sive preces effundant in templis, sive in theatro, placeisque desideant, unum exæquare cinerem, in quem reversa jam sunt maximorum, infimorumque

natorum

natorum hominum corpora conspiciat, quosque nec etiam integer orbis capere poterat, scēdissimum ad cinerem redactos brevis urna tenet. Quare nec prosperis inflatur, nec adversis unquam Sapiētis animus frangitur; omnia enim tanquam ex incerta, & mobili sorte pendentia nec perpetuitatem, nec diuturnitatem admittunt; illa ergo ut recessura, imò ut extemplo recedentia, considerat; instare enim à tergo mortem, quæ omnium rerum rapinam facit, animo assidue volutat suo. Hinc nihil sibi de die, nihil de hora, sed nec de temporis succedente momento promittit, pectus tamen constantia firmat, eā enim se lege natum agnoscit; mortem igitur, quam nascenti sibi determinatam videt, expectans, advenientem excipit ultrò; imò tanquam à Regno fortunæ, in quod ab utero jactatus fuerat, ac sibi ærumnarum, adversitatumque omnium genera perpeti potis erat, nam

Cuius potest accedere, quod cuiquam potest,

Liber, & incolumis, nedum æquo, invictoquoque animo mortem ipsam obire, sed libenter, & cum gaudio in illam tam laxam libertatem se recipere vult. Cùm autem hanc etiam Sapiētiā veteres ipsi Philosophi nedum Scriptis docuerint, sed suo quoque exemplo firmaverint, Democritum enim

Postquam matura vetustas

Admonuit memorem motus languescere mentis,

Sponte suā Letho caput obviis obtulit ipse.

Et Seneca, denuntiata sibi à Centurione necessitate ultimā, *Testamenti* „ tabulas interritus poposcit, amicorumque lachrymas modò sermone, modò „ intentior in modum coercētis ad firmitudinem revocavit; ubi, inquiens, „ præcepta Sapiētiæ? ubi tot per annos meditata ratio adversum imminensia? (a) Quid hominibus verā Religione imbutis, æternæque Beatitudinis spe firmatis dignum censes? An eis aliud erit mors corporis, quam somnus, & dormitio? quod si videntur oculis insipientium mori, & æstimatur afflictio exitus illorum, agnoscat, sciātque à Domino, eis iter esse, quo ad pacem pergunt, non exterminium.

Sed quodnam genus vitæ Sapiētem eligere potius oportebit? An humanarum rerum essentiā probè perspectā, contemplationi tantum vacabit? An verò his imbutus Philosophiæ præceptis, nil morantibus cæteris ad Remp. accederet, operamque suam præstare libenter velit? Quis verò bene agere, ac vitam beatam ducere idem prorsus referre negare audebit? Qui autem nihil agit, quo-

(a) Tacit. annal. 15.

D 3

modo

De
Sapiētiæ
actione.

modo unquam bene agere potis erit ? nec enim aliter virtutes explicandi occasio ; finisque multarum, & honestarum rerum assequi poterit : quam namque justitiæ partem, quam prudentiæ, liberalitatis, aut quodnam Patriæ, hominibusque juvandi studium exercere potuit Diogenes ille suo inclusus dolio ? Itaque officium omne, quod cæteris prodesse possit, quodque ad tuendam Rempublicam valet, solivagâ, ac jejuna cognitione posthabita unice adhibere gaudebit : Quis est enim, ut Ciceronis (a) verbis utar, „ *tam cupidus in perspicenda, cognoscendaque rerum* „ *natura, ut si ei tractanti, contemplantiq; res cognitione dignissimas,* „ *subito sit illatum periculum, discrimenque Patria, cui subvenire, opitu-* „ *larique possit, non illa omnia relinquat, atque abjiciat, etiam si dinume-* „ *rare se stellas, aut metiri Mundi magnitudinem posse arbitretur ? atque* „ *hoc idem in Parentis, in amici re, aut periculo fecerit ?*

Ergo accedet ad Rempublicam Sapiens, sed eam Rempublicam, ubi ratio, & lex dominatur, ubi agi solent, & pati fortia ; nec propterea præstantes viri diminui, nec magni animi tolli timere possunt, nec Cives redduntur pauperes, atque inter se diffidentes ; nec infirmi, abjectique animi esse coguntur : ubi non deleri vires, sed ad parandam, tuendamque populi felicitatem augeri cordi est ; ubi denique nec nolentibus, nec imperatur invitatis, justa enim succedendi, aut eligendi ordine ex lege deferuntur Imperia, ac propterea nemo quod percunctanti Tiberio ; *Quomodo Agrippa factus esset*, servus ille respondit : (b) *Quomodo tu Casar ?* poterit objicere. Quare primos etiam Barbarici Imperii honores negliget, vitabit imò, ac fugiet, ubi non publica, sed propria tantum spectatur utilitas, ipsasque propterea leges non tam cum Anacharisi Aranearum telis æquiparare licet, sed veluti in retes convexas dicere, ad involvendas, retinendasque eorum substantias, quorum vitam in sua potestate Tyranni habere concupiscunt ; quare non ad flagitiosorum hominum coercendam audaciam, securitatemque parandam universorum, sed ad extruendas præstantibus viris insidias, ditiorumque facultates corradendas leges figunt, atque refigunt ; *corruptissima namque Republica plurima leges.* Nec alter illarum cernitur scopus, quàm ut Potentiam suam, spretis naturæ legibus, & Dei, undique firment, atque stabiliant. An igitur sub Hyerone, Dionysio, cæterisque Tyrannis Magistratus, rerumque publicarum curationes recipientes Sapientes ? An ge-

(a) *de offic. lib. I. in fine.*(b) *Tacit. annal. 2.*

nerosi

nerosi illorum animi Tyrannorum vitiis, artibusque deservient? atque in arcanis Consiliis, flagitiis ipsorum media præbunt? An sub Tiberio aget Sapiens exploratorem, *totumque inter & laquearia se abstrudet, foraminibus, & rimis aurem admovebit*, (a) suumque dedecus pro ingenti servitio Principi narrabit? An sub Cajo Caligula, Nerone, Domitiano facinorum, libidinumque Ministri esse patientur?

Quid autem ubi plures Tyranni Rempublicam invadunt, eorumque potentiam per artes, & scelera firmare nituntur? aut ubi plebis impotens Dominatio susque deque miscet universa? an enim ubi bellum Sapiientibus indicitur, præstantesque viri è medio tolluntur, Reipublicæ munera capeßere datur?

Sapiens igitur vitam in otio ducet, nec tamen otiosè; imò tunc magis negotia aggreditur universorum, tradet namque præceptis, quæ præstare nequit exemplis; atque nunc Regna Naturæ percurrens, rerum universarum causas aperiet, Mundi que totius admirabilem concentum explicabit, nunc animos ad virtutem formare, atque incitare non desinet, felicitatemque in sola virtute consistere demonstrabit, nunc verò ipsos ad altiora eriget, Divinaque contemplari suadebit, ut veræ Sapiëntiæ terminus, postremusque rerum humanarum finis assequatur.

EXERCITATIO IV.

De Civili Disciplina.

Quoniam cunctarum Artium perfectio in 4. præcipuè spectari solet, sine videlicet, objecto, officio, & instrumentis; videndum nobis imprimis erit, quisnam sit Civilis disciplinæ finis, quodnam objectum, ejusque extremum, idem enim officium erit; ac tandem instrumenta, quorum adjumento ea, quæ officii sunt, exequi possunt.

Finis igitur felicitas est Civilis; nempe in sociali vita bene, beatèque vivere, quod idem erit, ac juxta rationem agere, rerumque ex sententia necessariarum copiam habere, quæ omnia Civitas ipsa, seu perfecta societas unice præstat. Objectum verò est Status ipse, sive Respublica, & *internæ præcepta* sunt, quæ in civili

(a) Tacit. Annal. 6.

civili facultate traduntur ad instituendam, conservandamque Rempublicam; *externum* verò, cum actu ad usum applicantur.

Officium, eam Institutis ad finem conducentibus informare, conservare, & corrigere; instrumenta tandem media sunt illa, quibus publicè utilia promoventur, noxia vitantur.

Civilis ergo Disciplina est *Utilitatis publica scientia, sive eorum, quibus uti oportet ad condendum, tuendumque Statum*; quare in iis tota occupari debet, quæ Imperii salutem, incolumitatemque publici Statûs pariunt, ac promonent.

Certos igitur terminos sibi præfigit Politicus, nè fines aliarum artium invadat, nè prorsus heterogenea misceat, vitæque civilis scientiam cum Ethica, seu Theologia confundat, quarum diversa sunt objecta; quapropter cum in suo unice subjecto perpetuò versari debeat, Statu nempe, sive Rep., nec Resp. sit ipsa Civitas, cum Civitas ordinetur in Rempublicam, non autem contrà, Artis Pædia postulat primò Civitatem tanquam materiam, postea verò Rempublicam veluti Civitatis formam, unde totum ipsum perfectè resultat, ordinata nempe Civitas, agnoscere, indeque varias ejusdem ordinis formas considerare, & quæ sint cuique formæ utilia, noxiæ discernere, non enim Politiam optimam simpliciter, sed etiam ex suppositione considerat, cum ejus objectum sint omnes formæ.

Civitas ergo ex multitudine conflatur ad bene, & securè vivendum congregata; quare nisi res sint in Civitate, quæ vitæ sunt necessariae, nunquam dicitur perfecta Societas, cum desit finis, adeoque non statim hominum unio Civitatem parit, sed si adeò coeant simul, ut saltèm mediocri rerum omnium ad vitam necessariorum copia secundùm rationem in societate fruantur; tunc enim incipit Civitas esse, quia jam constituta est vivendi causâ Societas, permanet autem, progrediturque bene vivendi causa. Quare à natura ipsa ortum habet, cum homo nedom propter indigentiam ad suis malis remedia querenda ex naturæ facultate feratur, sed etiam ut sermone, & ratione præditus, animal sit civile, & sociabile; nec tantùm querat id, quod satis, quod imprimis est necessarium, sed etiam quod jucundam, beatamque vitam efficit; quod sine ordinata Civitate assequi est impossibile; licet autem Civitas paulatim orta fuerit, cum ex propagatione Familiarum ortæ sint Vicinitates, & ex Vicinitatum conjunctione Civi-

Civitatis origo sit deducenda, naturâ tamen prior est Civitas; nam id, quod est finis, optimum: finis autem, & perfectio natura est, adeoque primum.

Civitas ergo perfecta erit *multarum Vicinitatum Communitas*, in qua omne id quod satis perfectissimè insit, orta quidem, & constituta vivendi causa, permanens autem bene vivendi causa. Cum autem nendum sufficiat totum agnoscere, sed partes, & Civitatem Vicinitatum conjunctio faciat, Vicinitates verò Familiarum propagatio; hinc Familiam describere debemus; illa autem est *in omnes vita dies Naturâ constituta Societas*; prima enim naturalis conjunctio est Viri & Uxoris; naturaliter namque necesse est, conjungi primum eos, quorum alter sine altero nequit esse, ut foeminam & marem procreandi causâ, adeoque fundamentum est & principium generis humani. Sed ultra Viri & Uxoris Societatem, usûs etiam quotidiani causâ Societas est Domini & Servi, non quidem eâ servitute, quæ contra naturam est, à jure gentium introducta, ut in bellis, quoniam inviti solummodò adiguntur ad servitutem, sed quæ maximè naturalis; cum enim non cuncti eadem mentis præstantiâ naturâ polleant, necesse est unum alteri opitulari, adeoque finis est salus & conservatio; jam enim primâ naturali Societate constitutâ, nuptiali scilicet, herilis statim sequitur, quia Vir & rem familiarem quærere cogitur, & multa ejus comparandæ causâ facere, & procreatos filios alere, ac tueri necesse habet, adeoque ministerio est opus; qui autem pro Viro jam Patrefamilias constituto operas impendunt, servorum locò habentur, qui rei familiaris membra sunt quædam animata, & veluti Organa, quibus nempe opus perficitur; nam ut optimè Aristoteles: Si pectines texerent ipsi, & plectra pulsarent, ut Dedali opera, aut Vulcani Tripodes, quos in certamen sponte suâ processisse finxit Homerus, nihil opus essent Architectis ministri, neque Dominis servi.

Eos autem naturâ ad servitutem ferri dicimus, qui mentis præstantiâ non adedò excellunt, ac propterea spontè alterius imperium ferre possunt, eique subjiciuntur commodi sui causâ, ut nempe suo ministerio vivant; quare cum sibi familiam propter mentis hebetudinem constituere nequivissent, Patribus familias ad explenda ministeria se subdebant, ut alimenta ad sui conservacionem assequerentur.

E

Sunt

Sunt-igitur primæ naturæ Societates Viri & Uxoris, Domini & Servi, Patris & Filii, unde Patria, & herilis potestas, sicut in Uxorem sunt à natura; cunctis enim Paterfamilias imperat, licet diverso jure, Uxori enim tanquam mente præstantior debuit naturaliter præesse, ex quibus familia perfectè conflatur; quare imperfecta erit absque filiis, & absque servorum ministerio, nulla sine uxore. Rectè igitur Hesiodus:

Sit Domus imprimis, Uxorq̃ue, & Taurus arator.

Bos namque tenuibus servi est locò, hosque primos socios Charondas vocavit *Homospippos*, seu *Penus socios*; Epimenides verò *Homocapnos*, quasi *sumi socios*.

Ex his secuti Consobriini, Sobriinque, qui cum unâ jam domo capi non possent, in alias domos, tanquam Colonias exivere, propagatique in dies per Connubia, & Affinitates, Vicinitatibus ortum dedere, quarum homines partim collataneos, partim liberos, & liberorum liberos nuncuparunt; unde Virgilius:

Et nati natorum, & qui nascentur ab illis.

Vicinitas igitur est *naturæ constituta Societas ad communem vitam usum.*

Communitas autem Vicinitatum, quam Civitatem nuncupamus, nisi in Remp. fuerit ordinata, confusio erit, & se statim destruet. Tunc autem ordinabitur, cum determinatam regiminis formam accipiet, Magistratus habebit, & judicia, summamque potestatem; quarum rerum ordo Rempublicam efficit, unde se habet veluti forma, seu spiritus Civitatis, ut dictum est, nihique aliud propterea erit, quam *parendi, & imperandi ordinis in Civitate recta institutio cum summa potestate*, quâ quidem, ut Cicero inquit, nil Deo acceptius esse potest.

De
necessitate
ordinis in
Civitate.

Sed videndum, antequam ad ordinem ipsum transeamus, quibus illè fundamentis potissimum innitatur, ex quove principio suo velut è fonte manarit, antequam varios ejusdem modos investigemus. Qui de civili hominum Statu scripsere, in duplicem præcipue abivere sententiam è directo sibi contrariam; alii enim nullam ex Natura legem agnoscetes, nullamque ex principiis rationis Societatem, eam ortam dixere propter propriam tantummodo utilitatem, amoremque sui, eamque propterea, ut Horatius ait, *justi matrem, & aquí faciunt*; licet enim ex Natura jus omnium sit in omnia, ut ipsi loquuntur, inutile tamen, noxiumque erat jus illud

lud experiri, ex eo namque mutua cædes, perpetuâque dissidia orta fuissent; utilitas proinde & amor sui societatem, in eâque ordinem produxere, ex quo postea segetem omnem moralium, politicarumque Virtutum fluxisse adstruunt. Unde supponunt, homines naturâ nedum æquales, sed cum absoluta independentia nasci, Societatesque ipsas, atque Resp. non aliter nisi ex libera ipsorum voluntate institutas, quia ad id tantummodò ferebantur, ut propriæ utilitati consulere potuissent, eâque de causa cunctis Societatibus legibus se subicere debuerunt. Supponunt etiam mutuos fuisse Contractus, ut ita loquar, inter eos, quibus fuit summa collata potestas, & populum; atque propterea per pacta duntaxat coaluisse, adeoque eandem veluti depositum quoddam ad custodiendum à Populo datum repeti jure posse, si in sui perniciem abutantur, ex quo cuncta desumuntur opinionum monstra, quæ in politicam facultatem ad Societarum perniciem irrepsere.

Quos tamen rejecerunt cuncti fermè primæ notæ Viri, e sublimiori principio universæ Politicæ originem derivantes; Naturâ scilicet homines ferri ad Societatis ordinem, ac propterea dictatum esse rationis, cujus cum humana tantum Natura sit particeps, eam sequi oportuit, ut homines secundum Naturam agerent, quare ordo ipse Societatis, ac propterea summæ Potestates ex Deo sunt, qui naturam hominis ita formavit; præciso igitur contractu quocunque atque antecederet ad quævis pacta, spontaneamque subjectionem cuncti nec æquales, nec absque dependentia nascuntur, & ab ortu ipso alicujus sunt membra Societatis; ita ut sicut Natura Societas, quæ Familias, Vicinitatesque ad Civitatem veluti finem dirigebat, filios subjicit Patri, ac Domino servos, ut diximus, ordinem in Familiis agnoscentes; ita Civilis Societas summæ Potestati eos ab initio subjicit, quia id est optimum, ac propterea naturâ primum; Natura enim Civitatem voluit, seu Societatem ad vitam beatam, quam ut finem præcipuum, adeoque primum spectavit; igitur ordinem etiam Civitatis, nempe Rempublicam, qua sine nulla posset esse Societas.

Quare firmato semel Societatis ordine, Civitateque, ut ita dixerim, animatâ, non amplius eum perturbare, nec sub quovis prætextu contra summam Potestatem, quæ Spiritus est, & anima Civitatis, insurgere fas erit; suo enim judicio Deus, qui voluit ordinem Societatis, reservavit; alias oruo ipse nunquam perfectè fuisset as-

secutus, quod prorsus Deo, rectæque Societatis institutioni repugnat.

Sed ut hujus principii veritas facillimè pateat, Legem ipsam humanæ naturæ peculiarem denuò paucis attingere operæ pretium erit; eâ enim probè cognitâ, cæterarum etiam difficilium, quæ in facultate Civili occurrunt, disputationum judicium ferri potest.

Est autem universaliter sumpta Lex Naturæ: *Vis atque facultas cujusunque entis, juxta quam illud agere, & operari aptum est*; unde in orbe concentus, & harmonia efficitur rerum omnium, cunctaque perpetuo quodam motuvolvuntur, ut legibus Naturæ pareant, ex quo rerum ipsarum universitas prodit; sicut igitur corpora ipsa suas servant Naturæ Leges, ut semper idem ordo servetur, nihilque præter eum intreat, aut producatur; ita intelligendi facultatem sua ex natura sequitur proportionata inclinatio, quâ fertur ad bonum, quod quidem habitu semper diligit, actu verò dum ad vim, proprietatemque exercendam naturæ suæ nec externa, nec Lex ipsa Corporis naturæ promiscua, quatenus cum eo conjuncta existat, impediunt, ut suprâ diximus. Quam propterea inclinationem in bonum Voluntatis nomine nuncupavimus, quæ in sua magna, vastaque appetendi capacitate non aliquo particulari instinctu moveri, sed ratione sese dirigere, ac ad melius visum determinare debuit; quam quidem rationem intellectum esse diximus, cujus auxilio rerum essentias percipere, acquisitasque perceptiones nedum simul connectere, sed opportunè dividere, superque illis naturali quâdam Geometriâ aptè ratiocinari fusè ab initio dictum est.

Voluntate igitur, atque intellectu seipsum dirigere debet homo juxta legem ac normam, quam ab Authore sui Deo accepit; hanc autem rationem esse humanam advertimus, quæ ab ipsa Legge æterna, tanquam propriâ ejus imagine derivatur, ratio nempe ipsius Dei, quæ sibi ipsi Lex est. immutabilis, & hæc Lex in homine semper est, eamque juxta perpetuò operari tenetur, ut Dei voluntati, æternæque rationi, quantum ejus natura patitur, obsequatur. Ex qua quidem Naturæ Lege principium illud universale ducit originem, quodlibet nempe ens amari oportere juxta dignitatem naturæ suæ, gradus scilicet bonitatis, unde amor in Deum, ut summum, ac infinitum Bonum; amor etiam erga invisibilia entia, Angelos nempe, quos in ordine intelligendi præter Deum

Deum primos agnoscimus ; amor in homines , quia ejusdem speciei sunt individua , eaque inter cùm sit communio Naturæ , communio etiam Legis oportet esse , qui verò Lege communicant , ejusdem Civitatis habendi sunt , unde universus hic Mundus , ut Cicero inquit : *Una Civitas Deorum , atque hominum est existimandus.*

Inde fortius procedit amor erga eos , quibus cum vivimus , & in cujus Societate Natura ipsa nos posuit , unde Patriæ amor , omnisque virtutum seges , tum Ethica , tum Civilis. Hinc etiam Parentes pietate prosequimur , quoniam iisdem , ut existentia nostræ instrumento usus est Deus , cæterosque amamus , quibus sumus sanguine , alioque vinculo conjuncti , universamque Familiam diligimus. Amamus quoque nosmetipsos , quia pars licet parvula sumus Universi , Deumque nostri Authorem agnoscimus ; sed amor iste mensuram , legitimumque modum habere debet , nam nec Familiam infrà se diligere , nec Familiam Patriæ anteferre , nec Patriam denique humano Generi , atque huic principio Jus universarum Gentium innixum est ; nec enim est accersenda Familia ruina propter sui conservationem , nec amplianda Familia , aut imaginibus ornanda Patriæ detrimento , nec Patriæ gloriâ , potentiaque augenda , jura humanitatis quoquo modo violando.

Quoniam verò non semper , uti Natura dicitur , mens cupiditatibus imperat , quæ cùm à corporis Natura deriventur , à Lege rationis aberrant , & sensuum impetus sequuntur , externarumque rerum imaginibus perculsi , affectiones illas pariunt , quibus animus perturbatur , unde lumen rationis inter affectionum ipsarum tenebras delitescit ; hinc sæpius homines impetu abripiuntur ; adeò ut ratione destituti , contra suam naturam prorsus vivant , ut Exercitatione de Facultatibus humanæ Naturæ , alteraque de Justitia hominum naturali demonstrare conati sumus : Quapropter innumerabilis malorum seges homini ab homine imminabat , nec nisi ex Societate , & ordine remedium quæri poterat ; adeoque rationi obscurantes , juxtaque Naturam suam agentes , cùm propter tranquillam , beatamque vitam coaluissent in Societates , ordinem expetivere , ut ratio ipsa eum in modum explicaretur , quòd omnes ad eam sequendam cogendi , si necessitas expostularet , facultas esset. Unde ordo est , ut in ratione persistant homines , ratio autem est ipsorum Natura ; ordo igitur est à Natura , atque in ea primum ; id autem est esse à Deo immediatè.

Oportet igitur ipsum à modo distinguere ; modus enim medium est, quo utuntur homines ad assequendum ordinem ; quæcunque propter eam facti hominis eveniunt, unde diversitas ordinis promanat, non ordinis sunt fons & origo, sed velut inciles, per quos ordo ipse fluit, variosque se dispergit in rivos.

Ordinis ergo necessitas est, ut homines in ratione vivant, & proinde agant juxta Naturam ; Ordo autem sine summa potestate nec potest concipi, unde à Deo est immediatè summa potestas, qui hominibus utitur tanquam mediis, ut uni, vel paucis, vel multis inperscrutabili suæ providentiæ arcano concedatur.

Pacta igitur, ex quibus Societates aliquæ in ordinem redactæ, Legesque mutux inter Principem & Populum, personam explicant, cui summa Potestas à Deo ordinata communicatur ; hinc Deus Hebræo populo volenti daturus Regem, licet alias haberet ordinem, eum admonuit de iis, quæ sub Rege tolerare oportebat, quasi diceret : *Summam vultis Potestatem penes unum, dabo equidem, sed ille multifariam abutetur ; nec propterea vobis ab eo recedere licebit, de qua re magis infra.*

De
variis or-
dinibus
Civitatis.

Cunctis igitur unus, vel Populus, vel pauci præfunt summâ potestate. Unus absolutè, aut civiliter imperat, jureque vel injuriâ. Dum absolutè præest, Dominus dicitur, cæteri autem sunt servi, quos licet bonis Legibus moderetur, suam tamen potius spectat utilitatem, illorumque præcipuè propter se, ejusque Dominatus est omni Lege solutus. Civiliter autem ; dum Princeps ipse Divinis, ac Naturæ Legibus obtemperans, Subditos quidem suis vult imperiis obsequentes, sed tamen naturalem eorum libertatem, rerumque Dominium conservat, ac tuetur. Jure, cum legitime adeptus Imperium, non eum in modum exerceat, ut subditorum bonis, ac libertate impudenter abutatur. Contrà verò, si flagitio illud adeptus, nec bonis artibus exerceat, unde tyrannicè dominetur.

Pauci verò aut ex virtute, aut divitiis, aut nobilitate summam Potestatem adepti, vel omnium, quos regunt, spectant utilitatem, vel ipsorum Potentiam per arcana, & artes conservare duntaxat student ; & Populus denique, dum in legitimis comitiis summam Potestatem per vices, tempusque determinatum concedit, cæterosque Magistratus eligit, Legesque dominari facit Societatis universæ Bono ; aut dum Plebs tantummodò Potentiam arripit,

ripit, eâque abutitur adeò, ut non Lex, sed multitudo ipsa dominetur, suoque arbitrio, & Decretis administret universa.

Sex igitur sunt ordinum in Civitate modi. Tres autem rectè instituti, cæteri aberrantes, ac viciosi. Primus *Dominatio* vocatur *unius*, qui tantummodò in hoc à tyrannide discrepare videtur, quia Dominus servos ipsos Lege moderatur, eorumque curat etiam utilitatem, unde nec parent inviti. Alter verò est *Regalis Monarchia*, seu *Regnum*, qui quidem est omnium primus, semperque celebratus, licèt diversæ sint ejus species. Tertius denique Tyrannis est, cujus omnium pessimæ sunt artes & arcana, flagitiaque perpetua; nam spretis etiam Naturæ Legibus suam tantùm spectat utilitatem, Potentiamque adeò augere studet, ut ad libitum prorsùs regnet invito Populo. Ordo verò paucorum ex virtute, qui meritò nuncupantur *Optimates*, *Aristocratia* dicitur, cui alter opponitur, paucorum nempe potentia, quam *Oligarchiam* vocant, & Populi tandem legitimè imperantis alter, qui *Reipublica*, aut quandoque *Democratia* vocabulo denotatur, cui Plebis Dominatio, quam *Ochlocratiam* nuncupârunt, opponitur; cujusque variæ sunt etiam species, quæ *Democratia* quoque nomen retinent, quas antequam sigillatim percurramus, summam Potestatem paucis universaliter debemus explicare.

Spiritum, & animam Civitatis summam Potestatem esse diximus, per eam enim est ordo, quo Civitas ipsa vivit, quoque sublato dissolvitur. Erit ergo *summa, & libera moderandi Civilem Societatem Potestas ad finem propositum*; unde & summâ inter homines libertate, & summo in Subditos Imperio simul constat; ordinis enim est primum, a quo cæteri omnes, sicut ordo postulat, agendi, aut coërcendi vim accipiunt, & facultatem; sicut enim in naturalibus causis inferiores, quæ à superioribus dependent, contra earum efficaciam vim agendi non habent, ità & in moralibus. Finem verò, ad quem ordo tendit, jam innuimus, ut nempe homines ex præscripto rationis vivant in Civitate sibi sufficienter instructa; quod quidem summa Potestas in Societate præstare, ac efficere potis est; *Omnium namque domos, ut Angli loquuntur, Principis vigilia defendit, omnium otium ipsius labor, omnium delicias ipsius industria, omnium vacationem illius occupatio; estque talis narium nostrarum, & lumen oculorum nostrorum.* Quare *unam Dei Arabes, Persæque nuncupârunt, Vicariam namque in Societa-*

De
Summa
Potestate.

Societate Dei Potestatem exercet, unde Sacrae Literæ : *Rex sedens super solium Judicii sui dissipat omne malum. In luce vultus Regis est vita, & benevolentia ejus est ut nubes pluvia serotina, & illius favor est sicut ros super herbam. Rex est spiritus narium nostrarum, & sub umbra illius vivimus inter Gentes. Idem est clypeus noster, & arma nostra bellica, & in illius pace nobis est Pax. Illo uno vigilante nos securè dormimus, & quietam vitam agimus cum omni non honestate solùm, verùm etiam in omni pietate.*

Summa igitur Potestas finem in Societate propositum nedum Naturæ, sed Divinâ Lege promovere tenetur, licet rationem soli Deo sit redditura, nulla enim est justitiæ Curia præter conscientiam suam ; unde quæ jubet Civibus, salvo jure Superioris, nempe Dei, mandare debet, ac proinde Divina Lex tum naturalis, tum positiva facta testis semper erit ; cæteris soluta Legibus, nisi quatenus ad finem propositum conducant ; salus enim Populi suprema Lex erit. Quare Sextus Cæcilius, Leges, dicere solebat, in Principis arbitrio perinde esse, ut in Potestate Gubernatoris ipsa Gubernacula, quæ essent inutilia, nisi ad omnem Cœli faciem, & opportunitatem moveri, & converti possent, nè ipsa navis cum Gubernatore prius naufragium patiatur, quàm Vectores consuli possint ; hæc autem de summa Potestate, cui propterea Majestas, summum nempe fastigium, ac summum rerum judicium semper inest, intelligimus, sunt enim aliquæ precariè vel ad tempus concessæ, de quibus infra.

Ex quo jura illa, quæ Majestatis vocant, quæque nec cedi, nec distrahi, nec ulla ratione abalienari à summa Potestate posse, ac ne ulla quidem temporum diuturnitate præscribi omnium Decreto constat, quæque Juris-Consulti *sacra sacrorum, atque individua* nuncuparunt, necessariè derivantur ; quorum primum Legislatio erit: Universis nempe, ac singulis Legem dicere, nec eam ab ullo præterquam ab immortali Deo accipere; licet enim Subditis Legem ferre possit, si tamen ab aliquo quoquo modo ipsa acciperet, nec summa Potestas esset, nec Jura Majestatis haberet.

Aliud verò: *Bellum indicere, Pacemque inire*, quo nullum erit majus, ex eo namque Reipublicæ exitum, aut salus pendet ; unde potuit Romana Plebs jubendæ Legis arripere potestatem, pacemque inire, bellum verò indicere nunquam licuit, nisi Centuriatis Comitibus Populus juberet. Quare Gallis Cæsarem dedi oportere

tere Cato censuit, Legionesque domum revocari; quoniam adversus Gallos injussu Populi bellum gesserat; hinc perpetuo apud Livium Romanorum bella Populi jussu indicta leguntur, atque ita & nunc, & antea in Rebuspublicis servari videmus.

Tertium verò Caput in Magistratum creatione positum est, nam cujus summa in Republica Potestas est, huic accepta ferri necesse est omnia omnium Imperia, ac Jurisdictiones, licet majores Magistratus, ac Judicum Decuriae Ministros aliquos sibi cooptare queant.

Quartum verò extrema est Provocatio; unde Romae Valeria rogatione ab omnibus Magistratibus Populum licuit appellare, ut exactis Urbe Regibus universa Majestatis Jura complecteretur. Ac tametsi Hadrianus Augustus, nè à Senatu provocaretur, vetuisset; idemque jussisset Nero, Principem tamen per supplicationes, seu rogationes adire, nunquam est vetitum. Sic licet in quampluribus Civitatibus majores Curiae tum privata, tum publica extra provocationem definiant, summæ tamen potestati supplicare nunquam interdicitur, etiamsi mandatum esset, nè provocatio ulla, nève rogatio ad se feratur, ut Caligola Edicto jusserat, quod nunquam fuit observatum. Nec enim summa Potestas eam sibi Legem dicere potest, licet rogationes ipsas respuat; Leges enim Civiles erunt, quibus summa Potestas nunquam obligatur; hinc in Feudorum concessionibus licet cum Imperio, & Jurisdictione, cunctisque Regalibus, quæ verè ad Majestatem pertinent semper excipi solent: *fiduciarium nempe obsequium, seu homagium, & extrema provocatio.*

Ab hoc verò extremæ provocationis jure necis, ac vitæ potestas pendet, quæ in Rebuspublicis semper fuit penes Populum, aut Concilium summum, unde Fabius à Dictatore Papyrio Populum appellavit, & Servius Galba Majestatis à Catone accusatus veniam à Populo obtinuit. Et hodie apud Venetos nulli quidem Magistratui, ac ne Duci quidem cum Senatu, aut Decemviris damnatos restituendi potestas est, cum unice magnum Concilium, in quo jura sunt Majestatis universa, præstare id possit.

Ad summam quoque Potestatem pertinet, *Nam percutienti jus, ejusque pretium, pondus, ac imaginem præscribere; unde Lege Tribunitiâ id Romæ factum constat, nec enim Senatus Decreta, nisi Tribunis plebis assentientibus vim habere poterant; Senatus enim censebat, Populus verò jubendi habebat potestatem.*

statem. Nunc autem apud omnes Principes Lex Constantini Augusti peræquè custoditur; Majestatis enim pœnâ tenentur, qui nummos corrumpere audent, bonaquæ damnatorum Fiscus vindicat, quare cùm Ariander Ægypti Præfectus Numisma infcio Perfarum Rege suâ imagine signaverit, securi percussus est.

Est *Jus* etiam *Vestigalia*, ac *Tributa imperandi*; semper enim annexum est Majestati jus tantum è bonis Civium decerpere, quantum Reipublicæ salus expostulat; quare in cunctis tum publicis, tum privatorum bonis Dominium summæ Potestatis eminens pro Reipublicæ incolumitate perpetuò adhæret. Ex quo nemo potest jure conqueri Vestigialium, ac Tributorum solutione; nam sicut alimenta, ac vestes ad Corpus conservandum sunt necessaria, ita illa ad Societatem, quod est Corpus morale longè nobilior, præstandam incolumem; *Nec enim gentium quies sine armis, neque arma sine stipendiis, neque stipendia sine tributis haberi possunt*; quapropter ineptè satis Nero Vestigalia cuncta omitti, idquæ pulcherrimum donum Geni mortaliū dare cogitabat; nam, ut eum Senatus admonuit, dissolutio Imperii inde secuta esset. De Generibus autem Vestigialium, ac Tributorum infra, sicut de cæteris, quæ Regalia minora vocant. Illud tamen indubium semper erit, ejus naturæ jura Majestatis esse, summarumquæ adeò Potestatum propria, ut nec Subditis communicari, concessaque nullo unquam temporis curriculo præscribi queant, quod si etiam expresse concessa fuerint, jure ipso excepta judicantur. *Nec enim, ut Themistocles Athenienses, & Cato Censor Romanos, sicut Plutarchus refert, in Concionibus monuerunt, mortales adversus Deum immortalem, nec privati adversus Rempublicam præscribunt; & pauca hæc de summa Potestate pro nunc libasse sufficiat.*

Do
Domina-
tione uni-
us.

Diversimodè autem summa Potestas per unum explicatur; quando namque aut jure belli, aut deditione spontaneâ, sive etiam ex fœdere Cives cum fortunis omnibus arbitrio se permittunt unius, ille verò, nedum quæ sunt Majestatis, arripit, sed cum Subditos, cum Bona vult absolute moderari, Dominationem constituit, Subditosquæ tantummodò uti servos agnoscit. Titulus autem ille justī belli, sive fœderis, aut spontanæ deditionis cum moderamine servorum utilitatem respiciente *Tyranni* notam adimit, præcipuè verò dum confirmata Dominatio in jus hæreditatis transivit, spectatquæ Populus Familiam regnatricem, illamquæ ut Dominam

minam colit, ac reveretur. Fuere hujus generis, ut Aristoteles innuit, antiqua Asiaticorum Imperia, quos propterea Barbaros nuncupavit, nam ad ipsa perpetiendâ naturâ ferebantur. Sic enim Persæ, Medi, Assirii, Ægyptii, aliique regnabantur, Regesque ipsos adorabant Deorum in modum; unde Livius inquit: *Barbaris pro Legibus semper Dominorum imperia fuerunt.* Ac propterea Themistocles ab Artabano Persarum Regem, adire vetitus, nisi prius eum adorare fassus esset; Regibusque ad bellum procedentibus terra, & aqua dabatur, ut omnium, quæ terrâ, marique continebantur, Dominos esse significaretur. Assyriorum autem primus Nimbrodus in sacris Literis memoratur, quem Magni Venatoris nomine, Latronis nempe potentissimi designant. Hodie Turca, & Moscus absolutam Dominationem exercent, ac propterea Subditi nil habent proprium, sed omnia Principibus accepta ferunt, nec bonorum hæredes habent, nisi novo Principis beneficio eisdem permittantur. Sic Timnariotæ, quos vocant apud Turcas, Equestris nempe ordo, prædia possident fiduciæ nomine, pro quibus cum equis in bello servire tenentur, eorumque conductiones decennio quolibet renovare solent. Sunt & aliæ hujuscemodi Potestates in Asia, atque apud Indos, quorum Gens nec ullam Reipublicæ notionem habet, imò nec aliud dominandi genus percipit, aded ut nec fœderati Belgii libertatem agnoscere potuerint, cujus propterea Legati sub nomine Principis Aurisiaci negotia expedire coacti fuerint. Habet autem hoc dominandi genus arcana quamplurima, quæ Turcarum Aula mirificè exercuit, quibusque potentiam suam firmare studuit.

Sequitur ea dominandi species, in qua sub unius Imperio Subditi naturali libertate, ac rerum Dominio fruuntur, quæ Monarchia Regalis nuncupatur. Princeps enim dominatur juxta naturæ Leges, ac Dei ad Civium utilitatem, ut scilicet ex præscripto rationis agant; Divinamque ipsam, ac Naturæ Legem observent, quem ad finem Publici ipsius Civitatis Juris Princeps conditor, & custos efficitur; quo ex fonte cuncta boni Principis officia unicè derivantur, Lexque ipsa Naturæ Subditos inter se, & cum Principe aded arctissimè copulat, ut mira inde Reipublicæ unio, ac felicitas existat. Atque hic est ille Ordo, qui Divinum Imperium, ipsumque Naturæ progressum imitatur, qui que primus inter mortales elucescit. Summa verò Regalis Potestas sive electione, sive succedendi jure deferatur, parùm refert, dummodò unus tantummodò ju-

De
Regali
Monarchia.

ra Majestatis universa complectatur; aliàs enim diversa à Regali Monarchia Reipublicæ species efficitur; multò minùs si ad tempus exercitium habeat Majestatis. Quare nec Græcorum Æsimnetæ, nec Spartiatarum Reges Regalem hanc Potestatem explicare dici poterant: Primi enim licèt maximà Potestate fruerentur, & optione fierent, non tamen perpetua semper erat Potestas, nec cuncta complectebatur, ut Pittacus ille sapiens à Mitilenensibus tantummodò adversùs Exules lectus, cui propterea in omnibus convenit Romanorum Dictatoria Potestas. Lacedæmones verò Reges potius militari quādam Præturâ fungebantur, licèt tempore, & creatione differret, nam erat perpetua, & hæreditaria, illi enim nec in pace *jus vita, & necis* habebant, tantumque in bello, & re Divina Potestatem explicabant, ut infrà. Hodie nec *Regalis Monarchia* dici potest Polonorum Respublica, nec Anglia; summa enim rerum ibi apud Nobiles existit, in quorum ordine Rex est primus, sed illi juxta Leges Regni Comitia celebrant, Magistratus constituunt, cæteraque Majestatis jura exercent, nec Rex propterea qui Nobilium suffragio creatur, Legislationem habet, sed Sanctionum, quæ in Comitiiis promulgantur, Custos dici debet. Angli verò, licèt successionem Regem habeant, ejus tamen Potestatem procedentibus temporibus nimis coarctarunt. Nec enim pro arbitrio cuncta potest agere, ipsaque Legistatio est penès Ordines, vulgò Parliamentum, quod in Domum superiorem, & inferiorem dividunt: in illa Regni Primores, & Episcopi conveniunt; in altera verò Civitatum, & Comitatum Legati, qui propterea Londini subsident.

Romanorum quoque Reges nec Regalem Monarchiam constiuebant, licèt primus virtute à multitudine Rex Romulus fuerit proclamatus, sicut priùs relata fuisse Regna innuit Aristoteles, quorum genus vocat heroicum; multitudo namque propter accepta beneficia vel in bello, vel in pace Regnum deferabat, Potestatem tamen certis Legibus arctabat. Hinc sub Romulo Potestas Legum ferendarum, Magistratuumque creandorum penès Populum erat, autoritas autem penès Senatum; unde Senatum *decernere*, Populum verò *jubere* dicebatur; nec enim Brutus ipse sub libertatis initiis aliter Rempublicam ordinavit, Potestas namque Regia non ampliùs perpetuò penès unum, sed ad binos Consules per annum dumtaxat translata fuit, ut in Exercitatione de Romanorum Republica differemus.

Rega-

Regalis igitur Monarchia tunc verè dici poterit, cùm Princeps Jura universa Majestatis exercet, summamque Potestatem nullo tempore definitam habet, licèt illa vel optione, vel successione delata fuerit. Et potissimùm in Europa spectatur, nam si demas quod Turca, atque Moscvs possidet, Populi cæteri præter Respublicas Regali Monarchiâ reguntur, licèt in aliquibus Regionibus servitii quoddam genus existat, uti sũnt Glebæ adscripti, Kmetones in Polonia, & alii, quorum alibi mentio erit. Libertas namque naturalis in Subditis ac bonorum Dominium, summaque Potestas in Principe ad utrumque tuendum Regalem præcipuè constituunt Monarchiam; quare optimè Seneca, *ad Reges*, inquit, *Potestas omnium pertinet, ad singulos proprietas*, ac paulò post : *Omnia Rex Imperio possidet, singuli Dominio*.

Quomodo autem Legibus, Majorumque pactis conventis Rex ipse teneatur, peculiari dissertatione discutiemus. Illud tantùm prorsus dubio caret, nedum Subditos ad juris Naturæ, & Gentium normam moderari debere, sed iisdem Legibus Principem se præbere obsequentem; ac propterea solet Rex Senatûs Consilio res ipsas Subditorum moderari, quem è prudentibus, doctis, ac iustis Viris sibi constituit. Hi autem vel scripto, vel coràm Consilio præbent, licèt Rex nec etiam totius Senatûs uniformi Consilio semper alligetur, in quo summæ Potestatis vis, ac Nota elucescit. Licèt autem Senatus & pro Reipublicæ incolumitate, & Subditorum negotiis consulatur, solet tamen Rex sanctiùs sibi paucissimorum Consilium cooptare, quod unicè in maximis negotiis, quæ salutem Reipublicæ, ac Statûs incolumitatem spectant, adhibetur; ac propterea in fœderibus sanciendo, pacisque, & belli actionibus, cæterisque gravioribus Reipublicæ negotiis solent adlaborare, & Regis arbitrio vel cum eodem negotium omnè disquiritur, vel unus è Consilio Regi refert suam, aliorumque Sententiam, sive sit Consilii Præsēs, sive alter à Secretis, seu quicumque à Rege jubetur.

Tyrannidem autem Regali Monarchiæ oppositam tunc exerceri diximus, cùm scilicet *spretis Naturæ Legibus, ac Dei, ipsâ naturali Subditorum libertate, ac bonis, qui dominatur ad libidinem abutitur*. Sed non uno contingit modo, aut enim Regnum alteri injusto bello eripit, Regniqûe jura evertit, aut Reipublicæ formam, atque ordinem destruit, ut solus Dominatu potiatur, aut è legiti-

De

Tyranni-
do.

mo Principe in Tyrannum per scelera evadit, dum Subditis tanquam mancipiis abutitur, posthabitaque Legum omnium, ac Reipublicæ curâ suâ utilitate, ac voluptate metitur universa; licet fieri possit, ut unus idemque Princeps, Rex quidem erga Cives, Dominus erga iusto bello fractos, in alios verò tyrannicè se gerat. Si autem in semel statuta Tyrannide successor bonis etiam Legibus Subditorum utilitati prospiciat, paulatim Tyrannus esse desinit, quamvis eadem Instituta prout eidem potestati conservandæ convenientia servare cogatur; quare licet Cæsar Reipublicæ Romanæ formam invertisset, atque Augustus, postquàm militem donis, populum annonâ, cunctos dulcedine otii pellexit, munia Senatûs, Magistratum, Legumque in se traxisset, quapropter usurpatorum notâ jure censerî poterant; non tamen Tiberius, qui jam Romam in servitium ruentem adinvenit, & Consules, Senatus, Miles, & Populus in verba ejus juravere, unde vocatus, electusque potius à Republica videbatur, quàm per uxorium ambitum, & senili adoptione irrepsisse; quanquam Instituta, quæ ad ipsius Dominationis salutem pertinerent, probè servaverit; nam & Romanorum animos effregit, & inter se diffidentes reddidit, & vires infirmavit, clarissimo quoque delatorum arte sublato. Erat igitur legitimus Princeps, sed tyrannicè in aliquibus se gerere videbatur, quoniam ea temporum conditiô ad exercenda Dominationis arcana quamplurima cogebat. Propriè igitur Tyranni denominatio competit illi, qui nec cooptatus à Principe, nec Populi suffragio, nec sorte, nec hæreditario jure, nec testamento, nec iusto, legitimoque bello, nec ullo denique alio titulo præter omnium voluntatem Rempublicam invadit, cujus vita adeò est miserrima, ut perpetuis terroribus agitur, dirisque cruciatibus diu noctuque dilanietur. Quare Diogenes felicitatem Dionysio invidit, dum ab Arce Corynthis deturbatus, Athenis securus versaretur; cùm enim illi gratiam haberet Dionysius, quasi vicem suam graviter ferret, Ego, inquit ille, tantam felicitatem sibi invideo, qui cum servili animo & abjecto semper sis, ac fueris, dignus eras, qui in tyrannidis arce miserrimam vitam traheres, exitumque Patri similem haberes. nunc tamen cum summa tranquillitate animi nobiscum vivis, & vivis securus! atque de hoc Tyrannorum genere ea, quæ passim inculcantur, ut jure occidi queant, sunt accipienda; nam ubi Reges jure Majestatis per se legitimè fruuntur, nil Subditis

ditis nisi *obsequii gloria* relictum erit, nullumque ad eos iudicium pertinet, etsi tyrannicè se gerant. Unde David Saul Regem nunquam violari passus est, licèt Sacerdotes omnes, qui eum hospitio exceperant, crudeliter mactassent, atque ille bis in potestatem incidisset, militemque, qui Regis caput in ipsius gratiam amputassent nunciaverat, statim necari iussit, ut etiam Alexander Magnus fieri iussit adversus Darii parricidam, quem Carnifici acerrimè torquendum tradidit, licèt ejus vitam justo bello petivisset. Sed plenæ sunt tum Græcorum, tum Romanorum Historiæ eorum, qui conjuratos, ac parricidas sui Principis, quamvis tyrannicè se gessissent, supplicio affecerunt, quod illis ingentem attulit gloriam, atque imperandi securitatem. Unde cum Theophilus Græcorum Imperator gratificandi specie eos, qui Patrem occiso Leone Armenio, Imperatorem constituerant, vocari fecisset, cunctos postea mactari iussit, & Domitianus Neronis Libertum capite damnavit, quia Neroni se jugulanti, eumque enixè roganti, ut opem ferret, obsecutus fuerat. *Vitia enim erunt donec homines, sed nec hæc continua & interventu meliorum sapissimè pensantur, unde ferenda Regum ingenia, & boni Principes voto expetendi, qualescunque tolerandi.*

Aristocratix verò idem est objectum ac Regni, eodem namque modo & naturalis Subditorum libertas, & bonorum proprietas custoditur. *Aristocrata.* Congruit autem Naturæ, quia meliores imperant; duo namque specificè Aristocratiam constituunt, *mente scilicet inter ceteros præstantium, seu qui habeantur inter alios optimi, summa Potestas, & Subditorum salus; Quare Leges ferunt, quibus illa promoveri, ac conservari queat.* Latis autem Legibus, illas dominari faciunt, nec propterea suo arbitrio, ac voluntate populum regere videntur, licet si justa subsit causa, veteres abolere, aliasque sancire non prætermittant. Cum ergo virtute duntaxat metiri debeant, ut jure Optimates nuncupentur, simplex Aristocratix forma planè redditur difficillima, eà namque tum Nobilis, tum dives, tum pauper potest excellere, & si pauper virtute præstet, is Nobili, ac diviti deberet imperare; quod iis invitis contingere oportere rerum humanarum conditio suadet, adeoque motus excitari necesse est. Concilium enim in Populo universo duntaxat ex virtute metiri, illudque, ut perpetuò summâ Potestate fruatur, efficere, atque ut ab eo tum Senatus, tum sanctius quoddam Consilium constituatur, ceterique eligantur Magistratus ad Rempublicam necessarii;

cessarii; arduum sanè, ac pænè impossibile videtur; rerum namque humanarum natura non patitur, adeoque non quod est optimum, sed quod ex suppositione potest haberi, optimi locò censendum erit; unde Aristocratia simplex, seu optima est pænè impossibilis; quare Optimatum adhuc regimen erit, licet non omnes, qui præsunt, sint optimi, ad eam namque non requiritur necessariò virtus in homine, quatenus ipse sit talis, sed quà Civis, adeoque non eadem prorsus erit Viri boni, ac boni Civis conditio, potest namque ut bonus Civis se gerere is, qui non integrè boni Viri nomen mereatur; in illa enim si dari posset omnium optima, idem esset, bonum Virum esse, ac bonum Civem, & è contrà. In aliis autem virtutem Civis necessariam ad Civitatis statum ducimus; Vir enim bonus ex perfecta virtute dicitur, quæ paucis admodum, raròque contingit; unde inquit Euripides: *Nè mihi cuncta, sed quorum Civitati sit usus.* Quapropter forma, quæ Aristocratix dat esse, civilis virtus, ac salus est Subditorum, adeoque semper erunt Optimates, si illam, non autem eorum potentiam sibi proponant; virtus igitur Imperantium quàm Civium, sicut Aristocratiam specificè constituit, ità eorum à civili virtute deflexio alias efficit species; parùm igitur refert, an Nobiles, an Divites, an utrique simul, an verò ex universo Populo suffragio meliores ad imperandum eligantur, si Reipublicæ utilitatem unicè spectaverint, Legesque dominari facient; tunc enim semper Optimates dicendi erunt, quoniam non numerus ipse, sed Imperantium virtus, aut malitia diversas Reipublicæ formas constituunt, adeoque si Divites, aut Nobiles non Reipublicæ salutem, sed ipsorum potentiam promovere studeant, tunc paucorum dicitur Potentia, & Dominatus, quæ Oligarchiam efficit, vel paucorum Tyrannidem, si modum omninò excedant, ac Subditorum libertate, & bonis ad libidinem abutantur, ut fuere Athenis triginta Tyranni, Romæ postremo tempore Decemviri, ac omnium pessimè Triumviratus ille, quo præstantium Virorum cædes, & proscriptio in commercium venire visa est.

Unde si Lex nullimodè dominetur, sed illorum arbitrium, ac voluntas absque ulla salutis publicæ cura, semper paucorum erit Tyrannis Oligarchiâ pejor, quoniam illa etsi Leges stabilientiæ potentiæ aptas ferat, eamque præcipuè contempletur, salutem tamen Subditorum promovere simulat, adeoque licet velit dominari, non tamen dominatione ad libidinem abutitur.

Qua-

Quare licet non una sit Aristocratiae species, ex objecto tamen, si unum idemque sit, in aberrantem, ac vitiosam non transit formam, cum tantummodò magis, minùsve perfecta dici queat; ac propterea si summam tantum Potestatem habeant ii, quorum determinatus est census, nullusque censum inæqualem possidenti aditus erit, ut proinde cunctos illi duntaxat eligant Magistratus, dummodò tamen non ex determinato personarum ordine, sed ex Populo virtutem præcipuè spectando, eos eligant, utilitatemque publicam promoveant; *adhuc Optimatum regimen erit*; sic etiam si ex Nobilibus tantummodò magnum Concilium constari videatur; dum enim illi ad cæteros Magistratus non duntaxat Nobiles, sed è Populo meliores admittunt, salutemque curant Univerforum, *Optimates jure nuncupantur*.

Quòd si supremi Magistratus tantum Nobilibus, vel æqualem censum habentibus ab ipso magno Concilio demandentur, tunc licet reverà regiminis forma paucorum potentiam spectare videatur, attamen si virtutis ratio habeatur, Lexque perpetuò servetur, quæ illos præferri jubeat, quos gestarum rerum laus, vitæque antea-ctæ imago satis commendat, inferiores etiam Magistratus, atque officia cæteris, & quidem melioribus de Populo communicando, Aristocratia sanè erit quoque celebranda, atque ad permanendum aptissima. Reipublicæ namque ordinem à Civibus desumi necesse est; Civium autem meliores ii porrò sunt, quos virtus innotescere fecit, hi autem sunt Nobiles, quibus divitiæ sunt profectò necessariæ, ut decus servant, nec illiberali quæstui vacent; penès eos autem summam rerum esse debere ratio suadet, quia Reipublicæ salutem plus quàm cæteri promovere coguntur; quapropter merito Titus Flaminius Proconsul, ut Livius inquit, *eam partem Civitatis Theßalia potiorem fecit, cui salva, tranquillaque omnia magis esse expediebat*, cujus exemplum Andream Doriæ in constituenda Genuensium Republica secutum videmus.

Democratia verò ea est, in qua summa rerum Potestas à Populo applicatur ad finem propositum, libertatis nempe sub legum præsidio; quare maximè ex æquitate duci debet. Legem enim in hac Reipublicæ specie perpetuò dominari oportet, æquumq; , atque honestum normam esse Potestatis: nec igitur majori sunt in pretio divites, quàm pauperes, quamvis longè divites numero antecellant. Unde quia quod pluribus placet, ratum esse necesse est, potentior ex accidenti fit Plebs: Magistratus

tus autem patent universis, sive divites sint, sive pauperes, cum hæc sit propria Democratiae Nota, *posse scilicet omnes vicissim parere, & imperare*; quare Concio Magistratus erit omnium maximus, atque in ea Populus jura Majestatis explicat, Legesque condit, novas jubendo, vel veteres abrogando, Magistratus mandat, ut jurisdictionem, procurationem viarum, mœnium, ærarii, &c. deque bello, & pace deliberat. Concionis autem celebrandæ modus est multiplex, nam vel coeunt universi de Republica deliberaturi, vel vicissim conveniunt, atque vel universi de rebus omnibus deliberant, vel de rebus, quæ summam Reipublicæ tantummodò respiciunt, vel pauca tantum sibi sumunt deliberanda, ut nempe de repetundis, de fœderibus, & bello; Legislationem autem, ærarii curationem, præmiorum, & pœnarum distributionem, aliaque jura Magistratibus concedunt, ab ipso tamen Populo *vel suffragio, vel sortito* designatis; verum de Comitiorum celebrandi ratione, & quomodo per Tribus, unde Tributa, Curias, ex quo Curiata, Centuriasque, à quibus Centuriata nuncuparunt, instituta fuerint, Exercitatione prædicta de Romanorum Republica differemus.

Merito igitur inter rectas Reipublicæ formas adeò instituta Democratia recensetur, cum enim ita temperata est, ut æqualitatem spectet & libertatem, si tantummodò Magistratum designatio per suffragia, & electionem ex Lege statuatur, ut pejoribus è Plebe ad eos invadendos nullus pateat locus, Reipublicæ potius nomen assequetur, cum aberrantis Democratiae nota sit *Pauperum potestas*, sicut Oligarchiæ *Divitum*, qui sunt in Civitate maximè sibi adversantes, unde cum nullâ re dives à paupere discriminetur, nec e contrâ, harmonia quædam efficitur atque concensus, in quo Reipublicæ hujus ordo consistit; non enim sicut alii, aut ex paucitate, aut ex multitudine, adeoque ex numero, Rerumpublicarum formas distinguimus, cum *quale* non *quantum* attendamus, quod quidem in libertate, divitiis, disciplina, ac Nobilitate consistit, *quantum* verò in ipso Civium numero, ac Urbis magnitudine. Unde si pauperum adeò prævaleat potestas, ut Rempublicam suo arbitrio moderentur, licet numero divites excedant (quod pænè est impossibile, pauperes enim ubique sunt plures, adeoque ex accidenti, dum hi præfunt, multitudo videtur dominari) non erit paucorum dicenda potestas, seu Oligarchia, cujus finis *Divitia*, nec *Aristocrasia*, cujus finis est *virtus*, sed *Democratia* species aberrans,

errans, *cujus terminus licet libertas esse videatur, æquitas tamen, & æqualitas absunt, adeoque nec libertas ipsa reperitur.* Unde in ea Leges cunctas atque Instituta popularia cernuntur, atque ad potentiam tantum pauperum, seu multitudinis accomodata, ac propterea *Ochlocratia* nuncupabitur. Si autem impotenter adeo dominetur, ut nullus Legibus relinquatur locus, sed cuncta Decretis propriis administret, tunc *Tyrannis* erit *Plebis* omnibus longè pejor; nedum enim in meliores Imperium exercet, & Decreta, sed Magistratus ipsos dissolvendo, cum nullam iis relinquat auctoritatem, nec eorum vitæ parcat, nec fortunis; id quod evenire advertit Aristoteles propter *Demagogos*, ipsi enim assentatores plebis sunt, atque ut ad ejus potestatem omnia redigantur, authores, ut ipsi potentiores evadant; licet enim *Plebs* dominari videatur, illi tamen ejus Sententiæ Domini sunt, sicut assentator Tyranni; sed omnia hæc exemplis melius patebunt, quæ ex Romanorum, Lacedæmonum, ac Atheniensium Republica desumemus.

Nunc autem de modis, quibus Rerumpublicarum formæ conservantur, pauca universaliter differemus. Cum autem ea sit Civitatum natura, ut maximè ex paribus, & æqualibus consistat, quod in mediis præcipuè inest, hocque difficillimum, semper enim excellent sive opulenti, sive Populus; qui propterea à medio plurimum distant, trahere ad se Rempublicam student; nunquam enim æquitatem volunt; quapropter si opulenti exempli causâ potestatem arriperint; nolunt pauperes victi Imperium pati, & è contrâ; adeoque vel *extrema Democratia*, vel *gravissima* oboritur *Oligarchia*, quæ ratio Aristotelem movit, medio proximam meliorem judicare, & propterea in Democratia penès Agricolas Imperium constituere, atque in *Oligarchia* minimi etiam Censûs rationem haberi; quare Agricolarum superante multitudine *primam Democratiam* vocavit, Opificum verò, & Mercenariorum *extremam*, itemque & alias his interjectas, ac similiter de *Oligarchia*; *primam* enim, ubi minimus est paucorum census: *ultimam*, ubi maximus; hinc quocunque in statu Leges ferantur, ad medios collineare oportebit, sive enim Legumscriptor *Oligarchicas*, sive *Democraticas* Leges ferat, Legibus ipsi divites cum pauperibus, & è contrâ, conciliare debebit, ut nempe neque ad multitudinis, neque ad paucorum Imperium, & opes prorsus dirigatur, sed nonnihil ad mediocrem statum inducendum, & confirmandum inclinet, hæc enim

nim ratione Status ipse diuturnior efficietur. Peccarunt igitur, qui in Aristocratia constituenda non tantum, quod plus tribuere divitibus, sed populum circumvenire docuerunt; nam *necessario ex falsis bonis aliquando verum exoritur malum*. Divitum namque cupiditates coercendæ sunt Legibus, quoniam Rempublicam magis perdunt, quam populi. Quoniam autem dissidentiam sustinent inter se, mediorum partem, qui nempe sint mediocriter divites, vel ambabus potentiorum, vel alterutra efficere studebit, ut utrosque simul conjungat, vel adversus eam, quæ Rempublicam invadit, resistendi vim assequatur.

De
conversione
ordinis
in Civitate.

Omnis autem turbandi Civitatum ordinis origo erroneâ quâdam justitiæ persuasionem nititur, ut nempe, qui pares sing ex parte, in omnibus esse credant, qui verò impares, se quoque credant in omnibus præstare; æqualitatem enim sibi adsciscit Populus in Oligarchia ex libertate: Divites verò, quia divitiis antecellunt, in omnibus præstantiores esse opinantur; ut quoque Nobiles, quam enim habent imparitatem propter Genus, ad omnia trahunt; cumque propterea ex parte tantum sint inæquales, in omnibus cupiunt esse, quia propter imparitatem ex parte se omnino impares judicando præesse absolute debere putant; unde motus existunt in *Democratia* propter divites, in *Oligarchia* propter pauperes, ex libertate in cunctis æqualitatem sibi tribuentes; qui enim virtute antecellunt, licet omnino & absolute sint impares, atque propterea jure præesse deberent, non tamen propter virtutem seditiones movent, nam *virtus ipsa res novas moliri prohibet*. Et hæc profectum est conversionum omnium fons & origo; ab ea namque mutationum causæ derivantur universæ, ut ex Rerumpublicarum omnium exemplis liquet, nam Romæ ad æqualitatem firmandam Populus Leges expetivit, & iis ferendis Decemviri creati, qui cum Potentiam retinuisent, Statum Reipublicæ prorsus immutarunt; hucque referri possunt motus ex agrariis legibus orti, nam æqualitatem in agris dividendis Populus sibi vindicare cohabatur.

Sed mutationum genera antequam eorum causas prolixius percurramus, debemus intueri; eæ verò tunc omnino accidunt, cum Status ipse, seu Reipublica ordo penitus immutatur, adeoque si ex *Democratia*, seu *Aristocratia* Monarchia instituat, & è contrâ, Reipublica omnino evertetur, cum ordo ipse transeat in aliud genus; sic Hebræorum Civitas, quæ Aristocraticè, seu melius Theocraticè

craticè regebatur, Imperio nempe ipsius Dei, in Monarchiam transiit, cum Populus ipse Regem à Deo petiit, & obtinuit; idem est, si Regnum in Tyrannidem convertatur, ut Romæ accidit Tarquinio illo Rege, qui superbus meruit nuncupari. Alterum verò mutationis genus est, cum eodem Reipublicæ Ordine manente summæ tantum Potestatis in alios fit translatio, ut Gallæ contigit, dum Pipinus Hilderico Rege exauthorato Regnum sibi vindicavit. Tertium autem, dum licet nec Status, nec Princeps immutetur, ordo tamen ipse intentior, aut remissior evadit, cum scilicet magis Oligarchicus, vel magis Democraticus efficitur. Sed exigua intentio, siue remissio ab initio vix advertitur; solet autem paulatim alterutra magis intendi, quare primò deterior fiet Respublica, tandem nè Respublica quidem; qui enim ad nimium trahunt, Legesque, & Instituta modum excedentia conduunt, Respublicas tandem perdunt, adeoque multa, quæ popularia videbantur, populares ipsas Respublicas evertère, & è contra, ut Nafsi comparatione docuit Aristoteles, nam si à naturali rectitudine paulatim in aduncum, aut simum deflectat Nafus, non tamen ad speciem pulcher esse desinet: sed si amplius juxta productus fuerit, planè deformis, ac tandem nec Nafus quidem videbitur; Expedit ergo Oligarchiæ, ut & Democratiæ, quæ modum exceßerit, potius remitti; sic enim meliores fiunt, dum ad rectum inclinuntur, adeoque magis stabiles evadunt. Moderatâ enim Athenis Democratiâ Solonis tempore, intensâque Demosthenis, & Aristotelis ætate pessumvit; & Roma, dum Plebs cuncta ad se traxisset, primò à Demagogis oppressa, nullum aliud postea remedium adinvenit, nisi ut ab uno regeretur; Heracleæ verò Oligarchia à paucis ad sexcentos Imperio translato moderatior evasit. Solet autem Tyrannis remissior in dies, ac moderatior evadere; nam vult Tyrannus populum allicere, atque suorum criminum oblivionem inducere novâ virtutum specie, quas propterea simulat, ac explicare studet.

Quædam autem potius alteratio contingere videtur, novâ Magistratûs institutione, aut veteris abrogatione; dum enim Dictatoria Potestas Romæ primùm creata, mutationem aliquam evenisse fatendum est, ut quoque dum Tribunitia Potestas fuit primùm Legibus firmata, nam Decemviri formam ipsam Civitatis immutârunt; unde Livius (a) *anno, inquit, ter centesimo altero, quàm condi-*

G 3

(a) lib. 3.

condita Roma erat, iterum mutatur forma à Consulibus ad Decemviros, quemadmodum ab Regibus antè ad Consules venerat translatò Imperio; licèt dum Tribuni Potestatem omnem arripuère, formam etiam Civitatis immutasse videantur.

Cùm igitur ita sint affecti qui seditiones movent, ad eas præcipuè incitat ambitio, & avaritia, unde quæstum, & honorem immodicè cupiunt, damnumque, & ignominiam fugere satagunt, quare optimè Sallustius: *primò igitur, inquit, pecunia, dum Imperiì cupido crevit, ea quasi materies omnium malorum fuisse; namque avaritia fidem, probitatem, ceterasque bonas artes subvertit: pro his superbiam, crudelitatem, Deos negligere, omnia venalia habere docuit. Ambitio multos mortales falsos fieri subegit.* Contumelia autem maximos semper motus ciere visa est, præcipuè in Oligarchiis, nam in Aristocratia, quæ virtutem habet pro termino, nemo afficitur contumelià; quoniam si, ut dictum est, æqualitatem appetunt Cives in Oligarchia (nec enim putant divitias, aut Nobilitatem ejus præstantiæ esse, ut jure Imperium mereantur) quæ animi motus excitari non debent, si addatur contumelia? Sic Romæ, dum Decemvir ille Appius Claudius Virginii filiam deperibat, Legeque abutebatur, Vindicias dando contra libertatem, sibi, & sociis ruinam accersivit; quare multis etiam Principibus exitio fuit; Philippus namque Macedo medius incedens inter Alexandrum filium, Generumque alterum Epyrotarum Regem non alia de causa fuit à Pausania interemptus, quàm quia illatam ab altero injuriam ultisci neglexerat, & Cajum Caligulam miles ab eo irrideri solitus occidit. Quæstus verò, seu lucrum mortalium animos adeò afficit, ut iniquissimè ferant, Vectigalia, & bona publica depeculari, magis autem, si eorum privatas opes, ac fortunas nec in tuto vident. Quot enim Regnorum, & Rerumpublicarum everisiones ob nimia, aut nova Vectigalia? Ob id enim decem Tribus ab Ro-boamo Salomonis filio abalienatæ, duoque inde Regna constituta, quod ambobus tandem exitio fuit, bellis enim inter se attrita facillimè in Potestatem hostium venère. Sed exempla essent innumera, & quælibet Historia fermè suppeditat.

Sed & in qualibet Republica honores, & Imperia, seditiones, ingentesque motus excitârunt, præcipuè dum indignis mandari visa sunt; Unde Lucretius:

Illum adspectari, claroque incedere honore,

(*) *de conjurat. Catilina in princip.*

Hinc

Hinc Romæ, perpetuæ Patricios inter & Plebem, acerrimæque contentiones; Oligarchiæ verò præcipuè hac de causâ dissolvuntur, cum enim eam paucorum Dominationem ægrè ferat Populus, quid non audebit, si indignos etiam præfesse videat; Solent enim quandoque ditiores, nobilioresque (*Civili scilicet Nobilitate, non autem natura, qua unice in virtute consistit,*) cæteros ignaviâ superare, *felicitate namque corrumpuntur mortalium animi*: Populus autem quamvis virtute careat, ei tamen obsequitur, ac propterea dignos admiratur, eorumque acquiescit Imperio, unde Virgilius:

Veluti

- - magno in populo cum sæpe coorta est
Seditio, sævisque animis ignobile Vultus.
Jamque facies, & arma volant, furor arma ministrat,
Tum pietate gravem, ac meritis si fortè virum quem
Conspectere, silent, erectisque auribus adsunt.
Ille regit dictis animos, & pectora mulcet.

Nec dum de singulis judicat, faciliè decipitur. Quare memoratu sanè dignum, quod Livius refert de Romano Populo; cum enim Patricios tantummodò Consules fieri ægrè tulisset, non aliter quievit, quàm latâ Lege, ut quatuor militares Tribuni promiscuè crearentur consulari Potestate, post quam Tribunos etiam omnes Patricios creavit Populus, contentus eo, quòd ratio habitæ plebejorum esset. Cum enim de singulis judicium fecisset, Patricios digniores existimavit. Quapropter *eventus* (inquit Livius) *eorum Comitiorum docuit, alios animos in contentione dignitatis, libertatisque, alios secundum deposita certamina, incorrupto judicio esse*; statimque subdit: *hanc modestiam, aequitatem, & altitudinem animi, ubi nunc in uno inveneris, qua tum Populi universi fuit*? Quod & mirabili Campani Populi exemplo comprobatur, cum enim Senatus universus à Populo tolli timeret, Pacullo cuidem Calavio se permisit; ille verò claudit in Curia, præsidiumque in vestibulo relinquit. Tunc vocato ad Concionem Populo, duas res simul agendas proponit, veterem nempe Senatum tollere, & novum cooptare, nè Civitas absque publico Consilio esset, unde *cit ri*, inquit, *singulos Senatores jubebo, de quorum Capite vos consulam: quod de quoquo censueritis, fiet. Sed prius in ejus locum virum fortem, ac strenuum novum Senatorem cooptabitis, quàm de noxio supplicium sumatur*. Tunc nominibus in urnam conjectis, licèt quòd primum forte nomen ex-

cidit,

cidit, pro malo atque sic usque ad tertium judicassent; quoniam meliores, qui substituerentur, deerant, Senatum ipsum ex custodia dimitti iussit.

Excitari quoque motus ob metum solent, ut etiam ex contemptu; quare seditionum præcipuè Authores subdole Populum ad atrociam quæque impellunt, cum enim ex iis veniam desperet, magis metuit, ac propterea in seditione persistit, Remque publicam potius, quam se perdere cupit; hic autem metus pænæ dicitur ob maleficia, & perpetrata scelera, ex quo motus concitantur, sed eosdem parit effectus oppressionis timor; hic enim Cæsarem diu cunctantem impulit ad civile bellum; metuit enim, nè dimisso Exercitu Romam redeuntem inimici opprimerent. Pericles etiam eodem metu Peloponnesiacum bellum movit, timebat enim iudicium capitis propter malè impensam pecuniam.

Ex contemptu verò cum Democratiæ, tum Oligarchiæ solent everti; dum enim divisus est populus, iudiciorumque vis, ac potestas elanguescit, à Divitibus, & Nobilibus contemnitur, unde occasionem arripiunt immutandæ Reipublicæ. Et è contra, dum Plebs numerosior, ac potentior facta, Imperantium ordinem tanquam debiliorem aspernatur; tunc enim motus concitat, & æquari postulat: æquata verò nec quiescit; vult enim suo arbitrio cuncta moderari, ut Romæ, & Athenis contigisse legimus, ex quo primùm Reipublicæ mutatio, ac tandem eversio. Fit quoque hæc de causâ translatio Potestatis in Regno, nam Pipinus ob Hilderici Franciæ Regis contemptum Regnum occupavit, & Alphonsus Portugalliæ Rex Potestatem amisit, eâ ad fratrem Petrum delatâ. Nec alia de causâ Ludovicus Sfortia Mediolani Ducatus Dominationem retinuit, nisi quia Nepos Galeacius pro ignavo habebatur.

Sed & ordinis unius in Republica nimium aucta Potentia, si ve diminuta solet etiam Rempublicam invertere. Viri quoque unius immodica autoritas, & præstantia Rebuspublicis perniciem attulit; quare Ostracismo Athenienses, & Argivi utebantur; debet enim inter Civitatis ordines proportio quædam esse, quâ inter se conjungantur, & concordēs efficiantur, quemadmodum enim phyci corporis membra analogiâ quâdam inter se debent correspondere, ut compositio ad Naturam esse videatur, ita etiam in Republica, cuius membra sunt ordines; unde eam Plato musico concentui comparavit. Mutatio autem tum sensum, tum re-
pentè

pentè contingit, vel enim paulatim Plebs augetur, vel casu quodam, ut si Nobiles in prælio fuerint interfecti, ut Tarenti contigisse advertit Aristoteles, cum Principes ab Iapigibus deleti essent, & Athenis, ubi Themistocles fractà prius Optimatum Authoritate, Rempublicam in pessimam Democratiā commutavit.

Eveniunt autem aliquando sine ulla seditione mutationes, si enim indignissimo cuique Magistratus demandentur, solent honestiores rationem creandorum Magistratum immutare, ut nempe si fiant fortitò, per suffragia demandari curent, & è contra.

Morum quoque dissimilitudo, Religionis, Nationisque diversitas motus pariunt. Unde Siculi Gallos moribus suis adversantes eadem die, atque horà interemerunt. Quos autem motus, ac Civilia bella excitavit Religionis diversitas, exempla suppeditant funestissima Germania præcipuè & Gallia.

Innumeræ autem aliæ sunt causæ, quoniam ut optimè Aristoteles, *non de parvis, sed ex parvis rebus magni motus excitantur*; nam propter dissensiones inter Principes Viros etiam quandoque levissimis de causis maxima exorta sunt mala, & Rerum publicarum interitus; ex contentione enim inter Cepionem, & Metellum de annulo in auctione emendo belli socialis originem deducit Plinius, & Aristoteles exempla refert quàm plurima. Sed plenæ sunt his rebus Historiæ ferè omnes.

Democratia quidem maximè Demagogorum artibus in Tyrannidem degenerat; aut cum plures Demagogi æqualem habent potestatem, in deterrimam Oligarchiam, vel cum ipsimet Principibus Viris, quos injuriis laceSSivè (solent enim calumniis, & judiciis ditiores vexare, Plebemque adversus eos concitare) causam præbent, Oligarchiam ex Democratia constituendi.

Oligarchiæ verò propter injurias in Plebem, dissensionesque paucorum inter se commutantur, quod enim dissidet, infirmum est, adeoque faciliè evertitur. Rebus quoque novis student Oligarchæ dum sua intemperanter vivendo consumpserunt; tunc enim facillimè Tyrannis efficitur paucorum: Unde vel seditio adversus eos excitatur; vel dum unus plùs altero publica complat, qui compilantibus se opponunt, motibus causam præbent; Ex quibus vel unus tandem cæteros opprimit, ac dominatione potitur, vel rerum summa in Plebis incidit Potestatem: Sic Augustus fractà etiam ope Antonii Lepidi Potentià, oppressoque tandem

dem ipso Antonio solus Rempubicam invasit. Sæpissimè autem ex Democratiis, atque Oligarchiis, quæ Legibus eorum Statibus convenientibus moderantur, in eas fit transitus, quibus paucorum duntaxat, aut Plebis arbitrato cuncta reguntur; in eas enim præcipuè mutantur, ad quas inclinant; unde pars ea Civitatis, quæ plus habet virium, ac roboris, Rempubicam tandem ad se trahit, & sola dominatur, ut in Florentina Civitate sæpius accidisse comperimus.

Quare cum jam nimis intensa fuerit, nec propterea diù possit in eodem statu permanere, vel in oppositam transit formam, violenter quidem, & maximis cum motibus; vel adeo temperatur, si præstantium Virorum autoritas prævaleat, ut in rectam aliquam, legitimamque formam evadat. Quoniam verò Respublica præsertim Romanorum cuncta mutationum exempla suppeditat, de ea infra sedulò differemus, ut res omnis plenius intelligatur, ac velut imaginem in speculo cernimus, ita Reipublicæ doctrinam in Republica, rerumque ipsarum eventis contemplemur, qua de causâ peculiare prius cujuslibet formæ affectiones brevi tractatione percurramus. Causæ autem, quas innuimus, quibusque motus, ac seditiones excitantur, unde præfatæ Rerumpublicarum formæ intereunt, ac convertuntur, (*interitus enim est prioris formæ abolitio, atque in aliam conversio*) & Aristocratiam optimam (sit enim aberratio à virtute) & Regnum, fortius verò Tyrannidem, ac unius Dominationem, sicut supra exposuimus, in-

De
Cautioni-
bus singu-
larū for-
marum
Civitatis.
vertunt; Quare forma quælibet nedum eas remove debet, sed salutares quasdam Cautiones adhibere. Cautionibus autem præcipuè indigent irregulares formæ, nam ut optimè inquit Aristoteles, *Corpora bene constituta, & ad bonam valetudinem probè conformata, & ritè instructa navigia, plura incommoda sine læsione sustinent, morbosa verò Corpora, & fatiscentes naves, nè parva quidem ferre possunt, ita & pessima quaque Respublica plurimam Cautionem desiderat.*

In Democratia ergo nullimodè temperata, quam propterea Ochlocratiam nuncupavimus, licet specietenus libertas, & æqualitas spectetur, quia tamen semper numero, nunquam dignitate, Arithmeticà scilicet proportionem, non verò Geometricà cuncta metiuntur, Plebsque semper numero antecellit, ejus propterea in potestate sunt omnia; illa namque libertatem, æquitatemque statuit, cum id, quod multitudo comprobavit, ratum sit, ac jus omnino. Ex hoc autem alter Plebis scopus derivatur, vivere nempe

nempe ut quisque velit, unde illud, *non parere* natum est. Quapropter Instituta, quibus utitur, ad hunc semper duplicem scopum referri necesse est: cuncti ergo Magistratus ex omnibus indistinctè creantur, ut omnes quidem singulis imperent, singuli verò vicissim omnibus; iique sortito demandantur, aut si non omnes, summi tamen, nullà nec censùs, nec Nobilitatis, aut virtutis habità ratione; unde generis obscuritas, paupertas, sordes magis in pretio. Magistratus verò nec diuturnos faciunt, & uni aut nunquam, aut rarò bis demandant. Judicant universi, & ex omnibus, & de omnibus, aut de maximis, ubi nempe summa Potestas explicatur; Concionem omnium dominam constituunt; Magistratui verò pauca, & exigua solummodò permittunt, eaque ad Concionem revocantur, si aliqua subsit causa. Concio, Judicia, Magistratus mercede potiuntur. Epulas celebrant inter se; eximios, & virtute præstantes Viros odio prosequuntur, ac propterea è Civitate arcere faciunt, hinc Ostracismus; Civem capitali poenà nunquam, aut quidem rarò afficiunt; mulctant verò exilio, pecunià, aliaque servant, quæ in Atheniensium Republica, præcipuè Demosthenis tempore observabimus, adeoque de ea Xenophon, (a) quòd, inquit, *eam Reipublicæ formam sequuti sint, propterea non laudo; quia dum illam pratulerunt aliis, improbos homines bonis esse meliori conditione maluerunt; atque hac causa est, quam ob rem eos non laudem. Verum quandoquidem ità visum fuit ipsis, ostendam eos Rempublicam suam sartam tectam conservare, aliaque consequi, in quibus tamen Græcis reliquis peccare videantur.*

Tyrannidis verò triplex est Scopus, Cives nempe inter se diffidentes reddere, magni animi, ac præstantes tollere, & impotentes, ac pauperes efficere universos, unde Thrasibuli Consilium eminentium Spicarum, ac Tarquinii Superbi filio papaverum mutilatione significatum. Quare Cives inter se Patritios nempe & è contra committunt, dissidiaque inter eosdem promiscuè serunt, foventque; Collegia, & Sodalitates tollunt, nec convivia inter Cives amant, iis namque amicitia conciliatur; unde Græciæ, ac Siciliæ Tyranni Syssitia, uti vocabant, & Sodalitates sustulerunt: Disciplinas evertunt, scientia namque homines magni animi reddit: Peregrinis potius utuntur, quàm Civibus, nec amicis fidunt, & servorum ministerio utuntur; Assentatores habent in pretio, cum sint abjecti animi (generosi enim amant, non adulantur) im-

probris dignitates mandant, ac Magistratus; speculatorum operam semper adhibent, ut quæ Civium quilibet dicat, aut faciat, eos non lateant, qui Potagoides, & Otacustæ Syracusis vocabantur.

Cæteras autem artes tum Hyero apud Xenophontem explicat, tum graviter Plato, (a) aliique, quare has recentuisse satis fuerit.

Salus autem Tyrannidis erit, Regias præferre virtutes, adeoque remissione servatur, ita ut Tyrannis ipsa procedentibus temporibus deleta existimetur. Quare Divus Thomas, postquam Lectione undecimâ ad Quintum Politicorum Aristotelis Tyranni artes enumeravit, lectione 12. hæc habet: *Expedit Tyranno ad salvandam Tyrannidem, quod non appareat Subditis sævus, seu crudelis, nam si appareat sævus, reddit se odiosum. Ex hoc autem facilius insurgunt in eum, sed debet se reddere reverendum propter excellentiam alicujus boni excellentis. Reverentia enim debetur bono excellenti, & si non habeat istud bonum excellens, debet simulare se habere illud. Tyrannus debet se reddere talem, ut videatur Subditis ipsum excellere in aliquo bono excellenti, in quo ipsi deficiunt, ex quo eum revereantur. Si non habeant virtutes secundum veritatem, faciat, ut opinentur, ipsum habere eas. Tyrannus debet aut moderatus esse circa voluptates, aut delectationes corporales; aut si non sit, tamen se debet talem exhibere, ut videatur fugere eas, &c.*

In Oligarchia verò, cum periculum omne præcipuè à Plebe immineat, præter cætera, quibus Divites utuntur, instituta quædam sunt ad decipiendam Plebem duntaxat accommodata: ea verò libertatis speciem quandam potissimum præferunt, licet Oligarchiam re ipsa intendant, quæ Aristoteles circa Comitia, Magistratus, Judicia, arma, & armorum usum versari docuit. Licet enim in Concionem veniendi Lege Populum prohibere non videantur, pœnam tamen Divitibus tantummodò constituunt; Magistratus autem ejurandi, Divitibus nullam relinquunt facultatem; tenuioribus verò permittunt; sic etiam in Judiciis aliam quoque ineunt rationem, jubent enim in his nomina profiteri, ac professis Magistratus capiendi, ac judicandi potestatem faciunt; Divitibus autem nisi profiteantur, gravem multam statuunt. Armorum usum, exercitationesque Divitibus quoque non sine pœna præscribunt, non autem aliis; Cæterasque adhibent artes, quæ magis Rerumpublicarum exemplis, de quibus erit sermo, patefient.

Contrà verò Plebs, dum potestatem habet, his adversantia machi-

(a) Lib. 8. de Rep.

machinatur, mercedem enim Pauperibus Lex constituit, Locupletibus verò immunitatem. Quòd si Divitibus multa constituere-
tur, tenuioribus autem lucrum, Lex esset temperata, quam Reipub-
licæ propterea convenire docuit Aristoteles; illam namque ex
Cinno quodam Oligarchiæ, ac Democratiæ resurgere pluribus in
locis advertit.

Oligarchiæ autem præcipuè est salutare, si videantur Oligar-
chæ Populi curam gerere, ac propter ejus utilitatem Potentiam
exercere, unde Divus Thomas, (a) *Si debeat*, inquit, *salvari pauco-
rum Potentia, oportet eam videri facere pro Populo, & facere oportet ju-
ramenta contraria iis, qua faciunt. Consueverunt enim Oligarchæ, cum
in Principatu insituntur, jurando dicere: juro, quòd Populum odio ha-
bebo, & consilio annitar, ut malè habeat. Hoc autem non est facien-
dum, sed oportet opinari, contrarium esse faciendum, & insinuare in ju-
ramento oportet, quòd Oligarcha non facient injuriam Populo.*

Aristocratiæ verò cum scopus unicè sit *salus Civium*; virtus
enim eam specie differre facit ab Oligarchia, convenit præcipuè
Instituta servare, & Leges; nec vel minimùm ab iis deflectere,
ut nullus intensionis, aut remissionis locus præbeatur, sic enim sta-
bilis erit, quoniam Populus naturà paret optimis. Unde Ari-
stocratia, quæ omnium erit optima, nedum à bonis Civibus, sed
etiam à bonis Viris debet administrari, quare eadem debet esse
virtus boni Viri; ac boni Civis, illa enim (virtus nempe boni Vi-
ri) eum *optimo jure* Civem constituit. Erunt autem Leges Insti-
tutis tum Democraticis, tum Oligarchicis contrariæ.

Ex universo namque Populo suffragio Optimates deliguntur
solà virtutis habità ratione, ut in Republica Hebræorum, quam Se-
niores administrabant. Potest autem major numerus suffragio de-
signari, atque ex eo sortito fieri Magistratus, regulariter enim A-
ristocraticum Regimen Concilium habet Optimatum, Senatum,
ac sanctius quoddam Consilium è paucissimis conflatum, Præfe-
ctumque aliquem, qui specietenus Principis vices, seu ejus imagi-
nem, ac figuram suscipit sinè Potestate, quem vel Ducis, aut Prin-
cipis, vel altiori etiam titulo decorant, nam Spartæ Reges duo
erant, quorum nulla ferè nisi in bello Potestas erat, ut exemplis
palàm fiet.

Quare cum longè absint, quæ interitum afferunt, & cum
Opti-

H 3

(a) *Ad Quintum Politicor. Aristotelis cap. 3. lect. 7.*

Optimates vigilare perpetuò soleant, nè Respublica aliquid detrimenti capiat, diutius conservantur. Maximè autem metuere oportet, nè quid contra Leges admittatur quamvis exiguum; latendo namque obripit detrimentum, & postquam eorum, quæ ad Rempublicam pertinent, exiguum neglectum est, aliud quoque majus faciliùs mutari contingit; unde ordo ipse tandem invertitur; ac propterea hunc dissolvendæ Reipublicæ modum cæteris perniciosiorem docuit Aristoteles, ex quo detrimentum latet, mensque eo capitur tanquam Sophismate, ut in Thuriorum Republica accidisse refert, quæ ex unius Legis neglectu interiit, & Romana Plebs Tribuniâ Potestate ad ejus tantummodo defensionem obtentâ, nunquam ampliùs quievit, donec Potestatem omnem Optimatibus eriperet; ut dum de ea differemus, demonstrabitur.

Quoniam autem ex Oligarchiæ, ac Democratiæ Cinno ordinem illum resultare innuit Aristoteles, quem Politiam, sive Rempublicam nuncupavit, videndum, an ritè procedat nexus iste, seu Rerumpublicarum mistio? quod negârunt quamplurimi; alii verò Respublicas quasdam mistas optimè temperatas habuerunt, Polybius namque Romanorum Rempublicam ex triplici regimine temperatam esse voluit, ut & Contarenius Rempublicam Venetorum; cum verò ea sit in civili Facultate celeberrima disquisitio, de ea largiùs dum ipsam Romanorum Rempublicam describemus, sermo erit.

Sed mutantur Respublicæ universæ bellorum casibus, apertâque vi, nec enim aliter longè latèque dilatari, ac augeri possunt Imperia, nisi Populorum subjugatione; licet enim repentè, aut sensim dolus sæpissimè quoque Respublicas invertat, manere tamen quodammodo visæ sunt, ac bella vel solo æquârunt, vel funditùs Civitatis ordinem sustulerunt. Quò enim Atheniensium, Lacedæmoniorumque Respublica; Quò Ætolorum, Acheorumque, innumeræque aliæ belli, & pacis artibus florentissimæ? Sed & à magnis Imperiis subacta Regna rediguntur in Provinciæ formam, quæ omnia, cum Historia abundè suppeditet, non hic oportet recensere.

Regni autem prima erit cautio, *initia esse auspicata*; solemnibus nempe ritè peractis, Populoque juxta receptos Regni mores annuente, nec ratio, aut titulus deficiat à Populo, aut Proceribus confirmatus, approbatusque; quare more majorum debet in-

augu-

auguratio peragi, ut nec justus desit titulus, nec modus. Ad-
eptam autem Majestatem cunctis viribus tueri altera quidem est &
præcipua cautio; quòd non tantum externâ Magnificentiâ apud
Subditos, sed virtute potissimum assequitur; præcipuè autem Pru-
dentiâ, & Probitate: *omnia* namque facta, diâque Principis rumor
excipit; nam ut optimè Theodoricus apud Cassiodorum: (a) *facilius*
est errare naturam, quàm dissimilem sui Princeps Rempublicam formare;
Justitia verò nunquam abesse debet, nam ut Hesiodus ait:

Hoc uno Reges olim sunt sine creati,

Dicere jus Populis, injusta quæ tollere facta.

Clementiâ quoque & fide, quæ justitiæ origo est, & funda-
mentum. Clementia tamen cum temperie, & ut Tacitus mo-
nuit: *Clementis nempe Principis erit omnia scire, non omnia exequi;*
parvis peccatis veniam, magnis severitatem commodare, nec pa-
nâ semper, sed sapius penitentiâ contentus esse. Fides verò eò
charior esse Principi debet, quoniam sanctissimum humani pecto-
ris bonum est; *qua sine non tellus pacem, nec aquora nôrunt;* unde
meritò Scytharum Legatû ad Alexandrum: *Jurando pacem Scy-*
thas sancire nê credideris; colendo fidem jurant. . . . *Græcorum*
istâ cautio est, qui acta consignant, & Deos invocant: Nos Religionem
in ipsa fide novimus. Qui non reverentur homines, fallunt Deos. Sed
& Modestia Principe Virò præcipuè digna, non minùs enim homi-
nem se ac mortalem, quàm hominibus præesse cogitare debet; unde
Saladinus morti proximus solam interiorem tunicam in hasta subli-
mem ferri jussit, eâque visâ exclamavit: *hoc unam ex Domitore*
Orientis restare. Cæteræ etiam Majestatis comites debent esse
virtutes, ut beneficentia, cùm Principibus, ut Salustius inquit,
armis, quàm munificentia vinci minùs flagitiosum sit.

Castitas, quæ nedom ad famam comparandam multum con-
fert, quam Princeps nunquam contemnere debebit; verissimum
enim, quod Tiberius apud Tacitum monuit, *cæteris nempe mor-*
talibus in eo stare consilia, quid sibi conducere putent: Principum diversam
esse sortem, quibus præcipua rerum ad famam dirigenda; sed securita-
tem præstat, multi namque propter incontinentiam periêre, nam
ut vetera sileamus exempla, Dux Mediolani Galeacius Sfortia non
aliâ ob causam, nisi quia Hieronymi Olciatî Sorori stuprum in-
tulerat, sublatus fuit; & Alexandrum Medicum Florentiæ Prin-
cipem

(a) 3. variar. Epist. 12.

cipem in alieno cubili jacentem, ubi fœminam expectabat, Laurentius Medices cum Sicario altero secure interfecerunt. Hac quoque de causa conjuratio in Principem Petrum Aloysium Farnesium inita, ejusque secuta mors. Sed Ladislai Neapolitanorum Regis mirabilis casus, quoniam cum Medici cujusdam filiam adamaret, Pater injuriam ægrè ferens, filix pudenda veneno infecit; unde cum amorem quæreret, mortem adinvenit; Et

Mors vituit sextam claudere Olympiadem.

Fortius verò dum fœmina regnat, suspicione omni vacare debet, nulla enim potentior causa contemptum apud Subditos, cæterosque excitare apta est.

Incumbet autem, ut Status vires sint validissimæ, nihil enim rerum mortalium tam instabile, ac fluxum est, quam Fama Potentia non suâ vi nixa. Vires autem summopere parantur, si quæ sunt Status fundamenta, ac veluti fulcra ritè sint disposita, militia nempe, ærarium, & politia; bene autem nunquam erunt, si cunctorum ratio ipsi tantum Principi non reddatur, ea enim est imperandi conditio, ut non aliter ratio constet. Religionis autem omnino custos esse debet. Atque licet apud Gentiles ea pars Politices fuerit, nec propterea posterior Civitate, eam namque ipsimet Civitati accommodare nitebantur, Christianum tamen Principem nosse decet, in Religionem nullum jus esse nisi custodiam, defensionemque; Potestates namque duas ordinavit Deus, Religionemque omni Civitate priorem nos docuit, cunctisque potius Deo, quam hominibus obedire præcepit. Potestas ergo spiritualis Vicaria est Dei, atque Ministra, nec propterea vicissim licet alterius Potestatis fines invadere, sed mutuam fovere concordiam, nexuque quodam stabili conjungi, ut uterque finis probè assequatur, *salus nempe aterna, vitaque in Civitate beata.*

Propter fidem autem fœdera, pactiones, sponensionesque servabit, licet in rebus, quæ summam Statui perniciem possent adferre, Naturæ Legem promisso eum solvere non sit ambigendum; semper enim conditio inest, nè salus Civitatis ex iis periclitetur; nemo enim alienam cum propriæ salutis jactura promovere, ac fulcire tenetur; quamvis eò deventum est, ut non salus, sed utilitas duntaxat fœdera firmet, eò enim usque durare videntur, donec occasio deest, atque plus detrimenti ruptor, quam utilitatis capiat. Utilitas tamen Naturæ Legem, quâ Principes tenentur, nun-

nunquam vincit. Salus enim tantummodò Reipublicæ rationem illam Statûs parere apta est. Quo ex principio unicè fluunt arcana quædam aulica, quæ silentio præterire fas erit; *Principi enim summum rerum judicium, Subditis obsequii gloria relicta est.*

Sui autem reverentiam, amorem; imò Majestatem ipsam, non quatenus summam denotat Potestatem, sed venerandam illam amplitudinem, atque augustissimam Dignitatem, & Eminentiam nedum excitant jam dictæ virtutes, sed præcipuè rerum gestarum magnitudo, quæ Cimbricum illum hominem ad Marium interimendum missum, licèt inermem, & squallore oblitum, adèd perstrinxit, ut attonitus inde & tremens re infectà discesserit.

Suam quoque Princeps tuetur Majestatem, dum ultor ejus, si lædatur, etiam in hostibus existat; *eris enim munimentum ad præsens, atque imposterum ultionis exemplum*; unde Darius Alexandro ultionem commendabat, quia jam non sua, sed communis ad exemplum Regum omnium causa erat, quam propterea negligere periculofum, atque indecorum. Sed & in alterius Principis acta, gestave nil statuere, quod suis non pateretur, si jus, ac Principis autoritas per ea fervetur illæsa, nec per ignaviam emerferint; quod Tiberio maximè curæ fuit; acta enim Augusti perpetuò religiosè custodivit, servavitque. Facile autem Imperii sedem nunquam deferet, unde Amurhates jactabatur, se majores ex Bizantio res gessisse, quàm in acie alios, nec enim decorum Principi levibus de causis ad bellum, ac Provincias proficisci relicta urbe, unde in omnia regimen, quod pluribus exitii causa fuit, unde de Tiberio Tacitus, *immutum, inquit, fixumque adversus eos sermones Tiberio fuit non omittere caput rerum, neque se, Remque publicam in casum dare.* Licèt quandoque Subditorum obsequia, ac Magistratum ingentia noscere, turbas componere, cæteraque, uti oportet, disponere expediat, nam Carolus Quintus præsentia tantum suâ Gandavensium seditionem repressit; idemque Philippo Secundo Hispaniarum Regi contigisset, si Belgium adire dignatus esset. Nimia quoque familiaritas, & assiduus aspectus nec Majestatem decent.

Sed & oportet eorum, qui Civitati nocere possunt, explorata habere consilia; qua de causa Speculatores justè possunt adhiberi. Militibus autem, ac pecuniâ omni tempore instructum esse necesse est, *parum enim tuto sine viribus est Majestas*; unde tributorum, ac stipendii militaris ratio præcipuè habenda erit, nec enim

cutum ultra vetera, & recepta nova indicere, nec milites injuriâ, aut vi ad obediendam comparandi. Disciplinæ tamen militaris expedit esse tenacissimum: ea quidem Romanis antiquior fuit quam charitas liberorum; nec enim aliud milites in officio continet, quam virtus, ac severitas, quibus sanè Hannibal exercitum diversis è Nationibus, dissitisque ingeniis conflatum obedire, maximæque suscipere pericula adegit, unde toties triumphare potuit, otio potius Campaniæ victus, quam Romanorum virtute, unde meritis Hanno: *Seis, inquit, Hannibal vincere, uti victoriâ nescis.*

Denique nec per nimiam liberalitatem Ærarium debet exhaurire, & Confœderatis ferro potius subvenire quam auro, quod Alcibiades Tisaphernem Darii Præfectum monuit: *ne scilicet tantâ stipendia Classi Lacedæmoniorum praberet: sed nec auxiliis nimis enixè juvaret, quippe memorem esse debere, alienam se victoriam non suam instruere, & eatenus bellum sustinendum, nè inopiâ deferatur.*

Cuncta etiam, quæ gratiæ sunt, sibi debet vindicare, ipseque stipendia, & præmia militibus decernere. Sed plura sunt, quæ nedum è politicis Scriptoribus, sed ex historia, velut è suo fonte haurire licet.

Quoniam autem Legislationem jus præcipuum Majestatis esse diximus, cum Legibus præcipuè utatur & armis; nobis propterea universaliter quidem Legum essentia erit investiganda, nè Juris-Consultorum fines invadamus. Eas autem explicationem rationis, quatenus scilicet peræquè ab hominibus debeat custodiri, pro objecto habere satendum est, cum autem natura hominis sit juxta rationem vivere, eadem propterea Naturæ facultas homini tributa, quâ convenientem naturæ suæ vitam instituire potis est, jus ipsum naturæ constituit; quoniam ejus vi nedum noxia ab innoxiiis, utilia à contrariis, sed & honesta ab inhonestis, & justa ab injustis discernit, unde principia ipsa, quæ sunt veluti Societatis universæ fundamenta, lumine ipso Naturæ dignoscuntur, ut illud: *quod tibi non vis, alteri nè feceris*, quod cætera complectitur fusiùs à Juris-Consultis explicata. Erit ergo *jus Natura vis, atque facultas homini peculiaris, quâ cum convenientia natura sua tum repugnantia clarè percipit ac distinguit.* Explicatio autem hujus vis, ac facultatis inter Gentes jus constituit, quod Gentium appellamus. Si verò in Civitate, quæ nempe in Rempublicam fuerit ordinata, jus illud Civile, ejusque Civitatis proprium nuncupatur, ut Romano-

De
Legum o-
rigine.

manorum, Atheniensium, &c., unde *civilia jura jussa sunt suprema potestatis Subditis pro bene vivendi norma propofita*; quare eadem est Legum, ac ipsius ordinis origo, posito enim ordine statim jubenda erant, quæ poscebat ratio, eisque contraria vetanda. Atqui naturâ dices cuncta fuisse communia, jus omnium in omnia, Gentium verò, ac civili jure distincta rerum Domina, unde naturam videntur immutasse, adeoque utilitate tantum introductâ. Verum quidem, sed eorum usum Natura ipsa præscribebat, prout nempe dictabat ratio, ut scilicet tantum potuerit homo de re communi sibi usurpare, quantum sibi sufficeret, citrà alterius noxam, damnumve. Sed facile non fuit, vivere homines convenienter naturæ suæ, quoniam impetu potiùs, quàm naturæ lumine ducebantur; nec propterea aliter poterat finis assequi (*visâ scilicet ad præscriptum rationis*) quàm in ordinata Societate, ut antea dictum est. Ordo autem rerum divisionem postulabat, quæ igitur necessitas ordinis, eadem & Juris, & hominii, sed de his fufius alibi.

Summa verò potestas cum per se regit Civitatem, versaturque tam circa universalia, jura nempe condendo, aut abrogando, quàm singularia, quæ duplicis sunt generis, directè nempe publica, ut pacis, ac belli, Domini eminentis exercitium, Vestigalia, &c. Et privata, sed quæ ab Publicum ordinantur; tum etiam per alios, Magistratus nempe, Curatores, Legatos &c. Quare cum jura Majestatis præcipua, variorumque rerum publicarum formæ fuerint explicatæ, videndum restat, quomodo per alios negotia expediat, eorumque consilio utatur.

Hi autem præcipui sunt Magistratus, & quidem vel ordinariè sunt constituti, vel extra ordinem assumuntur: primi diversi sunt generis; nam in populari Republica *Concio summus est Magistratus*, adeoque singuli quodammodo sunt Magistratus pars, cum penes universos sit summa Potestas, singuli enim in Concione judicant, deliberant, ac tandem imperant universi; alii verò sunt in ipsa Republica determinati Magistratus, quibus Potestas aliqua à Populo conceditur, ii tamen cuicumque Reipublicæ communes sunt, ab ipsa enim summa Potestate fluunt, atque nunc de his loquimur. Hunc verò Magistratum definimus, *quod sit publica, atque ordinaria Potestas in Civitate munus exercens cum Jurisdictione, vel imperio Lege definitum*. Extra ordinem verò Magistratus Curator dicitur, & ille est, qui *munus publicum exercet summa Potestatis arbitrio, adeoque nullâ Lege de-*

*De
Magistra-
tibus.*

fnitum. Cæteri sunt Magistratuum Adminiftri, ut Scribæ, Viatores, liâores, accenfi, cornicularii, & hic genus alii. Quoniam autem de univerfo Magistratuum genere, deque Jurisdictione, atque imperio peculiari Exercitatione differemus, de Senatu pauca hic innuere fufficiat. Senatus autem *Catus eft perfonarum ad Confilium de Republica præftandum legitime conftitutus.* Hic autem Confefus ille eft fapientium Virorum in omni fermè Republica perpetuò adhibitus, cujusque fumma eft, ac effe debet authoritas, licèt finè poteflate. Romæ Reges Senatum confulebant de iis, quæ ad Populum ferri deberent, unde nil jubebatur in Comitiiis, quin priùs in Senatu confultum fuerit, ejusque authoritas intercefferit. Exactis autem Regibus, dum Aristocratix forma vigit, Confules eundem fermè ordinem fervârunt. Populum enim convocandi penès ipfos erat Poteftas, atque eorum, quæ Populo proponebantur, à Senatu Confilium capiebant, Senatûsque intercedebat authoritas, unde in iis, quæ fanciebantur, formula illa fervata eft : *Senatus cenfuit, Populus juffit.* At poftquàm in Oligarchiam evafit, Plebsque propterea injuriis laceffita feceffionem fecit, fuosque accepit Magistratus, Tribunos nempe, procedentibus temporibus omnia in pejus verfa funt ; Tribuni enim Populum convocabant, importunisque rogationibus, nunc pro agrariis legibus, nunc ut promifcua effent Patrum, ac Plebis Connubia, nunc ut alter Confulum fieret è Plebe, adeò Rempublicam turbârunt, ut in peffimam tandem cefferit Ochlocratiam; quare non ampliùs Senatus Plebis fcita, fed Plebs fuo affenfu Senatus-Confulta comprobabat, illisque, Plebis, nempe fcitis univerfus Populus tenebatur. Hinc factiones, & civilia bella, quæ Rempublicam tandem peffumderunt.

Rectè igitur temperatæ Rempublicæ adeò reguntur, ut Senatus Confilium, atque Authoritatem in gravioribus rebus gerendis adhibeant ; eas autem in populari Republica, antequam ad Populum ferantur, in Senatu cognofci oportet ; illum quidem convocari à Magistratu, qui tunc imperat, fas eft ; adeoque fanctius quoddam pauciffimorum confilium creari folet, cum quo nedum deliberatio ritè fiat de his, quæ Confilium Senatûs exigunt, & quæ ferri ad Populum debent ; fed ut ea, quæ jufta funt ritè perficiantur ; exequutio namque imperanti Magistratui, fanctiorique illi confilio relinquatur.

Par quoque in Aristocratia ratio ; Concilium enim illud Optimatum instar Populi erit, adeoque super iis, quæ ad eum ferri debent, Senatus consulitur à Magistratu, qui tunc præest, cui etiam sanctius inhærere solet Consilium, cum quo prius deliberatio capitur de his quæ in Senatu consulenda sunt, ut cum ejus auctoritate ad magnum Optimatum Concilium deferantur. In utraque tamen Republica Potestas tum Senatores, tum universos Magistratus creandi, aliosque in mortuorum locum subrogandi, Populo, vel magno Optimatum Concilio perpetuò adhæret.

In Regno verò solet quoque Senatus à Rege cooptari, ejusque Consilio Rempublicam moderatur, licet quandoque privatorum negotia tantummodò demandet, quæ verò ad summam Reipublicæ pertinere videntur, sanctiori paucissimorum, quod sibi adsciscit, Consilio communicat, cumque iis, quid è re esse videatur, deliberat. Sed hæc exemplis magis illustrantur, variant enim pro Statûs, ac Reipublicæ conditione.

Expedi etiam summa Potestas cum exteris negotia per Legatos ; qui propterea *Ministri summa Potestatis nuncupantur ad ea, quæ Reipublica intersunt, peragenda, cum exteris, aut sociis facultatem habentes* ; unde quia Principis Personam repræsentant, sunt omni jure inviolabiles, ut & immunes comites, ministri, familiares, res quoque. Sicut autem varia sunt negotiorum genera, ita multis de causis mitti possunt, nec ejusdem sunt ordinis ; sunt enim honoris, & gratulationis causæ, Connubia inter Principes contrahenda, pax, induciæ, fœdera ineunda, bellum indicendum ; quæ quidem præcipua sunt Legatorum munera ; unde apud Romanos, quòd pacem, & fœdera facerent, seu potius à fide faciales dictos volunt, qui à Numa instituti fœciale jus constituebant ; erat autem Collegium Sacerdotum viginti, qui eodem modo ac Pontifices creabantur, nè Romani bellum gererent injustum. Cum autem fœdus percutiebant, Patres Patrati dicebantur, quoniam iusjurandum pro toto Populo patrabant. Judicabant etiam de injuriis Sociis illatis, ac nè aliorum Legati violarentur, curabant, pacemque illegitimè factam rescindebant. Jus ergo fœciale in fœderibus, & pacis actionibus, quæ inter Populos sanciantur, potissimum versatur ; fœdus verò est publica Populorum, ac Principum inter ipsos conventio in perpetuum verbis ritè conceptis firmata ; unde nunquam fœdus inire dicuntur Legati ipsi, si ratihabitio pendeat à

De
Fœderibus

Principibus ; tunc enim foedus erit , quando jam ratum fuit ; ante autem *Sponsio* vocari debet , quæ propterea *pactio est inter Duces* (Exercituum nempe) *vel Legatos, sine Principis, populive jussu, ratificatione indigens, ut firma reddatur, ac partes obliget.* Quare nec foedus erit, si conventiones omnes temporarias inter Principes, & Populos, eorumque Duces, ac Magistratus complectatur ; unde cum *Induciæ* soleant Ducum, aut Magistratuum arbitrio permitti, *pactiones* quoque erunt temporariæ ; Bellum enim ad breve illud tempus conventum cessare faciunt, atque hostes mutuo communicant. Quare cum *injussu Populi Romani* Consules Titus Veturius, & Spurius Posthumius apud Caudinas furcas foedus cum Samnitibus percussissent, merito differuit Posthumius in Senatu, eo Populum Romanum non teneri, *sponsionemque* nuncupavit, ita enim inquit : *Neque ego inficias eo Patres conscripti, tam sponsiones, quam fœdera sancta esse apud eos homines, apud quos juxta Divinas Religionis fides humana colitur, sed injussu Populi nego sanciri quidquam posse, quod Populum teneat. An si eadem superbia, quâ sponsionem istam expresserant nobis Samnites, coëgissent nos verba legitima Deditum Urbis nuncupare, Deditum Populum Romanum vos Tribuni diceretis, & hanc urbem, templa, delubra, fines, aquas Samnitium esse? &c. & inferius : quid enim vobiscum Patres conscripti, quid cum Populo Romano actum est? quis vos appellare potest? quis se à vobis dicere deceptum? hostis? an Civis? hosti nihil spondidistis, Civem neminem spondere pro vobis jussistis. Nihil ergo vobis, nec nobiscum est, quibus nihil mandastis; nec cum Samnitibus, cum quibus nihil egistis. Samnitibus sponsores nos sumus, rei satis locupletes in id, quod nostrum est, in id, quod præstare possumus, corpora nostra, & animos; in hac saviant, in hac ferrum, in hac iras acuant. Sed an jure Samnitès, restitui res debere, uti ante Sponsionem erant, assererent, an eorum deditione, qui spondederant liber ab his erat Populus? Quæstio est haud levis momenti, eamque alibi Grotio Duce, aliisque summæ notæ Viris definiemus. Nunc foederum genera distinguimus, vel enim cum amicis, vel cum hostibus, aut cum neutris paciscuntur. Cum hostibus diuturnæ fiunt induciæ, aut pax perpetua initur, & amicitia. Cum amicis aut pactiones tempore definitæ renovantur, aut aliæ prioribus adduntur. Cum neutris verò æquo, vel iniquo foedere agitur. Æquum foedus erit, si *Majestatis jura utraque ex parte immutata conservantur*, adeò ut nec alter alterum unquam uti superior*

rem

rem agnoscere, nec in honoribus, ac dignitate cedere fateatur; nil autem refert, si in mutuis auxiliis alter plus altero conferat. Romani cum Sociis hanc foederis æquitatem parùm servabant, semper enim erat aliqua conditio, quã paulò minùs, quàm cum Subditis agebant. Unde Setinus Latinorum Imperator *sub umbra foederis aequi servitutem patimur*, inquit; & Achæorum Lycortas, *fadus, aiebat, Romanorum cum Achais specie quidem æquum esse, re precariam libertatem, apud Romanos etiam imperium esse*; qua de causa sociale bellum ortum habuit; eo enim arcano crevit Romanorum Potentia, quodd Sociorum armis, ac sanguine bella gesserunt, ex quibus utilitatem soli capiebant.

Cautum tamen ritè inter eos erit, qui neque dicunt, neque accipiunt Leges, si æquum semper foedus sanciat; sic enim diuturnum erit, fidesque Regi à Rege, Populoque à Populo vicissim præstetur, nam alias captionibus datur locus, quod Eduardo quarto Regi Anglorum, cum Regno exutus esset, accidit; cum enim Francorum auxilia, uti foedere cautum erat, per Legatos poposcisset, responsum accepit, *eos non posse salvo fœdere cum Anglia Rege, Regnare bellum gerere*. Tertia erit, si foedera affinitate, ac propinquitate firmentur; interdum obsidibus cavetur, aut Arces, Oppidave redduntur. Sed ut foedera diversi sunt generis, ita cautiones; ut enim bello victi Leges accipiunt, ita bello pares æquis conditionibus mutuo sibi cavere debent, ut etiam illi, qui cum nunquam hostes fuerint, ad amicitiam foedere coeunt, cum neque Leges dicant, neque accipiant; verissimum namque, quod Plautius Consul Romano Senatui inquit: *neminem Populum diutius eâ conditione esse posse, cujus eum penitent*; Et Privernatum Legatus Romanis: *Si bonam (pacem nempe) dederitis, meritò inquit, & fidam, & perpetuam, si malam, haud diuturnam*; tutius ergo libertatem adimere, quam ex parte minuere, qui mos, ut Livius inquit, Romanis vetustus erat, cum quo enim Populo nec fœdere, nec aequis Legibus jungebatur amicitia, non prius imperio in eo tanquam pacatum utebatur, quam omnia divina, humanaque dedidisset, obsides accepti, arma adempta, præsidia Urbibus imposita forent. Difficilis autem ea est cautio, quam cliens à Patrono debet exigere, cum enim nulla fermè Patrocinia gratis suscipiantur, sæpissimè fit, ut ex Patronis Domini evadant; cum ambitio, & imperandi cupiditas nullis coërceri terminis videatur, quare Tribunus plebis ille meritò in Populi Romani Concione

cione inquit : *unam esse tenuium adversus potentiores securitatis cautionem , ut scilicet Potentes , si nocere velint , non possint ; cum nocendi voluntas ambitiosis hominibus , & imperandi cupidis nunquam sit defutura .* Quare maxima omnium cautio erit , nunquam in Arcibus , vel Oppidis præsidia Patronorum admittere . Alia , verò : Patrocinii Tabulas ritè conceptis verbis effici curare , ac sibi tradi , in eisq̃ue Jura præcipua Majestatis salva , & integra semper futura disertè caveri , easq̃ue à novis Principibus ratas haberi facere . Nulla enim melior quæri solet occasio ; cum dicant Successores : *Nil sibi cum paternis fœderibus commune esse , iterumq̃ue de pactis conventis agi oportere ;* quare Clientes , & Patroni promiscuè pro se , ac Successoribus stipulari oportet , licèt cautius erit , Patrocinia brevi temporum intervallo definiri , nec ea , nisi necessitate cogente suscipi .

Qui autem neutrarum sunt partium , tunc tuti esse videntur , cum finitimi Principes pacem foveant ; aliàs enim *media consilia neque amicos pariunt , neque inimicos tollunt .* Quare Aristhenus Imperator in Consilio Ætolorum : *Romanos , inquit , aut socios habere , aut hostes oportere .*

Sed cuncta hæc à rerum , & casuum varietate pendere videntur ; id enim præcipuè spectatur , ut æquabilis reddatur Potentia , quem ad finem Societates , ac fœdera percutiuntur , nè videlicet potentior debiliorem opprimat , eo enim victo nec socius , seu finitimus alter securus erit ; nec enim aliter Philippus totam Græciam subjugavit , quàm dissolutà Civitatum societate Atheniensium dolo , qui sociale fœdus in Patrocinium mutarunt , ac tandem cunctis dominari cupiebant . Eandem ob causam Mythridates Rex Ponti contra Romanos Parthorum , & Armeniorum Reges , totamq̃ue Asiam confociare nitebatur ; vera tamen fuit Providentia , nec cæteri pari constantiâ , & fortitudine , quàm Mythridates bellum suscipere , nam : *Qui pote plus urget : sic pisces sapè minutos magnus comest , ut aves enecat Accipiter .*

Cum autem ad hunc finem fœdera percutiantur , expedit Arbitros , ac Judices fœderum , ac pactionum adsciri , ac si dissideant , etiam de tertio pacisci , vel Arbitris ipsis dissidentibus facultatem alios cooptandi dare , qui dissidia componant . Illud autem in fœderibus præcipuè advertendum , nihil cum Legatis firmare super iis , quæ suis in Tabulis non sunt expressa , aut si fuerint , amplissima tamen non sit communicata Potestas ; solent enim ii , quorum nomi-

nomi-

nomine, ac fide Legati ſponddere, non aliàs id ratum habere, quàm ſi rebus ſuis expedire judicaverint, dum interea alii detrimentum capiunt; ſic enim Ferdinandus Hiſpaniarum Rex Ludovicum XII. Francorum Regem eluſit, cum enim Philippus Gener pro eo ſponddiſſet, idèd ratum habere noluit, quia Hiſpanos victores eſſe in Neapolitano bello audivit, ſiniſtro enim eventù paſſionem ratam fuiſſet habiturus, nec aliam allegabat cauſam, quàm Philippum mandati fines exceſſiſſe; de ſcøderibus tamen, dequæ ſervanda fide alibi fuſiùs.

Sed ultrà eos, quorum ope in moderanda Republica ſumma Potestas utitur, Cives etiam adèd diſtribuire debet, ut & mutuam queant fovere concordiã, & cuncta præſtent univerſi, quæ Civitas ad bene vivendum poterit indigere, mutua enim auxilia, quibus indigemus, Societatis beneficio in Civitate nanciſcimus; ad concordiam autem nihil magis proficere videtur, quàm Cives in quosdam Ordines redigere. Civis autem appellatione non tantummodò eum intelligimus, qui particeps ſit judiciorum, Concionum, & Magiſtratùs, nam nec de Republica populari loquimur, in qua Civis optimo jure dici meretur, cui ad hæc tria patet aditus; ſed eos etiam, qui nedum ſub eadem poteſtate vivunt, ſed iſdem Civitatis Legibus tenentur, adèd, ut & Civitatis onera ſubire debeant, & ejusdem commodis, ac muneribus frui liceat, aliàs ſimpliciter Subditi, aut etiam Inquilini nomine Civis cenſerentur, cum plures ſæpiſſimè uni Principi pareant Civitates, inter quas licèt Communio ſit juris, nec tamen erit indiſtinctè; ſua enim cuiſlibet Civitati peculiaris eſt Lex, nec æqualis munerum, aut commodorum participatio, licèt enim Inquilini onera etiam perferre videantur, non tamen munera, aut alia Civitatis commoda æquè participant. Civem ergo *quantvis non jure optimo*, horum communione definimus. Ordines autem adèd ſunt vetuſtiſſimi, ut etiam ante Civitatem exiſtiſſe ratio ſuadeat; perfectiſſimus namque ordo Civitas eſt, adeoque tempore poſtremus, licèt naturà, quoniam optimus, ac proinde finis, primus dici mereatur; propagatæ enim Familiæ, è quibus Vicinitates ortas diximus, in quasdã imperfectas coibant Societates, ut ſe mutuo juvarent, aliorumque injuriis reſiſtere valerent, cum enim nullius imperio, ac legibus tenerentur, uti quiſque vi, ac robore cæteris præſtabat, ita finitimos deturbare, ac puteos, vel paſcua eripere nitebatur,

De
ordinibus
Civium.

unde loca primum munire coacti, amicitias, Societatesque firmare, ac tandem perfectè in Civitatem coalescere, de cujus origine, cùm de Romanorum Republica sermo erit, fusiùs pertractabimus.

Principio igitur Societas fuit inter eos, qui ex eodem fonte aquas hauriebant, quique communi convicte fruebantur, unde fratres sunt appellati, Græci enim Phratrias nuncupabant, quæ cùm simul arctius jungerentur, & pagos constituerent, qui veluti perfugia quædam essent, quò se reciperent, Phylæ vocabantur, quas primi Rerumpublicarum fundatores tanquam firmissimum amicitie vinculum in Civitatibus tueri, ac instituere judicârunt; unde in Græcis Urbibus Phylæ, ac Phratriæ existare semper visæ sunt, eorumque Præfecti Phylarchæ, & Trithyarchæ, alii verò Fratriarchæ, quos Locagos etiam nuncupabant. Quem ordinem imitatus Romulus, Romanam Rempublicam fundaturus, universum Populum divisit in Tribus, & Curias, quæ Græcorum Phylis, atque Phratriis ex integro respondent, quarum etiam quælibet Sacra pecularia habebat, quæ plerumque cum epulis celebrari consueverant; unde Lacedæmones perpetuò Convivia celebrabant, quæ Phiditia dicebantur, ut Cretenſes etiam, qui nullo ætatis, ordinis, ac selsûs discrimine publicis in locis simul epulabantur; quod & Romulus instituit, epulum namque præbatur Curialibus in aula cuique Curie propria, præter quas sacratum erat commune quoddam omnibus Curiis cænaculum, ut Græcorum Prytænea; sic autem una reddebatur Civium omnium fides, ac voluntas, atque in militia periculum etiam omne pro Socio subeundi ardor; pudor enim erat Manipularem suum deferere, eorundem Sacrorum, ac libaminum participem. Atque hæc porro est Collegiorum origo, quæ in ordinata Civitate certis Legibus, ac Institutis ritè oportet esse temperata. Unde Collegium ipsum *pluriam ejusdem conditionis consociationem legitimam appellamus*. Differt autem à corpore, *quia corpus ex pluribus Collegiis, Personisque conditione disparibus coalescit*. Corpus autem ab Universitate, *quoniam illa tum Familias, tum Collegia, Corporaque ejusdem Oppidi Societate, & Juris communione complectitur*, cujus ordo Rempublicam constituit, nam si summâ Potestate regantur, jam Respublica erit, adeoque Respublica Universitatem ipsam regit, ac imperii Majestate tuetur.

Collegia porro tum divinarum, tum humanarum rerum causâ constituuntur, & hæc quoque Jurisdictionem solent habere, ut

Magi-

De
Collegiis.

Magistratuum sunt Collegia, quorum alii Jurisdictionem habent, alii Potestatem cum mero, mistoque imperio. Quæ autem ad formandam juventutem sunt instituta, licet jurisdictione vacent & imperio, etiam aliquibus in locis coercendi vim habent, & jurisdictionem sunt assecuta, Rectores nempe, ut Scholares in officio contineant; sunt etiam Opificum, Mercatorum, Agricolarumque Collegia, quorum ut aliorum omnium Potestas Legibus, ac præscriptis summæ Potestatis terminatur. Ad constituendum autem Collegium non minor trium numerus requiritur, licet unus jus Collegii tueri possit; formam verò Collegii tum unio inter se, mutuaque obligatio, tum leges ipsæ, pactaque conventa constituunt; licet enim Collegio, aut Universitati, dum nihil contra leges admittatur, Decreta facere, quæ Collegas ipsos seorsim, collectim verò minorem Collegarum partem obligent, dum tamen major pars decreto consentiat, quæ propterea nunquam obligari potest, quoniam decretum ipsum dissolvendi habet potestatem. Multam etiam contra inobservantes Collegas poterit lege indicare, si tamen gravior fuerit, Judex ordinarius cognoscere debebit, maximè verò si Collegii Albo eradi jubeatur, licet veteri jure permissum fuerit, ut Cicero de Mercurialibus, & Capitolinis inquit, *qui Marcum Furium hominem nequam Equitem Romanum de Collegio ejecerunt.*

Quæ autem assensione, ac voluntate omnium firmantur, si jus respiciunt singulorum, aliter non posse infirmari palàm est, nisi singulorum etiam accedat assensus; si verò jus sit Universorum, Collegii maxima pars, aut etiam duæ partes antiquare poterunt, unde si tres Civium ordines coeunt universi, nihil à duobus poterit definiri, quo alteri præjudicium inferatur, si res ad singulos seorsim pertineat.

Licet autem non omnes adeste oporteat, ut de rebus ad Collegium pertinentibus decernere queant; in iis verò, quæ majoris sunt momenti, nedum omnes vocari, sed duas saltèm partes adeste sat est, nisi Lex suffragiorum numerum definiat; nam interdum suffragia nulliter discrepare debent, ut in Tribunorumplebis Collegio, quorum nemo debebat intercedere. Collegæ autem aut ministerio servorum, aut campanæ sonitu, vel signo quodam alio advocantur, ut veterum more tubâ; quod si non veniant, is, cujus interest, Magistratum adire debet, ejusque opem implorare,

aut fructuum, & commodorum parte mulctare. Si autem, qui vocat, imperium habet, eo utitur ad Collegium cogendum; Consules enim, dum Senatum cogere volebant, captis interdum pignoribus, ac graviore etiam indictâ poenâ Senatores adesse cogebant, unde Marcus Antonius Consul Ciceronis domum everfurum indixerat, si vocatus Senatui adesse non curaret.

Cùm autem ad amicitiam, concordiamque retinendam Collegia non parvi esse momenti pateat; hinc in populari Republica meliùs quàm in cæteris expedire sequitur; ibi enim Civium dissensiones sunt extirpandæ radicitiùs, ut Respublica incolumis conservetur. In Regno verò, & Aristocratia nec omnia probari, nec penitiùs deleri oportet, sed quæ Reipublicæ sunt necessaria optimis adedò Legibus informare, ac in officio continere, ut tam *Monopolia, quàm Polyopolia* vitentur; hinc quoad Opificum Collegia nulla nova permittantur, nisi Principis accedat Autoritas, & confirmatio, nec coire permittatur, nisi sciente, præsentive Magistratu, seu alio ab eodem delegato. Eorum verò Statuta nec aliis præjudicium afferant, nec, nisi publica accesserit autoritas, & confirmatio, valere queant. Conventus in publicis fieri ædibus, non verò in privatis mandari à Republica erit. Computationes prohiberi, sumptus circumscribi, & diminui oportet, ut & tempora servitio præfinita; nec faciliè peregrini in arte, aut officio eximii excludantur, incremento enim Urbis obesset. Omnes denique obstringi oportet, ut, si quid in Conventibus utilitati publicæ noxium agitur, statim velint indicare.

Tyranni verò Civium Collegia, ac Sodalitates semper sustulerunt, quoniam ex eorum dissidentia securitatem quærunt; unde Tarquinius Superbus, quæ à Numa, cæterisque Regibus erant instituta Collegia, sustulit, & Populi comitia prohibuit, Senatumque ipsum abolere constituerat, nec propterea in mortui Senatoris locum alium subrogabat; Cæsar quoque dictatoriâ Potestate perpetuò usurpata Collegia sustulit, quæ ab Augusto Republicâ compositâ restituta fuere; quare victis etiam Populis ad eorum vires, amicitiasque infirmandas Collegia vetari solent, unde Livius de Mumio Consule: *Concilia omnia Achaia Nationum, & Foensium, & Baetorum, aut in alia parte Gracia deleuit, qua postquam Romanis a quo animo parere ceperunt, restituta sunt.*

Sed

Sed in Senatûs Collegium nemo quidem Romæ admittebatur, nisi Censorum judicio dignus esset, quorum duo munera præcipua fuere, æstimatio nempe facultatum, & morum. Mores igitur uniuscujusque notabant, eique ignominiam notam inurebant, unde & Senatu movebant, & Equiti equum publicum adimebant; Tribu quoque movere solebant, ex honesta in minus honestam Civem transferendo, ac denique in Cæritum Tabulas referebant, ultimam nempe classem, quæ ignominia omnium erat maxima, non enim aliter Cives poterant animadvertere; unde Censores quasi morum Magistri erant, nec inter Magistratus ordinarios referri possunt, nam nec semper fuerunt, & nunc munus quasi obliteratum videtur, licet aliquæ Italiæ Civitates retineant, & Veneti Censores tres Viros conformandis Civium moribus appellant. Sunt etiam apud Genuenses, & Lucenses, ut & apud Genevates, qui Decemviros, quatuor quidem ex Senatu 60. Virorum, reliquos verbò ex Senatu ducentorum assumunt, eosque Antiquos appellant.


Præcipua autem Censorum institutio non propter mores, sed propter bonorum æstimationem secuta est; ut nempe non modò publicæ opes, sed etiam omnes singulorum Civium facultates in Republica perspectæ esset. Servius autem Rex primus censum instituit, Civesque in classes ex censu distribuit, unde Livius: *Servius, inquit, censum instituit, rem saluberrimam tanto futuro imperio; & alibi: hic annus ait censura initium fuit, rei à parva origine orta, qua deinde tanto incremento aucta est, ut mores, disciplinaque Romana penes eam regimen, Senatûs, Equitumque censura, decoris, dedecorisque discrimen sub ditione ejus Magistratûs, publicorum jus, privatorumque locorum, Vestigalia Populi Romani sub nutu, atque arbitrio essent.* Athenis Legum Custodes, ac Nomophylaces dicebantur. Eorum autem judicium, ut Marcus Tullius inquit, nil ferè damnato afferebat, nisi ruborem; itaque ut omnis illa judicatio versabatur tantummodo in nomine, sic ignominiam duntaxat irrogabat, quæ plurimum distat ab infamia; ea enim Magistratum sententiis, ac judiciis contrahitur; quare qui acceptam ignominiam, ac dedecus purgare cupiebant, munus aliquod extra ordinem à Populo impetrare nitebantur, quo ignominia omnis sublata censebatur: sin autem coràm populo judicium subire voluissent, ac Populus censoriam notam comprobasset; non tantum ignomi-

miniosi, sed infames etiam dicebantur. Exactis autem Regibus censorum munus adèd necessarium Consules existimârunt, ut ipsi primum exercuerint; postea verò Censores creati Lucius Papyrius, & Lucius Sempronius in annos quinque anno Urbis 310.; primò quidem tantùm ex Patritiis, anno autem Urbis 402. Caius Martius Rutilus primus è Plebe Censor exstitit; latâ etiam postea lege, ut perpetuò Censor alter de Plebe esset, nullum enim fuit munus in Republica, quod Plebs non arripuisset; eversa verò Republicâ Censuram exercuere Cæsares ipsi, nam & Cæsar Dictator censum accuratissimè instituit, & se Magistrum morum appellavit; Augustus autem morum Præfecturam à Senatu delatam retinuit, terque non modò Civium, sed omnium Romano Imperio parentium censum egit: Tiberii autem & Caligulae Principatu nullus census actus fuit: Claudio autem Cæsare lustrum 74. factum est, quod à Vespasiano etiam conditum: Censurâ deinceps omisâ usque ad Decii Imperatoris tempora, qui Valerianum Censorem magnâ cum potestate creavit, illis enim corruptissimis Reipublicæ temporibus non *Censores* ampliùs, sed *Tribuni voluptatum* creari cœpere. Græci tamen Imperatores Magistrum censûs creabant, penès quem Tabulæ publicæ custodiebantur, quibus tum ætatis, ordinumque Civium descriptiones, tum quo die, & Consule Testamenta, Contractus, actaque cætera celebrata essent, notabantur.

Nunc morum Censura penitùs antiquata, bonorum autem æstimatio viget; nam plerisque in locis per æs, & libram onerum distributio fieri solet. Necessariam autem in populari præsertim Republica ducimus; possunt enim Leges delicta punire, conscientiam munire non possunt; Legum enim metus non scelera, sed licentiam comprimit; expedit autem Reipublicæ non tantùm sceleratos homines à muneribus arceri, sed probos duntaxat ea capessere, qui nedum Censorum iudicio dignoscuntur; sed eorum metus virtutem, honestatemque sectari adigit; Censores enim quo quisque modo domi etiam, & in ipsis latebris cum uxore, liberis, aliisque se gerat, diligentissimè conquirunt, unde quæ cuiusque sit vita, qui mores, sciunt; ac propterea quamplurima coercent vitia, quibus Lex mederi nequit. At quanta erit Censorii muneris utilitas in recta juventutis educatione, quæ nunc privatorum duntaxat arbitrio relinquitur, licèt ab ea felicitas universa unice

unicè procedat ? quare Lycurgus pro instituenda duntaxat juventute Magistratum creavit, qui magnus Pedonomus dicebatur. Et apud Perlas præerant pueris, ut Xenophon refert, quidam ex Senioribus, qui eos efficere quàm optimos curabant. Adolescentibus autem de Virorum cætu quidam etiam præesse debebant, qui eos quàm ratione, studioque Cives optimi evadere potuissent, docere tenebantur. Qualis enim est Civitatis scopus, ac finis, eadem & oportet esse Civium educatio, ut optimè advertit Aristoteles. Atque hæc pro universali tantummodò Civilis facultatis notitia dicta sufficiant; Exemplis enim, quàm Præceptis faciliùs assequi palàm est.





LIBER SECUNDUS.

De Ortu, & Progressu præcipua-
rum aliquot Europæ Civitatum.

EXERCITATIO I.

De Civitate Romanorum.



Civitem tunc naturaliter sua initia, progressus-
que fortitam dicimus, cum nempe palantes homines, at-
que in Vicos, & Oppida dispersi, Ducem aliquem natū,
ut commodius vitam instituerent, atque Potentiorum injurias fa-
cilius arcerent, se mutuo conjunxerunt, aptissimumque locum oc-
cuparunt ad ædificandam Urbem, eaque propter ita Societatem in-
vivere, ut rebus ad bene vivendum necessariis instructi essent, se-
que mutuo defendere valerent; Rempubicam autem, dum rite
imperandi, parendique ordinem instituerunt, ut dictum est; licet
autem tunc Civitas propter eam, quam accepit ordinis formam
in Rempubicam transiverit, atque ab illa nuncupari mereatur;
rectè tamen si de ordine ipso haud sermo erit, sub Civitatis no-
mine contineri palam est; unde Cæsar Helvetiorum Rempubicam
Civitatem appellavit, & Censorinus apud Appianum in Lybico Car-
taginienſis Reipublicæ Legatis respondit se, Urbem quidem deletu-
rum, Civitatem verò, Cives nempe eo quo regebantur ordine, re-
licturum; quare cum Societas Civitatem oriri faciat, ordo verò
Rempubicam, nil aliud Urbis nomine præter Edificia, atque ipsa
mænia, quæ Cives amplectuntur, denotari sequitur; hinc egregie
Orho. Milites alloquens apud Tacitum; *Quid vos, inquit, pulcherri-*

nam hanc urbem domibus, & tectis, & congestu lapidum flare creditis? muta hac & inanima intercideret, ac reparari promiscua sunt: aternitas verum, & pax Gentium, & mea cum vestra salus incolumitate Senatui firmatur: &c.

Sic autem Atheniensium Civitas Theseo Duce orta est; sic quoque Venetorum; cum enim anno 452. Italia diris undique bellorum facibus conflagraret, Adriatici Maris lacunas multi querere coacti sunt, ut inter illos aquarum recessus bellorum vitarent incendia, ubi cum frequentior in dies numerus convenisset, paulatim in Civitatis formam coalescere potuerunt, quæ adeo potentiâ, atque opibus crevit, ut Respublica evaserit quotquot in orbe fuere celeberrima; licet enim Romanorum Republica plurimum viribus, ac imperio dispar, eam tamen diuturnitate temporum, institutisque longè salutaribus antecellit.

Orta quoque nova Civitas est, dum Populus aliquis novam sibi sedem querere seu bello, seu inopiâ, aliâve causâ coactus, Urbem condit, eamque ordine instituit; sic autem Chartago, alixque. Seu etiam dum veteres invasit, atque sui juris effecit, earumque formam invertit, ut Hebræi ex Ægypto profecti Duce Moyse, licet eorum Civitas ordinem ipsum, juraque omnia à Deo accipere meruisset; Francones etiam devictâ Galliâ, & Longobardi dum Italiâ potiti sunt, ac denique, ut alios omitam, Turcæ in Asia. Cuncti enim aliis Legibus, ac Magistratibus Civitates ordinârunt, veteresque formas immutârunt. Alia etiam initia Civitas habere visa est, dum nempe pars aliqua è Populo migrare jussa, novam Urbem sibi condere, aut victam, deditamque habitare debuit, quales fuere Græcorum, Romanorumque Colonix, nuperque Hispanorum. Hæ autem cum ad minuendum Populi numerum, tum ad facilius retinendas devictas Urbes deducebantur, adeoque sub imperio conditoris Populi, seu sui Principis mansere; conversionem tamen, prioris nempe formæ interitum causabantur; unde si suis Legibus, Magistratibusque vivere cepissent, diversam efficiebant Civitatem, alias pars quædam erant Civitatis, cujus jure, atque imperio contineri videbantur. Sed de his latius alibi.

Dum autem Princeps aliquis Urbem ad gloriam comparandam, sive alia de causa condit, ut Alexander, qui Urbem suo è nomine Alexandriam nuncupavit, cum suis ab initiis sub alterius imperio

imperio existat, nec ritè Civitas, quatenùs nempe Rempublicam complectitur, poterit appellari.

Urbs autem Roma, licèt ex Albano Populo potissimùm orta, sui tamen juris ab initio fuit, quoniam Romulus undique collectà multitudine, multàque perditissimorum hominum manu ad eum recurrente, ut asylo, quem ad eum finem aperuerat, potiretur, ubi sufficiens ordinandæ Civitati Populus videbatur, pro Concone priùs disseruit, ut Ducem sibi constitueret, qui tum Legibus informaret, tum adversùs finitimos defenderet; Populus autem ille, cùm Ductorem ipsum haberet Romulum, ejusque duntaxat suspiceret virtutem, eum sibi Regem cooptavit; tum Romulus eo se Populi judicio delectari fassus, non aliter tamen Regem se esse velle asseruit, nisi Deus ipse Populi judicium comprobaret; quare capta sunt auspicia Hetruscorum more, cumque fulgur à dextris ad sinistra emicuisset, hoc lætum, faustumque omen esset, tunc demum Romulus Regiam assumere potestatem affirmavit.

Sed ut augustiora essent Civitatis initia, suam consecrare originem, & ad Deum referre Authorem voluit; quare opinio, quòd esset Marte genitus, invaluit, quæ ut altiùs repetatur, atque ædificandæ Urbis occasio magis perspecta reddatur, de Romuli ortu, qui Reipublicæ omnium maximæ jecit fundamenta, pauca commemorare haud inutile censemus.

Post Trojanorum in Italiam adventum, indeque secuta bella, quorum Historia commixta fabulis legitur, Albanorum Civitas ab Julio Æneæ filio (incertum an ille fuerit Creusâ Matre genitus comes paternæ fugæ, an è Lavinia Latini Regis filia procreatus) condita refertur; in ea verò quamplurimi ejus orti sanguine Reges dominati fuère, quorum postremus Amulius fuit. Is autem fratrem habuit Numitorem natu maximum, cui propterea Civitatis regimen jure delatum, sed Amulii dolus, & vis plus potuère; nec fratrem duntaxat pellit, sed virilem ejus stirpem interemit, unâ duntaxat relictà filiâ, quæ Rhea Silvia dicebatur, quam specie honoris Vestæ Sacris addixit, ut Religione Deæ hominis admissio scelus fieret, sicque perpetuò celebs esset, fratris universa soboles deficeret. Illa verò Militis, seu alterius hominis consortio vitata, geminam edidit prolem masculam, Marsque Deus, ut honestati consuleretur, author sit culpæ. Amulius tamen re cognitâ, Matrem sacerdotem vinciri jubet, pueros in profluentem mitti.

Cum autem præ continuis imbribus Tyberis exundasset in campos, & usque ad justum sui cursum adiri prohiberet, exponuntur in proxima alluvie; fabulâ inde compositâ, quod Lupa ad eorum vagitus præstò fuerit, quoddâque distenta à recenti partu ubera præbuerit, linguâ simul abstergens lurum, quo se inquinaverant. Sicque à pastoribus reperti, atque ab iis enutriti, donec adoleverê. Sed eos potiùs custos regii pecoris nomine Faustulus adinvenit, uxorque mammas præbuit, quæ meretriciam egerat vitam, unde Lupa dicebatur. Adulti tandem dum Lycæum Pana ludis Lupercalibus venerantur, à Latronibus, in quos impetum sæpiùs fecerant, & prædâ spoliaverant, inter pastores rapta dividendo, adorti, Remus capitur, atque Amulio traditus accusatur, se cum fratre Romulo collectâ juvenum manu hostilem in modum prædas agere; quoniam verò Numitoris agros sæpiùs vastâsse criminabantur; eidem ad supplicium deditur, cui jam Faustulus eâ necessitate coactus rem omnem patefecerat, quod cum eorum ætati, atque indoli ex integro responderet, fidem adhibet, unde Romulo confestim res detecta, consiliûmque de obruncando Amulio simul captum; quod cum prosperè evenisset, advocatâ Numitor Concione, fratris scelera, nepotum originem, utque educati, & cogniti fuerant, ostendit, meritòque propterea occisum Amulium suadet; cumque Rex à juvenibus per mediam Concionem ingressis salutaretur, ab universo Concilio proclamatur. Dum autem Nepotum spectat ingenia, atque indolem contemplatur, consilium sibi fore judicat, nedum eos ad novam condendam Urbem allicere, sed auxilia præbere. Illos verò gloriæ stimulis incitatos cupido invasit, in iis locis, ubi expositi, ubique educati erant, Urbem condere. Quare Albanorum, Latinorumque multitudine eos sequi à Rege iussâ, ingens quoque pastorum numerus accessit. Sed confestim dissidium inter Fratres exoritur, quisque enim suo è nomine, quam statuebant Urbem, nuncupare cupiebat; ventum inde ad auguria, & Palatinum Romulus, Aventinum Remus, ad inaugurandum templa capiunt, sexque Vultures Remo priùs visi, duodecim postea Romulo; hinc augetur concertatio, nam utrique à sua multitudine Reges proclamantur, ex quo tandem pugna exoritur, in qua Remus interficitur. Licet alii eum quidem Principatum Romulo celsisse fateantur, sed postea ejus operi illudentem transiisse muros, eaque propter ab irato Romulo, voce incre-

increpitans (*sic deinde, quicumque transisset mania mea*) interfectum. Indictâ postea die, quâ placato Numine Urbis initium auspicaretur, ubi ea illuxit, Sacris primùm operatus, per flammam *piaculi causâ* Populum *salire* iussit, ritèque captis auspiciis Palatinum Collem circumscripsit figurâ quadrangulâ, ducentosque boves, mares, atque foeminas sub idem jugum posuit, ac aratro locum, ubi fundanda erant moenia, designavit. Operi deinde Populus adhibitus, atque illo recurrente die quolibet anno festum apud Romanos celebratum; incertum tamen, an propter Urbis initia consecraverint, an jam ante festum auspicatum condendæ Urbi delegissent, vocâruntque *Parilia*.

Ut autem post digressionem hanc ad Regiminis formam à Romulo præscriptam redeamus, ille jam Populi suffragio, auspica-
toque Rex declaratus, Populum primò tres in partes distribuit, quas Tribus nuncupavit, Tribum autem in decem Curias, unde Curia 30., Curiasque in denas divisit Decurias, Tribus autem suos præfecit Tribunos, Curiasque Curiones, ut & Decuriis, quibus singulis suis Decurio præerat. Quem ordinem è Græcis sumpsit, ut alibi diximus. Agrum quoque in 30. æquales sortes divisit, singulasque Curias sortiri iussit, partem tamen Sacrorum ac Templorum Ministerio addixit, aliamque publici Juris fecit: ita divisio Populo, agroque cunctis æqualiter distributo, aliam etiam divisionem instituit; eos enim, qui Patrem ciere poterant, aut qui cæteris quocunque modo præstarent, Patritios nuncupavit, cæteros Plebem esse iussit, tumque latis Legibus præscripsit, quid utrisque faciendum; Patritiis Sacrorum curam, utque Magistratus gererent, secumque Rempublicam administrarent, demandavit; Plebi verò, ut agros coleret, pecora pasceret, exerceret quæstuosa opificia, iussit; unde Plebs rustica, quæ rure habitabat: urbana, quæ in urbe, dicta est, & Tribunos, Ærarios, Scribas, Apparitores Magistratum, Mercatores, Argentarios, seu Fœneratores, Opifices Turbam forensem, & Libertinos complectebatur; atque præter Libertinos in varia Collegia fuit procedentibus temporibus distributa; ut & Plebs rustica, quæ sua habuit Collegia à Servio Rege instituta.

Ut autem Patritiorum, ac Plebejorum animos perpetuo quodam concordia nexu vinceret, optionem plebeis fecit, quoscunque vellent è Patritiis sibi Patronos adsciscere, distinctâ inter utrosque officiorum ratione; Patronos enim nedum Clientibus oportebat

De
prima
Civita-
tis for-
ma.

respondere de jure, cujus illi erant ignari, sed absentium æquè ac præsentium curam gerere, pro iisque defensionem, tum in litibus, tum in accusationibus suscipere, quietem denique in publicis, privatisque negotiis eis parare. Clientum verò officia erant Patronis egentibus, dum filias elocarent, ac Magistratus gererent, impenditorum causâ pecuniâ subvenire, eosque adire sæpius, cætera, quæ opus essent officia, præstituri. Vicissim autem alteris alteros accusare, aut adversum dicere testimonium nefas erat, unde lege de Proditoribus tenebatur, qui Patrono, aut Clienti fraudem fecisset, sacerque erat, ut cuique impunè occidere liceret, quod & postea XII. Tabularum Legibus cautum fuit, quare mutua eorum officia velut cognatas necessitudines posteris per manus traditas fuisse Dionysius ait; adeoque mos invaluit, ut procedentibus temporibus Coloniz etiam, ac Municipia, foederatæ quoque Urbes aut bello subactæ sibi à Romanis Civibus Patronos adscicerent, ita ut iis etiam sæpè numero à Senatu dirimendæ Controversiæ remitterentur, quod institutum è Græcis quoque hausit Romulus, nam Athenienses, Thessalique Patronos, Clientesque habebant, quos illi Thetas propter ministeria nuncupabant, hi verò Penestas; nam iisdem corrupto more tanquam emptitiis abutebantur.

Ei Patritiis igitur 100. Virorum Senatum constituit Romulus, ut eorum consilio Rempublicam administraret, hancque legendi rationem tenuit; Tribus enim singulis iussit 3. Viros legere maximè Virtute probatos, idemque singulis Curiis mandavit. Ex omnibus verò unum præcipuè ipse declaravit, quem Senatûs Præfectum constituit, cuique Urbis regimen committebat, quoties ipse Exercitum ducere cogeretur. Ipse autem Insignibus Imperii acceptis, ut Majestatem tueretur, nedum 12. sumplit lictores, sed 300. è Patritiis delectos robustissimos juvenes pro custodia Regii Corporis habuit, Curiarum suffragiis commendatos, denos enim elegerunt singulæ Curiz, eosque sive à celeritate Ministerii, seu ab eorum Præfecti nomine, cui tres Centuriones suberant, Celeres nuncupavit.

*De Officio Re-
gis, Senatus,
& Populi.*

Distinctis ad hunc modum Civium ordinibus, firmatæque Majestate, Reipublicæ totius ordinem ita voluit constituere, ut ipse Sacra curaret, atque Sacrificia, per eumque gereretur quidquid ad placandos Deos prodesse putabatur: juris universi, patrumque

triorumque morum custos esset, gravioresque causas decerneret, cæteras permittendo Senatoribus, ita tamen, ut si quid in judiciis peccaretur, ipse cognosceret: Senatum cogendi, Populum in Concionem vocandi solus haberet potestatem: primus Sententiam diceret, quodque pluribus placuerit, ratum haberet, summam præterea in bello Potestatem, atque imperium exerceret. Senatui vero de iis, quæ ad eum referrentur, decernendi esset autoritas; Populo autem Magistratus creare, Leges sancire, deque bello, & pace referente Rege deliberare permisit, quibus tamen Senatûs autoritas accedere debebat, nam quidquid pluribus Curiis videbatur, ad Senatum referri oportebat, ejusque accedente Consilio à Populo jubebatur.

Sacerdotes præterea instituit, qui publicè pro Civitate Sacra tributim, & curiatim facerent sexaginta Curiarum suffragiis commendatos, legeque sanxit, ut bini à singulis Curiis legerentur annum egressi quinquagesimum, qui virtute, ac genere cæteros præcellerent, censuque sufficienter instructi essent, integroque corpore; electio autem tunc demum rata habebatur, si eam Augures comprobarent.

Sed & sua cuique Curix Sacra partitus est, Diis in singulas assignatis, quos perpetuò colerent, pecuniâque ad sumptus ex ære publico tributa; quoties autem Sacra fierent, Curix adesse tenebantur suis vicibus, epulumque festis diebus in aula cuique Curix propria celebrabatur, præter illam Curiis omnibus communem aulam. Hi Sacerdotes autem ita lecti, *Curiones* vocabantur, & apud Plautum *Curia Magistr*, omnibus verò præerat, qui *Curio maximus* dicebatur, curiatis comitiis designatus.

Religionis ergo, quâ Romana Civitas usquequo lux Evangelii errorum tenebras dissipavit, potissimum usâ est, Romulus fuit Author, atque Institutor; Præter enim Curionum Collegia Augures, & Aruspices instituit; eos autem tres tantummodò pro numero Tribuum esse voluit. Augures futura ex volatu, & cantu avium prædicere credebantur, ea verò capiebant augurali togâ, sive trabeâ amicti sedentes, atque Orientem versùs prospicientes, lituoque, seu baculo quodam incurvo certam cœli partem designantes, quæ templum dicebatur; tum avium fiebat observatio, quo nempe gestu, cantuve, quâque templi parte se ostenderent, & quidem è sinistris pro fausto habebatur omine,

con-

*De Sa-
cerdoti-
bus à Ro-
mulo in-
stitutis.*

contrà verò, si dextrâ apparuissent; quæ autem aves cantu auspicia dabant, *Oscines* vocabantur, quæ volatu, *Præpetes*, atque si felix erat auspiciū *addicere*, & *admittere*, sin minus, *refragari* aiebant.

Sed & de Cœlo servabant, nempe ex tonitru, & fulmine augurabantur, locumque fulmine tactum *Bidental* appellabant, & pro Religioso habebant; Auguria quoque ex pullis capiebant, quibus pultem, vel ossam apponebant, sique vescebantur avidè, aut si aliquid decidens *pavires* terram, sive pulsaret, optimum erat augurium, *tripudiumque solistimum* nunciabatur, quodd si vel vesci nollent, vel evolarent, pro infelici omine habebatur. Erant propterea qui pullos servabant, nuncupati *Pullarii*, cavea verò ubi asservabantur, *auguraculum* dicebatur.

Sed ex rebus aliis fortè accidentibus, & ex quadrupedibus; auguria captabant.

Aruspices autem, quia Victimæ in ara inspicere debebant, ita dicti, futura etiam prædicebant, portentaque explicabant, ac *procurare* dicebantur, ex Victima ante mactationem, atque post eam ex Estis, flammâ, fumo, rebusque aliis, quæ Sacrificiî causâ eveniebant.

Fratrum quoque arvalium Collegium Romulus instituit, qui Sacra quædam publica *Ambravalia* nuncupata faciebant, ut arva fruges ferrent, unde eorum Insignia fuere *spicea Corona*, & *alba Insula*.

De
Apylo.

Apylum etiam, quod ad augendam multitudinem aperuisse inuimus, Religione consecravit, locum enim Capitolium juxta & arcem situm duos inter lucos ab utroque Clivo densis septum arboribus elegit, in eoque Fanum Deo cuidam, quis enim fuerit, incertum, sacrum fecit, edictoque cavuit, impunitatem in honorem Numinis cunctis, qui ad eum confugerent, esse; Jus etiam offerendo Civitatis, atque agri hostibus adempti partem.

De
Nuptiarum
Ritu.

Sed non minor fuit in Legibus cæteris condendis solertia; eâ enim de nuptiis Legumlatores alios longè superavit, nedum enim Virum unicæ mulieri copulari jussit, sed mulierem, quæ juxta sacratas nuptiarum Leges cum Viro convenisset, participem sacrorum, & bonorum omnium fecit; Sacras autem nuptias præci Romani Farracea nominabant, quoniam eò primò velut antiquissimo utebantur cibo, illaque Communio primi & sacri tunc temporis habiti cibi sacrorum, atque fortunæ vinculum efficiebat præcis illis temporibus insolubile, nullum enim fuit divortium apud Romanos antè.

ante annos fere 520., quo tempore primum divortii exemplum dedit Spurius Carvilius ob sterilitatem; unde Censores eum jurare coegerunt, se causâ liberorum Conjugem dimittere; si verò mulier adulterium admisisset, vel partum, vel claves supposuisset, aut si deprehensa esset vinum bibere, pœnam luebat ex mariti læsi arbitrio, in cuius erat potestate; is autem simul cum cognatis de hujuscemodi criminibus cognoscebat.

Parentibus verò omnem dedit in filios potestatem, idque totò vitæ tempore; quare necis habebant & vitæ arbitrium, etiam si Rempublicam filii administrarent, Magistratusque gererent quàm maximos, unde multos à Patribus necatos legimus, atque etiam è suggesto concionantes abductos, ut pœnas darent ex ipsorum sententia; permisit etiam ternâ filiorum venditione Parentibus pecunias quarere, quam Legem in quartam postea ex duodecim Tabulis retulêre Decemviri; Sed Numa Pompilius Lege sanxit, seu potius Romuleam Legem explicavit, nè scilicet liceret Patri, qui filio uxorem ducere bonorum, ac sacrorum juxta Leges participem futuram permiserat, illum amplius vendere.

Hæc porrò prima fuit Romanæ Civitatis forma, quam nec Monarchiam, nec Aristocratiam, aut Democratiam absolutè dixeris, nec enim jura omnia Majestatis Rex sibi reservavit, nec Populo tribuit, & per suffragia Magistratus designari constituit; unde Cinnus quidam ex triplici forma regiminis efficiebatur, quo quidem constitit Populo sua libertas, sed Regi Majestas etiam, nec externâ tantum specie, sed cum maxima illa, quam explicavimus, potestate.

Sed fortasse dices, mixtionem, quâ plures inter summa Potestas dividatur, nec dari, imò nec posse cenciipi, ut nonnulli affirmârunt, quorum Bodinus videtur Antesignanus, qui nedum in Libris de Republica, sed in sua Methodo ad facilem Historiarum cognitionem, postquam absurdam judicasset Polybii, Dionysii, Ciceronis, Contareni, aliorumque Sententiam, summum Romanæ Reipublicæ Imperium partim in Senatu, partim in Consulibus, partim in Populo fuisse, ac propterea ex Optimatibus, Regno, ac Populo temperatum, hæc inquit: (a) Prius igitur in omni Republica intue-

dum est, quis imperium Magistratibus dare, & adimere, quis Leges jubere, aut abrogare possit, utrum unus, an minor pars Civium, an major; hoc percepto faciliè intelligitur, qualis sit Reipublica Status; Nihil

De
forma
mixta
Civita-
tis.

(a) in Method. c. 6.

hil enim quartum esse, ac ne cogitari quidem potest; neque enim virtus aut vitium efficit Reipublica varietatem; sive enim Princeps injustus sit, sive probus, Monarchia tamen est. Idem de Optimatibus, & Populo judicandum; qui, ut nihil aliud habeant, quam Magistratum creationem, summum imperium habent, & ab iis Status Reipublicæ pendeat, necesse est. Hunc igitur Statum Optimatum dicemus, aut popularem (his verbis utamur, ne specie virtutis, ac vitiorum Aristocratia, Oligarchia, Democratia, Ochlocratia appellationibus sapiens usi cogamur) multò magis, si præter Magistratûs creationem, belli quoque ac pacis, vitæ ac necis Potestas adsit.

Sed præterquàm quod absurdum esse videtur, virtutem, aut vitium nullam inducere Reipublicæ varietatem, cum unicè ex his formarum diversitas procedat; an enim si divites imperent, eorumque potentiam spectent, efficient divitiæ Aristocratiam? Aut cur ille vitiosas etiam docuit formas, si nulla oriatur ex virtute aut vicio Reipublicæ diversitas? Nec vera est ejus quoad mixtionem formarum Doctrina, licèt plausibili quâdam rationum serie meliùs uti potuisset; tota enim ejus Doctrinæ vis iis principiis potissimùm inniti videtur, supremam nempe potestatem in Republica instar formæ, seu spiritûs se habere; unde sicut in naturalibus formæ divisio dari nequit absque interitu, sic in morali corpore, si forma dividatur, destrui illud necesse erit; cum igitur forma det esse rei, eaque profectò sit indivisibilis, sequitur formarum mixtionem in Republica nec quidem concipi posse; prætereà, si formarum mixtio esset in Republica, deberet æqualiter summa Potestas esse distributa; sic autem plures esse Potestates sequeretur, quæ mutuò se opponerent, nec propterea unquam potest inter unum & plures, aut Populum distribui.

Sed Bodinus contradicendi studio, atque doctrinæ novitate allectus in errores incidit suo judicio, solidaque eruditione prorsus indignos, confusissimam enim sibi que adversantem rerum congeriem miscuit, cum nunc duntaxat ex numero Rerumpublicarum formas definiat, nunc Statum ipsum à gubernandi ratione sejungat, nunc varias, aberrantesque Rerumpublicarum formas ex ipsa gubernandi ratione desumat, longè semper à principiis aberrans, resque per effectus potius, quàm per essentiam cognoscat ac definiat, Cives confundat cum Subditis, universamque Civilem facultatem

adeò

adeò involvat, ut quid sibi met ipsi proposuerit, vix dignosci queat.

Nos autem solidis, certisque principiis tantummodò inhærentes, sicut Respublicas agnoscimus virtute aut vicio, non autem numero metiendas, ac propterea ut virtus Aristocratiam efficit, utque simpliciter Nobilitas, divitiarumque Oligarchiam, & æqualitas nullà censùs, aut Nobilitatis habità ratione Democratiam; ità, si ritè temperentur, ut in gubernandi ordine cunctorum habeatur ratio, omnesque junctim summam efficiant Potestatem, Respublica ex temperatione illa formarum resultabit, quam mistam nuncupamus; licet enim vera sint Principia, formas esse indivisibiles; ex hoc tamen illud sequitur, non uno eodemque modo summam Potestatem, quæ instar est formæ, omnibus communicari posse; essent enim in una Civitate plures, quod absolute repugnat: non autem illud; posse scilicet eum in modum simplices illas formas aptari, ut simul junctæ, non autem divisæ, summam illam Potestatem veluti totum resultare faciant, atque in hoc nulla quidem erit repugnantia; nam sicut ex Elementorum mixtione in naturalibus corpora gignuntur, in quibus nulla unius Elementi forma separata potest consistere; & in artificialibus etiam Navim videmus ex pluribus rerum formis inter se aptatis resultare, domosque tum lignis, tum lapidibus instrui; sic in moralibus ex simplicium formarum mixtione totum morale Corpus producitur, in quo nulla simplex forma separatim cernitur, sed omnes illæ adeò conjunguntur, ut harmoniam quandam efficiant atque concentum, ex quo summa illa Potestas veluti corpus ritè compositum, unum profectò atque indivisibile, conspicitur; nec propterea illud etiam erit admittendum, quòd summa Potestas æqualiter deberet esse distributa, unde mutuò se impediret; quoniam si illud esset, tot essent formæ, quot summæ Potestates. Quare ejus duntaxat participatio, ordine tamen, partes veluti efficit, quarum connexionem resultat integrum, in quo una quidem pars alterà licet major, aut minor concurrere videtur, ut proportio servetur ad Naturam compositi, ejusque exigentiam; ratio propterea gubernandi eadem debet esse, ac ordo Reipublicæ, à quo derivatur; unde diversà ratione posita ordo ipse invertitur, adeoque destruit Bodinus ipsamet principia, dum sibi blanditur novam excogitasse doctrinam nemini priùs perspectam, formam Reipublicæ diversam à ratione gu-

bernandi constituens, ut illam aliam, *numerum*, nempe, *Rebuspublicis formam dare stabilires*, sic enim loquitur: (a) *Sive igitur optimi, sive flagitiosissimi, sive ditissimi, sive nobilissimi, sive egentissimi, sive bellicosissimi summum imperium teneant, modò Civium pars minor extiterit, Aristocratiam appellamus.* Quod si advertisset, diversâ positâ ratione gubernandi formam ipsam remitti, ac tandem destrui, adeoque non propter se, sed per accidens sequi posse, uti hi, qui ordinem constituunt, ab eo aberrent, nempe si volunt præter Leges dominari, & suam augere Potentiam, vel jam conversâ priori formâ ejusdem vestigia retinent, veluti arcana, quibus cæteris imponant, ut vel mutationem parùm advertant, vel nihili curent, non adedò absolutè Reipublicæ formam à gubernandi ratione sejunxisset; Intendi ergo, seu remitti ex ipsa regiminis ratione formam dicimus; quòd si diversa omnino exerceatur, suæque formæ adversans; tunc tandem destrui illam necesse erit, aliamque constitui, prout nempe summum imperium habentium virtus, aut vitium effecerit, ut Nati comparatione demonstravit Aristoteles, nosque Exercitatione de Civili Disciplina fusiùs disse-ruimus. Exemplum autem de Monarchia nullo assertur fundamento, Rex enim nec Aristocraticè, nec Democraticè debet dominari, nè à sua forma discedat, nam regia gubernandi ratio regalem ipsam constituit Monarchiam, quare juxta cujusque merita, & virtutem officia debet distribuere, iisque dare Magistratus, qui sunt meliores, nec propterea erit Aristocratica gubernandi ratio, sed Regia; atque in hoc profectò harmonica illa proportio, quam summo Rerumpublicarum bono excogitasse fatetur, consistere debet; munera namque dignioribus, ac bene merentibus semper concedi oportet, nè videantur homines duntaxat contemplari, ac propterea non alia de causa Magistratus consequi, quàm ut sublimentur; quod profectò in cunctis Rerumpublicarum formis, quæ rectæ sunt, servari oportet; Democraticam enim formam, quæ in cunctis spectat æqualitatem, adeoque proportionem tantùm Arithmeticâ universâ in illa metiuntur, haud rectam agnoscimus; cùm nullâ re Nobilis à plebejo, pauper à divite, probus ab improbo, doctus ab indocto discriminetur; quòd si juxta patrias Leges Nobilium ordo Magistratus quosdam sibi peculiaries fecerit, regium erit ex illo adfiscere meliores, nec cæteros, qui virtute merentur, negligere, sed iisdem alia munera impertiri. Poenas etiam infringere

(*) *Lib. 2. cap. 6. de Aristocratia.*

pro-

proportione geometricâ regium est. Ille autem suâ proportione harmonicâ bonos cum improbis, ignaros etiam cum sapientibus, in quacunque Reipublicæ forma conjungi oportere, ex eaque solummodò concentum effici admirabilem, affirmavit, quod quàm sit absurdum, re ipsâ dignoscitur; Concentus enim, atque harmonica proportio unicè à Legibus derivatur, quibus Civium ordines inter se cum Principe conjunguntur; nec enim aliud harmonica Bodini mistio producere apta esset, quàm Reipublicæ detrimentum, atque ruinam; nunquam enim bonus cum improbo ritè conveniet. Sed hîc doctrinam ejus disquirere non suppetit, cum solummodò mistum dari statum, mixtamque fuisse ab ejus initiis Romanorum Rempublicam indicare debuissimus.

Redeuntés igitur ad Instituta Romulea, illud quoque proficuum Reipublicæ summopere fuisse palàm est; nil aliud ingenuis præter rem militarem, ac rusticam commendasse; sellularias enim artes ac sordidas servis tantùm, ac exteris permisit, unde idem Romanus Civis miles erat, & agricola, sicuti Reipublicæ expediebat. Quare nullo ingruente bello rure manebant, atque ad Urbem non à quâque die ventitabant nundinarum causâ.

Ità constitutâ Republicâ, conjugés deerant, ætatem propterea hominis duratura, & è finitimis nulla habendi spes erat; Legatos enim dimiserant cum responso, aliud oportere scæminarum Asylum aperiri, illudque haud impar connubium fore; quapropter ludorum equestrium spectacula ex industria parandi consilium capitur, ut mulieres sibi ipsis aultu raperent, eaque in honorem *Consi Dei*, quem Neptunum interpretantur, unde *Consualia* vocitabant, celebrare simulant, diemque finitimis indicunt, ut adesse queant; illi autem cum novitate urbis tum spectaculorum curiositate incitati, magnis virorum mulierumque agminibus urbem petunt; cumque nihil timerent, ac spectaculis deditæ mentes essent, è composito vis orta, Romanâ pube ad mulieres undique rapiendas discurrente; sic primum de conjugio sibi providisse Romanos necessitas coëgit; unde bellorum origo cum Sabino populo, cæterisque finitimis, quorum tamen ruinis urbs aucta mirum in modum; Romuli enim inter cætera præstantissimum illud fuit institutum, puberes in bello captis urbibus nec interficere, nec sub corona vendere, sed in jus potius Civitatis admittere, agri etiam adempti parte aliquâ concessâ, cæteris æqualiter inter Romanos distributis; quod & Reges alii,

De ingenuorum ac servorum officiis.

De raptu Sabinarum.

*De Fæ-
dere cū
Sabiniſ.*

ſervârunt, & Reſpublica exactis Regibus haud neglexit. Exitus autem Sabini belli fuit, ut Sabinorum Civitas Romam migraret univerſa, percuſſo cum Rege Tatio ſœdere, quòd utrique pari poteſtate regnarent, Civitatemque unam ex duabus facerent, ac propterea, communicatis utrinque ſacris, recepti Sabini in Tribus, & Curias, Quiritium nomine. Auſtâ igitur multitudine, viſum quoque fuit augere Patritiorum ordines è novorum incolarum nobilibus Familiis, è quibus centum poſtea curiatis Comitiiſ creati Senatores, ut ſua quoque Regi Tatio factio in Senatu eſſet; tunc autem duo Colles Urbi additi, Quirinalis & Cœlius, in quibus ſeorſim Reges habitârunt, Romulus in Palatio propè Cœlium montem, Tatiſ autem in Capitolio juxta Quirinalem, & concorditer adminiſtrârunt Rempubicam integro Quinquennio. Sexto tamen anno Tatiſ à Lavinienſibus interficitur, quoniam juſ Gentium neglexerat, cū enim Lavinienſem agrum Tatii amici vaſtâſſent, pecorumque greges abegiſſent, partim occiſis cuſtodibus, partim ſauciatis, Legati Romam miſſi fuère, ut juſ agerent. Romulus autem dedendos Authores cenſuit ad ſupplicium, Tatiſ prohibuit; hinc Legati nedum re inſectâ diſcedere coacti ſunt, ſed in via Sabinorum quidam eos adorti, alios interfecerunt, alios præcipiti fugâ ſibi conſulere coëgerunt. Quare undique Romani tanquam juſ Gentium violatores criminantur, unde Legationes ab aliis etiam Populis expiandi ſcleris cauſâ miſſas Dionyſius reſert, bellum denuncianteſ ſin facerent; quibus commotus Romulus noxios dedi juſſit, & Legati acceperè, ægreferente Tatio; erat enim inter eos & aliquiſ è ſuiſ cognatiſ; quapropter indignatus Romulo, ſtipatuſque milite, vi fontes illos Legatiſ eripuit. Nec ita multo poſt, cū Lavinium proſectus eſſet Sacrorum cauſâ ſimul cum Romulo, vel ut alii ſcripſere, ſoluſ, ſuaſuruſ Civibuſ, ut iras remitterent, concurſu factò interſectuſ eſt, ſeu lapidibuſ obrutuſ, ſeu alio mortis genere. Quod facinuſ minùſ ægrè, quàm dignum erat, Romuluſ tulit; licet enim dominandi ratio ſocium non admittat, cū non aliter conſiet, niſi uni reddatur, debebat tamen poſteris exemplum in ſui munimentum tradere, nec propterea cædem Regiſ deferere inultam; atque ex eo ſuſpicio exorta, quòd ipſe Lavinienſeſ ſubornâſſet; ille autem Tatiſ juſ cæſum pronuncian-do ad expiandâſ Legatorum injuriâſ, Regiſque cædem, ſœduſ cum Lavinienſibuſ pepigit. Eo igitur tempore, quo

*De
cæde
Tatii
Regiſ.*

quo Tattus pari potestate Romæ regnabat, *Respublica* erat irregularis; una enim potestas alteram impendebat, ut evenisse visum est, quod in Statu misto accidere non potest, partes enim conjunguntur, ut unam efficiant Potestatem, quæ sit maxima, ut supra diximus; licet sua non minima patiatur incommoda, quare brevi temporum intervallo in cunctis ferme Rebuspublicis, quæ temperatâ illâ mitione fuerant ordinatæ, dissolutionem propter seditionum motus secutam esse legimus.

Romulus postea cum solus regnasset, Rempublicam uti constituerat, administravit, licet Senatui ob sævitiam fuisset invisus; unde Senatorum dolo tandem interemptus, cum ad exercitum recensendum Concionem haberet, in Campo ad Capræ paludem; occasionem enim nacti Patres subito coortæ tempestatis cum magno fragore, tonitribusque, ita ut ejus conspectus Concioni eriperetur, Regem manibus discerpere post exactum Regni annum 37., ætatis verò 55. Cumque sollicita esset Civitas Regis desiderio, & insensa Patribus, illi Proculum Julium in Concionem submisere, qui: *Romulus*, inquit, *Quirites*, *Parens Urbis hujus primâ hodiernâ luce celo repente delapsus se mihi obviam dedit; cum persusus horrore, venerabundusque astissem, petens precibus, ut contrâ intueri fas esset: vade, nuntia, inquit, Romanis, Cælestes ita velle, ut mea Roma Caput Orbis Terrarum sit. Proinde rem militarem colant, scientique, & ita Posteris tradant, nullas opes armis Romanis resistere posse: hac locutus sublimis abiit.* Quare in Deum consecrârunt, & nuncupavere Quirinum.

Videbimus ergo præcipua Romuli Instituta usque ad Tarquinii Superbi tempora viguisse, ille enim primus Rempublicam invertit, exercendo tyrannidem. Sed, ut advertit Florus, dabantur Reges, ut tempora requirebant ad Reipublicæ incrementum, licet nunquam à principio illo sit aberratum, ad bellum nempe fuisse Rempublicam ordinatam, adeoque ut cotinuo cresceret potentia, cæterisque dominaretur; unde Proculus Julius eâ superstitione imbuît Romanorum animos, quæ ad Posteris arcano consilio transmissa adeo eos incendebat, ut cuncta ad virtutem, & militarem gloriam relata consilia tantâ animi altitudine perfecta visa fuerint, ut vix tandem Gentium omnium Roma evaserit; pervaserat enim Romanorum mentes opinio, cuncta, quæ aggredierentur, quantumvis ardua, efficere posse; quæ si rite perspicantur, & cum domi, tum foris Romanorum gesta sedulo investigentur, vincere

De Romuli obitu.

cere Romanos debuiffe, cùm cæteros virtute, & confilio præcellerent, agnofcetur.

De Interregno. Sublato Romulo, Patrum, atque ordinum certamina propter novum Regem orta funt, nec enim fingulorum timeri poterant, cùm nemo efferet, qui magnoperè emineret in novo Populo; quare nè interea finè fumma Potestate Civitas efferet, conveniunt, ut ea in orbem omnibus è Senatu communicaretur, quapropter in Decurias diftributo Patrum numero, fingulisque in fingulas Decurias creatis, qui fummx rerum præeffent, Decemviri 5. dierum fpatio exercebant imperium, unus tamen Infigibus, ac liſtoribus utebatur, itaque per annum Romana Civitas fuit moderata.

Sed Popularis ordo inſenſus Patribus Decemviralem illam Potestatem ampliùs pati noluit; quare ut Patres largiri viderentur, quod retinere nequibant, Populum, *Regem jubere* decernunt, eos tamen Authores efferre debere, ut mos à Romulo inſtitutus fervaretur, quem procedentibus temporibus inverſum Senatus retinuit in ſpeciem, cùm in incertum Comitiorum eventum Author fieret. Tum Inter-Rex advocatâ Concione, *quod bonum, fauſum, felixque fit*, inquit, *Quirites*, *Regem create: ita Patribus viſum eſt. Patres deinde, ſi dignum, qui ſecundus ab Romulo numeretur, creavitis, Authores ſient. Sed Populus eum Regem fore juſſit, qui Senatui videretur.* Quare poſt longam animorum concertationem, ad Electionem tandem ventum eſt, externus omnium ſuffragiis Rex designatur; is erat Numa Pompilius, qui Curibus Sabinis habitabat, ſapientia celebris. Nuntias conſeſtim mittitur, qui rem deferret; ille verò, fortè ut magis deſiderium ſui excitaret, majoremque inde capeſſeret authoritatem, renunciat, morasque neſcit, ita ut Romani Populi, & ſuorum precibus commotus videretur. Sic Romanam petit, Rexque captis ritè auſpiciis confirmatur; deductus enim ab Augure in arcem, poſtquam Templum Lytuo designaſſet, cæterosque ſervâſſet ritus, qui ejus Sacerdotii proprii erant, ut jam diximus, dextram Capiti Numæ impoſuit, itaque precatus eſt:

De Numæ Pompilii electione.

Jupiter Pater, ſi eſt ſas hunc Numam Pompilium, cujus ego Caput teneo, Regem Roma eſſe, uti tua ſigna nobis certa & clara ſint inter eos fines, quos feci.

Nulla hic geſſit bella, ſed neque ex Romuleis Legibus, atque Inſtitutis immutavit quidquam; imò ut opinionem, quòd Deus evaſerat, augeret, templum, atque aram ei dicavit, ſolemni-
que

que ritu coli iussit *Quirini* nomine. Præcipuum ejus Institutum *De Numina Re-*
 fuit, nimis ferocem Populum ad mansuetudinem revocare, cæte-
 rasque Virtutes: quibus sine nulla diù stare Societas potest; quod *ligione.*
 ut facili negotio assequeretur, è Virtutibus ipsis tot fecit *Numina*,
 quibus Tempia, atque Aras struxit, præscriptis ad eorum cultum ri-
 tibus, Sacerdotibusque institutis, *Deum* monita simulans, con-
 gressumque cum *Ægeria* Nympha. Hinc ad lucum quandam sine
 arbitris ventitabat, quem medium ex opaco Specu fons perenni rigabat
 aquâ, illumque *Camænis* sacraivit, & soli *Fidei* solemne instituit;
 sed ad Religionis custodiam opportunum, atque unice necessarium
 judicavit Pontificem maximum constituere, eumque ex Patribus le-
 gere, in hoc à *Romulo* diversus, qui Sacrorum curam sibi reserva-
 verat, cui, ut *Livii* verbis utar, *Sacra omnia exscripta, exsignataque*
attribuit, quibus hostiis, quibus diebus, ad qua templa Sacra fierent, at-
que unde in eos sumptus pecunia erogaretur. Cætera quoque omnia publi-
ca, privatuque Sacra Pontificis scitis subjecit, ut esset, quo consultum Plebs
veniret, nè quid Divini juris, negligendo patrios ritus, peregrinosque
adsciscendo, turbaretur. Nec cælestes modò ceremonias, sed iusta quo-
que funebria, placandosque manes ut idem Pontifex edoceret, quaque pro-
digia fulminibus, aliove quo viso missa susciperentur, atque curentur.

Præerat etiam Pontificum Collegio, de quibus infra, ex eoque
 Tributis Comitibus eligebatur, & quidem usque ad annum Urbis 500.
 ex solis Patriciis; postea verò Plebeji etiam arripuere, creatusque pri-
 mum eo ex ordine *T. Coruncanus*; procedentibus verò temporibus
 Cæsares etiam *Dominionis* arcano ad Gratianum usque tenere, Au-
 gusti exemplo, qui primus defuncto Lepido eam Sacrorum potesta-
 tem suscipere curavit, ut facilius, tutiusque cuncta discordiis Civi-
 libus fessa nomine Principis sub imperium acciperet. Licet autem
 maxima in Sacris esset auctoritas, Collegio tamen dissentiente nimis
 coarctabatur, atque ad idem provocatio erat, à quo tandem ad Po-
 pulum ferri poterat. Insignia ejus præcipue fuisse *Toga prætexta*, &
Apex in Capite.

Numa igitur nedum Religione Romanorum animos ad pieta-
 tem, justitiam, fidem cæterasque virtutes colendas induxit, sed suo
 exemplo composuit. Quare nullâ seditione Civitas, nulloque bello
 externo laboravit, nefas enim finitimi ducebant, Civitatem bello la-
 cessere Religionibus deditam, sortitamque Regem *Diis* acceptissimum.

Quoniam verò Religionem illam, suosque ritus agnoscere *De Re-*
 nedum *ligione*

Roma- nedum ad historiæ intelligentiam, sed ad ipsius Reipublicæ arcana
 norum penetranda necesse ducimus, hinc brevissimo excursu saltē indici-
 univer- care visum est.

sa. Numina, quæ Romani coluerunt, aut *majorum*, aut *mi-
 norum Gentium* Dii nuncupabantur; *majorum* autem duodecim
Consentes, fortè à verbo *Consulo* dicebantur, octo autem *selecti*.
 Minorum Gentium tum *Semones*, tum *Indigetes* & *Semideos* appel-
 labant, & *Sylvestres*, *Marinos*, ac *Fluviorum Deos* complectebantur.
Consentes his versibus Ennius enumeravit.

*Juno, Vesta, Minerva, Ceres, Diana, Venus, Mars,
 Mercurius, Jovi, Neptunus, Vulcanus, Apollo.*

De Jovem autem celebrârunt Romani multiplici cognomine;
 Diis Ro- nam *Feretrium* appellabant, dum opima ei spolia hostibus detra-
 mano- cta consecrabant; Romulus enim victis Cæninensibus cum factis
 rum. vir magnificus, tum factorum ostentator haud minor, cæli ducis
 spolia gerens purpuram indutus & coronatus laureâ in Capitolinum
 verticem ascendit, ibique ea ad quercum pastoribus sacram sus-
 pendit, designatoque templo, Jovi consecravit, cognomenque dedit,
 dum, *Jupiter Feretri*, inquit, *hac tibi Victor Romulus Rex regia ar-
 ma fero; templumque in iis regionibus, quas modo animo metatus sum,
 dedico; sedem optimis spoliis, qua Regibus Ducibusque hostium casis, me
 authorem posteris ferent; atque illud primum Romæ templum sacra-
 tum fuit. Statorem autem idem Romulus appellavit, ei que tem-
 plum vovit, ut fugientes Romanos, Sabinosque Victores sisteret,
 hæc inquit, ut Livius refert: Jupiter tuis jussus avibus hic in Pa-
 latino prima Urbi fundamenta jeci. Arcem jam scelere emptam Sabini
 habent: inde huc armati superatâ mediâ valle tendunt: ac tu Pater
 Deum, hominumque hinc saltē arce hostes: deme terrorem Romanis,
 sadamque fugam sisse. Hic ego tibi Templum Statori Jovi, quod Mo-
 numentum sit Posteris, tuâ prasenti ope servatam Urbem esse voveo; ac
 veluti sensisset auditas preces: hic Romani, inquit, Jupiter optimus
 maximus resistere, atque iterare pugnam jubet. Elicium etiam ab eli-
 ciendo dixere, quia composito carmine eum elicere è coelo reban-
 tur ad expianda prodigia: huic Numa aram in Aventino dicavit,
 eumque consulebat auguriis, quæ suscipienda essent, ut ea ex men-
 te Divina elicere videretur. Capitolinus autem à Capitolio dicebatur;
 erat hoc templum in Tarpejo monte, quod Priscus Tarquinius in-
 choaverat, jam prælagiente animo futuram olim amplitudinem
 loci*

loci; quare à Cicerone *Arx omnium Nationum* dictum: Servius Tullius altiùs exstruxerat: Superbus alter Tarquinius absolverat, & Consul denique Horatius Pulvillus anno Urbis 244. solemni ritu dedicaverat; nec sinè Religione sua jecit fundamenta Tarquinius; accersitis enim Auguribus Deos consuli jusserat, ut locus iis gratissimus indicaretur: Augures autem tumulum illum demonstrarunt, cùmque iterum quæsisisset, quâ tumuli parte condi deberet, plura enim erant Deorum, Geniorumque Sacella, quæ aliò transmovere oportebat; Augures de singulis auspicia sumpsère, omniumque Sacellorum exaugurationes Aves *admittere* pronuntiârunt, præter *Termini*, & *Juventutis* aras, quæ propterea in ipso Templi ambitu conclusa, servataque; Unde augures *nec movendos Urbis terminos, nec juvenile robur ei deesse portendi* affirmârunt.

Atque in eo Templo Consules primo die, quo imitant Magistratum, & Imperatores ad bellum profecturi sacra facere, vota-que nuncupare tenebantur, ut etiam redeuntes, si vicissent, & ultra 5000. hostium justo bello unâ acie, suisque auspiciis occidissent, adèd ut triumphare mererentur, eò deducebantur triumphali veste induti, laureaque coronati, & sacra faciebant, Taurum immolantes, laureamque in Jovis gremio deponebant: quod si minor victoria esset, aut alia ad triumphandum conditio deesset, *Ovationemque* propterea celebrarent, tunc diverso quidem ritu incidentes & myrtho coronati templum similiter adibant, ovemque immolabant.

Latialis quoque Jupiter dictus, quoniam universi Latii populus, cùm latinas ferias in monte Albano celebraret, eum colere debebat, quod Tarquinius superbus fieri jussit. Dictus quoque Diesbyter & Lucetius, quasi lucis pater: *Lapis* etiam à quodam peculiari juramenti præstandi ritu, lapidem silicem manu tenendo, dictus, ut *Dijovis* à die & *Vejovis* à nocendo.

Juno autem Divûm regina, Jovisque, & soror, & conjunx, folio insidens, Sceptroque ac Diademate insignis Pavonem ei sacrum juxta se habens pingebatur, atque in Aventino culta fuit, Regnis propterea ac divitiis præsidebat. Vocârunt quoque *Pronubam*, quòd nubentibus præesset; *Cinxiam* à zona, seu cingulo, quo sponsa cingebatur; *Lucinam*, quasi lucem ab ea nascentes acciperent, *Monetamque* à monendo; Terræ motum enim *sue plenâ* procurandum esse, ejus monitu credebant.

Vesta autem quasi vi suâ stans, altera *Celi* uxor, *Saturni* mater; *Opis* filia altera credebatur, *Ignemque* significabat, ut illa *Terram*; huic templum sacrauit Numa, & cultrices virgines, quæ *Vestales* dictæ sunt, easque sacri ignis custodes esse voluit, qui *focus* erat communis Civium, nam Romulus *focus* dicaverat per singulas Curias, ubi Curiales rem divinam facerent, nullumque publicum reliquerat. Erat autem ignis omnibus conspicuus medio Capitolium inter & Palatium spatio, ubi Templi sedes; neque unquam extinguî patiebatur tanquam certissimum imperii pignus, adeoque perniciës Civitati portendi credebatur, si quâcunque causâ exstingui contigisset, quo casu post multam procurationem alius ignis in templum inferebatur. *Sacris* autem *Deæ Vestales* ipsæ operabantur, quæ ab initio quatuor, postea verò ad senarium numerum à Tarquinio Prisco auctæ, easque optandi jus penès Reges esse Numa voluit, debebantque in *Deæ fano*, ubi præter *sacri foci* custodiam alia etiam sacra adservasse traditum est, iisdem duntaxat, ac *Ædituis* cognita, quæ aliqui *Palladium* fuisse volunt. A templi autem aditu nemo arcebatur interditi, sed pernoctare nefas erat. Exactis Regibus capiebantur à Pontifice maximo, atque per 30. annos ministrabant ei Numini. Primis quidem decem annis *Sacra* addiscere tenebantur, aliis verò ea exercere, tertio autem decennio juniores Virgines ea docebant, post quod tempus nubendi potestas erat; ingentes autem tributî Virginihus honores fuere, nam Testamentum condendi jus erat, licet minores essent: jus habebant trium liberorum: lictore utebantur: Reum si fortè obviam habuissent, supplicio liberandi facultas erat: Carpentio vehebantur: Vittis & prætextâ veste utebantur: agri etiam assignati, publica que stipendia: honestior quoque locus in spectaculis præbitus, aliique multi. Quod si deliquissent, pro leviori Crimine flagris à Pontificibus cædebantur; at si admisissent incestum, Vivæ funebri pompâ efferebantur; delatæque ad Collinam portam, defodiebantur in Campo, quem propterea *Scelestum* nuncupârunt, nec monumento, nec parentatione dignatæ.

Minervam verò quasi Sapientiæ, & omnium bonarum artium Præsidem habebant, atque de *Jovis Cerebro* natam fingebant; Festum ejus celebrabant Romani Mense Martio per quinque dies, unde *Quinquatria* dicebantur. *Palladem* quoque nuncupabant, & bellis atque armis præesse credebant, unde armata, torvoque vultu, & glau-

& glaucis oculis cernebatur, Scutum, seu *Ægidem* manu tenens, in quo *Gorgones*, sive *Medusa Caput* effictum erat.

Cererem Saturni, & Jovis filiam credebant, primamque frumenti usum homines docuisse, Legesque tulisse; ejus *Sacra Mensæ* Aprili per dies octo à Matronis peragebantur, quo tempore Viros admittere, & Vinum potare nefas erat, unde in *Casto* *Cereris* esse dicebantur; ea verò summo cum silentio celebrabant, facibusque utebantur, quoniam facibus accensis *Proserpinam* quæsierat. *Porcam* ei *fatam* immolabant, eamque *spiceam Coronam*, & *facem* manu gestantem effingebant.

Mercurius Jovis, & Maja filius, Deus sermonis habebatur, Musices, & *Lyræ* inventor, cunctis artibus præsidebat. Hinc Romani Statuas ejus in honorem è quadrato lapide in Triviis, & Quadriviis collocabant, atque ut *Juvenis formâ insignis* effingebatur, *Petafo & aureis talaribus* ornatus *Caduceum* manu tenens, *Virgam* nempe, quam duo Serpentes circumplectebantur, quia *Pacis* etiam author habebatur.

Apollo idem, qui *Phæbus, Jovis, & Latona* filius in Insula *De-lo* natus, licet *Ephesii* apud Senatum memorabant: non ut *Vulgus* crederet, *Dianam* atque *Apollinem* *Deo* genitos: esse apud se *Cenchrium annem* *Lucum* *Ortygiæ*, ubi *Latonam* partu gravidam & olea, quæ tum etiam maneat, adnissam edidisse ea *Numina*: *Deorum monitu sacrum* nemus. Atque ipsum illic *Apollinem* post interfectos *Cyclopes* *Jovis iram* vitavisse. *Medicinæ, Musicæ, & Peëticæ*, ut & *Sagittariæ* arti præsidere credebatur, sed & *Divinatoriam* exercuisse putabant; hinc *Oracula* edere creditus: *Juvenis* speciebatur *Lauris* coronatus; arbor ei sacra, quoniam *Daphnès*, quam adamaverat, in *Laurum* conversa, specie imberbis, flavis capillis & promissis, dextrâ arcum & sagittas, læva *lyram* tenens.

Neptunus Saturni & Opis filius, *Jovisque* frater habebatur: ei forte datum maris Imperium credebant; à Romanis sub nomine *Consi* colebatur, arâ ei subterraneâ consecratâ, unde ludis equestribus idcirco *Consualia* celebrabant, eadem quæ apud *Arcades* *Hypocratia*; *Neptuno* enim *Equis* sacer erat, cumque primus è terra produxisse dicebatur, fortè quia primus equitandi artem adinvenit. *Ennosigæus* quoque nuncupatus, quasi terram quatiens. Pingebant senili vultu in curru sedentem à *Tritonibus* equis marinis, vel *Delphinibus* tracto, cum *Tridente*, quem manu gerebat.

Mars etiam præcipuo à Romano Populo honore colebatur, ad eum namque consecraverat origines suas, cum ipsum Authorem faceret, adeoque ut suum, Conditorisque sui Parentem venerabatur. Quare templa ei dicabat quamplurima; sed quod in foro *Marti ultori* consecravit, omnium erat magnificentissimum, peculiareque habuit Sacerdotes *Salios*, & *Martialem Flaminem*. *Salios* autem à Numa institutos tradunt propter scutum *aeneum Celo delapsum*, quod grassantem eo tempore Pestem repente cessare fecerit; ille autem *Conjugem Egeriam* monuisse simulavit, Urbem, in qua scutum servaretur, *evasutam omnium potentissimam*. Itaque nec clam surripì potuisset, undecim alia per Mamurrium quandam fieri curavit, ejusque propterea Nomen *Saliaribus Carminibus* insertum fuit, quibus perfectis, duodecim legit *Patrimos*, & *Matrimos* juvenes è Patriciorum ordine, qui ea scuta servarent, festumque Kalendis Martiis celebrarent, scutaque illa, quæ *Ancilia*, quoddamque ancisa, seu rotunda essent, dicebantur, per Urbem salando ferrent, canentes *saliaria Carmina*, quare à saliendo, sive saltando *Salii* nuncupati, eorumque Præful *Saliorum Magister* dictus. Erant autem *Palatini* alii, qui sacra in Palatio faciebant, & *Collini*, qui in *Quirinali Colle* à *Tullo Hostilio* instituti. Saltabant *piloati*, *pictaque tunica*, & *trabeâ induti*, *accincti gladiis*, & *baltheis arsis*, *dextrâ hastam*, *læva ancile* tenentes.

Flamen Martialis etiam à Numa in *Martis* honorem institutus, ut & *Dialis*, qui *Jovis* erat Sacerdos, & *Quirinalis*, qui *Sacra Romuli* in Deos relati *Quirini* nomine curabat; sed variis temporibus aucti ad duodenum numerum, aliisque Diis addicti. Et *Dialis* cæteris dignior habebatur, quem dignitate sequebatur *Martialis*, postea verò *Flamen Quirinalis*, adeoque è Patriciorum ordine prodibant, cum cæteri ex Plebejorum creari potuissent; iiq̃e duntaxat in Pontificum Collegio sedebant, Comitibus tributis creabantur, & à Pontifice maximo inaugurari debebant. Omnibus commune fuit, Urbe non discedere, ne Sacra defererentur, nec divortium permittebatur: Quoddam si Sacra neglexissent, ritèque non curassent, Sacerdotio licet perpetuo privari poterant. *Flamen autem Dialis* plurimis obstrictus Ceremoniis erat, licet enim lictore, sellâ curuli, & prætextâ potiretur, nefas erat equo vehi, nec nocte unâ licebat Urbe abesse: jurare prohibebatur; imò nec annulo uti, nisi pervio, castoque; neque poterat à *Flaminis* domo ignis efferri, nisi sacer.

Sed

Sed & eo potiebatur honore, ut si *nexi*, *vinctique* ædes ejus fuissent ingressi, vel supplices se ad ejus pedes projecissent, verberari eo die nefas erat: Capillum ejus libero tantum homini detondere permittebatur: Capram, carnem incoctam, hæderam, fabam tangere, imò & nominare prohibebatur: nemini suo in lecto cubare licebat: pedes lecti tenui luto circumlitos esse necesse erat, nec ab eo *trinoctium* continuum decubabat: Galero albo utebatur: locum in quo cultum esset, nunquam ingredi, nec mortuum attingere, funus tamen exequi poterat: sub dio non ungebatur, priscisque temporibus nec Magistratum capere, nec petere debebat. In Convivio, nisi Rex sacrificulus, nemo suprà eum accubebat: unguium & capilli segmina subtus arborem felicem terrâ obruebantur; quotidie festatus erat, nec propterea Pontificum judicio, quod de aliquo exercebatur, adesse poterat; sub dio sine apice esse prohibebatur: sub tecto licitum erat; farinam quoque fermento imbutam attingere vetitum: sub dio interiorem tunicam exuere fas non erat, nè sub *Jove* nudus videretur. Quibus Ceremoniis *Flaminica*, sive *Flaminis* Uxor tenebatur, nec matrimonium nisi morte dirimi poterat; hoc autem Sacerdotium cum plerisque Theodosius Magnus aboleri jussit.

Venerem quoque præcipuo cultu Romani afficiebant, cum Genus ab *Ænea* deducerent, qui *Deâ* natus credebatur; ei templum extruxit *Julius Cæsar*, & quoniam generationi præesse putabant, *Genitricis* nomine in eo colebatur, aliud verò *Libitina Veneri* vetustius, & in eo *Servius Tullius* instituit numum persolvendum esse pro defunctis; ille enim nedum nascentium, & morientium, sed eorum, qui virilem togam sumerent, numerum scire cupiens, numum pro singulis, qui nascerentur, in *Ærarium Junonis Lucina* inferri, in *Juventutis* pro togam virilem fumentibus, inque *Libitina* pro mortuis jussit. Ortaungebatur *Venus* è spuma Maris, seu ut alii, è *Jove*, & *Dione*; eam autem curru insidentem à *Cignis*, vel *Columbis*, vel *Passeribus* tractam pingebant, licet aliàs in Concha stans, vel eam manu tenens, & nuda effingeretur. Dicta quoque *Erycina* ab *Eryce*, qui mons est Siciliæ, & *Cloacina*, quia templum eo loci positum, ubi Romani, cum Sabinis fœdus pepigerant, seque à bello purgaverant. Sed cum ea Comites pingebantur gemini *Cupidines Heros*, & *Antheros*, pueri alati, nudi, sagittisque instructi, & cum Lampadibus; Gratia quoque nu-

dæ junctisq̃ue manibꝫ cernebantur, quæ quid significant, è Poëtis audire licet.

Vulcanum quoque colebant *ignis*, & *Fabrorum Deum*, uxorq̃ue sua *Venus* credebatur, *Jovis* & *Junonis filius*, vel ut alii, solâ matre genitus *Junone*, atque ob deformitatem cœlo à Jove ejectus, & in Lemnum Insulam delapsus, unde claudus evasit. Officinam habuisse fingitur in Insulis *Æoliis* propè Siciliam, ubi montes sunt, qui & hodie *Vulcani* nuncupantur, ibique ei ministrasse *Cyclopes*, quos Poëtæ finxerunt *monoculos fuisse Gigantes*. Sed pro eo, *terrestrem Ignem* denotari, ut pro *Vesta celestem* Veteres putârunt; Ac proptereâ in ejus festo facibus, lampadibusq̃ue currebant, cursuq̃ue victus lampadem alteri tradebat, unde Dictærium, *Lampadem alteri tradere*, nempe munus suum cedere.

Selectos autem Deos nuncupabant *Saturnum*, *Janum*, *Bacchum*, *Plutonem*, *Solem*, *Lunam*, *Genium*, *Rheamq̃ue*.

Saturnum temporis Deum colebant Romani Festis Saturnalibus, quæ Mense Decembri celebrabant per 5. vel 7. dies, quibus continuò convivari solebant, muneraq̃ue mittere, ac serias agere; eo quidem tempore servis libertas erat, Dominos etiam taxare dictis; unde Horatius ad servum inquit, *Utere libertate Decembri*; cumque iis agebant familiarissimè, imò ad mensam accumbentibus Domini ministrabant, ut ætas aurea significaretur, quâ cuncti æquales fuerant. Gladiatoria quoque spectacula celebrabant, quoniam *Saturnus* humano sanguine placari credebatur, Sacraq̃ue duntaxat huic Deo fiebant aperto capite. Gladiatorio autem spectaculo mortuis officium præstari putabatur, unde Editor munerator & munerarius dictus est, & cunctis spectaculi diebus, licet privatus Insignibus Magistratum utebatur; cujus exemplum ab Hetruscis sumpsere, qui olim captivos mactabant ad sepulchrum, eorumq̃ue sanguine cætorum *manes* placari credebant; quare in funeribus illustrium Virorum celebrabatur; sed precedentibus temporibus ad Populi captandam gratiam dari cæpit.

Sed Deus ille *Celi* & *Terra*, seu *Majoris Vesta* filius credebatur, fœdusq̃ue cum fratre majore Titano iniisse, quo liberos suos devoraturum se adstrinxerat, & quidem fide se liberasse putabant, nam nec ipse Jupiter evasisset incolumis, si lapis pro eo, ut pro reliquis, qui fuere superstites, non fuisset obtrusus; postea Regno à Jove pulsus, in ea Italiæ Regione latuit, quæ *Latium* dicta est, cuique

Janus

Janus imperabat, à quo in Regni Societatem adscitus, agrestes homines ad humaniorem cultum reducere studuit; quare *ætas aurea* à Poëtis nuncupata. Pingebant ut senem, cum *falce* ad manum, & aliquando cum *angue* caudam sibi mordente cernebatur, aliquando infantem devorans; *tempus enim edax rerum se ipsum quasi consumit, atque omnia metit.* In ejus templo Romani *Ærarium* habebant, in quo cum pecunia, tum monumenta, & militaria signa custodiebantur.

Janus anni Deus habebatur, dictus quasi Eanus, quoniam horis, quæ semper labuntur, præesse putabant. Templum ei primum dicavit Romulus percussio cum Sabinis fœdere, Statuamque bifrontem erexit, vel ut duorum Populorum conjunctio significaretur, vel ut 4. anni partes denotaret, *Clavem* autem & *Virgam* manu tenebat, quia Cœli Janitor, primusque omnium mortales sacros ritus docuisse fingebatur. *Clusium* & *Patulcium* Romani quoque nuncupabant, quia templum ejus patens erat indicto bello, pace autem factâ claudebatur.

Rhea verò eadem, quæ *Idæa Mater* à Pessinunte Phrygiâ Urbe Romam bello Punico secundo advecta est, invento Carmine in Libris Sybillinis: (a) *Quandocunque hosti: alienigena terra Italia bellum intulisset, eum pelli Italiâ, vinci que posse, si Mater Idæa Pessinunte Romam advecta esset; quare Legati in Asiam missi Oraculum adierunt, consulentes, ad quod negotium domo missi, essent* (nullas tum in Asia Civitates socias habebat Populus Romanus) *perficiendi ejus, quam sibi spem, Populoque Romano portenderet.* Responsumque accipere: *Per Attalum Regem compotes ejus fore, quod peterent; cum Romam Deam decessissent, tum curarent, ut eam, qui Vir Optimus Roma esset, hospitio acciperet.* Ubi ad Regem venerunt, *sacrum iis Lapidem* tradidit, ac deportare Romam jussit, sub ea namque forma in Asia colebatur. Ea Cœli filia Saturni Conjux, & soror credebatur, *Ops* etiam dicta, quoniam Tellus omnibus fert opem, *Cybele* quoque, & *Berecynthia* nuncupata, *Materque Deorum, & Magna Parens.* Festum ejus *Megalësia* vocabatur, & Mense Aprili potissimum ludis scenicis celebrabatur, perque eos dies Nobiles *mutitare* dicebantur, quoniam munera sibi invicem mittebant, ut Plebei ludis Cerealibus, quibus Matronæ luctum Cereris exprimebant; ejus Sacra curabant Sacerdotes, qui Galli à quodam Phrygiæ flu-

O

vio

vio dicebantur, cujus aquæ potæ in furorem vertere credebantur. Illi autem genitalia, & Testa quidem Samia sibi præcidere debebant, cujus Instituti fabula origo fuit; ferebant enim Deorum Matrem *Attydem* quendam apud fluvium illum commorantem intuitam ejus cupidine exarxisse, illique stellato pileo imposito imposterum unà secum habuisse; *Atys* autem Nympham quandam *Sangaritim* deperibat, cumque ea consuefcebat; quare in furorem à Dea versus, abscidit sibi Genitalia, eaque apud Nympham dereliquit, reversusque est ad Deam; quâ fabulâ, *Attydem* eorum, quæ gignuntur, & corrumpuntur Opificem significabant; *Deam* autem amore correptam primam esse *Naturam*, quæ stellatum pileum largiebatur, *Celestes* nempe *facultates*; Nympham verò, rerum ipsarum *Generationem*, quæ quoniam sistenda erat, nè extrema semper deterius parerent, genitalia fingeantur abscissa, facultas nempe ad generandum exhausta; Quapropter Sacerdotes ipsi in furorem acti videbantur, atque sic Vaticinia edebant, & genitalia exsecabant, iis autem præerat qui *Archigallus* dicebatur. Tympana autem, & Cymbala in ejus Sacris adhibita, quoniam Dea eorum strepitu *Saturnum* prohibuerat, nè *Jovem vagientem* audiret. Immolabant ei *porcam fatam*, ut telluris fecunditate denotaret. Pingebatur autem in *Matrona* speciem, cum *turrita corona* *curtui* insidens à Leonibus tracto, pictâ veste, *Clavem* manu tenens, ut Terram omnia sustinentem Hyeme clausam Vere recludi, ejusque benignitate omnia mitescere, cumque floribus, tum animalibus ornari denotarent.

Pluto Saturni & Opis filius, *Jupiterque* infernus ac stygius, quoniam apud inferos imperare credebatur, *Proserpinam Jovis*, & *Cereris* filiam ex Sicilia rapuit; fabula autem, quod Mater obtinuerit 6. Mensibus apud inferos cum *Plutone*, lexque alios apud eam degere, *hyemale* denotabat, atque *æstivum tempus*, quoniam æstate, quæ prius latebant, cuncta producuntur. Quapropter ipsa vis terra seminalis per *Deam* significabatur; quoniam autem vim suam exferit cum in cœlo, tum in terra, atque apud inferos, triplici capite fingeatur, humano nempe, equino, & canino, atque *Hecate* appellata, cumque *Diana & Luna* confundebatur. Beneficiis præerat, vim enim magicam herbis distribuere putabant, ac in *Triviis* colebatur, unde *Trivia* dicta. Romani *Vaccam* ei *sterilem*, vel etiam *Canem* immolabant, quoniam Spectra per eam im-

missa Canum ululatu fugari putabantur. Plutoni autem *Taurum* immolare solebant, eumque pingebant Solio insidentem, torvoque vultu, *Sceptro* ornatum & *Coronâ* ex Ebena, *clavem* etiam habentem tanquam Custos inferorum.

Bacchus, cujus comites *Nymphæ*, *Satyri*, & *Sylenus Jovis* & *Semeles filius*, *Liber* etiam vocabatur, *Vini Deus*, *Dionysius* quoque dictus, quasi *Jovis filius*, & *Nisâ* Insulâ educatus; *Sacra* ejus fuere *Bacchanalia*, *Dionysia* & *Orgia* etiam nuncupata, quæ precedentibus temporibus corruptelæ evaserunt omnis generis. Ea Græcus quidam in *Hetruriam* invexerat, inde *Romæ* celebrari cœpta nocturno tempore in luco *Symile* nuncupato, quorum originem *Hispala Libertina* scœmina apud *Livium* expressit his verbis: *Primo Sacrarium* feminarum fuisse id, nec quenquam virum eo admitti solitum; tres in anno statos dies habuisse, quibus interdum *Bacchis* initiarentur, *Sacerdotes* invicem *matronas* creari solitas. *Patullam Miniam Campanam* Sacerdotem omnia tanquam Deum monitu immutasse; Nam & *Viros* eam primùm suos filios initiâsse *Minium* & *Acerennium Cerrinius*, & nocturnum *Sacrum* ex diurno, & pro tribus in diebus quinos singulis mensibus dies initiorum fecisse, ex quo in promiscuo *Sacra* sint, & permisti viri feminis, nihil flagitii prætermisum: plura virorum inter sese, quam feminarum esse stupra: si qui minùs patientes dedecoris sint, & pigriores ad facinus, pro victimis immolari, nihil nefas ducere. Hunc summam inter eos Religionis esse, *Viros*, velut mente captâ cum jactatione fanatica corporis vaticinari. *Matronas* *baccharum* habitu crinibus passis cum ardentibus facibus decurrere ad *Tiberim*, demissasque in aquam faces, quia virum sulphur cum calce instit, integra flamina efferre; raptos à *Diis* homines dici, quos *machina* illigatos ex conspectu in abdito specus abripiant, eos esse, qui aut conjurare, aut sociari facinoribus, aut stuprum pati voluerint. Multitudinem ingentem, alterum jam propè *Populum* esse: in his nobiles quosdam *Viros*, faminasque: biennio proximo institutum esse, nè quis major 20. annis initiaretur: capri atates & erroris & stupri patientes. (a) Quare ut apud eundem videre est, fuerunt Senatûs Consulto prohibita, conquisitis undique initiatis.

Sed Festum ejus *Liberalia* dicebatur, quo *Libamina* ex melle offerebantur, immolabantque *Hircum*, vel *Capram*, tanquam viti-
bus noxia animalia. Pingebatur verò Puer, seu Juvenis comatus

O 2

for.

(a) *Livius* Dec. 4. lib. 9. cap. 8.

formosus, nudus & cornutus, symbolum enim audaciæ sunt cornua, & vinum ad eam impellit: *hæderâ* coronatus, quoniam ebrietatem arcere putabant, *ibysum* manu tenens, hastam nempe hæderâ, seu pampinis circumvolutam; Currum autem nunc à Leonibus, nunc à Tygribus, vel Lyncibus trahi fingebatur.

Genium verò colebant quoque Romani sub *Serpentis* specie, licet aliquando juvenili, vel senili formâ effingerent, Sacraque faciebant natali potissimum cujusque die *floribus & vino*; aliquando tamen etiam *porcus* immolabatur, unde mos dum aliquem enixè vellent obtestari, jurandi per *Genium* ejus, & servi per *Genium Heri*, duosque etiam multi credebant esse, alterum bonum, alterum malum, & his affines *Penates*, & *Lares* faciebant: *Lares* autem qui uni alicui Familiæ præerant proprius dicebantur: *Penates*, qui Civitati, unde Virgilius Junonem ad *Æolum* loquentem inducit:

*Gens inimica mihi Tyrrhanum navigat aquor,
Ilium in Italiam portans, victosque Penates.*

Lares autem tanquam Tutelaria Familiarum Numina colebantur, adeoque domi quisque suæ in *Larario* cereas eorum imagines asservabat, quas effungebant *caninâ pelle* indutas, & *Canem*, veluti custos ædium, juxta se habentes, ardebatque ante eas perpetuè ignis, easque floribus ac sertis adornabant, iisque offerebant frugum primitias, & *porcum* immolabant. Festum eorum *Compitalia* dicebatur, quoniam Urbis compita *Laribus* etiam erant Sacra; *Penates* verò tutelaria erant Reipublicæ, seu Urbis Numina, adeoque victi dicebantur, dum illa ab hostibus vinceretur. Utrique pro lubitu è Diis, aut etiam Heroibus eligebantur, ut Familiæ, seu Urbi, ac Reipublicæ præessent, sed de his fusiùs alibi.

Dii autem *minorum Gentium* fuere *Indigetes*: ii nempe qui propter merita & virtutem in Deos referebantur, quasi inter Deos agentes, vel quia invocarentur ab indigetando dicti, ut *Quirinus*, *Hercules*, *Castor & Pollux*, atque *Imperatores universi* solemnî *Apotheosis* Decreto consecrati. *Semones*, qui nec cœlo degere, nec terrâ putabantur, dicti quasi *Semihomines*, ut *Pan* pastorum & pecoris *Deus*, cui festum Romani celebrabant mensè *Februario*, dictum *Lupercalia*, Sacerdotesque *Luperci*, qui nudi per Urbem eo tempore discurrebant, *Caprarum* duntaxat pellibus pudenda cincti, è quarum pelle scuticis factis cædebant obvios; mulieres autem propter

fœcun-

fœcunditatem, eo namque modo *Panem* Deum fœcundas reddere credebant. Immolabantque *Canem*, & *Capram*.

Faunus, quem cum *Pano* quoque confundebant, licet *Faunos* etiam agrestia Numina nuncuparent, quæ noctium ludibria, sive *Ephialtem* immittere putabantur. Habuit *Ædem* in Insula Tyberina, ubi Nonis Decembris, & Idibus Februariis colebatur. Uxor ejus *Fanna Bona Dæx* nomine à Romanis colebatur, ejusque Sacra in abdito loci celebrabant, ac licet arcerentur Viri, flagitiis tamen sæpissimè inquinabantur. Ad hos etiam referuntur *Sylvanus* sæpè pro *Panc*, & *Fauno* acceptus, *Vertumnus*, *Pomona*, quæ *Flaminem* habuit *Pomonalem* dictam; *Pales*, cujus festum *Parilia*, seu *Palilia* undecimo Kalendas Maji celebratum. *Flora*, cujus festum *Floralia* initio mensis Maji, mulierculis in scenam productis, ac mirè lascivientibus celebrabant. *Terminus*, quem formâ *quadrati lapidis*, vel *dedolati stipitis* colebant, & agrorum fines tueri putabant, ut dictum est, ejusque festum *Terminalia* dictum Februario mense, qui Annum claudebat, celebrabatur.

Sed innumeri alii colebantur Dii, quos Instituti ratio numerare non patitur. *Virtutes* quoque *Animique affectiones* uti Numina colebant, ut *Fides*, quæ ædem habuit in Capitolio, *Pietas* in Foro olitorio, *Virtus* & *Honor* duas extra Urbem, ut per ædem *Virtutis* ad eam *Honoris* aditus patere videretur; *Menti* quoque ædes in Capitolio erecta; *Spei* & *Pudicitia* plures. *Pudicitia* verò cum *Patricia*, tum *Plebeia* dicebatur, illamque in foro boario *Patricii*, hanc verò in Vico longo *Plebs* colebat. *Concordia* quoque plures habuit ædes, præcipua autem *virili Concordia* dicata erat. *Pacem* quoque, cui Templum à Vespasiano Imperatore conditum, in quo vasa Hierosolymitani Tempii reposuit, *Quietem*, *Salutem*, *Felicitatem*, & *Libertatem*, quibus singulis sua Tempia consecrata; *Fortunam* etiam Romani colebant diversis nominibus, ut *Primigenia*, quæ in Capitolio Templum habuit, *muliebris* extra Urbem: *Fors Fortuna*, & *mala*.

Nemesis, ultio nempe Dei, quæ etiam *Rhamnusia* dicebatur à *Rhamnunte* Atticæ Vico ubi Templum erat. Romani ad bellum profecturi eam colere solebant, ut justè susceptum bellum denotarent.

Sed procedentibus temporibus Vitiis etiam cœlestes honores tributi, & rebus noxiis, ut *Voluptati*, *Lubentina Veneri*, *Cupidini*, *Pavori*

vari & Pallori, quibus fana consecravit Tullus Hostilius; Febris etiam Divino honore culta, eique tria Tempia dicata.

De
peregrinis Diis,

Coluerunt etiam peregrinos Deos, licet primis temporibus vetitum fuisset, quibus nec aliis, quam praescriptis ritibus eos colere licebat; extraneos enim ritus, qui praecipue aliquid haberent admixtum turpitudinis, Romani prius prohibuerant, licet postea irrepperint, fabulaeque fuerint receptae Deorum; nam Romulus ad bene & praclare de Diis sentiendum Romanos induxerat, nihil affingi passus beatæ illi Naturæ parum consentaneum. Quare externam sæpius Religionem, novosque sacrificandi ritus prohibere; Aediles curare iussi, ne qui, nisi Romani Dii, ne quo alio, quam patrio more colerentur, quod cum fuisset postea neglectum, tantaque Religio, & ea magna ex parte externa, ut Livius inquit, Civitatem incesisset, ut aut homines, aut Dii repente alii viderentur facti, incusati graviter ab Senatu fuere Aediles, Triumviri que Capitales; cumque prohibere novos Sacrorum apparatus conati fuissent, haud procul absuit, quin violarentur. Quare ubi potentius jam esse malum apparuit, quam ut minores per Magistratus sedaretur, Marco Attilio Pratori Urbano negotium ab Senatu datum est, ut & his Religionibus Populum liberaret. Is & in Concione Senatûs Consultum recitavit, & edixit, ut quicumque libros Vaticinos, precesionesque, aut artes sacrificandi conscriptam haberet, eos libros omnes, literasque ad se ante Kalendas Aprilis deferret, ne quis in publico, sacrove loco, aut externo ritu sacrificaret. (a)

Peregrini autem Dii praecipue ab Aegyptiis adsciti fuere, licet prolatis tandem Imperii finibus omnium ferè Gentium Sacra in Urbem recepta fuerint, quo undique confluere atrocia, maximaque scelera, celebrarique visa sunt; unde Olyridem Isis fratrem, atque maritum in Bove quodam nigro maculis quibusdam interjacentibus colebant, quoniam ejus anima in illud animal migrasse credebatur, eumque post certum tempus sacro fonte mergebant, quo tempore Aegyptus lugere solebat universa; Invento autem simili lætabatur, & bos Memphim perducebatur. Isis autem Sacra celebrabant Sacerdotes capite raso, & lineis vestibus induti, praecipueque colebatur à mulieribus, quæ concubitu, & Vino abstinere debebant, atque in ejus Castro esse, inque Sacris ejus Sistrum adhibebant, sonum emittens ad instar Spicarum, quæ Ventis commoventur.

Præ-

(a) Livius Dec, I. lib. 7.

Præter autem Pontificum Collegium, cui præerat Pontifex Maximus, & Augurum, atque Aruspicum, Fratresque Arvales, Fæciales, & Curiones, quos jam enumeravimus, 15. Virorum erat Collegium Sacris faciundis, Septemviri Epulonum, Sodales Titienses, & Rex Sacrorum, sive Rex Sacrificulus, qui Deorum omnium erant Sacerdotes. Eorum verò, qui certo Numini Sacra celebrabant, ultra Vestales Virgines, Flamines, Salios, Lupercos, & Gallos, Potitii erant & Pinarii.

De Sacerdotibus Romanorum.

Pontifices primum 4. fuere à Numa instituti; anno autem Urbis 454. Tribunitiis rogationibus 4. sunt adjecti. Sulla rursus ad 15. auxit, licet 7. postremi minores nuncuparentur. Eligebantur autem à Collegio ipso usque ad annum 649., quo *Lege Domitiæ* cautum fuit, ut comitiis Tributis à 17. Tribubus sorte lectis crearentur, quæ postea à Sulla abrogata denuò fuit, à Tito Labione restituta anno Urbis 690. Cæsares autem eorum arbitrio eos constituebant. Licet verò magnâ pollerent authoritate, Censoribus tamen erant obnoxii: Tribuniplex etiam eos cogere ad officium poterant. *Quindecim Virorum Sacris faciundis* origo temporibus Tarquinii Superbi fuit, cum enim illsum adiisset quædam mulier, quæ novem Libros Sybillinos habere fatebatur, multumque auri petivisset, respuit Tarquinius Libros tanti emere, illa verò, crematis tribus, denuò Regem adiit, idemque postulavit pretium; sed Rex eam iterum re neglectâ dimisit. Illa tres alios combussit Libros, & pro reliquis solummodò à Rege exposulabat eandem auri copiam; cumque fuerit mulieris consilio permotus, Augures acciri iussit; qui rem divinitus missam, *piaculum* fuisse negligere, pronuntiârunt, adeoque integro auro, sicut mulier petebat, reliquos redimi iusserunt; mulierem autem, postquam eos diligentissimè asseruari debere monuisset, amplius non apparuisse ferunt; quare *Duum Viri* ex Patriciorum ordine creati fuere, additi que duo Ministri publici, perque eos Tarquinius custodiri Libros iussit. Exactis autem Regibus *Decemviri* anno Urbis 387. Sacris faciundis facti sunt, Lexque perlata, ut de Plebe quoque fierent, creati 5. Patrum, 5. Plebis, *græduque eo*, ut Livius inquit, *jam via facta ad Consulatum videbatur*. Aucti tandem ad numerum 15. à Sulla. Hi autem Libros Sybillinos ex Senatûs Consulto adibant, quoties aliquid detrimenti Reipublicæ portendi videbatur, aliisque Reipublicæ adversis casibus, quæque è libris hausserant, ad Senatum referebant, Sacrificiaque, aliasque Cere-

remo-

remonias procurabant, quibus Portentum expiari credebatur, vel ludos sæculares celebrabant; quapropter his Libris *fata Romana Urbis* contineri putabant, unde in Capitolio publicè custoditi. Sed anno Urbis 670. cremato Capitolio sive de industria, sive fortuito, libri etiam assumpti sunt; quare Legati postea undique locorum missi fuere, ut Oracula Sybillina conquirent, è quibus denuò à 15. Viris alii Libri confecti fuere, atque ab Augusto sub basi *Apollinis Palatini* conditi; sed illos demùm Theodolius Magnus Imperator anno Christi 389. comburi iussit.

Septemviri Epulones anno Urbis 557. institui cæpti; eo namque tempore primùm *tres Viri* sunt facti, qui *ludorum* facerent *epulare Sacrificium*, atque his, ut Pontifici, Lege datum *Toga prætexta habenda jus*; atque ad *Pontificum Collegium* referre tenebantur si quid in *Sacris* omissum, commissumve, aut pollutum esset; Sulla verò 4. adjecit.

Rex Sacrificulus Romæ creatus exactis Regibus, quoniam Sacra quædam à Regibus fiebant, quæne omitti, aut præter ritus fieri viderentur, placuit *Regem Sacrorum* creare, qui ea perageret eodem ritu; Uxor quoque *Regina* dicta est, cum & ipsa Sacra quædam faceret; domus quoque, in qua habitabat, *Regia* vocabatur. Erant etiam inter Sacerdotes *Potitii*, & *Pinarii*, ut diximus, *Herculis Sacerdotes*, qui cum ad Evandrum venisset, atque ab eo his verbis salvere iussus: *Jove nate Hercules Salve: Te mihi Mater veridica Interpres Deum aucturum Cælestium numerum cecinit, Tibi aram hîc dicatum iri, quam opulentissima olim in terris Gens maximam vocet, tuoque ritu colat*; ad quæ Hercules: *accipere se omen, impleturumque fata, aram conditâ, dicatâque.* (a) Tumque primum Sacrum *Herculi* è bove eximia factum est, adhibitis ad Ministerium *Potitiis*, ac *Pinariis*, qui eo loci nobiliores erant. Cumque *Pinarii* extis adesset ad cæteram venissent dapem, ortum institutum, quod donec *Pinarium* genus fuit, mansisse visum est, ne solemnium extis vescerentur; *Potitios* autem, quia Sacra *Herculis* procedentibus temporibus servis publicis tradidère, omnes interiisse putârunt.

Per plurimi autem erant Sacrorum ritus, atque Sacrificia, quæ nimis longum esset recensere, & apud Romanarum Antiquitatum Authores videri possunt. Illud tantum, quoniam ad institutum Reipublicæ pertinere videtur, advertisse sufficiat, inter cultum

(a) *Livius Dec. I. lib. I. cap. 7.*

tum *Deorum*, *supplicationes* retulisse Romanos, quas felicibus Reipublicæ temporibus peragebant, ad gratias *Diis* agendas, Templaque aperiiebantur; quod maxime observabatur, cum de hostibus victoria perlata esset; quo tempore Senatus Exercituum *Duces Imperatores* appellabat. Sed etiam acceptâ clade, aut aliâ gravi tempore *Supplicationes* instituebantur, atque à *Duumviris* ad eam rem creatis curari jubebatur; quas tamen *obsecrationes* nuncupare solebant; præcipuè verò tunc *Lectisternia* celebrari videbantur 15. *Virorum* curâ, erantque quasi *Convivia* quædam, quibus Deos excipiebant, quæque à *Septemviris Epulonum* curabantur; lecti proinde *Diis* sterni debebant, quos *pulvinaria* nuncupabant; Deabus verò sternebant *Sellas*, unde *Sellisternia*, seu *Solisternia* earum epulæ nuncupatæ.

Solemne autem illud erat Sacrificium, quod *Sue*, *Ove*, & *Tauro immolatis* peragebatur, quare *Suove-sanctilia*, seu *Solitanctilia* dicebatur, & hoc erat *Lustrum condere*; quare quinto quoque anno dum *Populus* à *Censoribus* in *Campo Martio* lustrabatur, peragi solebat. Sed & *Urbem* lustrabant, & *Agrum*, si enim clades aliqua, aliave calamitas Reipublicæ contigisset, vel admissum esset grave periculum, tunc *Hostia* circum *Urbem* ducebatur, unde *Sacrificium* dicebatur *Amburbium*; *Agrum* autem lustrabant *Ambarvali Sacrificio*, quod *Ambarvales Fratres* peragebant, de quibus jam dictum. *Lustrationes* autem universas *Februalia* nuncupabant, quasi *Purgamina*, sive *Pianina*, *februare* enim *Sabinorum* *Lingua* idem ac *expiare* denotabat; ex quo *Februarius Mensis* ita nuncupatur; eo enim tempore *februari* *Populus* debebat.

Sed redeuntes ad *Numam*, ei præcipuos Religionum ritus meritò adscribendos esse fatemur; nedum enim *Romam* eos ex *Hetruria*, atque aliis locis traduxit, & quosdam adinvenit, ut præsertim *Virtutum* cultum, *Justitiam*, *Fidem*, *Concordiam*, quibus unicè coalescere homines animadvertebat, sacrosque fecit *Jovi terminalli* *Lapides*, quibus unumquemque jussit agrum suum circumscribere, & quotannis statò die iis in locis *Sacra* fieri, quæ *Paganalia* nuncupabant, adeò ut *Deos* putarent consecratos *Terminos*, perpetuumque publicum focum instituit, & *Ancilia*, propter illud, quod *Cælo* delapsum simulavit, cõdi jussit; sed *Religiones* ipsas, *Sacraque* omnia 8. *Libris* complexus est.

Deinde adeò *Agriculturam* promovisse legitur, ut agrum universum in *Pagos* diviserit, *Pagisque* singulis homines præposuerit,

De
Sacrificiis
Suove-Tan-
ctilibus.

De
Paganali-
bus.

rit, qui eos obirent, atque curarent, industriam, aut segnitiam Colonorum observaturi, ut deferrent ad Regem; quare ad agrum ritè colendum universi incitabantur, Civitasque jam belli & pacis artibus temperata mirè augebatur.

*De Tul-
li Hos-
lii Ele-
gione.*

Post Numam, qui exactis Regni annis 43. vitæ autem 80. fato concessit, licèt res rediisset ad Interregnum; paulò tamen post Tullus Hostilius ritè captis auspiciis, *Senatu Auctore*, jussuque Populi Regnum adeptus, belli artes renovavit, ut ampliaret Imperium; agrum tamen, qui propria Regum sors & possessio erat, viritim inter Romanos inopes divisit, professus, sibi in Sacrificia, sumptusque domesticos sufficere Patrimonium, unde Cœlius Collis Urbi adjunctus, illi enim adepti jam agros ædificare cœperunt.

Sed præcipuæ Tulli artes *ordo militia*, & *castrensis Disciplina* fuère, quibus unicè Domitor Gentium evasit Populus Romanus, quare ex ejus præscripto indicta etiam militi pro levi culpa non adeò levis pœna. Cùm autem Albanum Populum Romæ incrementis obesse, ac deinceps obfuturum animadverteret, bello eum aggredi statuit, nec diversum erat Cluili Albanorum Dictatoris ingenium, quapropter depopulati vicissim agri, Legatique missi. Albanos adeò protraxit Tullus, ut mandata priùs Romani exponerent, resque *facili ritu* repeterent, quia priùs bellum Albanis indictum, quàm Albanorum Legati mandata Tullo renun-

*De Bel-
lo Alba-
norum.*

ciaverint; tunc verò factà eis dicendi Potestate, cùm bellum etiam, si res non fuerint redditæ, indicare jussos affirmarent, *nuntiate*, respondit Tullus, *Regi vestro, Regem Romanum Deos facere testes, uter priùs Populus res repetentes Legatos aspernatus dimiserit, ut in eum omnes expectant hujusce clades belli*. Sic bellum utrique parant, amborumque Exercitus non procul Castra metantur; Albani tamen Regem amittunt Cluilium repentè in Castris mortuum, Dictatoremque Mettium Fuffetium creant. Is autem, quomodo bellum avertere, fœdusque inire cogitasset, fœderisque condiciones, trigeminamque Horatorum, & Curatorum pugnam, cujus eventui utriusque Populi fortuna commissa fuit, Dionysius, ac Livius fusè narrant, ut & Victoris Horatii crimen ob transfixam Sororem, quæ lugebat, quoniam Paludamentum Sponsi Curiatii, quod ipsa confecerat, super fratris humeros agnovit, solutisque crinibus flebiliter Sponsi nomen iterabat, & quomodo à Duumviris, quos Rex, nè ipse ingrati ad Vulgus judicii, supplicive author esset, advo-

cato

cato Populi Concilio secundum Legem fecerat, damnatus, provocante ad Populum Patre fuerit absolutus admiratione magis Virtutis, quam jure causa, quoque ritu cædes, quibusque piacularibus Sacrificiis expiata; quapropter eadem recensere superfluum. Consilium tamen ejus, & quomodo Tullus illuserit, innuere haud ingratum reor. Cum enim Fidenates, Veientesque Populi bellum movissent, Mettiusque vi foederis fuerit à Romanis adscritus, statuit pessimo consilio, quâ fortunâ rem daret, eò inclinare vires; dumque propterea contra Fidenatium Legionem collocatur, sensim secedit ad montes, atque ibi terendo tempus, explicat ordines; quod cum Tullo nuntiatum esset, suis hæc agi mandatis adeò altâ voce pronuntiabat, ut hostes audirent, causamque addebat, quoniam deberent Albani nuda Fidenatium terga invadere; hinc territi, fusi que hostes, & Mettius, qui spectator fuerat, Tullo gratulatur; at ille simulans, sua Castra Romanis jungere jubet, peractoque lustrali Sacrificio, utrumque Exercitum vocat ad Concionem; sed Romanis, ut in armis essent, occultè mandaverat; Albani que fuere primùm vocati, ut undique à Romanis circumdarentur; tum Rex expositâ Mettii perfidiâ; nè vos, inquit, falsa opinio teneat: injussu meo Albani subire ad montes, nec Imperium illud meum, sed Consilium & Imperii simulatio fuit, ut nec vobis ignorantibus deserì vos, averteretur à certamine animus; & hostibus circumveniri se à tergo ratis, terror ac fuga injiceretur. Nec tamen Albanos culpæ reos arguit, sed Mettium Ducem, nam ille Romam Albæ ruinis augere decreverat, Albanosque servare, adeoque subdit: quod bonum, faustum, felixque sit Populo Romano ac mihi, vobisque Albani, Populum omnem Albanum Romanam traducere in animo est, Civitatem dare Plebi, principes in Patres legere; unam Urbem, unam Rempublicam facere, ut ex uno quondam in duos Populos divisa Albana res est, sic nunc in unum redeat. Ad Mettium tandem: ... tuo, inquit, supplicio doce humanum genus, ea sancta credere, quæ à te violata sunt; ut igitur paulò ante animum inter Fidenatem, Romanamque rem ancipitem gessisti, ita jam corpus passim distrabendum dabis. Quare admotis duabus quadrigis disilentus illigatur, equique in diversum aguntur; ita discerptus in duas partes, primus apud Romanos exempli parùm memoris Legum humanarum fuit.

De Bel-
lo Fide-
natium,
Vejen-
tiumq;
ac Met-
tii Fuf-
setii
suppli-
cio.

Hic autem, licet alias innuisse reminiscimur, seriò advertendum esse putamus, iis artibus Romanos ad illud Potentiz culmen
De arti-
bus Ro-
de-

*manorū
ad au-
gendā
Civita-
tem.*

devenisse, quas primū Romulus exercuit, semperque Respublica servavit; precedentibus namque temporibus victi hostes aliō missi, Romanis ager divisus; sicque Regionēs, Urbesque hostium Romanorum Colonia efficiebantur.

Sed & aliæ fuerunt artes, nam Respublica præter Colonias, Municipiaque, præterque subditas omnino Civitates, quas primū Præfecturas nuncupabant, Civitates habuit, fœdere amicitiaque sibi conjunctas, Urbesque fœderatæ dicebantur, de quibus infra sermo erit. Harum autem auxiliis in bellis usi, sed imperandi auctoritas, sedesque imperii penes eos manere debebant; hinc Sociorum armis hostes subigebant, suamque augebant potentiam, Sociique ipsi paulatim suam arcescebant ruinam; quō primū enim Romanorum detecta Consilia, licet contra Romanos universi conjurassent Italiae Populi, non alius tamen fuit bellorum eventus, quā magis Romæ subditos fieri, unamque regnatricem Civitatem, ac Dominatorem Populum agnoscere; erat enim interea adeo aucta potentia, totque externæ Gentes subactæ, quæ totam servitutem patiebantur, ut non ampliùs convelli potuerit. Non ergo finitimos Populos, totque Italiae Civitates vi & armis in fide retinebant, sed partim Socios sibi adscisciebant æquis Legibus, præter Imperii sedem, atque Exercitibus imperandi auctoritatem; partim Colonos, ac Municipēs habebant, adeo ut Romam dicerēs, ordinato quodam progressu, utque res ac tempora exigebant, cuncta peregisse, potentiamque suam firmasse adeo ut nullā aliā potuerit externā vi, nisi duntaxat suā ruere; Tullus autem postquā aliud cum Sabinis bellum gessisset, eorumque etiam victor fuisset, fatis cessit, & flammis absumptum irato Numine, quod non ritè Sacra curasset, Romanos credidisse memoriæ proditum est.

In eo tamen nunquam satis reprehendes, quod Romæ fortunam trium duntaxat virtuti permiserit, nec enim summa rerum dubiis prælii casibus est obijcienda, nec fœdus illud erat ineundum, ibi nempe imperium fore, ubi victoria steterit, adeoque idem facturum fuisse Tullum, licet saniori Consilio, quod Mettius parabat, arbitramur.

*De An-
co Mar-
tio Rege.*

Tullo successit Ancus Martius Numæ ex filia Pompilia Nepos, belli pacisque artibus æquè instructus, adhuc auspicato, solemnibusque peractis Comitibus Regnum adeptus; quoniam verò de Tullio rumor increbuerat, parum Religiones curasse, ille optimum ra-

tus

tus Consilium, quidquid ex Antecessore desiderabatur, summâ diligentia præstare, Religionibus se totum addixit, Pontificemque maximum ea ex libris Numæ in publico proponere curavit: inde facta spes Finitimis, ac præcipuè Latinis, cum quibus Tullio Rege fœdus ictum erat, Regem desiderem fore, atque inter Sacella & A-
ras ædurnum Regnum, Romanorum agrum depopulantur, misso-
 que ab Anco Fæciali, superbè respondent: *Se cum Tullio sudus se-*
cisse, eoque defuncto nullo amplius teneri pacis fœdere. Quod quia pro-
 cedente tempore à Perseo Macedoniæ Rege, aliisque etiam, Roma-
 nis objectum est, peculiari Exercitatione, ut aliàs diximus, rem
 disquirere placuit. Quapropter jure agens Fæcialis fines Latino-
 rum adiit, resque ex ritu repetebat: *Audi Jupiter*, inquit, *audite*
fines (Latinorum nempe) *audiat fas*: ego sum publicus Nuncius Po-
 puli Romani, justè pièque Legatus venio, verbisque meis fides sit; enun-
 ciatisque postulatis; si ergo injustè, concludebat, impièque illos homines,
 illasque res dedit Nuncio Populi Romani mihi exposco, tum Patria com-
 potem me nunquam finas esse; quæ cum ad primum obvium, inque
 foro repetiisset, terminumque 33. dierum statuisset, bellum indi-
 xit; *Audi*, inquit, *Jupiter & tu Juno, Quirine, Diisque omnes ce-*
lestes, Vosque terrestres, Vos inferni audite: ego vos testor, Populum illum
 (Latinos scilicet) *injustum esse, neque jus persolvere, sed de istis rebus*
in Patria majores natu consulimus, quo pacto jus nostrum adipiscamur.
 Inde Romam reverso, Patres à Rege consulebantur his fermè ver-
 bis: *quarum rerum litium, causarum condixit Pater Patratus Populi Ro-*
mani Quiritium Patri Patrato priscorum Latinorum, hominibusque
priscis Latinis, quas res dari, fieri, solvi oportuit, quas res nec dederunt,
nec fecerunt, nec solverunt, dic, ei nempe quem primum sen-
tentiam rogabat, quid censes? At ille; *puro, pioque duello quarendas*
res censeo, itaque consentio, consciscoque; cumque major pars in eam
 iret sententiam, Fæcialis hostium fines iagressus, hastamque ferra-
 tam, aut sanguineam præustam ferens, & non minùs tribus coram,
 eam jaciebat, postquam ea diceret: *quod Populi priscorum Latino-*
rum, hominesque prisci Latini adversus Populum Romanum Quiritium
fecerunt, deliquerunt, quod Populus Romanus Quiritium bellum cum
priscis Latinis jussit esse, Senatusque Populi Romani Quiritium censuit,
consensit, conscivit, ut bellum cum priscis Latinis fieret, ob eam rem
ego, Populusque Romanus Populis priscorum Latinorum, hominibusque
priscis Latinis bellum indico, facioque; itaque indicto bello, gestum
 fuit

fuit non sine Civitatis Romanæ incremento, Politorium enim Latinorum Urbs vi cœpta, omnisque multitudo Romam traducta. Unde cum Romani veteres Palatium, Sabini Capitolium, atque Arcem, Cœlium montem Albani occupassent, Aventinus novæ multitudini datur, quem deinde novi in dies victi aliarum Urbium Latini implevere, Janiculumque adjunctum, Sublicio Ponte tum primum in Tiberim facto. Primus autem Ancus Carcerem ad compescendam crescentis Populi audaciam mediâ Urbe excitavit. Coloniam Hostiæ in ipso Maris, Tiberisque confinio posuit ad Urbis opes, commeatusque; eamque primum muro quoque cinxit. Atque ita, postquam vigesimo quarto anno regnasset, vitâ functus est.

De Tarquinio Prisco Rege. Quintus Romæ Rex fuit *Tarquinius* cognomento *Priscus*, Alienigena, sed receptus in *Civitatem*, atque in *Tribum* & *Curiam* relatus, Regem ad eum sibi conciliavit, ut Tutorem dederit suis filiis; ille autem primus ambitiosè Regnum petiit conciliatâ Primorum amicitia. Unde *celebratis* ritè *Comitiis* Regem elegerunt, auctoresque etiam Patres fuere. *Tarquinius* verò, ut sibi addictam in Senatu factionem haberet, 100. Patres legit, atque eo tempore Senatus ad 300. Patrum numerum auctus est. Quamvis autem Reges *eligerentur*, nec propterea ullâ *Tarquinius* filios Anci afficeret injuriâ, haud Ancum prudenter cum *Tarquinio* se gessisse fatendum erit, qui nec novit ejus ingenium, & ambitiosum hominem ad Potentiæ culmen evexit, magnamque ei conciliavit auctoritatem. Sed & *Tarquinio* cautiùs etiam cum filiis Anci agere oportebat, eorum enim infidiis sublatu s fuit, postquam regnasset annis 38.

Viri tamen virtutem quis non suspiciet? Is enim finitimos Populos Latinos, Hetruscos, Sabinosque non tantum vicit, fregitque, sed recepit in Societatem, salvâ *Populi Romani Majestate*, ad eum ut mirum sit tot potentissimos Populos non potuisse uno tempore simul coalescere, bellumque Romanis inferre junctis viribus. Res enim Romana cum Sociorum auxiliis crevit, tum quia primis illis temporibus unum post aliud bellum gessit, victoque uno Populo alium adoriebatur. Quomodo enim potuisset Roma de Sabinis, Hetruscis, Latinisque, deque Samnitibus triumphare, si junctis viribus bellum Romanis intulissent? Sed ita sunt à Natura comparati mortalium animi, ut & *presentibus* gaudeant, & *futura mala* nedum *prospiciant*, sed nec imaginatione concipere pa-

tian.

tiantur ; hinc specie duntaxat utilia , quæque præsentis sunt temporis facile sibi persuadent , ideoque nunquam quod evenisse visum est cogitasse eos Populos reor ; imò fortasse dum alter implicitus erat Romano bello , utrumque labefactari , cum ipse interrim pace ac otio frueretur , æquo ferebat animo ; adeoque eò dementiæ nonnulli processere , ut bellorum semina ipsi jacerent , victorique suppetias ferrent , quo sibi citius ruinam arcesserent.

Sed Rex *Tarquinius* postquam devictis tot Populis triumphasset , ad Pacis artes se vertit , nam quadrato lapide Urbis moenia extruxit , *Circumque maximum* designavit , locosque spectaculorum in Patres distribuit & Equites , maximaque alia aggressus est opera , quorum aliqua supra commemoravimus , quæque fusè à *Dionysio* , ac *Livio* narrantur. Cum autem alias Equitum Centurias addere in animum induxisset , Augur quidam , *Navius Abius* dictus , nil novi constitui , nisi aves addixissent , posse , affirmabat ; Rex commotus se simulans ea de causa , seu ut veritatem artis hominisque arrogantiam coargueret , seu fortasse , ut magis superstitionem illam confirmaret , auspiciisque auctoritatem conciliaret ac fidem , ad Augurem versus : *Agedum* , inquit , *Divine tu , in augura , ferine possis* , quod nunc ego mente concipio ; ad quæ illum ex templo respondisse commemorant : *profectò futurum* , quod ipse cogitaverat. Tunc *Tarquinius* : atqui hac animo agitavi , inquit , te novacula Cotem discissurum , cape hac , & perage , quod aves tua fieri posse portendunt ; atque haud cunctanter ab eo discissam Cotem scripsere. Quare primum Rex à duplicandis Centuriis abstinit , sed numero tantum alterum adjecit , ut nempe mille octingenti Equites in tribus Centuriis essent , licet procedentibus temporibus Centuriæ quoque fuerint geminæ , deinde *Navium* ipsum aræa Statuam dignatus est. Interim Anci filii ægrè ferentes Romæ Alienigenam regnare , quasi iis per artes Regnum abstulisset , dum electionem deferrebatur , studebant in Regem concitare Populum , occasione arreptâ , quod dolo *Nævium* interfici jussisset ; neque enim Augur ille postea visus est , rumorque percubuerat , Regis mandato fuisse interemptum ; & fortè nimia ejus auctoritas Regi invisâ reddita erat. Ubi autem parum is conatus successisse visus est , quoniam *Tarquinius* habitâ Concione nedum Populum flexerat , sed obloquentiorem eum reddiderat , dolo , atque insidiis eum aggredi parant , duosque nocti juvenes audacissimos in Regis cædem impellunt ,

De Navius Abius
vis A-
Augure.

De
Tarquinius
Regis cæ-
de.

lunt, reiſque gerendæ modum oftendunt. Illi, ut erant edocti, magno tumultu, ſequè invicem convitiis laceſſentes, nec manibus temperantes, Regem adeunt, irarumque cauſas proponere jubentur; atque ita dum rem ex compoſito unus orditur, eumque Rex audit, repente ſecuri ab altero percuſſus eſt.

De Servio Tullio.

Tanaquil autem Regis Uxor remotis arbitris Regiam claudijubet, Regemque vivere ſtimulans, Populum, qui undique conſuebat, alloquitur: *ſopitum fuiſſe Regem ſubitò iſtu, ferrum haud alitè in corpus deſcendiſſe, jam ad ſe rediſſe, inſpectam vulnus abſterſo cruore: omnia ſalubria eſſe. Conſidere, propè diem ipſum eos viſuros. Interim Servii Tullii jubere Populum dicto audientem eſſe: eum jura redditurum, obiturumque alia Regis munia.* Ità Servius Ocriſià Servà natus, quæ in Corniuli expugnatione prægnans inter captivas abducta, Regi-næ conceſſa fuit (licèt Regii ſanguinis fuiſſe Patrem Tullium, eamque nobiliſſimam ſcæminam Dionyſius conjicere videatur) per ſpeciem alienæ fungendæ vicis Regnum capit, firmatque opes, & quò primùm mors Tarquinii palàm facta, ipſe alienam perſonam exuit, atque uti Rex apertè ſe gerit; *tanta eſt opportuni tempeſtiviſque Conſilii vis*, nam cælata mors Regis & muniri Servium permiliſit, & Anci filios in fugam adegit. Ille autem primus Regum fuit, qui nec *auſpicato*, nec *juſſu Populi*, ſed *Patrum* duntaxat *authoritate* regnavit, Ac propterea ut ad paucos deliberandi Potestas deveniret, quos ſibi commodiùs jungere poterat, Populum aliter diſtribuire, aliaque diſcrimina, ac novos ordines inducere excogitavit, Clafſes nempe, Centuriasque, omnemque ordinem è cenſu deſumere, utque ſic è Curiatis Comitiiſ Centuriata fierent. Sed ut res omnis clariùs pateſcat, ritèque *Servii arcanum* dignoſcatur, de Comitii� aliqua præſari opportunum judicamus.

De Comitiiſ Romanorum.
De Comitiiſ Curiatiſ.

Comitia ſunt *Conventus Populi univerſi ad ſerendum de aliqua re ſuffragium*; nec enim ſi pars tantummodò, aut alia de cauſa conveniat, Comitia dicenda erunt; adeoque Romæ iis diebus habebantur, quibus cum Populo agere licebat, eoſque propterea *Comitiales* nuncupabant. Hæc Romæ ſub initiis *Curiata* dicebantur, quoniam Populus in Curias diviſus ſuffragia ferebat, ità ut quod pluribus Curiis videbatur, id tandem *Populi juſſum* eſſet, & fuerunt à Romulo inſtituta; cùmque uſque ad Servii Regis tempora nulla eſſet alia Populi diviſio, niſi in Curias & Tribus, & Tributa Comitia celebrari nedum cœpta, nam primùm à Tribunis plebis anno Urbis

Urbis 263. introducta fuere, cuncta propterea quæ summam Reipublicæ spectabant, quorumque Potestas apud Populum erat *Curiatis Comitibus* agebantur, debebantque *auspicato* celebrari, iisque propterea Magistratus omnes creabantur, Legesque ferebantur, deque pace, & bello decernebatur, atque judicia ex provocatione exercebantur. Curias autem Preco advocabat; tum is, qui Comitibus habiturus erat, rogationem suam exponebat, eaque audita quisque in suas Curias discedebat, quæ deinde eo ordine, quo exhibant, suffragium ferebant, quæque prima exhibat, *principium* dicebatur; iis autem præerat semper Magistratus, licet aliquando Pontifex maximus etiam ea dirigeret; Magistratui autem vel sorte, vel comparatione, aut consensu obtingere debebat. Ea verò, quibus Magistratus eligebantur, in Campo Martio celebrari solebant; pro Legibus autem ferendis, exercendisque Judiciis aliquando in Foro, aut in Capitolio celebrata. Requirebatur autem Senatus autoritas, adeoque quod pluribus Curiis placuisset, *ad Senatum referre*batur, eoque auctore *jubebatur*; unde illa *Senatus censuit, decrevit, Populus jussit*, ut alibi diximus. Postea verò dum Plebs Potestatem arripuit, ea quæ ab ipsa scisciebantur, Populum tenebant universum, quæ verò Senatus decernebat nullius erant autoritatis, nisi Populus confirmaret, ut inferius advertendum erit. Senatus verò retinuit morem, ut autoritatem, quam penè amiserat, specie tantum ostentaret, adeoque in incertum Comitiorum eventum Patres auctores fiebant, promittebant nempe ratum habituros, quod Populus jussisset.

Instituta autem à Servio Centuriatis Comitibus, Tributisque à Tribunis, duabus tantum de causis celebrari solebant, nempe ut Leges quædam ferrentur, atque ut Sacerdotes aliqui crearentur; adeoque ut primum Reges ipsi, Magistratusque, quorum usus erat sub Regibus, ut *Tribuni Celerum, & Quæstores Ararii*) nam de Duumviris Parricidii, seu Perduellionis vero similis est, fuisse à Tullo Hostilio sine suffragio creatos) ad Servium usque his Comitibus creabantur; ita ab eo Rege usque ad Coriolani judicium, nempe usque ad annum 263. minores duntaxat Magistratus creati fuere, *Quæstores* scilicet *Ararii, Tribuni plebis, Aediles plebis*, aliique, Legesque latæ, quarum prima & præcipua de Imperio erat Magistratibus dando, hoc est, de administratione Rei bellicæ, unde Camillus propter incensam, ac dirutam Urbem Populum Vejos mi-

grare volentem alloquens; *quid alia*, inquit, *qua auspiciato agimus omnia ferè intrà Pomerium*, cui oblivioni, aut cui negligentia damus? *Comitia curiata, qua rem militarem continent, Comitia centuriata, quibus Consules, Tribunosque militares creatis, ubi auspiciato nisi ubi adsolent, fieri possunt?* Magistratus autem, quibus dabatur imperium, erant *Dictatores, Consules, Proconsules, Prætores, & Quæstores*, qui nempe prætorio jure in Provincias mittebantur; sed ultimis temporibus in defuetudinem abivère, retentaque duntaxat eorum species, auspiciorum, ac vetustatis causâ, in Legibus præsertim de imperio, pro singulis enim Curiis Lictores 30., qui eas duntaxat convocare solebant, in suffragium ivère; unde Gruchius adhibita etiam post Centuriata in speciem fuisse affirmavit; adeò ut binis Comitibus de majoribus Reipublicæ negotiis cum Populo ageretur; quapropter cum Centuriatis Magistratus crearentur, adumbratis eisdem per triginta Lictores Curiarum Comitibus confirmari oportebat, qua de re cum Sigonio acerrimè contendit. Altera Lex etiam de Camillo ab exilio revocando his Comitibus lata fuit. Iisdem etiam arrogationes fiebant, quibus homines sui juris in filios assumebantur, sed an justa esset arrogandi causa Pontifices agnoscebant. Antiquissimis porro temporibus etiam Testamenta his Comitibus condebantur, atque ea tum propriè *Kalata* nuncupabant. Congrebatur enim Populus, coramque eo hæres nuncupabatur, unde dicta fuère impropriè *Kalata*, à verbo *Kalo*, quod vocare significabat, nec enim opus erat suffragiis. His quoque Sacrorum detestationes peragebantur, quibus nempe, hæredibus, aut legatariis denunciabatur, *Sacra*, quæ hæreditatem sequebantur, eos suscipere teneri, unde apud Plautum *sinè Sacris hæreditas*, ea nempe, quæ sinè ullo incommodo defertur. Perlatâ autem Lege Publiliâ anno 282. quoniam minores Magistratus tributis Comitibus eâ Legge creari debebant, Sacerdotum tantummodo creatio, *Flamines* nempe, & *Curio maximus*, ille scilicet, cujus autoritate omnia *Curiarum Sacra*, & *Curiones* regebantur, his Comitibus relicta est, ut & Leges illæ, quas diximus, militari exceptâ, quæ semper ferebatur 30. tantum Lictoribus suffragia ferentibus, ut dictum est. Quoniam autem auspiciato debebant celebrari, idè majores duntaxat Magistratus, qui auspicia habebant, iisdem præesse poterant, initio scilicet Reipublicæ Reges, postea verò Consules, Dictatores, Prætores, & Inter-Reges, licèt Sacerdotum causâ Pontifex ea dirigeret,

geret, quod tamen aliqui etiam in dubium revocârunt. Inter alias autem abolendorum fermè Comitiorum hujuscemodi causas ea recenserî præcipuè debet, quòd ab iis Comitiiis excluderentur Cives omnes, qui degerent extra Urbem, nec enim qui domicilium non habebat in Urbe, in Curiam poterat referri. Unde Cives ipsi Romani in agro degentes, nedum municipales, aliiqûe suffragii jure, ac Sacrorum participatione carere debebant.

Centuriata Comitia, quæ majora etiam nuncupabantur, tunc fiebant, cum Populus per Classium Centurias divisus suffragia ferbat, adeò ut, quod pluribus Centuriis placuisset, juberetur; hæc profectò Servius Tullius instituit, qui Populum per Classes, & Centurias ex Censu distribuit, ut dictum est.

Census autem *Altitudo publica erat*, quâ Populus enumerabatur cum *De æstimatione facultatum*; quare tenebantur Cives bona cum jurejurando extimare, adscriptis ætatis annis, & Parentum nominibus, ut & Liberorum etiam, atque Conjugum; ad hæc, quam quisque Urbis Regionem, quem pagum incoleret, ei, qui non censeretur, poenâ propositâ, ut bonis in Fiscum redactis cæsus virgis sub hasta venundari deberet; quâ Lege cum scripto cunctorum numerum, & opes cognovisset, ex iis, qui censum 100000. æris, aut majorem censum haberent, Classem primam instituit, quam digessit in 80. Centurias, ex his 40. Juniorum erant, qui foris bella gererent, totidemqûe Seniorum, qui manerent ad Urbis custodiam, hujus autem Classis arma erant *Clypeus, Lorica ex ære, Galea qûe, Ocrea, Tela, Hasta & Gladius*; ut & corpus tegere, & hostem ferire possent, adeoque primus eidem semper erat in acie locus; sed & Livius refert, duas Senium Classi Fabrûm Centurias addidisse, quæ sinè armis stipendia facerent, curarentqûe machinas in bello ferre. Horum autem, qui intrâ 60000., & usque ad 75000. æris possidebant, secundam constituit Classem, ex qua tum Seniorum, tum Juniorum conscriptæ viginti Centuriæ, eademqûe arma gestare jussæ, nisi, quòd *Lorica* ademptæ, & *Scuta* data pro *Clypeis*. Tertia Classis ex censu 50000. æris constituta, totidemqûe Centuriæ Seniorum pariter, & juniorum institutæ, eademqûe arma præscripta, demptis tantùm Ocreis. Quarta ex censu 25000. æris constituta, totidemqûe Centuriæ factæ, arma tamen *Hasta* erant, *Verutusqûe*. In quintam verò Classem rejecti sunt, quorum census 11000. æris erat, ex ea autem 30. Centuriæ pro ætatis ratione pariter divisæ, jussæ

jussæ cum fundis, jaculisque extra ordinem militare, atque in his *Accensi Cornicines, Tibicinesque* in 3. Centurias distributi. Hic fuit ordo tam Legionariorum, quàm levis armaturæ Peditum; Equites verò ex Primoribus Civitatis conscripsit, atque in 12. Centurias partitus est, sexque item alias Centurias tribus ab Romulo institutis addixit sub iisdem nominibus. His ad equos emendos, alendosque pecunia ex Publico assignata; cæteros autem in ultimam rejecit Classẽ, qui propterea *Proletarii*, quasi proli duntaxat procreandæ vacantes, quorum 1500. circiter assium Censûs erat, & *capite censi* dicebantur, quorum vel nullus, vel exiguus admodum Censûs erat, hi namque immunes militiâ, omnibusque oneribus erant, atque ita censu peracto Rex *Lustrum condidit, Suem, Ovem, & Taurum* circum Exercitum, seu Populum in Campo Martio congregatum ducens, iisdem postea immolatis, ut suprâ dictum est; Unde *Lustrum à luendo* dictum, cum omnia tunc vestigalia à Publicanis luerentur, sive Censoribus persolverentur, quod quinto quoque anno exequebatur; hinc Lustrum pro quinquennali tempore acceptum, ut Olympias pro quarto, quoniam apud Græcos eo tempore celebrabatur.

Eò autem præcipuè respexit Tullius, ut è Populo univërso ad ditiores duntaxat summa Potestas perveniret, adeoque tot ditissimorum Centurias constituit, mediocrium paucas, infimorum duntaxat unam fecit, licet pauperum numerus longè excederet, sed ille ex parvo admodum Civium numero ditiorum Centurias instituebat, licet ultima omnium aliis simul junctis major fuerit; cum enim juxta hunc ordinem Centuriata instituisset Comitia, Centuriæ singulæ suffragium ferre debebant, adeoque sicut dum curiatim suffragia colligabantur, tantum valebat pauperrimi, quantum ditissimi calculus, iique pro inopum multitudine suffragiis vincerentur, sic postea, cum primæ ad suffragia vocari deberent maximi Censûs Centuriæ, 80., decemque & octo Equitum; hæc duntaxat, quia tribus Centuriis plures erant, quàm reliquæ, si propterea consentirent, solæ suffragia ferebant, sin minùs, secundæ Classis Centuriæ calculos inibant, quod, si nè tum quidem convenirent, tunc tertia vocabatur, ac deinde quarta Classis, aut quinta si opus esset; ultima igitur inopum Centuria tunc admitti ad suffragia poterat, cum aliæ pari utrinque numero in duas Sententias abivissent. Sed nec reliquæ Classis, adversùs primam, si con-

si convenirent, quidquam poterant, cum enim illa additis Equitum, Fabrorumque in 100. esset distributa Centurias, jam reliquas superabat, quibus duntaxat 93. numerabantur; atque ita, ut Dionysii verbis utar, *sefellit Plebem, deceptamque amovit à tractione Reipublica, quoniam licet viritum in suis quisque Centuriis Sententias rogerentur, adeoque se pari jure Rempublicam administrare putarent, in hoc decipiebantur, quod non animadverterent esse totius Centuria unum suffragium, siue ea paucos Cives contineret, siue plurimos, & quod prima suffragia ferrent, qua essent Censûs maximi, plures quidem cæteris, sed minorem habentes hominum numerum; maximè vero, quod pauperes unicuique haberent suffragium, qui cum multi essent, vocabantur ultimi.*

Quod quidem institutum æquitate quâdam temperavit, cum propter onera, quæ maximè in ditissimos inclinârunt, cum non ampliùs per Capita, sed pro ratione Censûs tributum penderetur; cum propter militiam, à qua etiam erant immunes, adeoque ditiores sine ulla intermissione militare tenebantur, nam propter paucitatem omnes adesse oportebat.

Sed & alia erat horum Comitiorum utilitas; omnes enim interesse poterant, qui *Cives Romani* cum jure suffragii erant, ubicunque degerent, licet non essent *optimo jure Cives*, ut hi erant, qui nedum suffragii jure, sed cæteris omnibus Civitatis Romanæ jurebus fruebantur, adeoque Magistratus assequi poterant, & Sacerdotia. Habebantur autem à majoribus duntaxat Magistratibus, Consulibus nempe, Prætoribus, Dictatore, Inter-rege, & etiam à Pontifice maximo; atque in iis, majores omnes Magistratus creabantur, Legesque ferebantur: de pace ante Tributa Comitia, deque bello semper agebatur, judiciumque capitale, seu perduellionis ex 12. Tabularum jure exercebatur, quo ita cautum erat: *De Capite Civiis, nisi per maximam Comitiorum* (Comitiis nempe Centuriatis) *nè ferunto.* Causa ergo creandi Magistratus ea celebrabant Consules, Dictator, Inter-Rex. Causa Leges confirmandi, & judicium exercendi Dictator, Consules, Prætores; Prætorum autem, & Censuram creandi causâ à Consulibus fiebant, ut & causa creandorum Consulum in annum sequentem, si in Urbe essent; Dictator celebrabat causâ Legum, Judicii, & consularis Magistratûs. Inter-Rex causâ creandi Consules, si veteres abessent, & si res redacta esset ad Interregnum, quod florente Republicâ tunc poterat accidere, cum Magistratus omnes extra Urbem essent.

Prætores causâ duntaxat Legum & Judicij. Pontifex autem maximus ad Sacrificulum Regem creandum. Novus autem Dictator non ab alio Dictatore, sed ab uno è Consulibus eligebatur, Inter-Rex verò declarabatur à Patriciis. Panvinus à Censoribus etiam causâ Censûs, & à Magistro Equitum, si vellet ad Populum concionari, fieri scripsit, sed cùm Populus tunc non coiret ad ferenda suffragia, *Comitia* verè dici nequibant.

Leges autem his Comitiiis ferebantur ferè omnes, quæ à maioribus Magistratibus promulgari debebant, (quædam enim Curiatis Comitiiis promulgatæ fuère, ut diximus) eæque opponuntur *Plebis*, quæ nempe Tributis Comitiiis sciscebantur, ut infra. His ergo latæ fuère 12. Tabularum Leges, ut & Lex Valeria de provocatione ad Populum, aliæque.

Judicium verò *Perduellionis* diversum erat à crimine *Majestatis*, quo duntaxat, qui Seditionem in Exercitu excitasset, aut Magistratui pro imperio agenti restitisset, & similia, tenebatur; *perduellionis* autem nedum qui Regnum affectasset, aut aliquid ex quo Respublica detrimentum caperet, molitus esset, sed & qui *Civem Romanum* quasi externum tractasset, aut servili supplicio contra Leges *Porciam*, & *Semproniam* affecisset; cùm enim *Jus Civitatis* penes Populum esset, dum hoc aliquâ ratione violari contigisset, meritò Populi judicio reservatum erat. Ea autem celebrari nequibant, nisi priùs ritè intrâ Pomærium captis auspiciis, unde si esset *obnuntiatur*, infaustis nempe signis de cælo nunciatis, in alium diem rejici oportebat, quæ tamen procedentibus temporibus in desuetudinem abivère, retentâ quâdam duntaxat imagine Religionis causâ. Priùs autem temporibus nedum maximâ Religione custodiebantur, sed aded ad Rempublicam erant accommodata, ut sua potissimùm incrementa inde orta videantur; patet enim exemplo Caji Figuli, & Scipionis Nasicæ, qui, cùm essent Consules creati sub Tiberio Graccho, renunciârunt Augures, vitium adfuisse, dum illi crearentur; Gracchus tamen eos aspernatus tanquam insanos, meminit, cùm esset profectus in Provinciam, Tabernaculum in Comitiiis centuriatis extrâ Urbem quidem, sed intrâ Pomærium posuisse, quod ritu, Ceremoniisque Sacrorum vetabatur; quâ re Augurum Collegio significatâ, atque ab eo Senatui detectâ, censuit Senatus, Consules Magistratum deponere debere, unde ambo Romam reversi sunt, Cajus Figulus ex Gallia, Scipio

Scipio verò Nasica ex Corsica ; cùm enim præcipuè iis uterentur in Consulâribus Comitîis , dumque Exercitus ducerent , aut manus cum hoste confererent , vel Urbes obsiderent , atque in omni maximo Reipublicæ negotio , Legibus cautum erat , ut Magistratus & *inspiceret* , & *nunciaret* auguria , cùm *Augur* tantùm *inspicere* deberet , ut patet ex Lege Ælia , quâ etiam Magistratus intercedere posse jubebatur , nè Populus suffragia daret ; quare sicut Reipublicæ expedire videbatur fausta signa Magistratus *nunciabat* , *obnunciabatque* ; adeoque cùm Papirius occasionem rei bene gerendæ cerne-
ret , si cum Samnitibus manus confereret , altercatione inter *Pullarios* ortâ de *auspicio* , eidemque à Fratris Filio Spurio Papirio nunciatâ , respondit : *Tu quidem maxime virtute , diligentiaque esto : ceterum , qui auspicio adest , si quid falsi nunciat , in semetipsum Religionem recipit , mihi quidem Tripudium nunciatum Populo Romano , Exercituique egregium auspiciū est* ; Pullariosque inter prima signa constituit , cumque cecidisset is , qui falsum auspiciū fuisse detexerat , statim Consul , *Dii in prælio sunt* , inquit : *habet penam noxium caput* ; quapropter cùm Publius Claudius Pulcher primo bello Punico auspiciū neglexisset , *Pullarioque* respondisset , ut *pullos* , qui edere volebant , in mare abjiceret ad bibendum , amissæ Classis causa ad neglectum Religionis , nè milites animum desponderent , relata fuit , Romæque Consul damnatus . Primus autem Clodius Tribunus plebis Legem tulit , nè *auspicia valerent* , ne quis *obnunciaret* , nè quis *Legi intercederet* , ut omnibus diebus fastis Legem ferre liceret , nè *Leges Ælia , & Fusia valerent* ; unde causâ Legum sublata fuere ; in Comitîis autem causa Magistratuum duntaxat imago relicta fuit , nam *Candidati* simul cum *Augure* matutino tempore procedebant , ibique precabantur , post quas preces pronuntiabat *Augur* , *Fulgur* è sinistris apparuisse , licet nullum vidisset , acceptoque omine *Candidati* Magistratum suscipiebant .

Cùm autem Populus in *Centurias* discessisset , *sortitio* instituebatur , quæque primâ sorte exhibat , *prærogativa* dicebatur , atque per Ponticulos quosdam à Magistratibus vocata in *Septum* , seu *Ovile* transibat , locum nempe in Campo Martio Cancellis clausum , eamque aliæ sequebantur , voceque suffragia ferebant ante annum Urbis 614 . ; postea verò Lege *Gabinia* , & *Cassia* , ut & *Celia* , atque *Papiria* plûs libertatis Populo datum in ferendis suffragiis ; ea namque dabantur in *Tabellis* , quare cùm ad Ponticulos venirent , *Diribito-*

ribitores singulis Tabellas dabant, in quibus, si Magistratus creari deberent, inscripta erant *Candidatorum* nomina; si autem Leges ferendæ, in altera Literæ U. R. *uti*, scilicet, *rogas*; in altera A., hoc est *Antiquo*. Si iudicium exercebatur, tres dabantur Tabellæ, quarum altera eandem habebat Literam A. hoc est, *Absolvo*, altera verò literam C. id est *Condemno*. In tertia, Literæ N. L. hoc est, *Non liquet*. Cum autem in *Septum* intrarent, erant in ostio *Rogatores*, qui Tabellas reposcebant, *Cistam* habentes, in eamque quisque quam vellet, conjiciebat. Tum Custodes eas educebant, punctisque in alia Tabella notatis, singulorum numerabant Sententias, quodque pluribus placuisset, Preco pro suffragio pronuntiabat, dimissaque *Prærogativâ*, sequentes vocabantur Centuriæ, dictæ propterea *jure vocata*, sicque fiebat, donec major Centuriarum numerus in eandem iret Sententiam. Quod si paria unius Centuriæ puncta numerarentur, nullum erat ejus suffragium, præter Comititia iudiciorum, in quibus ad reos absolvendos paritas ipsa sufficiens erat.

Hæc autem Comititia, ut etiam *Tributa*, usque ad Julii Cæsaris tempora mansere, qui tamen excepto Consulatu pro cæteris Magistratibus dimidium *Candidatorum* numerum Populo pronuntiare permisit, aliis verò ipse dabat. Ac licet ab Augusto libertas Comitiorum videretur æqualiter restituta, Tiberius tamen penitus neglexit, tunc enim *è Campo*, Tacitus inquit, *Comitia ad Patres translata sunt*, nam ad eam diem, & si potissima arbitrio Principis, quadam tamen studiis *Tribuum* fiebant. Neque Populus ademptum jus quaesitum est nisi inani rumore: Et *Senatus largitionibus*, ac precibus *fordidis exsolutus libens tenuit*, moderante Tiberio, nè plures quam 4. *Candidatos* commendaret, sine repulsa & ambitu designandos.

De
Tribu-
tis Co-
mitiis.

Comitia autem *Tributa*, quæ potius *Concilia*, seu *Populi Cætus* nuncupantur, cum ex Plebe solummodò constarent, illa erant, quibus Cives Romani suffragia dabant secundum *Tribus*, in quibus scripti fuerant, seu cum suffragium ferebatur ex *Regionibus*, & locis; partes enim Urbis, & Agri, locis, *Regionibusque distinctæ Tribus* erant, habueruntque originem à Spurio Sicinio *Tribunoplebis*, cum enim prohiberetur à Consulibus ad Populum concionari, ut infra videbimus, die sequenti descendit in forum, occupatâque *Vulcani æde* Concionem habuit ad Plebem propositâ Lege: *concionanti ad Populum Tribuno nemo aliquid in contrarium dixit, nec dicentem interpella-*

to : si quis contra hac fecerit, datis Vadibus penam solvet, quantam Tribunis visum erit, qui Vades non dederit, necetur, bonaque ejus sacra sunt.

Proprie autem habita sunt altero post creatos Tribunosplebis anno, Urbis verò 563. nam ea fuit duntaxat *Concio*, quâ tamen Lex illa lata fuit, Tribunique arripuere potestatem ad Populum ferendi quæ vellent, licet non adhuc inconsulto Senatu; eo autem tempore Cajum Martium Coriolanum infensum Plebi hominem in judicium vocârunt Tribuni, diemque dixerunt jussis Civibus omnibus adesse, ille namque frumentum è Sicilia advectum in magna annonæ caritate nè Plebi divideretur, enixè in Senatu contenderat; cum autem omnes stato tempore adessent, Populus *Tributis Comitiiis* viritim suffragia tulit, multum reclamantibus Patriciis, qui *Centuriata* malebant, *Tributis* enim quisque suffragia dabat, æquèque valebant tum pauperum, tum divitum sententiæ, atque primum in Republica Plebi accessit potentia, ut infra dicemus. Cum autem ille dictâ die non adesset, damnatus perpetuo exilio abiit in Volscos. Latâ postea Lege Publiliâ, ut scilicet minores Magistratus *Tributis Comitiiis* fierent, anno nempe Urbis 282. Litorio & Volerone Tribunis, magis frequentia fuere, & pro *Curiatis* illa semper habebantur; ut ergo iis Comitiiis de re quâpiam in Senatu prius agitata suffragia curiatim auspiciato colligebantur, ac nisi Aves *addixissent*, irrita erant; ita nec auspiciato, nec consulto Senatu uno die Comitia ista peragebantur à Tribulibus; plebeji enim Magistratus auspicia non habebant; ac licet post annum 304. exactis Decemviris *auspicia* etiam Tribuniplex haberent, ea tamen non inspectione Avium capiebantur, sed quia *de celo servabant*. Audi quidem Tribuni auspiciorum honore, sed occultè libertate imminutâ, nè scilicet agerent quæcunque vellent, sed aliquando auspiciis impedirentur.

Habebant autem ab utroque genere Magistratuum; majores enim & minores præesse poterant; Consules ea peragebant, si minores Magistratus creari deberent, Plebis duntaxat Tribunis, ac plebejis Ædilibus exceptis; unde cæteri omnes, ut nempe *Ædiles Curules, Quæstores, Triumviri Capiales, Nocturni, Monetales, Tribuni Militum Comitiiati*, (licet hi non sint inter Urbanos Magistratus referendi) ut & *Urbani minores extraordinarii, Præfæti nempe Annona, Duumviri Navales, Quæstores Parricidii, Curatores Viarum, &c. Ma-*

gistratus quoque Provinciales, cùm ordinarii ut *Pro-Consules*, *Pro-Pratores*, & *iro-Quaestores*; tum extrâ ordinem, ut *Triumviri*, vel *Quinqueviri Coloniarum deducendarum*, vel *Agrorum dividendorum* causâ creati his Comitiiis, à Consulibus, seu à Dictatore, Tribuniisque militum Potestate habitis vocabantur. A Tribuniis plebis autem habebantur causâ *Tribunorum*, ac *Ædiliis Plebis*. Sed & *Sacerdotes* his Comitiiis creabantur, licet ante Legem Domitiam latam anno Urbis 650. solus Pontifex maximus fiebat, cùm Sacerdotes reliqui à Collegiis cooptari deberent; postea verò non tantum Pontifices omnes, sed Augures etiam, Fœciales, Septemviri Epulonum, & Quindecimviri Sacris faciundis hisce Comitiiis creabantur. Sacerdotum autem causâ ea duntaxat *Consul* habebat; Legum verò, quæ his Comitiiis ferebantur, ut & Judiciorum, quæ Populus exercebat, (quibus nempe multa irrogabatur, aut exilio Cives damnabantur, nam *Capitis judicium Centuriatis Comitiiis* exercebatur, ut dictum est) cùm Consules, tum Prætores, Tribuniisque plebis præerant, his namque *Plebiscita* sciscebantur, Triumphi dies in Urbe decernebatur, jus dabatur Civitatis, fœdera cum hostibus feriebantur, legibus etiam aliqui solvebantur, deque publicis quæstionibus custodiendis agebatur.

Is autem, qui Comitia habiturus erat, Comitiorum diem edicebat post trinundinum, seu tres nundinas, dies nempe 28. ut Cives extra Urbem, atque in Agro degentes adesse possent, vel si Legibus ferendis Comitia essent, nundinis à Latore Legis recitabatur, suadebaturque habitâ ab alio Oratione; quique suadebat, Legis Author dicebatur. Interdum autem nec trinundinum expectabatur, statimque post Edictum habebantur Comitia, si necessitas urgeret; tunc autem fiebant Edicta per *Viatores*, *Lictoresque*, aut *Cornicines*, qui Plebem vocabant Cornu bubulo. Locus autem Comitiorum erat, dum Magistratus creabantur, in Campo Martio; dum autem Leges ferri, Judiciaque exerceri debebant, tum in Foro, tum in Capitolio, atque omnes intererant, qui jus suffragii habebant, hocque cum *Centuriatis Comitiiis* commune erat. Illud autem Tributorum erat peculiare, si Sacerdotes creandi essent, quod nec omnes Tribus in suffragium irent, sed Lege Domitiâ 17. duntaxat sorte legabantur, quique propterea à 9. Tribubus renunciabatur, Sacerdotium obtinebat. Habebantur autem pro Magistratibus ad Kalendas Sextiles: pro Sacerdotibus, cùm

cùm in locum defunctorum alii essent subrogandi ; reliqua verò Comitiales diebus agebantur. Consulatu autem Lucii Valerii, & Marci Horatii *centuriatis etiam Comitibus* æquata fuere, atque propterea Potestas ferè omnis ad Plebem translata fuit, latà Lege, ut quod *Tribus Comitibus* sanciretur, universos Cives teneret, ac si *Centuriatis* jussum esset; sed, ut cætera, Tiberii tempore desierunt.

Servius autem lustrato, ut diximus, Populo, numerum censuit 85000. minùs 300. adeò creverat Romana Urbs Finitimarum Civitatum ruinis, externorumque adventu; cùm Romulus 3000. tantum, dum Urbem condidit, numerasset. Sed ut magis augeret Civium numerum, *jus etiam Civitatis* concessit manumissis Servis, qui Romæ manere vellent, adeoque jussit bona cum ingenuis in Censum referre, atque in 4. urbanas Tribus distribuit, admistitque ad Plebeiorum munia; Judicia quoque privatarum litium, cognitionemque criminum præter ea, quæ ad Rempublicam pertinerent, Magistratibus permisit, Legesque ac Regulas præscripsit, quas in judiciis sequerentur, unde Tacitus: *Nobis, inquit, Romulus, ut libitum imperitaverat, dein Numa Religionibus, & Divino jure Populum devinxit, repertaque quadam à Tullo & Anco. Sed præcipuus Servius Tullius Sanctor Legum fuit, quæ etiam Reges obtemperarent, Leges scilicet civiles de injuriis, Commerciis, Contractibus, aliisque, è quibus Jus civile Romanorum primò constatum est; cujus fundamentum non simplex ratio, sed cum ejus Gentis indole, inclinatione, moribus, & utilitate comparata. Traditque Plinius lib. 33. cap. 3. eundem æs quoque primùm signasse.*

Urbem quoque ampliavit *Viminali ac Quirinali* collibus additis, aggere quoque, fossis & muro circumdedit; itaque Pomærium protulit. Quod, ut Livius inquit, *verbi vim solam intuentes post Manium interpretantur esse. Est autem magis circa murum locus, quem in condendis urbibus quondam Hetrusci, quæ murum ducturi erant, certis circiterterminis inauguratò consecrabant, ut neque interiore parte ædificia manibus continuarentur, quæ nunc Vulgo etiam conjungunt, & extrinsecus aliquid ab humano cultu pateret soli. Hoc spatium, quod neque habitari, neque arari fas erat, non magis, quod post murum esset, quam quod murus post id, Pomærium Romani appellarunt, & in urbis incremento semper quantum menia processura erant, tantum termini consecrati proferebantur. Austà Civitate magnitudine Urbis formatis omnibus ad belli, & ad pacis usus, nè semper armis opes acquirerentur,*

De
ceteris
Servii
Tullii
Institu-
tis.

consilio augere imperium conatus est, simul & aliquod addere Urbi decus; excogitavit igitur Templum commune Populorum Romæ facere, ut veluti Confessio esset, *Caput rerum Romanæ esse*, ac quemadmodum Græci *Amphictyónico fœdere* continebantur, amicitiamque colebant, Templumque commune *Diana Ephesia* habebant, quod convenirent, consiliumque caperent cum de bello gerendo, paceque, aut fœderibus ineundis, cæterisque negotiis publicis, tum ut mutæ Gentis concordie consulere; ita Latino- rum Populi Romæ, ubi *Principatus erat*, quotannis convenirent, privatimque simul & publice Sacra facerent, & si quæ offensa Populis incideret, inter Sacra Deorum conciliarentur ex aliorum arbitrio; constructum igitur fuit in Aventino Templum communi pecuniâ, conscriptæque Leges fœderis Civitatibus, ritusque celebrandi festi, atque fori constituti, Decretaque Concilii in ærea Columna incisa, ut & Civitates ejus Conventus participes.

*De cæde
Servii
Tullii.*

Sed erant Tarquinii Prisci Nepotes *Aruns, & Lucius*, quibus junxerat Tullius filias ex uxore Tarquinia, utrique moribus dissimiles nati. Lucius natu major audax, dominandi cupidus, sceleratusque piam habuit uxorem, Aruns autem improbam, infensam Patri, nihilque non ausuram sceminam, ita ex ingeniorum similitudine arctissimum amicitie vinculum Lucium inter & Tulliam erat, & cupido Regni jura omnia violare adegit; deliberant enim uxorem alter, altera virum è medio tollere, incestasque ipsi contrahere nuptias: res ad effectum perducitur, jamque majus scelus parant nefaria ingenia; cum enim seditiones, quas concitaverat, prætextu, quod Servius injussu Populi regnaret, parum profecisse animadverteret, nam ille conciliatâ prius voluntate Plebis, Aggroque capto ex hostibus viritum divilo tulit ad Populum, *vellet, juberetne se regnare, Populusque jussit*, criminationibus apud Patres prius infensum reddidit, postea verò stipatus armatorum agmine, in forum irrumpere deliberavit, atque in Regia Sede pro Curia insidens, Patres per Preconem advocari fecit, jam se Regem ferens; cumque Servius concionantem invenisset, illique exprobrasset, *quid hoc Tarquini res est? quâ tu audaciâ me vivo vocare ausus es Patres? aut in sede considerare mea?* Clamore orto Tarquinius medium arripit Servium, atque elatum è Curia in inferiorem partem per gradus dejecit, ac denuò Senatû cogit, cumque Servius propè exsanguis domum se recipere tentaret, *Filia Tullia* admonitu missi, qui interfi-

terficerent, ea namque Carpento in forum inuenta, *Tarquinius* prima *Regem* appellavit, eumque allocuta est, *non aliter sibi firmum Regnum esse quam sublato Tullio*; domum postea cum reverteretur, per Patris cadaver Carpentum egisse fertur, cum enim angusto Vico foedum illud spectaculum Aurigæ occurrisset, reflexit in Dominam, quæ irata, *non aget, inquit, scelestæ jumenta vel per mortuum*, atque ex eo tempore vicus ille, *Cyprinus* tum dictus, *scelestus* nuncupari coepit. Hocque immane Tragici sceleris exemplum tulit Romana Regia, ut ultimum Regnum esset, quod inhumano scelere partum foret. Atque hic finis Servii fuit, postquam annos 44. regnâisset, cumque eo simul *justum*, ac *legitimum Regnum* occidit.

Quid autem in Tarquinii Principatu nisi Tyranidis arcana nefaria, eâque illa Acroamata, quibus jam diximus, Tyrannos suam firmare potentiam, advertemus? Ille namque postquam immani flagitio Regnum invasit, cum Populi jussu, tum Patrum auctoritatem, auspiciâque negligens, primus externo milite stipatus incessit, speculatoresque adhibuit, nedum ut facta dictaque Civium nosceret, sed ut eorum capiti, ac fortunis insidiaretur. Delati enim videbantur Cives, qui Tarquinio invisi, suspectique erant, quorum ille alios morte damnabat, alios exilio, eorumque bona occupabat, quorum largitionibus fidos sibi parabat amicos, adeoque cognitiones capitalium rerum, ut & cætera Reipublicæ negotia solus ipse exercuit; quare Patrum, qui Servio favebant, numerum sustulit, nec alios in eorum locum suffecit, Senatûque ipsum omninò delevit; insidiis quoque utebatur, clam enim Primores etiam aliqui interfecti, quorum nec cadavera usquam reperta fuere: Collegia, Cœtusque omnes Curialium, Vicinorum, Paganorum, aliorumque Ordinum, Sacrorum causâ, aliave cum in Urbe, tum in Agro dissolvit. Leges à Tullio scriptas abrogavit, ac nê ipsarum quidem Tabulas reliquit, eumque sepulturâ prohibuit, nê, si per forum funus duceretur regiâ pompâ, solemnibusque Ceremoniis, Populus commoveretur. Ac nê egenam turbam in otio vivere sineret, maximâ inchoavit operâ, Circum namque maximum, in quo gradus duntaxat inspieiebantur tectis porticibus circumdare aggressus est, cloacasque à Prisco inchoatas usque ad Fluvium perducere. Cæterum ut externis etiam auxiliis potentiam retineret, Octavio Mamilio Tusculano Latini nominis Principi, qui ab *Ulyssæ*, *Circe*que Dea ducere originem credebatur, filiam nuptui

De Tarquinii Superbi Tyranide.

nuptui dedit, perque eum Latinos Procures Respublicas tractantes sibi conciliavit; tunc autem, ut bellis etiam Rempublicam implicaret, Sabinos aggredi statuit, occasione sumptâ, quod fœdus cum Tullio istum renovare nollent, illudque putabant dissolutum. Indictô igitur Latinorum in Luco Ferentinæ Concilio, ut eos in Societatem belli gerendi pertraheret, cum cæteri advenissent, Tarquinius licet diem servaverit, serò tamen, atque occidente penè Sole comparuit; inde à Turno Octavii Mamillii Æmulo acerbè criminatus, quasi Latinum nomen ludificasset; cumque ut sequenti die objecta purgaret crimina, suassent amici: ille non *crimina diluenda, sed accusatorem è medio tollendum* respondit, atque ad dolos se vertit, corrupto enim Turni Servo, ut in ejus diversorium magnam gladiatorum copiam inferret, adegit, differuitque in Concilio moram externam Deorum quâdam providentiâ illatam, salutem sibi, atque illis fuisse, necemque sibi, & Primoribus à Turno parari ostendit, *ingens ad hac gladiatorum numerus comparatus, structaque insidia, quas nisi antevertant, periculum imminere docet.* Ità commoti omnes accurrunt ad Turnum alto sopitum somno, gladiisque inventis fides Tarquinio datur, quare catenis victum indictâ causâ novo genere lethi decipiunt ad caput aquæ Ferentinæ, & Cræte supernè injectâ, saxisque congestis mergunt. Suadet postea Latinis fœdus renovare, quo Sedes Imperii Roma agnoscebatur, ut ejus potius fortunâ fruerentur, quàm vastationes agrorum, atque Urbium excidia expectarent; quare Princeps Latinorum novo fœdere in Columnas inciso, ac Jurejurando firmato declaratur, & ille, ut *Regias inciperet præferre virtutes*, Societate cum Hernicis initâ, atque cum aliqua Volscorum Gente, ut sempiternum fœdus esset, commune Populorum Fanum Jovi Latiali in Monte alto, qui Albanis imminabat, extruxit, ut ibi quotannis Universi Sacra facerent, & Convivia celebrarent, unde Latinorum Feriæ processere; Volscos deinde aggressus, qui fœdus inire noluerant, Sueffam pometiam vi cœpit, pacem cum Æquis fecit, novumque fœdus cum Tuscis sanxit; Gabios quoque sed dolo superavit, Sextum enim filium instruxit, ut se transfugam simularet, Gabiosque adiret, Patrisque intolerabilem sævitiam conquereretur. Ille, consiliis optimè ad rem perductis, adeò Gabios decepit, ut nedum fidem adhiberent, sed imò Ducem adversum Romanos facerent, pessimo consilio, cum iis *semper utendum, ut prodesse quidem valeant,*

leant , nocere verò nec si velint , possint ; tunc autem Patrem de-
nuò consulit , quid facturus sit , ille haud satis fidens Nuntio , in
hortum Ædium transit , ubi nil ei respondens , baculo tantum
summa papaverum capita decussit ; quod cum Nuntius , quem
diligentissimè interrogaverat , retulisset , statim quò tenderet Patris
voluntas , agnovit , adeoque variis artibus Primores Gabiorum è
medio sustulit , eorumque bona distribuit , ipsaque prædà dulcedi-
ne commodi malorum publicorum sensus ademit , donec , ut Li-
vius loquitur , orba consilio auxilioque Gabina res Regi Romano sine
ulla dimicatione in manus traditur.

Inde ut Religionis , ac augustissimi Templi prætextu Arcem
sibi excitaret , Capitolium , quod Priscus voverat , exstruere ag-
gressus est , de quo priùs diximus , nec sine auspicio ; humanum
enim caput calido etiam recentique manans sanguine fossore in-
venère , quod Tarquinius in prodigium vertit , eo nempe Romam
Caput rerum fore portendi , unde Capitolium appellatur ; ita Plebs
minùs gravabatur Tempia Deum exstruens , nec in otio relinqueba-
tur. Quare si hominis ingenium ritè advertamus , Tyrannorum
quotquot artes fuère solus exercuit , imò supergressus est , eas au-
tem enumerarunt tum Aristoteles , tum Divus Thomas (a) his
verbis : *Ad salvationem Tyrannidis expedit excellentes in potentia , vel
divitiis interficere , quia tales per potentiam , quam habent , possunt in-
surgere contra Tyrannum. Iterum : expedit interficere Sapientes , tales
enim per suam sapientiam possunt invenire vias ad expellendam Tyranni-
dem , nec Scholas , nec alias Congregationes , per quas contingit vacare cir-
ca Sapientiam , permittendum est ; Sapientes enim ad magna inclinantur ,
& ideo magnanimi sunt , & tales de facili insurgunt. Ad salvandam Ty-
rannidem oportet , quod Tyrannus procuret , ut Subditi imponant sibi in-
vicem crimina , & turbent se ipsos , ut amicus amicum , & Populus con-
tra Divites , & Divites inter se dissentiant. Sic enim minùs poterunt
insurgere propter eorum divisionem ; oportet Subditos etiam facere pauperes ,
sic enim minùs poterunt insurgere contra Tyrannum. Procuranda sunt
Vedigalia , hoc est exactiones multa & magna , sic enim citò poterunt de-
pauperari Subditi. Tyrannus debet procurare bella inter Subditos , vel
etiam ad extraneos , ita ut non possint vacare ad aliquid tractandum con-
tra*

(a) In Commentar. Politicor. lect. II.

tra Tyrannum. Regnum salvatur per amicos : Tyrannus autem ad salvandam Tyrannidem non debet considerare in Amicis.

Et leſt. 12. Expedit, inquit, Tyranno ad salvandam Tyrannidem, quod non appareat Subditis ſavus, ſeu crudelis, nam ſi appareat ſavus, reddit ſe odioſum. Ex hoc autem facilius inſurgunt in eum. Sed debet ſe reddere reverendum propter excellentiam alicujus boni excellentis ; Reverentia enim debetur bono excellenti, & ſi non habent illud bonum excellens, debet ſimulare ſe habere illud. Tyrannus debet ſe reddere talem, ut videatur Subditis ipſum excellere in aliquo bono excellenti, in quo ipſi deſiciunt, ex quo eum revereantur. Si non habeat virtutes ſecundum veritatem, faciat ut opinentur ipſum habere eas. Tyrannus debet aut moderatus eſſe circa voluptates, aut delectationes corporales ; aut ſi non ſit, talem ſe debet exhibere, ut videatur fugere eas.

Quare cum flagitia ipſa in Authoris ſupplicium vertantur, quis proſectò Tyrannum mortalium omnium infeliſſimum non exiſtimaverit ? meritò igitur, ut Taciti verbis utar, praſtantiſſimus Sapiencia firmare ſolitus eſt, ſi recludantur Tyrannorum mentes poſſe aſpici laniatus & iſtus ; quando ut corpora verberibus, ita ſavitia libidine, malis conſultis animus dilaceretur.

Sed exitum ſpectemus ; jam enim incipiunt tormenta pectoris, anxietque curæ : Anguis fortè ex Columna lignea prorumpit in Regiam, eo ut portento exterritus Tarquinius Delphos ad Oraculum duos filios per ignotas eâ tempeſtate terras, ignoti ora maris mittit ; iis comitem addit Lucium Junium Brutum ex Sorore Nepotem. Ille verò cum Primores Civitatis, interque eos Fratrem ſuum à Tarquinio interfectos vidisset, ſtatuit ex ignavia ſalutem ſibi comparare, unde pro ſtulto ex induſtria haberi voluit, ac propterea Bruti cognomen habuit ; quare ludibrium melius quam comitem dixeris ; cum pervenire, quaerunt etiam Regii Juvenes, uter illorum regnaturus eſſet ; reſponſumque datum : Imperium ſummum Roma habebit, qui veſtrum primus oſculum matri tulerit. Illi autem Oraculum ad literam interpretati, quis primus oſculum matri daret, ſorte definiunt. Brutus velut prolapſus Terram oſculatur tanquam omnium matrem. Romam reverſi, ubi adverſus Rutulos bellum ſummâ vi parabatur, Ardeam namque Rex expugnare in animum induxerat, nullaque alia de cauſa, niſi quia divitiis præpollebat, nedum ut prædâ deliniret Popularem animos, ſed ut exhaustum publicorum operum magnificentia

De L.
Junio
Brute.

centiâ Ararium impletet. Cùmque Urbs obsideretur, licentiùs agebant Regii Juvenes, conviviis, comestationibusque vacantes; Ortâ inde ex animi levitate contentione de uxorum præstantia, De ux-
cùm mero incaluisent, præsentés eorum ingenia cognoscere deli-
berant, Romamque priùs advolant, ubi Regias Nurus conviviis, *rio Re-*
luxuque diffuentes inveniunt: pergunt inde Collatiam, quò Tar-
quinius Egerii, qui Prisci frater fuerat, filius imperitabat, uxorem *giorum*
Lucretiam inveniunt in medio lucubrantium ancillarum sedentem, *Juventù*
seque lanificiis exercentem; quare penes eam certaminis muliebris *certami-*
victoria; hinc dira Sextum Tarquinius libido stuprandæ Lucretiæ *ne.*
invasit, atque è Castris remotis arbitris Collatiam denuò pergit, *De*
comiterque exceptus, summâ nocte ex hospitali cubiculo ad Lu- *Sexti*
cretiam dormientem pergit, vanaque omnia expertus ad fleden- *Tarqui-*
dum animum, callidum excogitat consilium, fateturque servum se *nii sce-*
apud eam jugulaturum, ut in sordido adulterio necata diceretur; *lere, &*
itâ despondet animum Lucretia, expugnataque pudicitia victor dis- *Lucre-*
cedit Sextus. Sed illa repentè advocat è Castris Patrem, Virum- *tia obi-*
que, utque cum singulis fidelibus amicis veniant, orat. Comites *tu.*
hinc accepti Publius Valerius, illeque Brutus. Mœsta Lucretia
lachrymis obortis rem exponit, nec solari passa, hæc extrema pro-
fatur verba: *Vos videritis, quid illi debeat: ego me tsi peccato ab-*
solvo, supplicio non libero, nec ulla deinde impudica Lucretia exemplo *De L.*
vivet; statimque dispositum cultrum in corde defigit. Tunc pri- *Junii*
mum Brutus alienam Personam exuit, extractumque cultrum ma- *Bruti*
nu tenens, ad Patrem, Virumque luctu occupatos reversus: per *jura-*
hunc, inquit, *castissimum ante Regiam injuriam sanguinem juro, Vosque*
alios testes facio, *me Lucium Tarquinium Superbum cum scelerata Con-*
juge, & omni liberorum stirpe, ferro, igne, quacumque dehinc vi possim *jura-*
exacturum, neo illos, nec alium quenquam regnare Roma passurum. *mento.*
Mores namque Superbi cognomen dederant, ut graviter Lati-
nus Pacatus in Panegyrico ad Theodosium Imperatorem: *Ar-*
rogantiæ quidem, inquit, itâ Majores nostros semper perterritum est, ut *rogantiæ*
graviores semper putaverint servitute contemptum, ejusque impatientiâ *quidem*
sint coacti post bellatores Tullos, Numasque Sacrificos, & Romulos Condi- *post bellatores*
tores Regnum usque ad nomen odisse. Denique ipsum Tarquinium exe- *Regnum usque*
cratione postremâ hoc damnaverunt maledicto, & hominem libidine præ- *Denique ipsum*
cipitem, avaritiâ cecum, immanem crudelitate, furore vecordem vocav- *hominem libidine*
re Superbum, & putaverunt sufficere convitium.

De
Conver-
sione Ci-
vitatis.

Hic erat Rei Romanæ Status, cum Brutus ille tempus advenisse ratus, quo Romam Tyrannide liberaret, muliebriter flentes objurgat, docetque, quid de Republica fieri oporteret; videns enim vel solum Lucretiæ cadaver efficacissimæ Orationis pondus habere, jubet in forum deferri, ubi accurrente Populo, attonitoque novo, ac miserando spectaculo, graviter ille concionatur, cunctaque exponit Tarquinii scelera; cumque in furorem Populum vertisset Tyranni odio, juramento adigit, ubi ad Tarquinium ejiciendum auxilio esse. Claudii interim portas jusserat, nè aliquid ad Tarquinium deferretur. His rebus Collatiæ gestis, Romam advolat armatum agmen Bruto Duce, in forum etiam Populus per Preconem ad Tribunum Celerum advocatur (erat tum fortè Brutus ipse in Magistratu, quare eidem Potestas in Comitium Populum vocandi à Rege ut fatuo concessa.) Ille ut Lege agere videretur, legitimè convocato Populo, denuò Tarquinii scelera commemorat, quæque Collatiæ gesta sint docet, suffragiaque ferre jubet de Imperio Regis abrogando, deque nova Reipublicæ forma constituenda. Bruto concionanti acclamatum est ad singula; tum ille *curiatim* jubet ferri suffragia, cumque Curiarum omnium calculis Regis cum Coniuge, ac liberis exilium *juberetur*, juraretque Populus, *Regem* non ampliùs Romæ *passurum*, ut potuit, Senatûs autoritate more majorum *Populi jussu* confirmari fecit, Patriciorum nempe Sententiâ, qui eum Ducem sequebantur; tunc Inter-Regem dixit Sp. Lucretium Tricipitinum Lucretiæ Patrem, ut priscam Reipublicæ formam restituere videretur, atque ita alacriorem redderet Populum; Inter-Rex verò statim jubet adesse armatos in Campum Martium, ut *Centuriata Comitia* celebrarent, nominatoque *Bruto*, & *Collatino*, quibus par *Regi* Potestas conferretur, *Populus ratum habuit*. Species tantum *Comitiorum* erat, ut sicuti res ferebat, videretur *jure* agere, atque Populum libertatis initia sentientem ad eam amplectendam magis inflammaret; tunc literis res gestas Exercitum docet universum, suadetque, ut *legitimè jubenti Populo* morem gerat; cum interea Tarquinius certior eorum, quæ agerentur, factus, Romam cum fidissimis properat, ut defectionem impediret; sed jam armato milite Consules murum impleverant, Portasque custodiri jusserant; ita spe frustratus redit ad Exercitum, qui jam *Populo* obtemperandum ratus, *Regem agnoscere* detrectavit; quare fugâ cum duobus liberis sibi consulere coactus,

Cæsar

Cære abiit in Hetrufcos. Sextus verò Gabinos *tanquam in Regnum profectus*, fuorum etiam ſclerum pœnas luit, nam amici, cognatique interemptorum Civium, qui ultionis tempus opperiebantur, occasione arreptâ ſtatim interfecerunt. Brutus autem *haud cunctandum exiſtimans*, ubi pernicioſior erat quies, quàm temeritas, compoſitis urbanis rebus in Caſtra profectus, ut liberator Urbis acceptus eſt, pactusque cum hoſte inducias Exercitum abducit, ut melius Rempublicam firmaret..

Ille autem cuncta revocavit veterum Regum Inſtituta, Se. *De nova forma Civitatis.*
 natumque auxit ad 300., à quo tempore Patres conſcripti dicti ſunt, quali denuò in Senatum lecti; conſtituitque, *ut nihil referretur ad Populum, niſi Senatui videretur*, nullumque Populi juſſum ratum eſſet, niſi ejus authoritate confirmaretur, utque Conſules duo eſſent annuâ poteſtate, qui Regum munia obirent. Cùm ergo Comitia fuiſſent reſtituta, ſuamque authoritatem Senatus obtineret, Conſulesque Regis munia obirent, eo tantùm diſcrimine, quòd duo eſſent, atque poteſtatem ad annum exercerent, ut Cicero ait: *Regio Imperio duo ſunto, iiſque conſulendo Conſules appellantor, militia ſummum juſ habento*; mixta quoque manſit Reſpublica; licèt ad *Ariſtocratiam* magis inclinaret; è Patriciis enim Magiſtratus creabantur, *Centuriataque Comitia* fiebant, in quibus Primorum duntaxat ſuffragia valebant, Senatusque magnâ pollebat authoritate, adeoque mirari non deſino, cur Bodinus *Democratiam* effinxerit, eâ ductus ſententiâ, quòd *Jura Majeſtatis*, cùm nequeant communicari, *penes Populum* manſerint; adedò enim cuncti ordines, licèt inæqualiter, de iis participabant, ut ritè coaleſcerent, unumque veluti efficerent ordinem, qui univerſa complecteretur; namque ità initio fuit temperata Reſpublica, ut nec *Populus quidquam juberet ſine Senatûs authoritate*, nec Senatus cerneret, niſi de iis, *qua ad eum Conſules referrent*, nec celebraret *Populus Comitia*, niſi Conſules præſſent; ità unus ordo conſtabatur è Senatu, Conſulibus, & Populo, qui legitime jura Majeſtatis explicabat. Præterquàm quòd nec deerat Senatui Poteſtas maxima in rebus arduis, tunc enim *telo velut acerrimo Senatus ipſe eâ utebatur*, jubebatque Conſulibus *abſolutè*, unoque verſiculo, *videant*, nempe, Conſules, *nè quid Reſpublica detrimenti capiat*, ſatis eos armabat, nullis etiam armis datis, eo namque & Exercitum parabant *injūſu Populi*, nullisque adhibitis Comitiiis, *indictâque cauſâ*, & vim tantùm adhibendo, Cives è medio tollebant, illoque *freſti Senatûs-Conſulto* Lucius O-

pimius, & Quintus Fabius Cajum Sempronium Gracchum Tribunumplebis, & Quintum Fulvium Flaccum Consularem Virum, præterque eos ad tria etiam millia Civium interfecerunt, & Cicero Catilinam in exilium damnavit, comprehensosque Socios occidi in carcere jussit; eâ quoque Potestate G. Pompejus adversus Cæsarem bellum gessit. Sed ultrâ Civilia bella etiam summam Potestatem explicuit in externis; Consulibus namque Posthumio Albo, ac Sp. Furio Medullino anno Urbis 291. cum Hernici S. Furium à Vejentibus fugatum nunciassent, tantus terror Urbem invasit, ut statim Senatus Posthumio præciperet, dare operam, nè quid Respublica detrimenti caperet. Consuli præterea præcipebat, ut diceret Dictatorem.

Fateor quidem nunquam in eodem statu mansisse Rempublicam, cum vel forma ejus mixta nunc magis intensa in Aristocratiam, nunc in Democratiam redderetur, donec paulatim in pessimam evaserit Ochlocratiam, corruptissimam nempe Democratiam, atque ex quodam veluti orbe ad unius Dominationem pervenerit; Cum autem temperata mansit ex illo triplici Statu, mixta meritò dicitur, seu, ut Aristoteles docet, Respublica nuncupabitur, quæ ex Democratia, atque Aristocratia Cinno resultabat. Sed redeamus ad Brutum, cujus virtus in tam arduo perficiendo negotio unicè requirebatur, summo namque consilio rem aggressus, Cadavere Lucretia in forum ducto, ad Populum concionatur quasi restitutâ Republicâ, ut ita dulcedine libertatis caperetur, eique in omnibus morem gereret, quod quia nec Brutus alter, & Cassius, nec Aetolorum Dux interempto Nabide Spartæ Tyranno, nec Laurentius Medicæus, dum Alexandrum Florentiæ Ducem interfecit, effecerunt, rei bene gerendæ occasionem amisere.

De
Exilio
Collati-
ni.

Ita autem constitutâ Republicâ, quoniam Collatinus è Tarquiniorum Regio genere erat, ut libertatem omnimodè muniret, sollicitamque suspicione Plebem liberaret, tulit ad Populum, nomen Regiumque genus inuisum esse, utque propterea nedum Imperio, sed Civitate ejicerent. Quare Collatinus se Consulatu abdicavit, seque resque suas Lavinium contulit, susceptusque est in ejus locum Publius Valerius; quod factum licet nimis severum videatur, cum & ipse Collatinus Vir Lucretiæ Urbis liberator esset, laudatur à Cicerone (a) cum Collatino, inquiens, Collega Brutus Imperium abrogabat, poterat videri facere id injustè; fuerat enim in Regibus expellendis socius

(a) Lib. 3. de Offic.

socius Bruti, Consiliorum etiam adjutor. Cum autem Consilium hoc Principes cepissent, cognationem Superbi, nomenque Tarquiniorum, & memoriam Regni esse tollendum, quod erat utile Patria consulere, id erat honestum, ut etiam ipsi Collatino placere deberet. Itaque utilitas valuit propter honestatem, sine qua nec utilitas quidem esse potuisset.

Tarquinius verò prius dolos experiri consultum putantes, *De Con-*
Legatos Romam mittunt, qui bona repetendi causâ venisse simula-
rent, re ipsâ tamen recuperandi Regni Consilia struerent, atque *juratio-*
nobilium Adolescentium animos æqualium, sodaliumque Tarqui-
niorum, in quorum Regno libido solutior fuerat, pertentarent; *ne nobi-*
jamque illos desiderium Regis cœperat, mutuûque conquereban-
tur, Regem hominem esse, à quo impetres, ubi jus, ubi injuriâ opus *lium A-*
sit, esse gratia locum, esse beneficio, & irasci, & ignoscere posse: inter *dolescen-*
amicum atque inimicum discrimen nōsse. Leges rem surdam, inexplora-
bilem esse, salubriorem, melioremque inopi, quam potenti: nihil laxa-
menti, nec veniam habere, si modum exceßeris: periculosum esse in tot
humanis erroribus solâ innocentia vivere.

Interea Senatus, an bona redditura essent, agitabat, bello enim adjumentum dare periculosum videbatur; sed vicit sententia, quæ censebat, reddenda bona. Cumque Legati moras neccerent vehiculorum comparandorum specie Conjunctionem firmant; eâ tamen tempestivè detectâ; ex literis, quas Legatis dederant, aucthores dignoscuntur, damnanturque, atque ad palum deligati nobilissimi Juvenes, interque eos filii Bruti cernuntur. Ille undique obfirmatus, nullum miserentis animi signum dedit, dum nudati virgis caderentur, dumque securi percussi sunt.

Tanta molis erat, Romanam condere Gentem !

Legati autem, quanquam visum esset, id commississe, ut hostium loco essent, jure tamen Gentium dimissi sunt, sed bona reddi vetita, nec in publicum redacta; diripiendaque eo Plebi consilio data, ut illa prada contacta nullam cum Tarquiniis pacis spem foveret.

Bellum inde Tarquinius parant, Veientesque ac Tarquinien-
ses adversus Romanos concitant, eorumque Populorum Exercitum *De bello*
ducunt, nec Consules ad repellendos hostes minùs prompti; fit *Vejen-*
atrox pugna in Romano agro, ubi Consul Brutus, Arunsque Tar-
quinius filius Regis simul congressi ambo cecidère, Romanorum *tium,*
tamen Exercitus victor fuit, alterque Consul Publius Valerius *ac Tar-*
trium-*quini-*
sum.

triumphans Romam rediit, Collegæque funus maximo apparatu celebravit.

De L.
Valerio
Consu-
le.

Sed vides, quo essent ad libertatem affecti animo Cives, ut minimis quibusque suspicionibus locum darent; nam quia Consul Valerius in Summa Velia edificare videbatur, nec Collegam susceperat in locum Bruti, *Regnum affectare* criminabatur. Inde ut suspicionem dilueret, infra Collem ædificari curavit, *fascēs Populo submisit, ademitque securēs*, quibus duntaxat extra Urbem deinceps usi sunt, cum intra mœnia fascēs tantum adhiberent. Latæ quoque Leges, *nē quis Romæ Magistratum gereret injussu Populi, quique auderet, sacer esset, nē quis Civem Romanum capite plectere, aut flagris cadere, aut pecuniis mulctare posset, si ad Populum provocasset.* Ità extrema provocationis jus latâ Lege Populo sub Reipublicæ initiis adhæsit. Tunc habitis de more Comitii subrogatus Lucretius Consul, in cujus defuncti locum suffectus Marcus Horatius Pulvillus, cui fortitè contigit, Jovis Ædem in Capitolio dedicare, cumque postem jam teneret, mors filii nunciatur, ille verò precationem peragit, Templumque dedicoat, nilque ad Nuncium respondet, quàm ut cadaver efferatur. Sequitur tunc Hetruscum bellum, in quo Romana virtus summo opere emicuit. Flexerat enim Lartem Porfennam Tarquinius præter auxilia, quæ gener dabat Mamilius; *nē orientem morem*, inquiens, *pellendi Reges inultum sineret.* Satis libertatem ipsam habere dulcedinis, nisi quantâ vi Civitates eam expetant, tantâ Regna Reges defendant. *Æquari summa infimis: Nihil excelsum, nihil, quod supra cætera eminent in Civitatibus fore.* Adesse finem Regnis, rei inter Deos, hominesque pulcherrima. Horatius Cocles in eo bello suspicatur solus Sublicii Pontis aditum occupare, hostiumque impetum sustinere, donec eo rupto, iter omnino præcluderetur, tum ille in Tiberim defiliens, *Tiberine Pater*, inquit, *te sanctè precor, hæc arma, & hunc militem propitio flumine accipias.* Nec tantæ virtuti præmium defuit: *quod si tollas, virtutes ipsas evertes, subit enim otii, atque inertia dulcedo, quæ tandem, sublati ad virtutem stimulis, amatur.* Statua enim Horatio in Comitio posita, agerque, quantum uno die circumarari potuit, datus. Spectata quoque, atque admirabilis Mutii Scevolæ audacia, constantiaque, Agro quoque trans Tyberim donatus; nec Cleliæ ausum honore caruit, Statuâ Equestri decoratâ. Agitur inde de pace, sed omnis Tarquinius reducendi Porfennæ spes adimitur: *Non enim in Regno, aiebant, Popu-*

De
Marco
Horatio
Pulvil-
lo.

De Bel-
lo He-
trusco.

luna

lum Romanam, sed in libertate esse. Ità induxisse in animum, hostibus potius quàm Regibus portas patefacere. Eam esse voluntatem omnium, ut qui libertati erit in illa Urbe finis, idem Urbi sit. Proinde si salvam esse velles Romam, ut patiat^{ur} liberam esse, orare. Quibus Rex permotus, Tarquinius etiam aliò abire iussit, pacemque cum Romanis coluit.

De Fœdere cū Porjenna Rege idō.

Secuta inde cum Sabinis bella, Dictatorque primùm Romæ creatus, de cujus potestate pauca dicere necesse ducimus.

Dictatura igitur summa Potestas erat extra ordinem definito tempore concessa ad Rempublicam moderandam, primùmque, ut diximus, Titio Lartio Flavio anno Urbis 252. collata est ob metum Latini, Sabinique belli, & quia seditio instabat propter Plebem, quæ, cum esset ære alieno oppressa, videretque impotenter adversus eam fœneratores se gerere, & in nervum abducere obaratorum corpora, quibus non aliter utebantur quàm emptitiis, delectui nomen dare recusabat. Atque hæc quidem prima, præcipuaque fuit Dictatorem creandi causa, licet postea variis aliis de causis Dictatores creati fuerint, ut Comiti^{orum} habendorum, Senatus legendi, quæstionis exercendæ; interdum etiam ludorum instaurandorum, aut Clavi figendi causâ dictus est. Quod fiebat in dextro latere Ædis Joves, dum pestis grassabatur, aut ad aliud avertendum imminens Reipublicæ infortunium. Nec ut reliqui Magistratus Populi suffragiis creabatur, sed jubente Senatu alter Consul, quem vellet è Consularibus Viris Dictatorem dicebat; quod noctu fiebat, captisque ritè auspiciis, unde videtur à dicendo dictus, vel potius à dictando, cum multa ediceret. Alio quoque nomine Magister Populi, & Prætor maximus dicebatur. Sed & Populus aliquando jubebat, quem Dictatorem à Consule dici vellet, quod anno Urbis 543. in Quinto Fulvio Flacco accidisse videtur; sed & Sulla & Julius Cæsar Comitibus creati Dictatores fuere, ille Inter-Rege ea celebrante, Cæsar verò Prætor.

De Dictatoria Potestate.

Ea verò Potestas etiam Regiâ major fuit; omnium namque rerum arbitrium penès Dictatores erat, deque capite, & bonis Romani Civis etiam sine provocatione statuebant ante Legem Duiliam anno Urbis 304. latam, quâ vetitum, Magistratum aliquem sine provocatione creari. Omnes propterea Magistratus cum Dictator esset, abdicabant, Tribunis plebis exceptis, cunctaque Regum

gum insignia præferebat, & 24. Licetoribus utebatur, & *fascibus*, ac *securibus* etiam in Urbe.

Sed semestri finiebatur tempore, nè majori diuturnitate in Tyrannidem verteretur, licèt aliquando fuerit prorogata, ut Camillo contigit, & Papyrio Cursori. Nec aliquid pecuniæ publicæ poterat impendere *finè Senatûs auctoritate*, aut *Populi jussu*, nec cum Imperio extra Italiam ire licebat, licèt in Attilio Calatino semel violatum fuerit. Imò equum ascendere, nisi ad bellum iturus, nequibat, quod Fabio Maximo honoris causâ duntaxat permissum fuit. Qui etiam Prodictator à Populo creatus fuit, quoniam Consul aberat, & Dictatorem Populus creare nequibat, licèt Dictator postea ob rerum gestarum Gloriam fuerit nuncupatus. Dictator autem Magistrum Equitum dicebat, eique aderat, ut olim Regi Tribunus Celerum, atque sicut ille universo Populo præerat, ita Magister Equitum Equitibus, sed debebat *Dictatoris dicto* audiens esse, eademque gerebat insignia, quæ Prætor, *Licetores* nempe 6. cum *fascibus*, *prætextaque*, &c. unde meritò Marcus Minutius ille Fabii Magister Equitum Metilii Tribuniplebis rogatione æquatus Dictatoris Imperio, cum Legiones in maximum discrimen adduxisset, easque vidisset Dictatoris virtute liberatas, milites alloquitur, *sapè*, inquit, *audivi milites*, *eum primum esse virum*, *qui ipse consulat*, *quid in rem sit*: secundum eum, *qui benemomenti obediat*: *qui nec ipse consulere*, *nec alteri parere scit*, *eum extremi ingenii esse*. Nobis quoniam prima animi, ingeniique negata sors, secundam ac mediam teneamus, & cum imperare discimus, parere prudenti in animum inducimus, Castra cum Fabio jungamus, &c. atque ad Dictatorem: Parentibus, inquit, meis Dictator, quibus te mudò nomine, quo fando possum, aquavi, vitam tantum debeo; tibi cum meam salutem, tum omnium horum: itaque Plebiscitum, quo oneratus magis quam honoratus sum, primus antiquo, abrogoque, & quod tibi, mihiqûe, quod meo Exercitui, tuoqûe conservato, ac conservatori sit felix, sub Imperium, auspiciumque tuum redeo, & signa hæc, Legionesqûe restituo. Tu, quæso, placatus me Magistrum Equitum, hos ordinibus suis, quemque teneri jubeas. Sed L. Papirii Cursoris cum Fabii Magistri Equitum Patre ad Populum provocante, cumqûe ipso Populo contentio, responsumqûe Romano Dictatore dignum, quo precibus duntaxat Populi Magistrum Equitum damnatum capite dare fassus est, facis nos & virtutis, & militaris

Ro-

Romanorum disciplinæ, & quanta fuerit Dictaturæ potestas admonet, quamvis ad Populum provocatio post dictam Legem ferri posset.

Bis autem visi fuere Dictatores sine Magistris Equitum, ut N. Fabius Puteo anno Urbis 537., & Julius Cæsar anno Urbis 705., licet postea Magistrum Equitum dixisset M. Antonium, qui etiam perpetuam fecit, retinuitque, donec interficeretur; sed cur ille Leges custodiret, cum palam eo nomine Rempubicam invalisset, adeo ut Sullam irrideret, qui eam deposuerat?

Sed victoriam de Volscis, Sabinisque, ac tandem de Aurn- *De pri-*
cis sequebantur dira Plebis certamina, quæ tandem eò erupere, *ma se-*
ut in Montem sacrum secederet; quæ quoniam prima ingens *cessione*
editio fuit, eaque primum Plebs suos nata Magistratus, Tribunos *Plebis in*
nempe plebis, qui *Sacro sancti essent*, quibusque *auxilii latio adversus*
Consulæ esset, nec *Patriciis capere liceret*, adeoque Respublica alte- *Monte*
rari coëpta; idè prolixius, quàm par esset, causas referre pla- *sacrum.*
cuit. Et profectò Fœneratorum avaritia, sævitique Rempubicam
corrumpere ab initio; fremebat namque Plebs se foris pro libertate,
& Imperio; domi à Civibus opprimi: tutioremque in bello, quàm
in pace; inter hostes, quàm inter Cives ejus libertatem esse. Se-
ditionem autem unius calamitas excitavit; visus enim sen-
ctà ætate homo squallore oblitus, sordidæque veste miserandum
sui spectaculum præbere, & quia stipendia meruerat, noscebatur,
concursumque turba interrogabat: unde tantus pallor ac macies, tan-
tæque universi corporis faditas? Ille: Sabino bello, ait, se militantem,
quia propter populationes agri fructu non modò caruerit, sed villa incen-
sa fuerit: direpta omnia: pecora ablata: tributum iniquo tempore im-
peratum; ac alienum fecisse. Id cumlatum usuris, primò se agro pater-
no, avitoque exuisse, d'inde fortunis aliis: postremò velut tabem perve-
nisse ad corpus. Ductum se ab Creditore non in servitium, sed in erga-
stulum, & carnis inam esse; inde ut fidem faceret, tergum osten-
tat, fœlum recentibus vestigiis verberum; ità ingens fit clamor.
Nexi, vincti, soluti que prorumpunt undique. fœlemque implorant
Quiritium; quare irritata Plebs, atque ad seditionem excitanda
disposita, postulat, ut Senatus vocetur, qui tot malis oppor-
tunè consulere; cumque metu deterrentur Patres, Plebsque elu-
di crede et, vix Consulatis Majestas iras coercuisset, si tandem
Patres non apparuissent, à quibus Plebs sublevari rebatur; cum-
que discordia esset inter Appium Claudium, qui Imperio Consula-

ri agi oportere censebat, unumque aut alterum arripi, ac pœnas dare, *Serviliumque Consulem*, qui leniter agendum putabat, Latini Equites advenire, qui Volscos infesto Exercitu ad Urbem oppugnandam procurrare nunciârunt; tunc Plebs *ultores Superbia Patrum adesse Deos* clamitans, non respondere delectui delibera- vit, ut penes eosdem pericula belli, penes quos prœmia essent. Illi autem trepidi *Servilio Consuli* committunt Rempublicam, qui misso Senatu concionatur, fidemque Plebi facit, quòd opportunè sibi consuleretur, edicitque interea; *nè quis Crivem Romanum vin- ctum, aut clausum teneret, quò minùs ei nominis edendis apud Consules potestas fieret; nè quis militis, donec in Castris esset, bona possideret, aut venderet, nepotes ejus moraretur*; ità data exemplò nomina. At postquàm Volsci victi, jactabat Plebs promissa Servillii, belli mè- rita; acceptasque Cicatrices exprobrans rogabat, ut ad Sena- tum referret, atque *ut auxilio esset Consul suis Crivibus, Imperator suis militibus*; ille verò cunctando, *mediàque viâ incedendo*, nec Plebis vitavit odium, nec apud Patres gratiam iniit; inde primo in am- bos Consules iræ, contemptusque; cùm enim ad Populum Sena- tus rejecisset Consulis designationem, qui *Ædem Mercurii dedica- ret*, quemque Populus *jussisset*, Annonæ præesse, Mercatorum Col- legium instituire, solemniaque pro Pontifice suscipere *decrevisset*; illa, preter Consulibus, *Marcum Latorium Primipilum Centurionem* le- git. Jamque majores gerebat spiritus, debitoresque, cùm in jus ducerentur, vi eripiebat, adeoque Consules sinè Imperio vide- bantur.

Hic erat rerum urbanarum Status, dum timor supervenit Sabini belli; unde licèt Consules delectum decrevissent, nemo ta- men nomen dedit. Furens Appius, *Collegamque* arguens, quòd Rempublicam perderet, seque *unum Patrum Majestatis, & sua vindic- tem fore* clamitans, jussit unum arripi insigne seditionis Caput: ille verò, *provoco*, inquit, ad *Populum*; quare clamor ingens exortus, jamque vis etiam parabatur, si Claudius vinci tandem passus haud esset, fracta etiam Primorum pertinacia. Ità corrupto Reipublicæ ordine, Senatum novi Consules cogunt, cœtus nocturnos, rerum- que statum docent; tum sententiis certatur, Consulesque objur- gantur, quòd segnìus molliùsque, quàm par esset, agerent; de- cernuntque, ut acerrimum delectum habeant, sed nemo ad no- men respondebat, atque universè clamabatur: *nilrò decipi Plebem*
hand

haud posse. Nunquam unum militem habituros, nō præsaretur fides publica. Libertatem unicuique prius reddendam esse, quā arma danda, ut pro Patria, Civibusque, non pro Dominis pugnent. Satis autem expertis inanibus Consulū Imperiis, denuō Senatus datur urbanis tumultibus, rogatusque Publius Virginius : iis tantummodō, qui egregiam in Volscorum & Auruncorum bello navāssent operam, remissionem Aeris alieni concedendam esse censuit. Titus Largius : Plebi universæ : Appius : nīl Plebi largiendum, nec de his agendum, sed de præsentaneo contrā seditionem remedio, Dictatoremque creandum esse, à quo provocare non liceret ; Jam hīc, ajebat, quō nunc omnium ardet, conticescet furor. Pulset tum mihi Licetorem, qui sciet jus de tergo, vitæque sua penes unum illum esse, cujus Majestatem violavit. Vicit Appius : Dictator dicitur, sed mitis ingenii Vir, Plebique gratus Manius Valerius, scilicet, Volesi filius ; quare cū ex fratre Legem Plebs de Provocatione haberet, nīl ex ea Familia triste, nec superbum timuit, nec nomina detrectavit ; ille namque ut Servilius Consul statim edixit favore Civium, victorumque, donec in Castris essent. Sic cum Æquis, Volscis, & Sabinis prosperè pugnatur ; ac Valerius, sublato jam bellorum metu, actionem habuit in Senatu pro Victore Populo, quæ quoniam privata Consilia, pessimumque venenum, suæ cuique utilitas, publica semper pessumdare solent, rejecta est, Dictatorque spe suā frustratus, privatus potiùs seditioni interesse malle fatetur, egressusque Curiam, Dictaturā se abdicat. Senatus, ut occultis cœtibus, conjurationibusque occurrat, ad Religionem confugit. In verba Consulū, quanquam Dictator delectum habuisset, juraverat. miles ; eo propterea teneri ratus, non dimitti Exercitum, sed prætextu ab Æquis renovati belli, extra Urbem pessimo consilio educi jubet. Itā universis, atque armatis coeundi facultas datur, agitantque primò, Consules interficere, ut Sacramento solverentur ; sed moniti, nullam Religionem scelere solvi, tam nefarium Consilium omisere. Rapiunt igitur signa, Tribunos sibi constituunt, rei que summam ad Sicinium quendam Bellutum deferunt, occupantque montem ad Anienem haud procul ab Urbe situm.

Atque hæc prima fuit Reipublicæ Romanæ labe, quā procedentibus temporibus ad eam contacta fuit, ut denique pateretur interitum ; ita rerum humanarum orbe motu quodam perpetuo cuncta circumagente, ut nīl firmum diū conservari queat. Erat enim ad eam temperata, ut & Populus, & Patricii nexu quodam conjungi viderentur,

tur, Senatusque ita inter utrosque medius se gereret, ut nec Plebs invideret Patriciorum Magistratibus, cum naturâ suâ non detrectet meliorum Imperia, nec illi abuterentur. Sed Patricii ex inæqualitate honorum, ac divitiarum omnia ipsis tribuenda rebantur, cæterosque ut vile & abjectum *Vulgus* existimabant, atque servorum ad instar cum iis agere cupiebant. Quare ad Oligarchiam inclinatâ Republicâ, effectum est, ut & Plebs quoque ex libertatis aequalitate aequalem se in omnibus putaret. Miror autem Patriciorum adeo fuisse obcæcatas mentes, ut pro parva re, qualis erat *funeratorum nexu Plebem solvere*, qui jure iniquo sæviebant in corpora, tanquam à scintilla, quæ facillimè exstingui poterat, adeo magnum excitari incendium passi fuerint; nec enim parvi momenti erat nōsse *Plebem*, & *exequi arcanum*, quo *Patricios in ordinem redigeret*; quod adeo exercuit, ut illis tandem dominaretur, donec ad unum rediret *Summa rerum*, atque in validissimum, ingensque Imperii corpus coalesceret, quod etiam armatæ Legiones labefactarent, evulgato arcano: posse alibi Imperatorem quam *Roma fieri*. Debebat profecto Senatus æquâ Lege Plebi consulere, Patriciorumque superbiam coercere, imò eam arripere occasionem, ut majorem sibi in dies conciliaret auctoritatem, Patriciosque adeo cum Plebe conjungeret, ut meliorum Imperia nedum sponte suâ ferret, sed exoptaret. Plebs enim, quoniam pro Republica militare debebat, æquissimis oportebat institutis moderari.

Trepidâ interim eâ secessione universâ Civitate, novi Consules *Sp. Cassius*, & *Posthumus Cominius* Magistratum inire, & confestim habuere Senatum. Sed iterum sententiis certatum; ac si moderatiùs antehâc fuisset *Appii* ingenium, ut *Plebi*, priusquam hostis fieret, *aris alieni*, & *judiciorum remissionem largiri curâset*, ex sententia, quam armatâ jam Plebe protulit, fuisse maximum certè *Virum* fateri cogeret; nullam enim ad desertores Legationem mittendam censuit, nec æs alienum remittendum, nec aliud quidquam faciendum, quod aliquam timoris aut trepidationis speciem præferret, sed tunc moderatè de illa statuendum, cum positis armis in Urbem reverteretur: externo hosti si ingrueret, obvios Patricios ire, clientelas assumere, cæteramque Plebem, quæ adhuc erat in Officio, eique viritim remissionem æris alieni largiri. Erant enim in aperta seditione cuncta priùs pertentanda, quam cum armatis Civibus velut Reipublicæ parte fœde paciscendum;

& quidem si Dictatorem ut antea Consules dixissent, Plebi acceptum Virum, qui redeuntibus ad Urbem Civibus remissionem æris alieni edixisset, cæteris ut refractariis, & Reipublicæ hostibus bellum indicendo, Senatūque Plebi serio consulturum promississet, dissoluta profectò fuisset armata Plebs, ac seditio nulla cum Reipublicæ jactura composita.

Sed Legatos placuit mitti, quos inter Agrippa Menenius; jamque eorum adventum prævenerat rumor, cum *Lucius Junius Plebejus* vir, acri ad providendum ingenio, pollicetur, se causam acturum Plebis, Præfectumque Castrorum docet, per commentum difficilem ostendi Plebem oportere, ut optimas Leges adipisceretur, melioremque sui conditionem faceret. Cum Legati jam advenissent, multæ habitæ orationes ad suadendam Plebem; sed *Lucius* ille *Junius* prodijt, qui *Bruti* postea cognomen usurpavit, quasi Brutus verè alter, qui Tarquinii tyrannide Cives liberavit, jactabat namque se Patriciorum tyrannide Populum liberasse; gravique oratione in Patricios inVectus, cunctaque exprobrans Populi gesta, quibus coactæ Gentes Imperium Urbis agnoscere, unum postulavit, ut, nempe, *liceret parvos liberos, & Parentes, uxoresque recipere, dum nullimodò in Patriciorum Potestatem venire tantò permittebatur: quis enim, aiebat, sponsor erit, pacta non fore irrita? utrum credemus futuro Senatûs Consulso? nam nondum ullum super hoc negotio factum est, & quid vetat id antiquari posterioribus, quando Appio, & ejus factioni visum fuerit? An dignitati Legatorum suam fidem interponentium? atque per hoc deceperunt nos etiam antehac? An Diis testibus jurejurando firmatâ fide? at hac mihi magis quam humana suspecta est, quando eam à Potestatibus contemni video. Et Societates, quæ inter imperandi avidos, & libertatis tenaces non sponte cœunt, sæpè jam didici, tantisper durare, quamdiu eas conjungit necessitas. Quanam igitur hîc potest intercedere amicitia, ubi non ex animo colemus alteri alteros factionibus observantibus suas opportunitates temporum? Tum Sicinius ex composito magis exasperabat animos. Si vobis, inquit, placet servitutem servire toto vita tempore, & vinculorum, verberum, ignis, ferri, famis, cæterisque injuriis atteri, quid cunctamini projectis armis, & manibus post terga reflexis in Urbem eos sequi? quod si libertatis amore tenemini, nolite eos ferre amplius. Tum loqui aggressus Menenius Agrippa, sermonem clausit fabulâ ad *Æsopæarum* instar confictâ, Civitatem humano corpori similem faciens; cumque vidisset aliquomodo flexas homi-*

hominum mentes, conditiones profert, ut qui solvendo non essent, iis omnibus *as* alienum remitteretur, quorumque corpora elapso jam legitimo termino Creditoribus obnoxia erant, libera essent, quique per Judices additi Creditoribus forent, liberi etiam fierent. Pro futuris autem Contractibus, quidquid iussisset Populus è Senatûs autoritate, servari æquum esse. Sed ingenium Bruti viderat opportunum tempus, quo altiora peterentur; inde: *habenda*, inquit, pro his, qua offeruntur, gratia est; *vereri se tamen futurum tempus, & quorundam animos tyrannicos, nè iras servant, quas per occasionem in Plebem effundant.* Unam porò securitatem esse omnibus, qui se potentiores timent, si certum sit, etiam si velint ladere illi, nocendi potestatem eis defore. Quamdiù enim malis relinquitur potestas malefaciendi, adfore & voluntatem procul dubio. Interrogatusque, qualisnam esset illa securitas: Concedite, inquit, nobis creare Magistratus aliquot nostri Ordinis, qui nullam aliam potestatem habeant, nisi ut oppressis injuriâ Plebeis, & vim patientibus succurrant, nec patiantur quemquam fraudari jure suo. Quare cùm Plebs viro illi acclamasset universa, immota mansit, obfirmataque. Sensit fortasse Senatus, quò tenderent Bruti consilia, licèt viderentur æqua in speciem postulata, cùm nec Plebs petere Magistratus videretur, sed tantum ut auxilium haberet adversum eos; nec enim primò inter Magistratus habebantur Tribuni, sed potiùs pro impedimento Magistratuum. Placuit tamen rem perficere, atque decipiendi Plebem opportunum tempus opperiri, quamquam semper pessimo consilio, cùm esset jam corrupta Respublica, ut infra dignoscetur.

De Tunc igitur actum seriò de concordia, Plebique concessum, *Concordia Patrum, & Plebis, de quæ Tribunis e-* ut suos crearet Tribunos, quæ Curiatûs Comitibus Lucium Junium Brutum, Cajum Sicinium Bellum creavit, cùmque his Cajum, & Publium Licinius, & Sp. Icilium Rugam, vel ut Livius scripsit, Cajum Licinium, & Lucium Albinum, atque hi tres Collegas sibi creavere. Sacratâ item Lege: *Tribunum invitum nemo ut unum è vulgo quidquam facere cogito, nec verberato, nec alium verberare jubeto, nec occidito, nec occidere jubeto.* Si quis contrafecerit, sacer esto, & bona ejus Cereri dicata sunt, & qui eum occiderit, purus à cade esto: Tribunis & securitas parita, & ut quidlibet auderent, addita audacia est; nec tum alicui è Patribus, aut Patriciorum ordine capere Magistratum licebat. Ergo paulatim invasere Rempublicam, potestatemque universam ad se trahere, itâ ut confusi, mistique ordines, promiscua

mixta Connubia, Sacra, Magistratusque universi tandem forent; nec ab eo tempore, quo in Democratiam vergere cœpit Respublica, aliud quàm initia magnorum motuum cernuntur, donec inverso Comitiorum ordine Legislatio ipsa ad Plebem transiit, suaque Plebiscita Populum tenebant universum, nec Senatus-Consultis erat auctoritas, nisi à Plebe confirmarentur, unde Tacitus: pulso, inquit, Tarquinio adversum Patrum factiones multa Populus paravit tuenda libertatis, & firmanda concordia: creatique Decemviri, & accitis, qua usquam egregia, composita 12. Tabula finis aequi juris, nam secuta Leges etsi aliquando in maleficos ex delicto, sapiens tamen dissensione ordinum, & adipiscendi illicititos honores, aut pellendi claros Viros, aliaque ob prava per vim lata sunt. Hinc Gracchi, & Saturnini turbatores Plebis, nec minor largitor nomine Senatus Drusus: corrupti, aut illusi per intercessionem Socii . . . Neque multo post reddita licentia, quoquo vellent, Populum agitandi. Jamque non modò in commue, sed in singulis homines lata quæstiones, & corruptissimâ Republicâ plurima Leges. Efficiebatur enim Demagogi, seu Plebis assentatores Tribuni, Legibusque Agrariis, cæterisque rogationibus perpetuo motu adèd Rempublicam agitarunt, ut tandem collapsa rueret; nec aliud remedium erat, quam bella externa; donec enim Italia universa Romam ut Imperii Sedem agnovisset, & Gallica, Punicaque bella gesta sunt, licet ex Tribunitiis rogationibus, dissensioneque ordinum perpetuo seditionibus, factionibusque Respublica conflaretur, nunquam tamen ad Civile bellum eventum est, quod erupit statim ac nil ab hoste timeri poterat, ut Roma victrix Gentium suis ipsa malis conficeretur. Tunc enim immania bella: Dictatura perpetua, Triumviratus, & denique unius Dominatio nullis certis Legibus, aut succedendi ordine, sed complexione Magistratuum, quorum nomina inaniter assumere videbatur ad Dominatiois vim liberiùs exercendam, retinendamque. Tunc verò Senatus Curia Judicium fuit: Comitia sublata, Populusque ille, nil aliud quàm spectacula, ludosque celebrare, vota que facere pro Dominatore cernebatur; Patricii autem inter se dissentientes variis accusationibus seipso atterebant, certabantque servitio. Atque ita in Legionum potestatem cuncta devenire, dabantque pro lubitu Imperatores, unoque sæpe tempore plures; hinc atrocita inter Legiones ipsas bella; hinc Parentes à filiis, fratres à fratribus interfecti, cum in diversis Legioni-

gionibus militarent; hinc reliquâ tandem Româ aliud Imperii Sedes constituta: divisum Imperium: Italia à Barbaris direpta.

Sed ipsas Reipublicæ inversiones, earumque causas oportet introspicere. Quoniam verò nova semper Magistratuum vocabula deinceps occurrent, cum ipsa Plebs nec Tribunis contenta alios petivisset à suo ordine creari Tribunis subministraturos quidquid opus esset, litesque eorum permissu dijudicatuos, *Ædiumque* sacrarum, locorum publicorum, atque annonæ curam habituros, hocque etiam impetrârunt, eosque tum Ministros, & socios Tribunorum, ac Judices appellabant, postea verò ab officiorum uno *Ædiles* dixere, id est nè sæpius rerum serie interruptâ de iis dicere opus sit, nunc brevissimo excursu eos enumerare visum est, de Tribunis ipsis incipiendo.

Tribunorum igitur nomine *Curatores*, vel *Præfectos* alicui rei significari patet, adeoque *Tribuni militum*, & *Tribuni Ærarii* nuncupati, ac sub Cæsaribus *Tribuni* etiam *voluptatum*, *Matrimoniorum*, *Scholarum*; adeoque *Plebis Tribunis* incumberebat initio contra Magistratus, & Patricios Plebi auxilio esse; unde his in prohibendo duntaxat, non autem in agendo potestas erat. Itaque supplices à vinculis liberare poterant, ædesque eorum dies noctesque patere debebant, nec extra Urbem licebat pernoctare, neque enim ulla extra Urbem Potestas erat, nisi essent Latinæ feriæ, vel si Reipublicæ causâ abesse opus esset. Intercedebant igitur nedum Senatûs Consultis, sed omnium Magistratuum actis, atque etiam alter alteri solemnî illo verbo *Veto*; unde cum Agraria rogatio anno Urbis 309. Tribunis militum Consulari Potestate *A. Sempronio Atriatino*, *M. Papirio Mugillano*, *Sp. Nautio Rutilo*, & *Quinto Fabio Vibulano* à Plebis Tribunis promulgaretur, *Appius Claudius* Nepos ejus, qui Decemvir Legibus scribendis fuerat: *vetus se ac familiare consilium domo afferre*, inquit, *troarum enim suum Appium Claudium ostendisse Patribus viam unam dissolvenda Tribunitia Potestas per Collegiarum Intercessionem: facile homines novos auctoritate Principum de Sententia deduci, si tempus interdum potius, quam Majestatis memor adhibeatur Oratio: pro fortuna illis animos esse, ubi videant Collegas Principes agenda rei gratiam omnem ad Plebem præoccupasse, nec locum in ea relictum sibi, haud gravitate acclinanturos se ad causam Senatûs, per quam universo ordini cum Primoribus se Patrum conciliarent*; Et quidem *Appius* anno Urbis 262, *M. Fabio*, & *Gneo Manlio* Consulibus cum etiam

etiam annus ille Tribunum Legis agrariæ autorem habuisset, vi-
tam, inquit, ad Patres Tribunitiam Potestatem priore anno, in præsentia
re ipsâ, exemplo in perpetuum, quando inventum sit, suis ipsam viribus
dissolvi. Neque enim unquam defuturum, qui & ex Collega victoriam
sibi, & gratiam melioris partis bono publico velit quasitam. Et plures
si pluribus opus sit Tribunos, ad auxilium Consulum paratos fore, & nu-
mum vel adversus omnes satis esse. Darent modo & Consules, & Primo-
res Patrum operam, ut si minus omnes, aliquos tamen ex Tribunis Rei-
publicæ, ac Senatui conciliarent.

Quod tandem sensit Tribunus Lucius Sextius, dum de Le-
gibus promulgandis certabatur: de ære alieno; ut deducto eo de capi-
te, quod usuris pernumeratum esset, id quod superesset, triennio aquis por-
tionibus persolveretur: de re agraria, nè quis plus 500. jugera agri pos-
sideret; deque Magistratibus promiscuè incundis, ut nempe utique
alter ex Plebe Consul esset; cùm enim Collegas, qui Tribunitiis hifce ro-
gationibus intercederent, Patricii comparassent: bene habet, inquit,
quandoquidem tantum intercessionem pollere placet, isto ipso telo tutabimur
Plebem: Agite nunc Comitia, indicite Patres Tribunis militum creandis.
Faxo nè juvet vox ista, Veto, quâ nunc contententes nostros Collegas au-
ditis; adeoque se gessit, ut solitudo Magistratum præter Ædiles,
Tribunosque Plebis per quinquennium Urbem tenuerit.

380.

381.

482.

383.

384.

Tanta autem fuit intercedendi vis, atque potestas, ut qui non
paruisset, sive privatus, sive Magistratus esset, extemplo per Via-
torem in vincula duci juberetur, fiebatque apud Populum reus sa-
crofanctæ potestatis, bonaque amittebat. Cùm autem non inter-
cederent, litera T. subscibebatur, quâ Tribunos censuisse indi-
cabatur, adeoque licet Consul vetare potuisset, nè quid se invito
ad Senatum referretur, Tribunis tamen hoc interdicare nequibat,
imò ad Consulis relationem aliquid addere, vel eam mutare pote-
tas erat, nec si Consul referre noluisset, Tribunus id facere, aut
ejus relationi intercedere prohibebatur, nec si intercessisset, aliud
erat remedium, quàm ad Populum referre, licet procedentibus tem-
poribus adeò sacrosanctâ illa potestate abusi fuerint, ut quæ non
placerent, cuncta rescinderent, Tributorum Collationes, militumque
delectum prohiberent; Senatum, Populi que Comitia pro arbitrio
cogerent, ac dissolverent, Legesque, seu Plebiscita figerent, quæ
post Legem Horatiam anno Urbis 304. & Legem Hortensiam latam an-
no 466. universum Populum tenebant, unde inquit Justinia-
nus,

nus (a) *Sed & Plebiscita Lege Hortensia non minus valere, quam Leges caperunt.* Agros etiam, Vectigalia, pecuniam publicam, Provincias, & Magistratus quibuscumque pro libitu dabant, adimebantque. Hinc Cicero de Legibus 3. *Plebs, inquit, quos pro se contra vim auxilii ergo creasset, Tribuni ejus sunt, quodque iis prohiberent, quodque Plebem rogassint, ratum esto.* Cum Patribus, Populoque agendi jus habento, iidem ad Plebem, quod censuerint, ferunt. Sanctique sunt, neque Plebem orbans Tribuni relinquant; quare jure optimo ibidem inquit, *natâ Potestate Tribunitiâ gravitatem Optimatum cecidisse, & convaluisse jus multitudinis.* Creati ergo semper ex Plebe fuere, unde Patriciorum ad Plebem ex adoptione transire mos, ut Tribunitiam Potestatem assequerentur, nec in Senatum admittebantur, sed ante valvas Curiae sedebant in Subsellis, licet Senatum habere possent. Postea vero *Plebiscito* etiam cautum fuit, ne quis nisi Senator plebejus *Tribunus plebis* crearetur. Et licet ab initio 5. fuerint, ut diximus, ii tamen anno Urbis 297. ad 10. aucti fuere, & Comitibus *Tributis* creabantur, illisque praeerat unus ex *Tribunis plebis* sorte ductus; si vero Comitibus dirempta essent, antequam Tribuni 10. crearentur, reliquos Collegae cooptabant, licet hoc *Trebonia Lege* anno Urbis 305. fuerit abrogatum, & Lege cautum, ut qui *Tribunos plebis* in annum sequentem non creassent, vivi cremarentur. Magistratum autem inire solebant quarto Idus Decembris.

Sylla tamen armis oppressâ Republicâ *latâ Lege* anno Urbis 272. sanciri curavit, ne qui *Tribunus plebis* fuisset alium deinceps Magistratum caperet, neve iis jus esset concionandi, vel Leges ferendi, neve ad eos provocaretur, adeoque auxilium duntaxat, nudamque intercessionem iis reliquit. Sed Cotta primum Consul potestatem Magistratus capiendi restituit. Omnia vero Pompejus ille, qui Magni cognomen meruit, atque ita usque ad Julii Caesaris necem perstitit. Translatâ deinceps in Augustum, reliquosque Caesares Senatorum-Consulto Tribunitiâ potestate, usque ad Constantini Magni tempora videtur Simulacrum perdurasse, cum postea subsecutos Caesares nec vocabulo usos fuisse legatur.

De
Aedilibus.

Aediles autem, de quibus diximus, ita nuncupati, quoniam *Plebiscita* in Aede Cereris asservabant, seu etiam, quia curarent cum publicas tum privatas Aedes, fueruntque *plebei Curules, & Cereales.* Plebei vero eodem tempore, quo *Tribunus plebis* creati fuere, initio quidem

(a) *Insit. I. Tit. 2, §. 4.*

quidem *Curiatii Comitii*, sed post *Legem Publiliam*, ut reliqui minores Magistratus, *Tributis*. *Curules* verò anno Urbis 387. creati sunt, ut solemnes curarent ludos; cùm enim propter nova Plebis certamina oportuisset Consulatum etiam promiscuum reddere, Senatui placuit partâ concordia diem unum ludis maximis adiacere, cùmque recusassent id munus plebei *Ædiles*, Patriciis datum est a dolescencibus, qui alacres fuere *Deorum causâ* eam curam suscipere, atque ita duo *Ædiles* facti sunt, licet sequenti anno & hic Magistratus Plebi communis evasisset. Dicebantur autem *Curules*, quoniam *curuli sella* ut majores Magistratus utebantur. Additi hinc anno Urbis 709. à Julio Cæsare duo alii, quibus annonæ curam commisit, unde *Cereales* dicti, semperque è Patriciis creati. De *Ædilibus* autem Cicero de Legibus 3. ita loquitur: *Santoque Ædiles Curatores Urbis Annonæ, Ludorumque solemnium, illisque ad honoris amplioris gradum is primus adscensus esto.*

Igitur propter curam Urbis cùm publica tum privata curabant *Ædificia*, *Templa* nempe, *Porticus*, &c. privata verò, nè lapsa ruerent, locaque etiam publica, vias, *Balneæ*, &c., coercerant luxum, libidinesque fornicum, & *Popinarum*, multaque alia ad tuitionem Urbis pertinentia exercebant, ritus quoque funerum curabant, utque nè *Dii*, vel *Sacra peregrina* in Urbe colerentur, satagebant.

Municipia etiam duos *Ædiles* habuere, qui tamen *Censorum* vices obire videbantur, licet in aliquibus nulli alii Magistratus crearentur, hinc *Summi Ædiles* à *Juvenali* nuncupantur. (a)

Quamvis autem inter Magistratus Romanorum *Ædiles* numerentur, non tamen vocationem, aut præhensionem habebant, nec *Lictoribus*, vel *Viatoribus* utebantur; sed servis duntaxat publicis: hinc etiam à privato in jus trahebantur, ut infra fusiùs disseremus.

Origo autem *Quæstoribus* creandis antiquissima est, & penè ante omnes Magistratus; ipsum enim *Romulum* & *Numam Pompilium* binos *Quæstos* habuisse, quos ipsi non suâ voce, sed *Populi suffragio* creabant, opinio est. Sed sicuti dubium est, an *Romulo* & *Numâ* regnantibus *Quæstor* fuerit, ita *Tullo Hostilio Rege Quæstos* fuisse certum est. Sanè crebrior apud *Veteres* opinio est, *Tullum Hostilium* primum in *Rempublicam* induxisse

U 2

Quæ-

De
Quæstoribus.

Quæstores. Creati postmodum à Consulibus ad annum Urbis 307. unde Tacitus : (a) *Sed Quæstores, inquit, Regibus etiam tum imperantibus instituti sunt, quod Lex Curia ostendit à Lucio Bruto repetita, mansitque Consulis potestas deligendi, donec eum quoque honorem populus mandaret, creatique primum Valerius Potitus, & Mamilius Mamertus 63. anno post Tarquinius exactos, ut rem militarem comitarentur: Dein gliscientibus negotiis duo additi, qui Romæ curarent. Mox duplicatus numerus stipendiariâ jam Italiâ, & accedentibus Provinciarum Vectigalibus. Post Lege Sylla 20. creati supplendo Senatui, cui Judicia tradiderat, & quanquam Equites Judicia recuperavissent; Quæstura tamen ex dignitate Candidatorum, aut facilitate tribuentium gratuito concedebatur, donec Sententia Dolabella velut venundaretur. A Julio Cæsare verò 40. sunt facti, quorum quidam à Populo, quidam ab Imperatore creati videntur: ex his tamen 2. tantummodò sortiebantur Ærarium, qui Urbani dicti fuere, reliqui verò Provinciales, seu milites dicebantur.*

Urbanorum autem munus erat præcipuum Ærarii cura quod in Æde Saturni asservabatur. Leges quoque & Senatûs-Consulta custodiebant, signaque militaria ex Ærario ad Consules dum proficisciebantur cum exercitu mittebant; prædam ex hostibus, bonaque damnatorum vendi sub hasta curabant, &c.

Provincialium verò munus erat, tum Consules, tum Prætores in Provincias, quas sortiebantur, comitari, utque stipendia, & annona Exercitui suppeterent, curare; omniumque rationem ad Ærarium referre; pecuniam militum privatam apud signa depositam custodire, jurisdictionemque à Præsidibus mandatam exercere, unde eorum munus, quoties Provinciâ decessissent, Quæstores obibant.

Quæstores autem Urbani nec Licetorem, nec Viatorem habuere, cum vocatione, vel præhensione carerent. Militaribus autem, seu Provincialibus Licetores aderant saltèm absente Præside. Quæstura autem fides, Ædilitatis magnificentia, Prætoris diligentia & integritas viam ad Consulatum sternebant. Gerèbatur Quæstura circa 27. aut 28. ætatis annum, quique eo Magistratu functus erat, in Senatum admittebatur, licet nondum Senator esset; sub Imperatoribus autem nunc abrogata, nunc restituta Quæstura est, aliisque Ærarii Præfectura mandata, exorto alio Quæstorum genere.

Can-

Candidati nempe Principis, qui Epistolas ejus in Senatu legebant; *Quæstores* etiam Palatii, qui ferè cum Cancellariis hujusce temporis conveniunt, de quibus tamen alibi.

Prætor autem primò creatus est anno Urbis 387. Sp. Furius Camillus, nedum ut *jus diceret*, nam Consules frequentibus bellis impliciti non ampliùs juri dicundo vacare poterant, sed ut communicato cum Plebe Consulatu *Patriciorum peculiaris alter Magistratus* esset; creabatur autem *Centuriatis Comitibus*, iisdemque auspiciis ut Consules. Anno autem Urbis 510. creatus est *Peregrinus* etiam *Prætor*, qui nempe inter Cives & peregrinos jus diceret, unde alter Urbanus vocabatur, atque honoratus, jusque Edictis ejus ortum, *honorarium*. Sed anno Urbis 526 duo additi, qui Sardiniam & Siciliam jam redactas in Provinciæ formam regerent, ut & ad Hispanias regundas anno 556. duo alii creati sunt. Anno tamen 561. Lege *Bebbia* constitutum fuit, ut alternis annis 4. duntaxat crearentur, quorum duo *Urbanus* nempe & *Peregrinus* in Urbe manerent, reliqui ad sortitas Provincias deberent proficisci; constitutis autem *Quæstionibus* perpetuis anno Urbis 605. *Prætores* Urbanus & *Peregrinus* jus dicebant in causis privatorum, 4. alii eas à Senatu pro temporum statu decretas exercebant, primæque fuerunt *de repetundis, de ambitu, de Majestate, deque peculatu*. Sylla his adjecit *Quæstiones de falso*, quod Judicium etiam adversus monetarios exercebatur, *de Sicariis, & Parricidis, & Veneficis*. Deinceps autem plures aliæ adjectæ sunt, ut *de corrupto Judicio, deque vi publica & privata*, licet etiam extra ordinem aliquando *Populus*, vel *Senatus* de criminibus cognosceret.

Eaque de causa Syllam ad 10. *Prætores* auxisse scripsere nonnulli, quod certè Julius Cæsar effecit anno Urbis 707. qui etiam ad 14. ac tandem ad 16. auxit. Augustus autem 12. primò creavit, & deinceps 16., quibus Claudius adjecit duos, ut de *Fidelitatis commissis* jus dicerent, è quibus unum detraxit Titus, Nerva restituit, jussitque *inter privatos, & Fiscum* jus dicere. Marcus autem Aurelius Antoninus vulgò Philosophus *Tutelarem* etiam *Prætorium* instituit. Sed decrecente paulatim Imperio *Prætorum* numerus etiam minuebatur, ità ut *Valentiniani, & Marciani* temporibus 3. duntaxat crearentur, qui *Justiniani* ætate creati quoque desivere.

Utebatur autem *Prætor* *Lictoribus cum fascibus* saltèm extra

Urbem, duoque ad minimum semper prestò esse tenebantur; *toga* etiam *prætexta*, quam primo Magistratùs die in Capitolio sumebat, *sellæque Curuli*, quæ in Tribunali, quod erat altior locus, in Emicycli formam ponebatur. *Hæsta* quoque & *Gladus* in jurisdictionis & Imperii signum insignia ejus fuere.

Curabat autem quoque ludos, præsertim qui in Circo debebant celebrari, ut *Megalenses*, *Florales*, &c. Absentibus verò Consulibus eorum fermè munia obibat, nam Senatum cogebat, sententias rogabat, Comitia, & Conciones ad Populum habebat; sed præcipuum munus jurisdictio erat, unde Cicero (a) *Juris*, inquit, *disceptator, qui privata judicet, judicariæ jubeat, Prator esto. Is Juris Civilis custos esto, huic potestati parens*. Hinc *Juris Quiritium* custos dicebatur, de quæ ejus edictis cum peregrinus Prator, tum provinciales Leges edicebant suas, unde Prator quoque *Maximus* dictus est, Jurisdictionemque tribus duntaxat verbis effabatur, *Do nempè, Dico, & Addico*, quibus dandi judicii, ferenda sententia, judicatumque exequendi potestas significabatur; cognoscebatque cum è Tribunali per Decretum, tum de plano sive per libellum in causis minimis, factis solummodò diebus, quasi scilicet iis duntaxat illa verba fari liceret; conscribebat autem electorum Judicum Decurias juratus ex eo ordine, penes quem Judicia erant, ex Decuriis verò tum ipse, tum alii Prætores sibi Judicum Concilia sortiebantur; atque initio magistratus in *Albo* Edictum proponebant, juxta quod eo anno jus dicturus esset, unde *Lex annua* dicebatur, juxtaque Edicta anno Urbis 686. jussi sunt perpetuò jus dicere, cum quandoque ab iis discedere consueissent, quæ *Hadriani* temporibus *Salvius Julianus* in unum collegit, quod *Edictum perpetuum*, seu *ipsi summet honorarium Jus* fuit appellatum; procedentibus verò temporibus nil ferè præter ludorum curam Pratoribus relictum fuit. Quare Boëtius *Prætorum* vocat inane nomen, & Senatorii Censûs Sarcinam gravem.

De
Præse-
to Ur-
bi.

Præfæctus verò Urbi initio Reipublicæ fuit, cum enim Reges; & postea Consules ad bella proficiscerentur, aliquem substituebant, qui Regia, vel Consularia munia obiret, & hic *Præfæctus Urbi* dicebatur; nedum igitur Senatum habere, eum consulere, sed cum Populo agere, adeoque *Censuriata Comitia* celebrare poterat, quanquam pro Comitii Magistratum Dictator potius creabatur, si opus erat; sed creato Pratore, cum ipse *Consulum* munia obiret, *Simulacrum* dun-

(a) De Legib. 3.

duntaxat mansit, ob Latinas Fetias Religionis causâ, unde: *Antea*, Tacitus inquit, (a) *profectis domo Regibus, ac mox Magistratibus, ut Urbs sine imperio foret, in tempus deligebatur, qui jus redderet, ac Subditis mederetur.* Feruntque ab Romulo Dentrem Romuleum, post ab Tullo Hostilio Numam Martium, & ab Tarquinio Superbo Sp. Lucretium impositos. Deinde Consules mandabant, duratque Simulacrum quotiens obferias Latinas praeficitur, qui Consulare munus usurpet. Caterum Augustus bellis Civilibus Cilnium Macenatem Equestris Ordinis cunctis apud Romanam, atque Italiam proposuit. Mox rerum potitus ob Populi magnitudinem, ac tarda Legum auxilia sumpsit à Consularibus, qui coercerent servitia, & quod Civium audaciâ turbidum, nisi vim metuat, unde quasi Vicarius Principis erat, & omnia omnino crimina sibi vindicavit, nec tantum ea, quæ intra Urbem, verum extra quoque, ut disertè L. i. ff. de Officio Praefecti Urbi continetur; Judicia porro publica, in quibus nempe de criminibus quaerebatur, olim à Quæstoribus extra ordinem à Populo constitutis exercebantur, quoniam de Capite Civis Romani injussu Populi non erat Lege permissum Consulibus jus dicere, unde Quæstores parviciidii appellabantur, quorum etiam meminit Lex XII. Tabularum. Verum anno Urbis 605. constitutis Quæstionibus perpetuis, ut diximus, quatuor Praetores eas exercebant, licet aliarum etiam, vel ob atrocitatem, vel ob criminis novitatem tum à Populo ipso in Comitibus, tum à Quæstoribus ab eodem extra ordinem constitutis exercerentur; nam de incestu Vestalium extra ordinem quaesivit Lucius Cassius Longinus, & de nece Clodii Lucius Domitius Aenobarbus, & Marcus Æmilius Scaurus à Quinto Vario Hispano accusatus, quod Socios ad arma concitaverit, causam dixit apud Quæstorem extraordinarium Quintum Coepionem, dixitque: *Quintus Varius Hispanus Marcum Scaurum Principem Senatorum socios in arma ait concitasse; Marcus Scaurus negat, testis est nemo, utri vos convenit credere?* Unde dimissus est. Cum autem aliquis ad Populum, seu à Tribuno plebis, seu ab alio Magistratu accusabatur, è rostris Populo ipso per Preconem convocato, dies dicebatur ad audiendum objectum crimen, atque si capitale esset, *Vades*, si autem mulctam merebatur, *Frades* à Reo petebantur, quos si dare neglexisset, usque ad indictam diem in Carcere servabatur; die autem Judicii Reus per preconem è rostris citari debebat, & si non comparuisset, neque excusatus esset, nullusque par, aut major Magistratus intercessisset, *multa ei dicebatur.* Eo autem

(a) *Annual. 6.*

com.

De Judiciis
Romanorum.

comparente Accusator per Testes; aut ex Tabulis accusationem instituebat, eamque intermissâ die peragebat, pœnamque aut mulctam pro arbitrio dicebat, quæ *Anquisitio* appellabatur; postea verò rogationem scriptam, quâ crimen & pœna continebatur, per tres nundinas promulgabat, ipsisque tertiis nundinis quartam accusationem peragebat; tumque potestatem reus habebat ad dicendum, post quæ Magistratus, à quo accusatio instituebatur, diem Comitii edicebat, vel si *Tribunus plebis* esset Accusator de crimine *perduellionis*, diem Comitii à majore Magistratu petebat; tumque sordidatus reus cum amicis supplex Populum prensabat; Judicium namque suffragiis peragebatur, & reus vel majori suffragiorum numero absolvebatur, vel damnabatur, nisi intercessio secuta esset. Judicium autem aliquando *auspicis*, vel *excusatione aliqua morbi*; *exilii*, aut *funeris causâ* differebatur, ut etiam, si diem accusator produxisset, aut accusationem deseruisset. Aliquando autem Pater ipse privatum Judicium peragebat, ut alibi diximus, & quidem *Titus Manlius Torquatus* Juris-Consultus servato Judicii ordine causam filii *Junii Syllani* Pratoris cognovit, audivitque domi per biduum Legatos Macedonum, qui conquestum venerant apud Senatum, quod acceptis pecuniis Provinciam spoliasset; tertiâ autem die hanc protulit Sententiam: *Cum Syllanum filium meum pecunias à sociis accepisse mihi probatum sit, & Republicâ, & domo meâ indignum judico, protinusque è conspectu meo abire jubeo; cumque suspendio vitam finisset, nec funeri interfuit, sedensque domi eos audivit, qui eundem ex instituto consulebant.*

De ordine autem publici Judicii coram *Pratoribus*, deque privatis Judiciis inane duximus verba facere, cum apud Authores passim de iis sermo habeatur.*

Esset nunc de cæteris Romanorum Magistratibus mentio facienda, quoniam verò major eorum pars ad Provinciales refertur Magistratus, & alii florente Imperio viguere, eos verò, qui Reipublicæ temporibus creati sunt, partim commemoravimus, partim etiam infra ipsorum originem, progressumque agnoscemus, idèd è diverticulo redeunt in viam, nedum Reipublicæ motus, sed interitum à *Tribunitia Potestate* tunc primum adèd levi de causa in Rempublicam invec̃ta processisse fatendum est; nec propterea duntaxat *Agraria Leges*, quæ effectus erant Tribunitiæ Potestatis, sed *Tribunorum* creatio ob illam secessionem Plebis in Sacrum Mon-
tem

tem propter Creditorum sævitiam, cui *Optimates* mederi fas erat, Rempubicam labefactavit, atque propterea dum *Optimates* Plebe abutebantur, eorumque potentiam studebant intendere, ad *Oligarchiam* vergentes, totam ferme amisere, paulatimque in Plebis potestatem incidisse visi sunt. Quæ quantum invisa Patriciis fuerit, *Martius Coriolanus* datâ occasione, dum, Caritas annonæ Urbem oppri-
meret, demonstravit : Si annonam, inquiens, veterem volunt, jus dicio *De Ju-*
pristinum reddant Patribus. Cur ego plebejos Magistratus, cur Sicinium *riolani.*
potentem, pollentemque video sub jugum missus, tanquam à latronibus redemptus ? Egone has indignitates diutius patiar, quàm necesse est ? *Tarquinium Regem, qui non tulerim, Sicinium feram !* immaneque præbebat consilium, Plebem, scilicet, aded fame premendam esse, frumento ex Sicilia advecto denegato, ut extortâ secessione, ac vi Patribus jura reddere adigeretur, quod erat in desperationem Plebem ipsam vertere, ut pejora etiam auderet atque immania ; jamque irata clamitabat : fame se sicut hostes peti, cibo victuque fraudari : peregrinum frumentum, quæ sola alimenta ex insperato fortuna dederis, ab ore rapi, nisi Cajo Martio vincli dedantur Tribuni, nisi de tergo Plebis Romana satisfiat. Eum sibi carnificem novum exortum, qui aut mori, aut servire jubeat. Igitur in exeuntem è Curia impetus factus esset, nisi peropportunè Tribuni diem dixissent. Atque ità potestatem suam exserere cœpit Sacrosanctum ille Tribunatus, Plebe ad judicandum admisâ, capitalia de Patriciis exercendo judicia, nec Centuriatis Comitibus, quibus advertabant, *Optimates* plus posse, sed Tributis agitata, ut Populi judicium penes Plebem esset ; cumque venisset dies, Tribunus ille Sicinius, quem nec ferre posse jactaverat Martius, cum accusat affectata tyrannidis ; quo crimine cum absolvi cerneret, aliud profertur, prædâ, nempe, hostium fraudasse Rempubicam ; Lex enim erat, nè Ducem quidem Exercitus in eam jus habere, nedum privatum aliquem, sed Quæstoris esse eam vendere, atque referre pecuniam in Ærarium ; criminabatur autem prædam ex Antiate Agro amicis largitum fuisse. Ità precantes Patres, supplicesque Plebs vidit pro Martio : unum sibi Civem, unum Senatorem si innocentem absolvere nollent, pro nocente donarent. Sed cum ille judicio non adfuisset, perpetuo damnatus exilio in Volscos abiit, quorum Dux factus, bellum movit contr. Patriam, 5000. ab Urbe passuum positis Castris, missosque de pace Oratores respuit : memorem se, inquiens, & Civium injuriæ, & hospitum beneficii ; adversum, ut

appareat, exilio sibi irritatos, non fractos animos esse. Sacerdotes quoque suis insignibus velatos supplices repudiavit Martius. Tum Mater Veturia, Uxorque Volunina, incertum an publico Consilio, Castra adeunt cum liberis, nepotibusque; & Coriolanus propè ut amens consternatus à sede sua, cum ferret Matri obviæ complexum, mulier in iram ex precibus versa: Sine, sine, priusquam complexum accipio, sciam, inquit, an ad hostem, an ad filium veniam: captiva Mater nè in Castris tuis sim. In hoc me longa vita, & infelix senectâ traxit, ut exulem te, deinde hostem viderem. Potuisti populari hanc terram, qua te genuit, atque aluit? Non tibi, quamvis infesto animo & minaci pervenias, ingredienti fines, ira cecedit? non cum in conspectu Roma fuit, succurrit: intra illa moenia domus ac penates mei sunt, Mater, Coniunx, liberique? ergo ego, nisi peperissem, Roma non oppugnaretur; nisi filium haberem, in libera Patria mortua essem. Sed ego nihil jam pati, nec tibi turpius quam mihi, miserius possum: Nec ut sim miserrima diu futura sum. De his videris (filios, & uxorem ostendens) quos, si pergis, aut immatura mors, aut longa servitus manet. Virumque jam personam Civis exutum, quem Legati, Sacerdotesque non flexerant, muliebres quarele vicere; ita nec dum oportebat, se gessit ut vir, nec dum Romæ fuit, elatos adeo gerendo spiritus, ut bonus Civis. Sed ille impetu, non consilio ducebatur; quare uxorem, ac liberos amplexatus, Exercitum ex Agro Romano abduxit, exulque periit.

*De Spur-
rio Cas-
sio Viscellino.*

Sed fecundior seditionum, Urbanorumque motuum seges Spurio Cassio Viscellino Consule atque Authore orta. Is enim devictis Volscis, atque Hornicis, Regni cupidine flagrabat; neque propterea Plebem Romanam duntaxat, sed Hernicorum, cum quibus *authoritate Senatûs* foedus pepigerat, atque in Societatem, amicitiamque Populi Romani instar Latinorum receperat, sibi conciliare nitebatur; hinc advocatâ Concione, haud modò hostibus duntaxat *ademptum agrum* Romanæ Plebi, Hernicis, Latinisque dividendum, sed *publicum etiam* à Nobilibus, Divitibusque occupatum dividi oportere pro Concione differuit: Tumque primùm occupati agri dividendi mentio facta est, *Lexque Agraria*, quæ nunquam sinè maximis Reipublicæ motibus proposita, agitataque fuit, promulgari cœpta; de qua propterea pauca præfari necesse ducimus. Atque absolute *Agraria Lex* tum in agro hostibus occupato dividendo inter Plebem versabatur, tum etiam cum Colonis dividendus esset, nempe cum

*De Lege
Agraria.*

Colo-

Colonia deduceretur, tunc enim *Senatûs-Consulto*, & *Lege* nedum eorum, qui deducendi essent in agros, sed quot agri jugera singulis assignari oporteret, cavebatur; limitesque in agrorum divisione præscribentur; quare Magistratus, *Triumviri* nempe, seu *Quinquiviri Colonia deducenda* creabantur, qui Civibus in forum vocatis dare nomina jubebant, sique plures, seu pauciores nomina dedissent, quàm *Senatûs-Consulto*, & *Lege* cautum esset, recurrebant ad sortes. Hi autem *accepto Imperio*, *captisque auspiciis*, Cives ex Urbe in agrum sub vexillo deducebant, quasi Exercitum ducerent, alterque eorûm præerat ut summus Dux. Agrum autem circumscribebant aratro junctis ad jugum *Tauro*, & *Vaccâ* albicollibus; postea verò dividebant designatis limitibus, statutisque terminis. Limites autem aut *Decumani* vocabantur, qui Orientem, & Occidentem respiciebant, aut *Cardines*, qui Meridiem, & Septentrionem, alias etiam dicti Proxi ab Occidente in Orientem, atque à Septentrione ad Meridiem Transversi, prius namque *Decumanos* à mensura 10. actuum nuncupabant, erantque multarum specierum, ut *Actuarii*, *Augassei*, *Austrinales*, *Cardines*, *Colonicæ*, *Cultellarii*, *Decumani*, *Diagonales*, *Dodecimani*, *Egregii*, *Gallici*, *Gracchani*, *Hypothenseles*, *Intercisvi*, *Juliani*, *Linearii*, vel *Subruncivi*, &c. ut quoque *Termini*, quorum præsertim nominantur *Area* in quadrifinio, *Botontones*, *Canabula* *Congeries Carbonum*, qui mixti essent cum *Calce*, *Cisterna* cum termino ex vivo lapide, *Cypressus*, *flumen*, *fossa*, *glarea fluminis*, *Ermula*, *Imbrices*, *Lapis*, *Cumulus lapidum*, *Lapis intra lapidem* in *Trifinio*, *Laternulus quadrangulus*, &c. Ponebantur autem *Termini* adductis victimis sine macula, latisque lapidibus, quos erant consecraturi igne, *thure*, *omniisque frugum genere*; tunc faciebant fossas, proximâque loca *unguento*, vel oleo ungebant, ac maculatâ victimâ sacrificabant Deo *Termino*, ponebantque faces ardentes in fossis, quibus coopertis instillabant sanguinem victimæ, projectisque *thure*, ac *frugibus*, dum omnia Ignis consumplisset, lapides ponebant super calidas reliquias, eosque firmabant. Lapidem autem secundum numerum agros possidentium, qui se vicinitate attingebant, ponebantur; unde si tres erant, *Trifinium* dicebatur locus, ut *Quadrifinium* si 4., omnesque sacrificabant, renovabantque *Sacrificium* singulis annis; Lapidem autem diversimodè nuncupabantur, alii enim erant *siliceni*, alii *gallicenses*, *aspratiles*, *augustei*, *cesales*, *romatici*, *ullagores*, *cultellati*, *decussati*, *dolati*, *egregii*, *formales*, *grammati*, *gemelli*, *Isoscelles*, *Isopleuri*, *muti*, *parallelogrammi*, *rhombi*, *rhomboides*, *rigores*, *sarcophagi*, *scaleni*,

De modo deducenda Colonia.

De Limitibus.

De Terminis.

scutellati, signiferi, trapezii, trigoniligonii, trigomontagonii, offigonii, &c. Eos autem literis significabant, quarum *A. finem in proximam, vel aquam vivam notabat. B. Bifurtium, vel Trivium. C. Centuriam. D. Decimanum. E. Vallem ante se rivum, seu flumen, superque sub loco restiore limitem per planitiem. F. Terminum in longinquo. G. Limitem tortuosum auctorem sui termini. H. grandes longitias Limitum, & signa rariora in fine. I. viam, vel rigorem collis, seu collem. K. Cardinem. L. terminum grammatum, & Aream finalem in longinquo, & Convallia in fine ejus fundi. M. fines quadras, & signa finalia in proximo. N. aquam proximam, fines quadras, & Aream marmoream à Septentrione; O. Sylvam à parte Septentrionali, & rivum currentem per ipsam Sylvam, & signa trans rivum. P. Pedaturam. Q. Rivum à limite. R terminus per Collicellum. S. multas aquas vivas supra possessionem, qua transirent alveum. T. trifinium. U. terminum in collem meridiano per limitem Orientalem. X. quadrifinium, & finem pro Decumano. Y. fontanam proximam sub se. Z. denique fontem à parte sinistra.*

De Legibus limitaneis.

Fueruntque de Terminis, ac Limitibus latæ Leges, quarum celebriores *Peducas, Aliena*, ac *Flavia* fuere; earumque primâ itâ cavebatur: *Qua Colonia hâc Lege deducta, quodve Municipium, Praefectura, Forum, Conciliabulum constitutum erit; qui ager inter fines eorum erit, qui termini in eo agro statuti erunt, quo in loco terminus non exstabit, in eo loco, is cujus is ager erit, terminum restituendum curato, utque rectè factum esse velit, idque Magistratus, qui in ea Colonia, Municipio, Praefectura, Foro, Conciliabulo, juri dicundo præsit, facito ut fiat. Aliena verò: Qui limites Decumani hâc Lege deducti erunt: quacunque fossa in eo agro erunt: qui ager hâc Lege datus, assignatus erit, nè quis eos limites Decumanos, nè obsepito, neve eos arato, neve eas fossas obstrato, neve quis sepito, quo minus aqua ire fluere possit. Si quis adversus ea quid fecerit, 4. viris Colonis, Municipibusve ejus, in quorum agro id factum fuerit, damnas esto. Et Lege Flaviâ: qui hâc Lege Coloniam deduxerit, Mancipium, Praefecturam, Forum, Conciliabulum constituerit in eo agro, qui ager intrâ fines ejus Colonia, Municipii, Fori, Conciliabuli, Praefectura erit, limites Decumani ut fiant, curato, quique fines itâ statuerit, si fines eorum sunt, dum nè extra agrum colonicum Territorium fines ducat, quique termini hâc Lege statuti erunt, nè quis quem eorum ejicito, neve commoveto, sciens dolo malo. Si quis adversus ea fecerit, is in terminos singulos, quos ejecerit, locove moverit, sciens dolo malo, 25. in Publicum eorum, quorum intrâ fines is ager erit, dare damnas esto, idque ea re Curatoris, qui hâc Lege erit, jurisdictio,*

Etio, Recuperatorumque datio, additio esto. Cum recuperator hac Lege non erit, tunc quicumque Magistratus in ea Colonia, Municipio, Praefectura, Foro, Conciliabulo iuridicundo praerit, ejus Magistratus de ea re iurisdictionis, iudicisque datio, additio esto. Inque eam rem is, qui hac Lege iudicium dixerit, testibus publice duntaxat in res singulas 10. denunciandi potestatem facito, ita ut e Republica, fideque sua videbitur. Et si is, unde ea pecunia petita erit, condemnatus erit; eam pecuniam ab eo, de bonis ejus primo quoque die exigito, ejusque pecunia, quod receptum erit, partem dimidiam ei, cujus unius opera maxime is condemnatus erit, partem dimidiam in Publicum redigito. Quo ex loco terminus aberit, si quis in eum locum terminum restituere volet, sine sua fraude liceto facere, neve quid, cui, is ob eam rem hac Lege damnas esto.

Urbis autem Agrum, ut diximus, primus divisit Romulus; postea verò Numa assignavit etiam novis Civibus, cum ex eo, quem Romulus postremo coeperat ex hostibus, tum ex eo, quem in usum Reipublicae servaverat. Tullum verò Hostilium etiam partem assignavit, quā Romulus & Numa pro Regis Patrimonio, proque sumptibus Regiae Familiae utebantur. Servius autem Agros Caeritibus, Tarquinienis, Vejentibus adeptus divisit novis Civibus. Sed anno Urbis 246. exactis Regibus Senatus-Consultum in Sententiam Lucii Junii Bruti factum est, ut Ager Tarquinii Superbi divideretur in Plebem, uno tantum Campo exempto, qui situs erat inter Urbem & Fluvium, qui jam antea Marti sacer erat, & Juventus in eo armis exercebatur. Tarquinium autem, Religionem contemptum, suis segetibus oppleverat; mansitque deinde sacer, nam nec fruges asportari permissum fuit; effusaeque in Tyberim, cum vadis adhæssissent, illitæ limo Insulam effecere, quæ, Æsculapio sacra, adeo crevit additis molibus, ut emens Area, firmaque Templis, ac Porticibus sustinendum evassisset.

Cum igitur Patricii publici Agri partem occupassent Magistratum incuriam, Caput illud Agrariae Legis, quo Possessoribus agros eripi, atque in Plebem dividi jubebatur, seditiones excitabat, ut & illud anno 385. latum Lucii Sexti, & Cassi Licinii Tribunorum plebis rogatione, ne quis ultra 500. Agri jugera possideret, pecoris majoris 100. capita, 500. minoris; cætera enim Agrariae Legis Capita, quibus quis Ager, quibusque hominibus, & quomodo dividi oporteret, jubebatur, sine ullo Civitatis motu ferebantur. Cassius igitur primus eam pestem in Rempublicam invexit; cum enim homines naturâ omnia concupiscere apti sint; nec qua capiunt, assequi

detur, ideo in eo, quo fruuntur bono nunquam acquiescunt; hinc propterea Romana Plebs nec creatione Tribunorum contenta, quam necessitate obtinuit, statim cupiditatem exeruit, æquandi cum Patriciis fortunas ac Magistratus. Contentio autem fortunarum quoniam plus afficit hominum animos, Republicam perdidit; propter eam namque ad arma tandem ventum est, adeo ut bellis Civilibus attrita Respublica in Demagogorum primò incidit potestatem, postea verò interitum pati debuit.

Erat cum *Sp. Cassio Proculus Virginius* Consul; utrique autem, licet diversâ incederent viâ, Plebi nimium indulgebant; Virginius namque Civibus tantummodò Romanis agros assignari censebat; sed de publico, qui à privatis possidebatur, tempus non ferebat loqui, nimis enim erat antiquatum malum, nec propterea poterat sine Reipublicæ motu corrigi. Addidit *Cassius*, ut magis sibi reconciliaret Plebis animos, acceptam pecuniam pro Siculo frumento Plebi restituendam esse, adeo ut suspicionem Regni moverit, suamque propterea mercedem Plebs aspernata, eum deseruit; atque illi, postquam Magistratu abivit, diem dixere *Caso Fabius*, & *Lucius Valerius Quæstores*, quâ affectata tyrannidis reus à Populo habitus, damnatus, ductusque in foro è rupe spectante Populo præceptus datus; licet alii ipsummet *Cassii* Patrem cognitâ causâ domesticâ animadversione verberatum necesse scripserint, peculiumque filii *Cereri* consecrâsse; unde signum ex ære factum, inscriptumque: *Ex Cassia familia datum*. Sed *Ædes* publicè dirutæ iudicium Populi fuisse arguunt. Interim tamen *Senatus-Consultum* scriptum erat, ut *Decemviri creati è Consulibus natu maximi*, terminato agro publico, pronunciarent, quantum ejus locandum fuerit, quantum dividendum Populo; utque Socii Jus Civitatis adeptis, si quis posthâc ager communi militiâ partus fuerit, sua cuique portio ex fœdere contingeret. Electionem autem *Decemvirorum* & agrorum distributionem, & quidquid curandum erat, curarent futuri Consules; quod cum neglexissent, dempto autore, illius exequutio vehementius subibat animos; hinc nullum præter bella externa remedium aptius videbatur; & propterea bellum paratur in Volscos & Æquos; quibus confectis Veientes aggressi sunt, nec eò tempore contentionibus cessatum; cum *Spurius Licinius*, & sequenti anno *Tiberius Pontificius* necessitatem Agraria Legis injungere Patribus conati sunt, impediendo delectum. sed Patres, *Appii* Consiliò, ut suprâ diximus, *Intercessione Sociorum* vivere,

cère, nè Lex perferretur. Aded tamen concitati erant Plebis ani-
mi, ut in bello adversus Æquos *Fabius Consul* pedites viderit nec
instructos stare, injussosque signa referre, execrantes Imperatorem,
navatamque ab Equite Operam; solò enim Equitatu emissò Exerci-
tum fugarat; quod, cum sensissent Hetruriæ Populi, Vejōs undi-
que auxilia conveniunt, cum in spem venissent, discordiâ intestinâ
dissolvi rem Romanam posse; quare Principes fremebant in Conciliis:
Æternas opes esse Romanas, nisi inter semetipsos seditionibus sæviant. Id
unum Venenum, eam labem Civitatibus opulentiis repertam, ut magna
Imperia mortalia essent. Diu sustentatum id malum, partim Patrum Con-
siliis, partim patientia Plebis, jam ad extrema venisse. Duas Civitates
ex una factas: suos cuique parti Magistratus, suas Leges esse. Primum
in delictibus sævire solitos, eosdem in bello tamen paruisse suis Ducibus,
qualicumque urbis statu, manente disciplinâ militari sisti potuisse; jam non
parendi Magistratibus morem in Castra quoque Romanum militem sequi.
Proximò bellò in ipso certamine consensu Exercitus traditis ultrò Victo-
riam, victis Æquis; Signa deserta. Imperatorem in Acie relictum, injussu
in Castra reditum; profectò si instetur, suo milite vinci Romanam posse. Ni-
hil aliud opus esse, quàm indici, ostendique bellum; cetera sua sponte fa-
cta, & Deos gesturos.

Hæc quidem retuli, ut rerum Urbanarum Statum velut antè
Oculos exhiberem; tantum enim Magistratibus Plebi concessis ma-
lorum sibi arcessivè Patrii, ipsam ad eam necessitatem redigen-
tes, ut armata lecederet, utque proprios Magistratus pro securitate
peteret; miror autem, Oligarchiam intendisse Optimates; unde in-
vertenda Reipublica causâ, dum Urbano milite, ipsaque propter-
eâ Plebe uterentur ad gerenda bella, quare ipsis oportebat *Aristo-
cratiam* æquissimis Legibus temperare; atque è Plebe Magistratus
aliquos cooptare, qui tamen sub Authoritate Patrum, & Consulum
Imperio essent; satis enim libertati cautum erat, dum Populus Cen-
suriatis Comitibus Summa Reipublicæ negotia expediebat, adeoque
suffecisset, Plebejos non aded negligere, ut fermè pro servis empti-
tis haberentur. Ære autem alieno oppressis opem ferre debebant,
illamque Legem, quâ in Corpora sæviebatur, temperare; præsertim
cum Ære alieno obstricti essent, quoniam pro Republica sine stipen-
diis militare debebant.

A creatione igitur *Tribunorum* non ampliùs mansit regularis
ille Reipublicæ status, sed in corruptam abivit formam, cum Ma-
gistra-

gistratus ipsi se mutuò impedirent, *Tribunique* nullis tenerentur *Legibus*, suisque *Intercessionibus* turbarent universa.

Sed *Plebem* advertens ab eo tempore majores semper cupiditates explicantem, & nunquam cessantem, donec cuncta *Reipublicæ* munia invaderet; ac nisi *Veiens* hostis, *Hetrusci*que lacessendo ad pugnam, convitiisque jactando, militum animos incendissent, ut ipsi frequentes in *Prætorium* convenirent, pugnare poscerent, signumque dari postulerent; vera dixisse *Primores Hetruscorum*, eventum rerum fuisset comprobatum; tunc autem summâ virtute, arreptâ occasione *Consul Fabius*, cum non ultra contumeliam pati milites posse animadverteret, tergiverfatur, ut iram magis acueret, utque *Religione* vinciret animos; crescente igitur tumultu versus ad Collegam *Manlium*: Ego, inquit, *istos Gn. Manli* posse vincere scio; *Velle, ne scirem, ipsi fecerunt.* Itaque certum atque decretum est, non dare signum, nisi *Victores se redituros ex hac pugna* jurent. *Consulem Romanum miles semel in acie fefellit, Deos nunquam fallit.* Acerrimè deinde pugnatum, vicissentque *Hetrusci*, nisi &

milites ita accensî fuissent, & Consules, pugnando potius, quam adhortando, *Ducum simul ac militum Officia* implevisset.

Sed operæ pretium est audire, qui externis duntaxat vanis-
trusco, que rerum inflati nullum solidæ Virtuti, decorique relinquunt lo-
cum. Cecidit in acie nedum Gn. Manlius Consul, sed Quintus Fabius
Vejen- *Consularis Vir; alteri autem Cæsoni Fabio Consuli triumphum Senatus*
tibus. decrevit; Ille verò: *se Familiâ funestâ Quinzi Fabii morte, Republicâ ex*
De Cæ- *parte orbâ, Consule alterò amissò, publicò privatoque deformem ludu, lau-*
sonis Fa- *ream non accepturum* respondit; *Omniq; actò triumphò dispositus trium-*
bii Vir- *phus clarior fuit; adeò spretâ in tempore gloria interdum cumu-*
latur. *latur redit, quod egregiè indicavit Tacitus, dum in funere Juniz*

sequentibus longò ordine junctarum familiarum imaginibus eò
Cassium, atque Brutum illustriores fuisse, inquit, quia non visebantur. | Et
Germanicus devictis intrâ Albim Rhenumque Nationibus trophæa Marsi,
Jovi, & Augusto Exercitûs nomine sacravit. De se nihil addidit, rectus

conscientiam facti satis esse. Devictis autem hostibus, licet interne-
cione penè universæ Fabiorum gentis, qui à Vejentibus circumventi
ad Cremeram cecidêre, iterum intestinâ discordiâ ex Lege agraria;
Patrum *erantque Authores Tribuni Q. Confidius & Genutius. Illi cum semel ju-*
& Ple- *dicia usurpassent, resistenti Tito Menenio, jam antea Consuli diem di-*
bis. *xere, accusatus, quod Præsidio ad Cremeram opem non tulisset,*
cum

cum haud procul stativa essent, damnatusque, animi ægritudine absumptus est. Sequenti tamen anno 268. iterum Consules nihil Menenii damnatione, nihil periculo deterriti Servilii, cui post Consulatum etiam Tribuni diem dixerant, summâ vi agrariis rogationibus resistebant; cumque Magistratu abivissent, Genutius etiam Tribunus ad Populum reos facere nititur; tunc illi circumeuntes sordidati non Plebem magis quam juniores Patrum suadent, monentque: Honoribus, & administratione Reipublica abstineant: Consulares vero fœces, Prætextam, Curulemque Sellam nihil aliud quam pompam funeris pudent, clavis Insignibus velut Insulis velatos ad mortem destinari. Quod si Consulatus tanta dulcedo sit, jam nunc ita in animum inducant, Consulatum captare, & oppressum à Tribunis Possidate esse. Consuli velut apparitori Tribunis omnia ad nutum, Imperiumque Tribuni agenda esse. Si se commoverit, si respexerit Patres, si aliud quam Plebem esse in Reipublica crediderit, exilium Caji Marcii, Menenii damnationem & mortem sibi proponat ante Oculos. Accenduntur his dictis Patrum animi, Consilia privatim agitant, deque medio Tribunalium Genutium tollere statuunt. Domi necatur Genutius pessimo Consilio; licet enim cum venisset judicii dies, Tribunaliumque mortuum Plebs audivisset, Ducem amissum dilapsa foret,olvebat tamen animo iras, quæ occasione data erumperent; nec Consules, Patresque tractare animos sciebant, cum publicè lætarentur, palamque ferrent, ita coercendam Tribunorum audaciam. Senferat namque Plebs Vires suas, & Legibus armatos habebat Magistratus; quare cum nil contemptius, neque infirmius, si sint, qui contemnant, eorum propterea quemque ea mala atque horrenda sibi inferre murmurabant. Sed malum malo addunt Consules, delectum enim edicunt, atque exequuntur asperè; unde nova labefactandæ Reipublicæ origo, augendæque Plebis potentia. Erat quidam Volero Publilius plebejus homo, qui ordines duxerat; ea de causa negabat se militem fieri debere; Consules Lictorem mittunt: Volero Tribunos appellat; cumque nemo opem ferret, Consules nudari hominem, virgisque cædi jubent; dum ille: Provoco, inquit, ad Populum; quoniam Tribuni Civem Romanum in conspectu suo virgis cædi malunt, quam ipsi in lecto suo à vobis trucidari; repulsoque Lictore, clamitans ubi Turba frequentior erat: provoco, aiebat, & fidem Plebi imploro: adeste Cives, adeste Comilitones! nihil est, quod expectetis Tribunos, quibus ipsis vestro auxilio opus est. Tunc autem furere Plebs visa est, nil amplius sanctum, nil tutum, nec

Y

ipsa

De Vo-
leronis
Auda-
cia.

ipsa quidem *Consulum* majestas: pulsati *Lictores*: fractæ fasces; e-
 ffectique è foro *Consules* in Curiam compelluntur; certatum ibi,
 an vi agere oporteret? Patres autem, periculosum esse, Plebis te-
 meritatè ulterius provocare rati, rem omnem silentio transigunt;
 tum *Volerò* eminere inter ceteros, Plebisque *Ductor* esse conspici-
 tur, proximisque Comitibus *sacrosanctâ* illâ munitur *Tribunitiâ* *Potesta-*
te, nilque curans præteritorum *Consulum* injurias, quos ad Judi-
 cium vocare credebatur, augendæ tantum *Plebis* potentiae inten-
 tus, rogationem illam tulit, quâ *Patriciis* omnis potestas adempta
 est, per Clientium suffragia assumendi, quos vellet, Plebejos ad *Ma-*
gistratus; ii namque ut *Tributis* Comitibus fierent, rogabatur. Hinc
 nova *Plebis*, *Patriciorumque* certamina, reque in novum annum di-
 latâ, *Plebs Voletonem* denuò *Tribunum* creat, Patres verò *Appium Clau-*
dium Plebi infestissimum, vestigiis enim *Appii Patris* inhærebat, *Con-*
sulem faciunt; tunc *Voletoni* Legis Inventori *Tribunus* alter *Latorum*
 adjungitur, acerrimèque pro ferenda Lege contendit; cumque il-
 le moderatè ageret, nec præter Legem aliud loqueretur, *Latorius*
 ferociendo & *Consules* Convitiis infestabatur, præcipuè verò *Ap-*
pium, quem velut Carnificem ad vexandam lacerandamque *Ple-*
bem datum esse contendebat; versus inde ad *Populum*: quandoqui-
 dem, inquit, haud tam facile loquor, *Quirites* (erat enim militaris
 homo expers eloquentiæ) quàm quod locutus sum pressò, crastino die
 adeste. Ego hîc aut in conspectu vestro moriar, aut perferam Legem.

De
 Creatione Tri-
 bunorû
 Tribu-
 tis Co-
 mitiis.

Tunc spectaculum præbuêre *Consulum*, *Tribunorumque* certa-
 mina; aderant cum *Consulibus* Nobiles in Concione, ut Legem im-
 pedirent; hinc *Latorius* omnes abire, præter eos, qui suffragia fer-
 rent, jubet; cumque non parerent, præhendi mandat: *Appius* jus
 negat esse *Tribuno* in quemquam nisi *Plebejum*; non enim *Populi*,
 sed *Plebis* Magistratus erat, nec pro Imperio submovere Potestas
 erat, more *Majorum*, qui: Si vobis videtur discedite *Quirites*, pronun-
 ciabant; *Latorius* autem haud de Jure disputandum ratus, irâque
 percitus, *Viatorem* mittit ad *Consulem*: *Appius* *Lictorem* ad *Tribunum*;
 tunc autem multitudo concitatur, ventumque esset ad manus, nisi
 tempestivè *Consul* alter mandâset *Viris Consularibus*, ut *Collegam* vi
 etiam è foro abducerent, Plebisque lenisset animos, Patres in *Po-*
puli, *Consulem* in *Patrum* esse Potestate clamitans; dimissâ Con-
 cione *Senatus* cogitur, ubi sententiis mirè certatum; sed mitiora
Consilia placuêre. Ad *Appium* igitur versi Patres suadent, ut san-

tame

sam Consulare Majestatem esse vellet, quanta in concordi Civitate esse posset. Dum Tribuni, Consulesque ad se quisque omnia trahans, nihil relictum esse virium in medio; distractam laceratamque Rempublicam per Magistratus magis, quorum in manu sit, quam ut incolumis sit, quari; Appius autem Deos, atque homines testabatur, Rempublicam per metum prodi, ac deferi; non Consulem Senatui, sed Senatum Consuli deesse: graviores accipi Leges, quam in Sacro monte accepta sint. Ità Lex perfertur; tumque primum Tributis Comitibus creati Tribuni fuerunt, tresque alii additi. Erat interea à Volscis, Æquisque causa belli præbita; vastaverant quippe agros eo consilio, ut si qua secessio Plebis fieret, ad eorum Castra recipi deberet; compositis tamen rebus, Appius Claudius in Volscos mittitur, Consul alter Quintus in Æquos. Exercitus verò, non ut Fabianus alter vincere novit, sed Appii odio vinci passus est, licet ille Imperium in Castris exercuerit, decimo quoque milite securi percusso; Æqui verò pugnare non ausi, agros populari permisere, prædaque omnis à Quintio militi data est, cui Exercitus acclamabat, sibi que Parentem, alteri verò à Senatu Dominum datum memorans. Nec Tribuni diem Appio dicere destiterunt; ille verò constans adeo fuit, ut & Tribunos, & Plebem, & suum iudicium pro nihilo haberet; nec ergo sordidatus prehensavit homines, nec ex consueta Orationis asperitate aliquid remisit, ut potius accusator videretur, quam causam suam agere, unde virtute suâ Tribunos obstupefecit, & Plebem. Tantum præstat in adversis erectum animum, ut vel odium, & hostiles iras in admirationem vertat; dies igitur Tribunorum voluntate productus est, atque antequàm status alter venisset, Appius morbo perit; tunc verò Plebs ipsa mortui laudes tam æquis auribus audire, quam vivi accusationem, ejusque funus celebrare visa est.

Sed certamina erant perpetua ob Legem Agrariam; Antioque capto, visum est, Coloniam eò deduci posse; ità enim sine quærelis Possessorum Agri publici, in Agrum Antiatem Plebs itura, Civitasque in concordia mansura videbatur. Triumviri igitur agro dando Titus Quintius, Paulus Virginius, Publius Furius creantur; Plebs verò, quali ablegaretur à Patria, ingratum habuit; adeo ut pauci nomina dedisse visi fuerint, Latinosque & Hernicos addere ad explendum Coloniarum numerum necesse fuerit.

Sed nè in rebus aliis præter ipsum Civitatis ordinem hæreamus, statim maximam rerum mutationem advertere datur; jam enim

*De Cajo
Terentillo Ar-
sa, deq;
Legibus
Imperio
Consu-
la scri-
bendis.*

enim, cum amplius *Plebs* non timeret, suisque tuta Magistratibus viveret, cum *Agrariis Legibus*, tum honorum aquandi desiderio perpetuis motibus agitabatur; hinc post secundas bellorum res cum *Æquis* denuò & *Volscis*, postque cessatam pestilentiam, quâ eo tempore *Urbs* afflicta fuerat, extemplo *Urbanos* motus excitavit; *Cajus* enim *Terentillus Arsa Tribunus* in *Consulare Imperium* invehì cœpit: nomine enim, inquiens, tantum minus invidiosum, re ipsâ propè atrocius quàm regium esse, quippe duos pro uno Domino acceptos, immoderatâ, infinitâ potestate, qui soluti, atque effrenati ipsi, omnes metus Legum, omniaque supplicia verterent in *Plebem*. Quâ nè aterna illis licentia sit, Legem se promulgaturum, ut *Quinque Viri* creentur *Legibus de Imperio Consulari* scribendis. Quod *Populus* in se *Jus* dederit, eo *Consulem* usurum: non ipsos *libidinem* ac *licentiam* suam pro *Lege* habituros. Quæ aded turbaverunt *Patres*, ut *Senatus à Præfeto Urbis Quinto Fabio* vocaretur, ipseque *Fabius* nil reliquit, ut *Tribunum* deterreret; postea ad intercessionem confugiens, versus ad alios: Vos, inquit, ceteri *Tribuni* oramus, primum omnium cogitatis Potestatem istam ad singulorum auxilia, non ad perniciem *Universorum* comparatam esse: *Tribunos plebis* hos creatos, non *hostes Patribus*. Nobis miserum, invidiosum vobis est, desertam *Rempublicam* invadi; non *Jus vestrum*, sed *invidiam* minueritis; agite cum *Collega*, ut rem integram in adventum *Consulum* differat, nè *Æqui* quidem ac *Volsci*, morbo absumptis priore anno *Consulibus*, crudeli superboque nobis bello instetere. Sic differtur in speciem actio, quæ re ipsâ evanescebat. Anno tamen altero *Anlus Virginii* ex *Tribunorum Collegio* delectum in *Volscos* & *Æquos* denuò *Exercitum* instruente impedire aggressus causâ *Legis*, rixas excitavit inter *Patres* & *Plebem*, aded ut vi utraque pars non *Jure* amplius agere videretur; initiumque fuisset magni motûs, nî *Caso Quintius* cunctis juvenibus ferocior in medio *Patrum* agmine constitisset, & cum voce, tum manu plebejos illos impetus cohibuisset, quare dies *Capitis* illi dictur à *Virginio*; cumque venisset, nihil profuere *Titi Quintii Capitoli*, *Patrisque Lucii Quintii*, cui *Cincinnati* nomen erat, nec *Lucii Lucretii Consulis* officia; imò *Volscium* quidam *salvus testis* aded *Plebem* concitavit, ut non multum abfuerit, quin *Caso* ipse impetu *Populi* interiret; ajebat enim noctu incidisse cum fratre in *Casonem*, ceterum juvenum stipatum, eosque, nulla de causa aggressum esse, fratremque pugnis.

*De
Cason
Quintio*

gnis & calcibus necasse, eum verò semianimum reliquisse. Vix igitur differri potuit Judicium, impetrarique, nè in vincula duceretur, uti *Virginii* jusserat, datoque *Vadimonio* dimitti; illeque primus *Vades publicos* dedit; *Caso* autem Judicium simul & *Vadimonia* deseruit, adeo ut Pater nihil proficiens excusatione, quodd *solum vertisset* exilii causâ, divendere bona fuerit coactus universa, transque *Tiberim* in quodam suo rure, humilique tugurio habitare.

Sed *Casonis* exiliò magis irritata juvenitus resistit apertâ vi, nè lex perferatur; atque per integrum annum differtur. *Tribuni* autem cupientes *Plebem* in nobiles concitare, recurrunt ad dolos: Initò enim priùs inter ipsos remotis arbitris consilio, *Senatum* congregunt; cum *Virginii* instare *Urbis* ruinam facetur, conjuratâ in *Plebem* Juventute *Casone* Duce: adventare *Casone* cum valida hostium manu, vel jam in *Civitate* esse: armis jam esse instructos ceteros ad perdendam *Plebem*: Deorum ope desecta esse nefaria Consilia: literas interceptas, ex quibus negotium omne patescit; Quare ergo, *Tribunorum* Collegia totum negotium committi, ut authores, totumque conjurationis Ordinem inquirant, atque adeò pro atroci crimine penas luan. Permoza eò Ser-mone *Plebs* impetum fecisset in *Juvenes*, ni auctoritate *Senatus* coercita fuisset; *Senatus* autem trepidus, quò se verteret nesciebat; dum *Appius Claudius*, illâ tempestate *Civis* optimus, dolos adesse facetur, demonstratque impossibilia, quæ à *Virginio* asserebantur eum ob finem, ut *juvenes* indemnatos arriperent cum *Plebe* sua, *Legemque* sine ullo impedimento perferrent; adeoque efficacie locutus fuit, ut cordatiores è *Plebe* omnes vanum timorem esse crederent; *possim* quisque non tantum suspicione conjurationis, sed quia rumores malebat, seditionis excitandæ occasionem haud omittere videbatur, cum alternæ auditæ voces: ad Arma, & hostes in Urbe esse, ingentem pavorem excitârunt. Trepidati *Patres*, nec quis esset hostis, nec quò numero, consilioque advenisset, noctu scire poterant, nec *Flabi* satis fidebant; interim tamen nè posset hostis totam *Urbem* pervagari, munita loca præsidio firmare deliberant, dantque arma; dies tamen statim ostendit bellum, Ducemque; Is erat *Herdonius Sabinus*, qui noctu *Arcis* occupandæ consilium cæperat, cumque facta valida *Exulum* atque *Servorum* manu intempestâ nocte cum navibus fluvialibus appulerat ad ripam *Capitolio* proximam, perque portam *Cementinam*, quæ sacrata erat, & ex *Oraculo* quodam patens, *Capitolium*, *Arcemque* occupaverat, eò animò, ut *Exules* recipere,

De Tri-
bunorū-
plebis
calum-
nia.

De oc-
cupato,
recupe-
ratoque
Capito-
lio.

ret, servosque vocaret ad *pilea*, obaratis remissionem polliceretur, inopesque Cives, atque ob id Potentioribus iniquos, oblata rerum novandarum occasione, commodorum faceret participes; tantus autem *Tribunos* furor invaserat, ut imaginem eam belli dicerent; atque ad avertendos ab *Legis* cura Plebis animos, *Patriciorum* hospites, clientesque venisse, majorique silentio, si *Lex* perferatur, abituros. Tum *Publius Valerius Consul* se ex *Curia* proripuit, indeque in *Templum* ad *Tribunos* venit, eosque objurgatus acriter, ad multitudinem orationem vertit: *Se arma capere, vocare omnes Quirites ad arma; si quis impediatur, jam se Consularis Imperii, jam Tribunitia Potestatis, sacratarumque Legum oblitum, quisque ille ubicumque sit, in Capitolio, in Foro, pro hoste habiturum. Juberent Tribuni, quoniam in Appium Herdonium vespant, in Publium Valerium Consulem sumi arma: Ausurum se in Tribunis, quod Princeps Familia sua ausus in Regibus esset; nec tamen Tribuni celsere, noxque oppressit ccepta certamina; Patres autem circumibant Plebem, sermonesque tempori aptos serebant; cum interim Lucius Mamilius cum Tusculana Juventute Romanam advolavit, ut adversus hostes in tam turbato Civitatis statu auxilio esset; ita Valerius cum iis, qui sequebantur, Mamiliusque Arcem invadunt, pugnaque commissâ, in qua Valerius interfectus est, Capitolium recuperatur, lustraturque.*

De
Consu-
latu L.
Quintii
Cincin-
nati.

Suffectus autem in locum *Valerii Lucius Quintius Cincinnatus* gravi oratione in *Tribunorum* licentiam invehitur; cumque delectum habere edixisset contra *Volscos & Æquos*, *Tribuni* eludebant velut vana dicta, nec delectum habere patiebantur; tum verò *Quintius*: nobis inquit nihil delectu opus est; cum quo tempore *Publius Valerius* ad recipiendum *Capitolium* arma Plebi dedit, omnes in verba juraverint, conventuros se jussu *Consulis*, nec injussu abituros; Edicimus itaque, omnes, qui in Verba jurastis, crastinâ die ad locum *Regillum* armati adstis; ac licet *Tribuni* cavillari non desierint, privatum eo tempore *Quintium* fuisse, adeoque *Religione* Populum exsolutum; non dum tamen, *Livius* inquit, hac, qua nunc tenet *Saculum*, negligentia Deum venerat, nec interpretando, sibi quisque jusjurandum, & *Leges* aptas faciebat; sed suos potius mores ad ea accommodabat. Itâ cum eos terruisset, nec Exercitum ex hostico deducturum affirmasset, nisi exacto Magistratus tempore, Plebs remitti sibi eam militiam petebat; ille verò nunquam quievit, nisi *Tribuni* se in auctoritate *Patrum* futuros pollicerentur. Tunc verò relatum in *Senatu* est de *Tribunorum & Plebis*,
postu-

populatis, factumque Senatus Consultum, ut nequo Tribuni Legem eo anno ferrent, nec Consules ab Urbe Exercitum educerent: In reliquum Magistratus continuari, & eisdem Tribunus refici, judicare Senatum contra Rempublicam esse. Sed eo non obstante Tribuni refecti sunt, unde & Patres Lucium Quintium Consulem reficere tentarunt: sed ille haud passus est; ea inerat animi altitudo, ut potius Senatus-Consultum servatum, gloriamque ex spreto honore capessere, quam Consulatum continuare maluisset.

Sub novis ergo Consulibus Volsci & Aequi victi fuere; pax autem petentibus Aequis data, Consusque actus, idque lustrum ab Origine Urbis decimum conditum Livius affirmavit, fueruntque eo anno censa Civium Capita 132409. Sed Aequi Graccho Clelio Duce fadus rupere, quo tempore tranquillæ res in Urbe videbantur; licet enim Virginii Tribunus maximè de Lege contendisset, Consulibus tamen spatium datum fuit ad inspiciendam Legem, ut cum Populum edocuisset, quod occultæ fraudis inesset, tunc demum suffragia iniri deberent.

De
Volscorum,
&
Aequorum
bellis.

Populati ergo Graccho Duce Lavicanum, Tusculanumque Agrum Aequi, Castra in Algido locarunt; ibi venere Romanorum Legati quærentes injurias, resque ex fadere repetentes; tunc superbe Aequorum Imperator, quæ mandata habebant ab Senatu Romano ad Quercum jussit dicere, se alia interim acturum affirmans; Quercus enim ingens Prætorio imminabat; ad quæ Legatorum unus, & hac inquit, sacrata Quercus, & quidquid Deorum est, audiant fadus à vobis ruptum; nostrisque & nunc quærelis adsint, & mox armis, cum Deorum, Hominumque simul violata Jura exequemur. Duo postea Consules, Minutius nempe in Algidum Exercitum ducere, Naucium populari Aequorum fines jussi. Sed cum Sabini propè ad Urbis mœnia infestâ populatione venissent, jussus Naucius contra eos Exercitum ducere, nec enim Plebs nomina detrectaverat, reclamantibus frustra Tribunis. Castra tamen Minutii noctu ab hostibus adorta, obsessaque, quod antequàm intercluderetur exitus, Romæ nunciatum est, ubi tanta fuit trepidatio, ut nec major esse potuerit, si Urbs ipsa obsessa foret; placuit igitur dicere Dictatorem, nec alter obversabatur, qui rem posset restituere, quàm Lucius ille Quintius, qui trans Tiberim degebat, quatuorque jugerum colebat agrum; Legatique missi, arantem, seu fossam fodientem bipalio innoxium invenere, salutatumque, rogârunt; ut quod bene videret ipsi,

Reique

Reique publica, togatū mandata Senatūs audiret. Ille verò admiratus, rogatansque, *satis salva essent omnia?* Uxori jubet togam è tugurio proferre, quā, postquā pulverem, ac sudorem absterfisset, induitus, *Dictator* salutatur, ei que res integra exponitur, Urbemque Navi publicè instructā advectus, *Lucium Tarquitium Patritium Virum Magistrum Equitum* dixit, scriptoque illico Exercitu, cuncti enim ad Edictum Dictatoris prestò fuere, in Algidum mediā nocte pervenit, nocteque ipsā initum prælium est, victique *Æqui* sub jugum missi fuere, nudique remissi; præda tamen à Dictatore suo tantum militi data, *Consularem Exercitum, ipsūque Consulē* increpans: *carebis*, inquit, *præda parte miles ex eo hoste, cui propè præda fuisti, & tu Luci Minuci, donec Consularem animum incipias habere, Legatus his Legionibus præeris.*

De
Decem-
viris.

Sed jam tempus erat, quo prisca Reipublicæ forma interitum pateretur; finis enim certaminum pro *Legē Terentilla* fuit, ut Athenas mitterentur Legati, inclytasque *Solonis* Leges, aliæque Græcarum Urbium Instituta, mores, juraque noscerent, missique fuere *Sp. Posthumius Albus, Aulus Manlius, Publius Sulpitius Camerinus*, qui cum *Atticis Legibus* redivere; utque *Leges ipsæ* in 10. Tabulis proponerentur cuilibet cognoscendæ, placuit *Decemviros* creare sine provocatione, creatique sunt *Censuriatus Comitibus Appius Claudius, & Genucius*, cumque his *Publius Sestius*, qui erat ejus anni Consul, tresque Legati, qui à Græcis Leges attulerant *Publius Posthumius, Servius Sulpitius, Aulus Manlius, & Titus Romulus; Caius Julius, Titus Venturinus, Publius Horatius*, abrogatis ad tempus cunctis omnino Magistratibus, omnesque fuere *Patricii*, quibus honor concessus, dummodò *Lex Icilia* de Aventino, aliæque *sacratæ Leges* firmæ manerent; primoque anno optimum *Decemvirale Imperium* visum fuit, nam & *Appius* novam personam induerat, proque truci, ac sævo insectatore Plebis, *Cultor* ejus evaserat; decimo quoque die *Jus Populo singuli* reddebant, penesque *Juris Præfectum* eo tempore falces erant, & reliqua potestatis Consularis Insignia; cæteris *Collegis* singuli *Accensi* duntaxat apparebant. Isque *Senatum* convocabat, Decreta confirmabat, cunctaque cætera agebat pro Imperio.

Quomodo autem moderatè primo anno se gesserint, docet Livius, dum *Decemvirum Caium Julium* diem pro atroci crimine *Sestio* dixisse, accusatoremque ad Populum extitisse scripsit, cum *Judex* ille legitimus esset. Sed hoc eo arcano fiebat, ut sicut & *Re-*

gum,

gum, & Consulum eo tempore invisum nomen erat; ità Decemviro-
rum acceptum suis initiis fieret, nec Tribunitio auxilio videret Popu-
lus opus esse, cum cederent invicem appellationi Decemviri. Con-
scriptis ergo eo anno in decem Tabulis Legibus, Populum ad Concio-
nem vocarunt, & : quod bonum, sanctum, felixque Respublica ipsis, li-
berisque eorum esset, ire, & legere Leges propositas, jussere : se quantum
10. hominum ingeniis provideri potuerit, omnibus Summis Infimisque Ju-
ra aquasse. Plus pollere multorum ingenia, Consiliaque : versarent in a-
nimis secum unamquamque rem, agitarent deinde sermonibus, atque in
medium, quid in unaquaque re plus minusve esset, conferrent. Has Le-
ges habiturum Populum Romanum, quas consensus omnium non jussisse
lasas magis, quam tulisse videri posset. Postea verò cum satis ad exa-
men revocatae essent Leges singulae, placerentque universis, Cen-
suriatis Comitibus perlatæ sunt; qua, ut Livius inquit, in immenso
aliarum super alias acervatorum Legum cumulo fons omnis Juris Roma-
norum cum publici tum privati fuit.

Sed Appium ambitione corruptus jam animoolvebat suo quomodo
authoritatem illam nedum diù retinere posset, sed Rem-
publicam opprimere, atque Statum illum in Dominationemvertere. Ejus igitur arte percrebuit per Urbem rumor, duas deficere Tabu-
las, quæ si adderentur, tunc demùm Romani perfecto absolutoque
Jure in omnibus fruerentur, eaque opinione ducti, Decemviros ite-
rum creari statuerunt; Comitibus igitur Decemviris creandis in trinun-
dinum indictis ambitio incessit omnes eum Magistratum capiendi;
inter alios autem Appius ipse Decemvir adeò exarsit, ut inter Can-
didatos cum in Magistratu esset, videretur.

Quare suspectus Collegis, haud enim credebant, gratiam in tanta superbia eam Comi-
tatem fore, eà arte Comitiarum habendorum munus injungunt, nè
semetipsum crearet; apertè enim conatibus ejus resistere dubita-
runt. Ille autem, impedimentum pro occasione arripens, nedum se De-
cemvirum nominat, sed alios suæ factionis creat; tumque primùm
finem aliena Persona ferendæ se. it, initiumque suoapte ingenio viven-
di; Collegas enim nefariis instruebat consiliis, cumque præterito an-
no 12. duntaxat Lictores uterentur, Appius ut terreret Populum,
unicuique 12. adesse voluit, ut ità 120. Lictores forum implerent
cum totidem fascibus secures illigatas præferentibus; tum verò ti-
mere cuncti, nec enim ullum relictum videbatur auxilium, cum
nulla esset provocatio, irritaque intercessio; quoniam si ab uno ad

alium appellaretur, pejus malo remedium experiebatur; *Appius* autem, insito suæ familiæ in Plebem odio, à Patribus abstinere, in cæteros libidine sævitiæque grassari videbatur, suosque in mores cæteros formaverat. Territa inde Plebs, tacita *Patriciorum* Vultus intuebatur, quasi eorum opem imploraret, et inde libertatis capta-
ret auram, unde servitutem timendo in eum statum *Rempublicam* ad-
duxerat; Patres autem odio *Plebis*, atque ut majori in dies *Consu-
lum* desiderio flagraret, nihil movebantur. Jamque annus labeba-
tur, duæque *Tabula* ad alias adjectæ erant; quapropter debebant so-
lummodo *Centuriatis Comitibus* perferri, nilque amplius eo *Magistratu*
opus erat. Tum verò *Appius* in *Tyrannidem* vertere *Rempublicam*
aggressus; vi namque *Decemviri* dominari cœpere, nec *Comitia* ha-
bentes, nec *Senatum* cogentes amplius, *Patriciorum* stipati juve-
num *Satellitio*, qui licentiam suam, quàm omnium libertatem
malebant, cuncta namque proi arbitrio agere, libertateque ac bo-
nis suorum Civium abuti, eaque inter se partiri consueverant.

*De Con-
sentioni-
bus De-
cemviro-
rum in
Senatu.*

Sed illati à Sabinis, *Æquisque* belli terror *perculis Decemviros*,
qui tunc primùm infirmas vires nōsse cœperunt; nec enim provi-
sum erat, quomodo bella, cæteraque *Dominorum* munia obirent si-
nè *Senatu*; illum autem cogendo, periculum imminabat amittendæ
potestatis. Necessitate tandem victi *Senatum* convocârunt, atque
ex agris, quò indignitate rerum cesserant, venêre *Patres*; nec de-
fuêre, qui *Decemviros* totidem *Tarquinius* nuncupârent, præcipuè
Lucius Valerium Potitum, & *Marcum Horatium Barbatum*; quare *Cajus Clau-
dium* monere *Appium* precarique, ut per fratris sui, Parentisque manes
Civilis potius Societatis, in qua natus esset, quàm fœderis nefariè iſtucum
Collegis meminisset; multò id magis se illius causâ orare, quàm *Reipubli-
cæ*; quippe *Rempublicam* si à volentibus nequeat, ab invitis *Jus* repeti-
turam; Sed ex magno certamine magnas excitari ferè iras, earum o-
ventum se horrere. Nil igitur profuit *Decemviris* prohibuisse *Patri-
bus*, præterquàm de quo retulissent dicere; alii namque inter quos
Claudius ipse, nullum fieri *Senatûs-Consultum* censuere, nè *Decemvoi-
ris* paruisse viderentur, eosque jam privatos esse; alii coire *Patri-
cios* ad prodendum *Inter-Regem*; sed *Lucium Cornelium Malucinensis Mar-
ci* *Cornelii Decemviri frater*, junioresque *Patrum* labantem eorum cau-
sam restituebant; quare nec ultrà vocem *Valerii*, *Horatii*que liber-
tas excessit, quoniam *Senatus* malebat *Decemviros* voluntate ipso-
rum abire, quàm rursus *Plebem* exurgere, leniterque agendo, re-
sistens.

fituto Imperio Consulari oblivionem Tribunorum inducere. Decreto igitur bello delectus edicitur, dataque sunt nomina, quoniam nulum erat provocationis auxilium. Ità conscriptis Exercitibus ad bellum profecti, Sabinorum *Quintus Fabius* (quem pacis bellique artibus egregium ità corruerat ambitio, ut *Appii*, quam sui similis esse maluerit) *Marcus Rabuleus*, & *Quintus Petilius*; *Aequorum* verò *Lucius Minutius*, *Titus Antonius*, & *Caso Duilius*; *Appius* autem cum *Sp. Oppio* ad exercendum in Urbe Imperium mansere; atque ut eadem causa esset amittendi *Decemvralis Imperii*, quæ *Reges* expellendi fuerat, *Appium* castissimæ Virginis, cui nomen *Virginia* *Lucio Virginio* Patre recti exempli Viro genita, qui eam *Lucio Icilio* *Tribunio* Viro desponderat, amore capitur, tentaque omnia ad expugnandam pudicitiam; postquam autem septam undique animadvertit, dolos meditatur, datque *Clienti* negotium, ut *Virginem* in servitutem asserat, neque cederet *vindicias* postulanti *bus* juxta libertatem; ità ad Tribunal *Appii* puella per vim trahitur, tædoque judicio ministri suæ libidinis velut *Ancillæ* Dominum sequi jubetur. Ingens fit rumor, *Legem* ab ipso latam, quæ *vindicias* dari secundum libertatem sanciebatur, turpiter ità dissolvi cuncti querebantur, magisque movebat *Legis Cavillatio*; quare frementibus Universis *Publius Numitorius* Avunculus, atque Sponsus *Icilius* intervenire, vociferantes: non si *Tribunitium auxilium*, & provocationem duas *Arces Romanae libertatis Plebi* ademissis, ideò in liberos quoque nostros, *Conjugesque Regnum vestra libidini datum est*; nec clamare desinebant, præsertim *Icilius*, adeò ut jam universam concitasse multitudinem videretur; cum *Appium* periculosum ratus eo tempore rem exequi, prætextu absentis Virginii, decretum eo die differt, inque posterum acciso Patre Jus de ea re dicturum asserit; moratusque tantisper, nè duntaxat ejus rei causa ad Tribunal venisse videretur, domum se recipit, scribitque Collegis, nè *Virginio* darent *Commeatum*, imò etiam in custodia haberent.

Icilius autem nil cunctatus fratrem, *Numitoriusque* filium citatis equis mittunt ad Patrem, qui confestim Romam advolavit; quare *Appii* literæ irritæ fuere, cumque ad Tribunal venissent, *Appius* amore in furorem versò *vindicias* decernit contra libertatem; admirationeque rei cunctos penè obstupefecerat; cum *Virginus* dolore furens manus in *Appium* intentando clamabat: *Icilio*, inquires, *Appi*, non tibi filiam despondi, & ad nuptias, non ad stuprum educavi.

De Appii
Clau-
dii sce-
lere.

Placet pecudum ferarumque ritu promiscuè in concubitus trare? Passurine hac isti sint, nescio, nec spero esse passuros illos, qui arma habent; Decemvir autem prorsus amens minas addit, cumque armatis descendere fatetur, ut pro Majestate Imperium detrectantes coërceret, jubetque Liſtoribus submovere turbam, quæ suâ sponte viam dabat Domino adprehendendam Virginem, quasi mancipium esset; tunc Virginis, nihil cernens relictum spei, Appium alloquitur, oratque ut patrio dolori ignolceret, utque coram Virgine Nutricem percontari sineret, ut si falsò Pater dictus esset, æquiore animo causam ejus defereret, datâque veniâ Filiam ac Nutricem propè lanionis officinam ducit, cultròque ex improvîso arrepto: hoc te uno, inquiens, quo possum modo filia in libertatem vindico, pectus ejus transfigit, versusque ad Appium: Te, inquit, Appi, tuumque Caput sanguine hoc consacro; ferroque sibi viam faciens, ipsâque prosequente multitudine defensus, ad castra confugit; cumque respersus cruore esset, strictumque adhuc teneret telum, concurrente undique milite, quærenteque, quid rei esset, flens diù silvit, postea verò collecto spiritu rem totam exposuit; cum interim in Urbe nec impigri Icilius, Numitoriusque multitudinem concitabant, sublatumque exsangue Corpus Populo ostentantes; cum Appius extrema tentanda ratus, stipatusque Patriciorum juvenum turbâ eos in Vincula Duci jussit; sed jam multitudo Duces nacta erat Lucium Valerium & Marcum Horatium; atrox hinc oritur concertatio, fœces franguntur, submoventur liſtores; Appius in Concionem ascendit; sequuntur Horatius, Valeriusque, eisque multitudo acclamat universa; quare jam animum despondet Appius, inque domum obvoluto capite se recipit.

Quæ cum in Castris essent nunciata, ad arma conclamatum, raptisque signis ad urbem Exercitus properat, atque Aventino insidet; tunc legati à Senatu missi, qui audirent postulata; ille verò Lucium Valerium, & Marcum Horatium petere dixit, quibus responsum daret; tum Virginis eum admonet, ut de Duce sibi provideat, Decemque creantur, qui Summa rei præessent, Tribunique militum nuncupati.

*De Se-
cessione
Exer-
citus, &
Plebis à*

Sed non minori animorum motu secessio à Decemviris in Exercitu adversus Sabinos facta est; ibi enim & aliud facinus accendebat animos, nec deerant Authores Icilius, Numitoriusque; Lucius namque Siccius à Decemviris, quoniam crepta libertatis querebatur, scelere doloque interemptus ante omnium oculos ob-

versa.

versabatur, illum enim speculatum ire jussérant, militibusque, qui *Decem-viris.* ejus Comites erant negotium dedere, ut opportuno in loco interficerent, nunciarentque, ab hostibus cæsum esse; ille adortus egregie se defendit, ita ut insidiatorum aliquot interfecerit; adhibitam primò in castris fidem profecta ad sepeliendum cohors iussit; cum enim nullum eorum, qui ceciderant spoliatum corpus, *Sic-cinumque* in medio jacentem armatumque, versis in eum Corporibus vidisset, nec vestigia abeuntium hostium essent, ab suis interfectum agnovit; pessimeque pro scelere *Decemviri* audiebant; Eà igitur occasione arreptà Urbem intravit sub signis, atque in *Aventino* alteri Exercitui se conjunxit, *Decemque alii Tribuni* militum facti, qui cum aliis 10. duos constituere *Duces*; deliberatum inde in Sacrum montem transire, ibique castra metari; nec mansit Plebs Urbana, Exercitum etiam secuta cum Uxoribus, liberisque; *nephas* in ea Ube degere, in qua nec pudicitia, nec libertas sancta esset, afirmando.

Tunc autem primùm cognovit *Appius*, nullam tuendo Magistratui spem sibi relictam fore, & sicut ea *Tyrannis* ob Plebis impotentiam, nimiumque libertatis studium orta fuerat; ita suà, cæterorumque ambitio atque superbia jam finem dedisse videbatur; Urbem enim vidisses sine civibus: deserta omnia: forum, templa, cunctaque frequentiora Urbis loca; vocati igitur Patres, non tantum *Horatius* ille, atque *Valerius*, sed penè omnes *Decemviris* exprobrabant Imperium: Victi ergo potius reipsa, quam *Patrum* vocibus, se in *Senatus* potestate esse fatentur; orare tamen, ut sibi à Plebis furore caveatur; missis igitur *Horatio*, *Valerioque* ad Exercitum, exposuit *Scilinus* postulata: potestatem nempe *Tribunitiam*, *extremamque* provocationem; atque ut *Decemviri* dedi deberent, quos igne vivos concrematuros jactabatur, & nè cui Plebis secessio frandi esset; ad ea tamen *Legati* laudibus celebrantes Exercitum, quoniam adeò æqua postulasset, de Supplicio *Decemviro*rum respondere, nihil proponendum esse, quoniam crudelitatis odio in crudelitatem ruere viderentur, atque in adversarios impotenter dominari; satis igitur illis esse, si deposito jam Magistratu æquo jure in Civitate vivant, nec inferendo injuriam, nec patiendi. Assensere cuncti; prius enim firmandam libertatem, recuperandaque judicia esse agnoscebant; quare cum *Legati* rediissent, renunciata Plebis voluntate, *Senatus Consultum* factum est, ut *Decemviri* se primo quoque tem-

**De nova
forma
Civita-
tis.**

pore Magistratu abdicarent: *Marcus Papyrius Pontifex Maximus Tribunos Plebis crearet, & nè cui fraudi esset Secessio militum, Plebisque.* Ità redeunt in Aventinum, armati per Urbem incedentes, statimque *Pontifex Maximus Comitia celebravit, creatique fuere Tribuni Plebis, omnium primus Lucius Virginus, Lucius Icilius, Publius Numitorius, qui Authores Secessionis exstiterant propter diram Appii libidinem; tum, Cajus Sicinius, Marcus Duilius, Marcus Titinnius, Marcus Pomponius, Cajus Apronius, Publius Villius, Cajus Oppius; Consulibus enim Cajo Horatio & Quinto Minutio Plebs obtinuerat numerum Tribunorum duplicari, suadente Lucio Quintio, qui facilius paucos conspirare, quam plures ostendit; nec aliud esse remedium contra ejus Magistratus Violentiam, quam si Collegium diffideat inter se; factumque erat Senatus Consultum, licere Plebi 10. Tribunos quos annis sibi creare, modò nè quis resciretur qui anno proximo Magistratum gessisset, quod parùm observatum.*

Lucius autem Icilius, cui Virginia desponsa erat, quiq; Marco Valerio & Sp. Virginio Consulibus Senatum convocare ausus fuerat præter morem, cum tantum in Concionibus potestatem suam exercerent Tribuni, Senatum autem vocare, aut sententiam dicere non licebat, sed Consulum is honor erat, quiq; etiam Aventinum ad ædificandum Plebi concedi Author fuerat, latâ Lege, ut qua privati homines bono jure parva possiderent, ea manerent penes pristinos Dominos. Qua per vim aut fraude occupassent adificiis, ea, restituta ex arbitrarium Sententia pretio adificationis, Populo addicerentur. Qua verò publica essent, ea sine pretio Plebi dividerentur; Statim novò Tribunatu inito Plebem rogavit, & Plebs scivit, nè cui fraudi esset Secessio à Decemviris facta. Marcus autem Duilius rogationem pertulit, ut Consules cum provocatione crearentur, eaque omnia in prætis Flaminii, quæ postea Circum Flaminium nuncuparunt, Tribus Comitibus acta fuere.

Ità Appius, qui tyrannidem spirabat, privatus rediit, novamque Potentiam Plebi adjectam vidit; cumque illo tempore ea rerum mutatio secuta fuerit, ut fractâ Patriciorum autoritate Respublica in Democratiam evaserit, haud abs re erit, Causas ipsas penitus rimari, ut omnia cum iis, quæ Exercitatione de Civili disciplina disservimus, exemplis comprobata videantur. Dissidiis, intestinæque Ordinum discordia, prætextu æqui juris, ad Decemviros idè ventum est, quoniam Consules in visâ Plebeis, Patriciis autem Tri-

buni

buni erant. *Appius*, ut Magistratum retineret, *alienam personam induit*, plebisque Cultor apparuit, quare Plebs illi favere coepit; jamque noctam Ducem rebatur, quò *Patriciorum* superbiam coërceret; *Appius* verò finem assecutus, nimis citò vivere suo ingenio cepit, deque uno extremo ad aliud provolvit; cùm enim studio Plebis Magistratum denuò arripuisset, licet *Decemviros* suæ factionis nominasset, nullis tamen firmatus propriis Viribus, pessimo consilio Plebis coepit *Adversarius* esse, eamque Potentiam, quæ vi suâ haud nitebatur, quaque propterea nil instabilius, vel ab initio in discrimen adduxit. Graviter autem in *Decemvirorum* electione peccatum à Senatu fuerat; nunquam enim Magistratus in Republica creari oportet, qui nihil timeant: illi autem Romæ creati sunt abrogatis Magistratibus universis absque provocatione: sed is cunctos invaserat furor, Plebem nempe propter Consulatum, Patres propter *Tribunorum* odium, ut haud periculum libertatis agnovérunt.

Videamus autem, quomodo in Plebis Respublica venerit Potestatem; nedum enim *Tribunis* aucta, & provocatione tuta erat, cùm eodem tempore Consules sortita populares *Lucium Valerium* & *Marcum Horatium*, qui per *Inter-Regem* creati fuere, Legem & quidem *Centuriatis Comitibus* latam vidit, ut quod *tributis* Plebs jussisset, *Populum* teneret; quâ *Legē*, ut *Livius* inquit, *Tribunitiis* rogationibus zelum acerrimum datum est; eo enim pervenit *Tribuni*, ut rogationibus suis Legem dicerent universis, cùm Plebem ad sciendum quæ vellent, facillimè flecterent; videbantur enim Plebis studio rogationes ferre; cùm autem licet totius Populi essent *Centuriata Comitibus*, *Tributis* tamen Leges ferri possent, quæ universum Populum tenebant, & his Comitibus Plebs suos sibi crearet Magistratus, exerceretque capitalia judicia, Senatum vocarent *Tribuni*, cunctisque intercederent Magistratibus, quis profecto Rempublicam in Plebis cecidisse potestatem non viderit?

Provocationem autem novâ *Legē* munivere, sanciendo: ne quis nullum Magistratum sine provocatione crearet: qui creasset, eum jus fasque esset, occidi; neve ea cades capitalis noxa haberetur; ipsos denique *Tribunos* Sacrosanctos iterum cùm Religione, relatis quibusdam ex magno intervallo Ceremoniis, tum *Legē* reddere visum est.

Tum verò tempus *Decemviros* aggrediendi rati, diem *Appio* dicunt, ad quem *Virginis*: omnium inquit, tibi *Appi Claudi*, qua impiè, nefarieque per biennium alia super alia es ausus, gratiam facto;

unius.

per Populum actum, semperque assimationem, arbitriumque ejus honoris penes Senatum fuisse; nè Reges quidem Majestatem summi ordinis immi-
nuisse; nè ita omnia Tribuni Potestatis sua implerent, ut nullum publi-
cum Consilium sinerent esse: ita demum liberam Civitatem fore, ita a-
quitas Leges, si sua quisque jura, ordo suam Majestatem teneant. Sed
Geganio Macerino, & Cajo Julio Consulibus, cum Plebs quiesceret,
nullaque rogatione Tribuni eam excitarent, Patricia juvenus vexa-
re coepit injuriis, quasi ita comparatum sit à natura, ut ex una in cu-
piditatem aliam necessario mortalibus sit transiendum; nec enim Patri-
ciis timor abesse sufficiebat, quod prius quæsierant, sed extolli
adedò nitebantur, ut deprimerent Plebem, repulsamque injuriam,
tanquam aut facere aut pati necesse sit, alium injungerent; quare omnia
mala exempla bonis initiis orta fuisse, egregie Cæsar inquit; vide-
mus enim in Civitatibus primum quærere homines, ut nil à priva-
tis, parum etiam à Magistratu timeant; hinc amicitias atque affi-
nitates quærunt, opes augent, artibusque honestis uti videntur,
nam & subveniunt plurimis, multos ab injuriis Potentiorum vin-
dicant, adeoque dexteritate quâdam per virtutem progredi viden-
tur, ut tandem & privati eos timeant, & Magistratus plurimi fa-
cere cogantur; tunc autem impunè grassari incipiunt, suoque in-
genio vivere, eumque in modum ipsis Magistratibus abutuntur, ut
pro suo arbitrio jus reddere videantur.

Plebs igitur iis accensa stimulis, nec nomina, imminente Æ-
quorum & Volscorum bello, dabat, nec diem alicui Nobilium di-
cere negligebat; donec tantisper Titi Quintii gravi oratione per-
mota concorditer egisse visa est; victisque hostibus, iterum roga-
tiones Tribunorum auditæ, sædo prius securo judicio Scaptio quo-
dam Authore, quo Agrum inter Ardeates, atque Aricinos contro-
versum, cum judex factus esset ab utrisque Populus Romanus, si-
bi adjudicavit, qua de causa bellum imminere videbatur.

Sed nequibant amplius Tribuni, cum jam Legis ferenda Potesta-
tem arripissent, intrà modum se continere, oderantque Patricios
vel propter discrimen sortemque nascendi. Erat in 12. Tabulis
Lex illa: Patribus cum Plebe Connubii jus nec esto. Receptumque
jam erat, Connubies à Patricia duntaxat gente creari. Igitur nec
unum, nec alterum ferentes Tribuni, fert Canulejus Plebis Tribunus
Legis rogationem de Connubiis promiscuitate; Collegæ, ut alter
Consul etiam à Plebe fieret. Acriter resistunt Patres, nec jam ultra

De fæ-
do Popu-
li Roma-
ni judi-
cio Sca-
ptio Au-
thore.
De Ca-
nulejus
Plebis
Tribuni
& Colle-

garum
rogatio-
nibus.

ferri posse *furiosos Tribunitios* affirmant, nec in eadem Urbe *Tribunos plebis & Patres*; atque aut hunc ordinem, aut illum *Magistratum* tollendum esse. At fortiter urget *Canulejus*, minaturque, neminem arma capturum, neminemque dimicaturum, nisi quod aquæ libertatis esse jactabat, invicem annuis *Magistratibus* parere, atque imperitare liceret; tunc verò cum nec in Republica honorum, nec privata *Connubiis Societas* esset, aiebat, *Superbos velut Dominos* se gerere *Patricios*, quibus opportunè necesse erat resistere. Vicit igitur *Canulejus*, latâ jam Lege, ut *Connubia promiscua* essent. Nec minore vi cæteri *Tribuni* certabant pro Consulatu, eoque res deducta erat, ut vel arma capienda essent, quò tendebat *Caji Claudii Sententia*, vel cedendum *Tribunis*. Quare ut *Simulacrum* aliquod honorum penes *Patricios* remaneret, aliud invenère *Magistratûs* nomen, nullâ de *Consulibus* creandis mentione adjunctâ, ut nihil in *Consulum* creatione mutari videretur; Placuit igitur promiscuè creari ex *Patribus* ac *Plebe* *Tribunos militum Consulari Potestate*, contentâque *Plebs* cum *Tribunis* fuit. Vis enim quærebatur *Magistratûs*, non autem *nomen*, parùm æstimantes honores, qui pro nomine & titulo *Consulum* largiebantur, dummodò eâ authoritate pollerent, licèt non negaverim *Patricios* ea in necessitate prudenter egisse adinventò illo *Magistratûs* nomine, quo nulla fuit data facultas gerendi *Consulatûs*, licèt enim inane ac vanum sit sinè vi ac potestate dignitatis nomen, magnum tamen discrimen intercedit inter vim & nomen, ac nomen, simulque vim habentem; Cum ergo diversi essent *Consules*, & *Tribuni militum Consulari potestate*, licèt nominetenus; *Consulatûs* nomen illibatum & integrum *Patriciis* remanebat, ut ad eam dignitatem, vimque simul, aditus datâ occasione *Patriciis* tantummodò pateret. Quare artis usus fuit opportunus, & semper utilis, semperque necessarius, cum ubi desideria ac motus eorum, qui hæcenus à præcipuis dignitatibus exclusi imponunt eorum vim communicandi necessitatem, tum ubi eorum ministerio & virtute opus, quos ejusmodi dignitatibus ornare per *Leges Reipublicæ* non licet, & ubi magnifico nomine, & sic simul pompa magnæ Potestati detractis, *Ærario* consulitur.

Comitia igitur *Tribunis Consulari Potestate* *Tribus* creandis indicuntur, omnesque è *Patriciis*, ut alibi diximus, creati; qui etiam tertio mense, quàm *Magistratum* inierunt, *Augurum* decreto perinde ac vitio creati, honore abivère, quod *Cajus, Curtius*, qui *Comitiis*

illis eorum præfuerat, parùm rectè Tabernaculum cœpisset. Iterumque reditum ad Consules, quoniam *Plebs* ea *Comitia* maluit, quibus sui ratio haberi nequiret, quàm quibus ut indigna præteriretur, *Tribuni*que certamen sine effectu in beneficio apud *Prætores Patrum* reliquere.

Manfit tamen Magistratus ille in Republica 80. fermè annorum spatio, auctusque identidem numero fuit, interposità nonnuncquam ordinariâ Consulum Potestate, prout *Plebs*, vel Patres contentionibus prævaluissent, donec anno Urbis 387. *Lucius Sextius* primum de *Plebe* Consul factus est, concessumque ab Nobilitate Plebi de Consule : Nobilitati de *Præatore uno*, qui jus in Urbe diceret, ex *Patribus* creando ; fuitque, ut plerumque solet, parva rem adèd maximam perficiendi ; causa, quâ *Plebs* tandem eum sibi honorem peperit ; cum enim *Quintus Fabius Ambustus* è *Patricia* Gen-
te filias nuptui dedisset, alteram *Servio Sulpitio* Nobili, *Cajo Lucinio* *sulatus*
Stoloni Plebejo alteram, convenissetque *Stoloni* uxor ad sororem, *Magi-*
Liſtor fortè venit *Sulpitii*, qui tum in Magistratu erat, foresque de
stratu
plebeja domo videre, risit altera, explicuitque, dignirati Viri eos
Plebejis
adesse oportere ; indignata hinc soror, quòd *Plebejo* nupta esset, *etiam*
quòdque honores non capeſſeret, quæſta est ad Patrem, Virum *promis-*
que ; unde agitandi consilia origo, placuitque primum *Licinium* *cuo.*
ipſum *Stolonem*, *Luciumque* *Sextium* acerrimi animi juvenem, cui-
que nihil spei præter *Genus Patricium* deerat, *Tribunos plebis* creati ;
Qui peropportunum rati sub *Tribunatus* initiis sibi *Plebem* concili-
are ære alieno fermè oppressam, uno eodemque tempore, *agri,*
pecunia, *honorum* rogationes promulgârunt ; ut, nempe quoad æs
alienum, deducto eo de capite, quod *usuris* pernumeratum esset, id quod
superesset, triennio aquis portionibus persolveretur, usque nè quis plus
50. jugera *agri* possideret, & denique nè *Tribunorum militum* *Comitia* fie-
rent, sed *Consulium*, & ut utique alter è *Plebe* crearetur. Hinc con-
tentiones acerrimæ, certatumque ad 9. fermè annos, semperque
iisdem *Tribuni* reſecti, ut cœpta perficerent, adèd ut quinquennio
integrali propter *Tribunorum* intercessionem, ad quas confugiebant
Patricii, *Consulium* Magistratu Respublica vacaverit, quoniam *Lici-*
nium, *Sextiumque* nulla permittebont celebrari *Comitia* præter *Ædi-*
lium, *Tribunorumque* *Plebis*, ut alibi dictum est. Nec profuit Dicta-
torem dicere *Furium Camillum* ; nam *Tribuni* tulerunt ad *Plebem*,
Plebs.

Plebsque scivit, ut si *Marcus Furius* pro *Dictatore* quid egisset, 500000. *aris ei multa esset*, quare *auspiciorum vitii prætectu* Magistratu se abdicavit; nec intercessione quidquam amplius profici poterat, cum *Tribus ipsa, uti rogas*, responderent, & *Tribuni cæteri memores erant Aulii Virginii, & Quinti Pomponii casus*, quibus quod *rogationi Tribunitia*, quâ præcipuè *Vejos* migrare *Plebem* ferebatur, intercessissent, die dicta, damnatique denis millibus gravis æris fuere; hinc acrius instare *Licinibus, Sextiusque*, donec per ingentia certamina, licet *Dictator* quintum idem *Marcus Furius Camillus* metu *Gallici belli* dictus esset, decimo tandem anno *Senatus Dictatorque* *uicti*, rogationibus *Tribunitiis* cessere; quapropter & *Comitia Consul* habita, ipseque *Sextius Consulat* adeptus est.

De præcipuis
Romanorum
bellis.

Is erat *Reipublicæ* status, cum ingentia orta bella, *Gallicum* præcipuè, *Samnitium, Punicumque*, rebus novandis occasionem ademere; quibus confectis *Vitrix jam Gentium* *Roma* adeo creverat, ut nedum *Italiæ, totique Græciæ*, sed amplissimis *Africæ Regionibus* dominaretur; jamque nullus alter, seu *Princeps Populus*, seu *Rex* esset, par esse *Romanis* poterat; donec confectis etiam bellis aliis, ut *Hispanico* cum *Viriato*, & *Numantino*, *Siculoque* à *Servorum defectione* moto; sublato quocunque hostium metu suis se demum opibus ipsa consumpsit; nam *Asia quoque, Attali Regis testamento, Romanorum facta*, vitia etiam sua *Romam* cum *epibus* transmisit; eoque tempore cœptæ denuò seditiones, quibus primò ad arma ventum est; *Tribunus* namque plebis *Tiberius Gracchus*, seu *Senatus*, ac *Patriciorum odio*, seu ut impotenter dominaretur, oblitteratam *Agrariam Legem* post adeo longum temporis intervallum denuò renovare tentavit, nec exsequi tempus ferebat amplius; unde non jam ambitione duntaxat certare ordines videbantur, sed necessitate, eratque *Patriciorum ac Divitiarum Potentia* adeo aucta, ut *Legibus* coërceri nequiret.

De
Gracchanis
seditionibus.

Ille autem quoniam impetu ducebatur, nec *Reipublicam* eo tempore suis rogationibus pessumdari cogitabat, *Legem tulit*, nè quis amplius 500. possideret agri jugera, seque & fratrem *Gracchum, & Appium Claudium Socerum Triumviro* ad dividendum *Agrum* creat, additque *Legi Caput*, ut iidem *Triumviri, si quis latius agrum præfēcisset, judicarent, quâ publicus, quâ privatus ager esset, atque iis, qui Sempromia Lege agrum accipere deberent, pecunia Regis Attali divideretur*; adeoque furore exarsit, ut intercedenti *Collega*

Ottav.

Octavio Magistratum Tributis Comitibus Lege latâ abrogâset ; cumque denuò in sequentem annum refici tentaret, ut Legem exsequeretur, ad eò Senatus, Patritiique commoti sunt, ut in Capitolium, quò se receperat, Publio Cornelio Nasica Authore, interfectus fuerit, cumque aliis, qui in ea Seditione occisi fuere, in Tiberim projectus fuit.

Sed *Cajus* frater ejus vestigia sequens, decennio post, *perniciosas etiam tulit Leges, frumentariam nempe, ut Semisse & Triente frumentum Plebi daretur ; eandem Agrariam ; aliamque, quâ Equestri Ordini omnis autoritas in Senatu accessit, nam 300. Senatoribus 600. Equites admiscuit, adeoque judicia è Senatu ad Equites transulit, pluresque Colonias in Italiam deduxit, aliamque in Solo diruta Carthaginis Triumvir ipse creatus ; cumque coeptis ejus, Collegarumque Fulvii Flacci, & Caji Carbonis Publius Scipio Africanus adverteretur, mortuus in Cubiculo inventus fuit, licet prius fortis, validusque domum se receperit ; quare de Semproniam Uxore suspicio habita fuit, quoniam Soror Gracchorum erat. Cum autem ex Africa reversus esset, *Opimiusque Consul* invenisset molientem abrogare, quæ jam ipse statuerat, Seditionem magnam excitavit ; quare *Opimius* convocato Senatu effecit, ut telum illud acerrimum explicaret, videant Consules, nè quid Respublica detrimenti capiet ; quo armatus *Consul Opimius*, coegit Populum etiam arma capere, *Gracchumque*, qui Aventinum occupaverat, cum armata Plebis multitudine adortus, ejecit ab urbe, interempto Collega *Fulvio*, ipsique adeò persecutus est, ut cum nulla effugii spes esset, servo se occidendum dederit, à quo jugulatus, caputque *Opimio* allatum, qui auri pondus idem largitus est ; Eà tamen Seditione Civium occisa plus quam 3000.*

Jamque nec Jura, nec Patrum autoritas valebant ; tantumque poterat Civili bello vacare Respublica, quantum externo implicita esset. Vixit igitur Cymbris, Numidisque, cum *Cajus Marius Consul* è Plebe homo iis bellis penè Rempublicam servasset incolumem, semperque victor, *Patriciorum* etiam invidiam in admirationem suæ virtutis convertisset, jam sextum Consul, cum Respublica in pace esset, eam ingenti motu adeò concussit, ut penè everteret ; studebat enim tantam sibi parare potentiam, ut repugnante Senatu, *Patritiisque* Consul denuò fieret, atque adversæ factionis homines in ordinem cogeret ; unde utrum bello melior,

*De Cajo
Marius
Consule.*

an pace perniciosior fuerit, difficile iudicium videtur; tantæ enim in bello fuere virtutes, ut penè ad Exemplar veræ gloriæ natus videretur; ea tamen in pace vitia, ut flagitiosissimum quemque tristissimumque antecelleret; quare cum *Gneum Apulejum Saturninum Tribunum Plebis* creari curasset, Aulo Numio Competitore per milites occisô, ut denuò agrariæ Legis pestem in Urbem iaveheret, effecit, adeoque *Tribunus ille* Marii Potentiæ innixus impotenter se gessit, ut *Quintus Metellus Numidicus*, qui autoritate Patribus cunctis anteibat, urbem derelinquere satius iudicaverit, inque Rhodum Insulam recesserit. Sed irritatus *Populus Caji Memmii* Cæde, qui Consulari dignitati proximior erat, quemque è medio sublatum à Tribuno viderat, ut suarum partium viro eam dignitatem compararet, eundem in foro, Senatu quoque adjuvante, adortus est; quare *Marius* ipse adversus eum arma capere consultum putavit, nè *Populo* invisus redderetur, cuncta enim sua ex utilitate metiebatur, unde *Quintus Cecilius Metellus* ab exilio cum ingenti totius Urbis gaudio revocatus est, *Senatusque* vigeat autoritas; qui propterea cum *Tribunus* esset *Marcus Livius Drusus*, isque causam ejus sustineret, omni vi ad se iudicia transferre nixus est, impotentiam Equestris Ordinis in iis exercendis haud amplius ferens, eo namque tempore *Publium Rutilium* summæ innocentie Virum, Legatumque *Quinti Lucii Proconsulis* ob id invisum Equestri Ordini, quoniam Publicanorum, qui potissimum Equites erant usurariam pravitatem in Asia ultus erat, *repetundarum* damnaverat; *Drusus* autem, ut vires sibi majores compararet, perniciosis iisdem *Agraria Legis, frumentariaque* largitionibus, spæque sociis facta de jure *Civitatis* obtinendo, Rempublicam corruptit, quamvis tulisset de judiciis *Legem*, ut æquâ parte pænès *Senatum & Equestrum Ordinem* essent; cum enim *Senatus, Consulesque Philippus ac Quintus Capi*o conatibus ejus se opposerent, Seditiones ortæ sunt, *Tribunusque Drusus* Consulem ipsum *Capionem* ex arce *Tarpeja* præcipitem dare minabatur; *Philippo* autem in *Comitiis* adeò Collum detorsit, ut sanguis è naribus continenter efflueret. Cumque tandem venisset dies, quo perferri *Lex de jure Civitatis Sociis* dando deberet, adeo commota est *Civitas* universa ut parum abfuisset, quin accerrimè in Urbe dimicaretur; *Drusus* autem cum domum se reciperet, gladio confossus est; hinc *Socialis belli* origo, cum *Italici Populi, Picentes nempe, Vestini, Marfi, Peligni, Marrucini,*

De
Agrari-
is, &
frumen-
tariis
Legi-
bus.

De Belli
Socialis
origine.

ini, Lucani, Samnites spe Romanæ Civitatis frustrati, defectionem maturaverint, quo nec dum confecto occasione Mythridatici belli, tunc primum summis bellorum Civilium motibus agitari Respublica cœpit; cum enim Lucius Sylla, qui Nolam obsidebat, contrâ Mythridatem Dux belli gerendi creari deberet, *Cajus Marius, Publio Sulpitio Tribunò Plebis* Authore, qui perniciosas etiam alias Leges promulgaverat, effecit, ut ipse *posthabito Lucio Sylla*, quamquam 70. annum agens Dux fieret, illatâ etiam Pompejo Consuli vi, occisoque filio, qui erat Syllæ gener; cumque Syllæ jubetur, ut Exercitum dimitteret, ille nedum reculavit, sed Romam cum ipso Exercitu venit, adversusque factionem Sulpitii & Marii in ipsâ Urbe pugnavit, eamque ejecit, hostesque à Senatu declarari curavit *Marium ipsum, ejusque filium Publium Sulpitium, ceterosque novem alios* è Senatu sibi adversantes; quare *Sulpitius* rure abditus, cum à Servo detectus esset, occisus fuit; servus autem habuit quidem promissum iudicii præmium, manumissionem nempe, sed postea ob scelus in Dominum cunctis invisus prodicionis suæ poenas luit, deque *Saxo Tarpejo* præceps missus est; *Marius* verò *Filius* in Africam trajecit, Pater in agro Minturnensi abditus, detectusque, Majestate, famâque nominis Servum natione Gallum ad eum occidendum missum adeò terruit, ut infectâ, necdum tentatâ re decessisset; quare in Africam delatus est, ut exul ibi cum filio esset. Itâ Sylla rerum potitus, ordinato statu Civitatis, ad Mythridaticum bellum profectus est, Mythridates namque intereâ Asiam occupaverat, *Quinto Oppio Pro-Consule, Legatâque Aquilio* in vincula coniectis, profligatisque Romanis Exercitibus; Italis etiam omnibus ad conditum diem per totam Asiam interfici jussis; Macedoniam quoque, Thraciam, Græciam & ipsam Athenarum Civitatem in ditionem suam redegerat.

Sed incendium diù excitatum erupit tandem adeò vehementius, ut Romana Civitas universa conflagrari videretur, nam absente *Sylla*, atque tunc temporis Athenas obsidente *Cornelio Cinna Marianarum partium, & Gneo Octavio Syllanarum* Consules facti; statimque *Cinna* Legem, quâ Marius, cæteriue Reipublicæ hostes declarati erant, abrogare, eosque ab exilio revocare tentavit; restitit *Octavius*, & quamvis *Cinna* armatus processisset, *Senatu Octavio* favente ex Urbe pulsus est, aditque *Marium*, ad cujus partes *Appium Claudium*, qui præerat Exercitui ad Urbem Nolam, multasque

*De Bello
Civili
Syllanarum &
Marianarum
partiû.*

que Italiae Civitates adjungit; quibus auxiliis, copiisque freti, consilium capiunt belli gerendi, atque Italiam petunt, instructoque Exercitu Urbem rectâ tendunt; G. autem Pompejus prius neutrarum partium Octavio se adjungit, nec cum Senatûs Exercitu praelium detrectat; ita ante portas ipsas Civitatis atrox committitur pugna, in qua duo fratres, alter ex Pompeji Exercitu, alter ex Cinnae ignorantes concurrunt, victorque demum, dum mortuum spoliât, fratrem agnoscit, adeoque dolori succumbit, ut eodem rogo, quem supra se transfoderat, & eodem igne consumi voluisset; licet autem tunc nemo victor evaserit, opprimi tamen inter ea initia poterant Mariani, ni G. Pompejum fraude utramque partem fovisset, donec confirmati tandem Cinna & Marius quadrifariam partitis copiis, adjunctisque Carbone & Sertorio nedum Urbem caperent, Civesque G. Octavii, ac Syllanarum partium interficerent, sed Urbes etiam cæteras faventes hostibus diriperent, prædasque inter se partirentur. Tandem cum Cædes, Proscriptio, Bonorumque direptio inter Cinnam, & Marium, Sertorium, atque Carbonem in commercium venire visa essent, quo Magistratus specie liberius grassarentur, Consulatum arripuere Marius atque Cinna; verum paulò post senio confectus Marius morbo exstinctus est. Sylla verò cum esset certior factus de iis, quæ acciderant, Mythridatico bello finem imposuit, pacemque ita fecit, ut Rex cesserit Asia, Bythinia, Cappadocia; interim verò Lucium Cinna Lucium Flaccum misit, ut Sylla succederet; qui tamen à Legato ejus Fimbria interfectus est, cumque copiis in Asiam trajecit, desertusque ab Exercitu, qui transivit ad Syllam, à Servo, cui Cervicem præbuit, quemque rogaverat, ut omnino interficeret, necatus est. Lucius tamen Cinna, & Gneus Papirius Carbo Consules semetipsos per biennium renunciârunt; ac licet de pace agi Senatui opportunum visum fuisset, Legatique ad Syllam missi essent, Cinna tamen deliberavit migrare in Græciam, ibique contra Syllam bellum gerere; cumque invitum cogeret Exercitum naves conscendere, lapidibus obrutus periiit, unde solus Carbo Consulatum gessit; Cumque Sylla Legatis futurum se in Potestate Senatûs respondisset, si qui Cives ad se confugerent, quique alibi exularent, resisterentur; justumque id videretur; Carbo, factioque sua, quoniam bellum magis appetebat, tractationem omnem diremit, violatis etiam, quos Sylla, cum jam Italiae esset, miserat; quare acriter in Campania propè Capuam pugna-

pugnatum est, *Cajus Norbanus* Consul eo prælio victus. Exercitus autem *Lucii Scipionis* alterius Consulis sollicitatus à *Sylla* militibus signa ad eum transtulit, pænès quem Nobilitas omnis se recipiebat; interim verò *Cajus Marius Caji Marii filius* 20. annorum Juvenis per vim Consul creatus Nobilitatem omnem, quæ in Urbe morabatur trucidari jubet, è cujus numero *Quintus* etiam *Mutius Scavola* Pontifex Maximus in vestibulo *Ædis Vestæ* occisus est; cùmque ad Sacriportum cum *Sylla* pugnasset, victus, in Oppidum Præneste se recepit, ubi à *Lucretio Asella* obsessus, cùm per Cuniculum tentasset erumpere, cum *Pontio Thelesino* Samnitium Duce fugæ comite, præclusâ evadendi spe, stricto utrinque gladio concurrit, eoque occiso, saucius ipse à servo, quem propterea rogaverat, interfectus est. *Sylla* verò *Carbonem* ad Clusium, Faventiam, Fidentiamque vicit, atque omnino Italiâ ejecit, debellatisque Samnitibus, Romam intravit, *Dictatorque* creatus, victoriam pulcherrimam immani crudelitate inquinavit; ad octo enim millia deditorum interfecit in via publica, multa Civium millia proscripsit, atque semè bis mille in Urbe trucidari jussit; Prænestinos etiam interfici mandavit universos; Spoletinos autem, Interamnesque, aliarumque Urbium accolæ *Marianarum partium* sub Corona vendidit: *Sulmonæ* Urbem à fundamentis diruit, æquavitque solo. *Carbonem*, qui ad Siciliam fugerat, misso ad eam Insulam *G. Pompejo*, occidi imperavit, captusque, nomen etiam moriendo inquinavit, cùm muliebriter fle-ret, vilémque atque abjectum animum ostenderet; *Marium* autem Senatorium Virum *Caji Marii* fratrem cruribus, brachiisque fractis, auribus præfectis, & effossis oculis necari jussit. Tandem Reipublicæ componendæ operam dedit, Potestatemque *Tribunitiam* adeò minuit, ut ad sua Institutionis initia revocaretur, omni jure ferendi Leges adempto: *Senatum* ex Equestri ordine supplevit: *Pontificum* atque *Augurum* Collegia ampliavit: proscrip-torum liberis jus petendorum honorum sustulit, bonaque diripuit: *Colonias militares* è Legionibus deduxit, agrumque divisit, unde *Samnii* præcipuè Urbes *Coloniarum* militares fuere. Tandem cùm *Dictaturam* 6. mensium spatio exercuisset, eà se abdicavit, Comumque se recepit, ibique privatus, parùm tamen, vixit, morboque pediculari extinctus est. *Lepidus* autem, cùm acta ejus rescindere tentasset, novumbellum excitavit, & à *Collega Quinto Catulo* Italiâ pulsus, *Sardiniam* appulit, ubi frustrâ belliens periiit. Sed non de-

De L.
Sylla
Dictato-
ris In-
stitutis.

- De Ser-** fuit *Marianus* partibus Dux alter, & quidem cæteris præstantior, *Ser-*
toriano torum nempe, qui nunquam vinci potuit, & Hispaniæ, ubi bellum
bello. gerebatur, plures fudit Exercitus, donec tandem dolo in Convi-
 vio quodam à *Marco Antonio*, & *Marco Perperna* fuerit interfectus;
 Quare Provinciam faciliè recepit *Pompejus*, qui adversus eum pa-
 rum prosperè pugnaverat; tunc autem bellum oportuit *Mythrida-*
 ticum conficere, quod vivo adhuc *Syllâ* denuò cœptum erat, eoque
 mortuo, foedus etiam cum *Sertorio* Rex pepigerat, *Bythiniamque*,
 quam testamento Regis *Nicomedis* Populus Romanus acquisiverat;
 inque Provinciæ formam redegerat, armis occupaverat; adversus
 quem *Lucius Lucullus* equestribus, secundisque præliis pugnavit,
 atque in *Pontum* primò, deinde in *Armeniam* ad *Tigranem* Regem
 fugere coëgit; quo etiam flagrante *Servile bellum* exortum est; cum
 enim 74. Gladiatores è spectaculo, quod à *Lentulo* Capuæ para-
 batur, confugissent, *Spartaco* *Ænemeo*, & *Crisso* Ducibus, collecta Ser-
 vorum, & Ergastulorum haud parvâ manu, *Vesuvium* occupâssent,
Claudius pulchrum, & *Pratorem Vatinium* prælio vicerunt, aliòs-
 que etiam fugarunt Exercitus, donec à *Marco Crasso* *Pratore*, &
Pompejo profligati fuere, cæsis primò fugitivis Gallis, Germanisque
 35000., eorûmque Duce *Cranico*; postea verò debellato *Spartaco*,
 cum eoque cæsis 40000. *Lucullus* autem subactò *Ponto* cum ambo-
 bus Regibus *Tigrane*, ac *Mythridate* congressus, acie cæsis Peditum
 200000., Equitum verò 60000. utrosque debellavit, Urbésque maxi-
 mas cepit *Tigranocertam* *Armenia* Caput, ac *Nisibem*; Sed cum
Manilii Tribunis plebis rogatione Lex lata esset, ut *Pompejo* *Mythri-*
De bel- daticum bellum mandaretur, ægrè ferente Nobilitate, quoniam
lo My- *Marco Crasso*, & eoque *G. Pompejo* Consulibus Legislatio *Tribunis-*
thrida- plebis ea fortasse de causâ restituta fuerat; *Lucullus* laborum suorum,
tico. victoriarûmque fructum amisit, nam adventanti *Pompejo* cedere
 coactus, Exercitumque dimittere, nec ampliùs *Rempublicam* capeffere
 deliberavit, unde otio & luxu diffuens, conviviâque celebrans, vixit
 deinceps ut ignavum animal, aded ut nomen ipsum in adagium
 transire visum sit; *Pompejus* autem *Mythridaticum* bellum confe-
 cit, ampliavitque *Rempublicam*, amplissimis namque partis *Regio-*
nibus, potentiam mirificè Romanorum auxit, quoniam *Tigrane*
 in deditionem accepto, solâ contentum *Armeniam* esse iussit, *Sy-*
riam, *Pheniciam* & *Ciliciam* ademit, *Iberos* & *Albanos*, *Mythridatem*
 persequendo, vicit, ac Romano adjecit Imperio, *Pontum* in Provin-
 cia

cizæ formam redegit; quare *Mythridates* undique pulsus, desperatis jam rebus, fugam in Gallias meditans, ab Exercitu deferitur, *Pharnace* filio sollicitante, à quo obsessus, cum veneno hausto parum profecisset ad mortem, militem Gallum nomine *Bitocum* oravit, ut interficeret, à quo propterea necatus est; quare auctus gloriâ *Pompejus* nedum eo confecto bello, sed quia brevissimo tempore *Pyrratus* universos, qui *Maria* omnia, & oras infestabant, extraordinarium *Lege Gabinia* nactus Imperium, perdomuerat; *Judaos* quoque subegerat captâ Urbe *Hierosolymâ*, Templumque inviolatum ante id tempus coeperat, Romam revertebat, *Magni* cognomen meruit.

De
Pompeji
virute.

Dum autem foris adeo *Pompejus* Romanorum amplificabat Imperium, *Lucius Catilina* bis repulsam passus in petitione Consulatus, cum *Pratore Lentulo*, *Cethego*, aliisque Senatoribus, conjurat de cæde Consulium & Senatûs, deque inflammanda ac diripienda Urbe, opprimendâque Republica, Exercitumque hac de causa in *Hetruria* comparat; sed nephariâ conspiratione *Ciceronis Consulis* industria detectâ, *Catilina* Urbe pellitur, de reliquis supplicium sumitur.

De
Conju-
ratione
*Catili-
na.*

Eminebat quoque præ cæteris in Urbe *Cajus Caesar*, & *Marcus Crassus*, qui adeo dives erat, ut Exercitum suo sumptu alere posset, jactabatque, neminem re verâ divitem esse, qui alendo Exercitui per integrum annum non sufficeret; *Caesar* autem ex Urbana Prætura *Lusitaniam Provinciam* nactus, ob res ibidem præclare gestas triumphum quidem obtinere potuisset, sed Consulatus honori posthabere voluit; ita Consul cum *Vibulo* creatus, *Leges* quoque *Agrarias* invito Senatu, Collegæque tulit, ut, nempe, divideretur omnis *Ager*, qui esset publicus Populo Romano, excepto duntaxat Campano Agro, quem propter amœnitatem, ubertatemque, Reipublicæ proprium fecit; utque ager privatus emeretur ab iis, qui vellent vendere, pecuniâ publicâ, cujus magna erat copia partim ex præda *Pompeji*, partim ex *Tributis*, & *Veſtigalibus* annuis; quâ *Lege* aditum ad *Rempublicam* invadendam sibi faciebat.

De
*Trium-
viratu*
*M.
Crassi,*
& *Pom-
peji.*

Pompejus autem eodem tempore, cum acta sua ab Senatu rata fieri veilet, adversantibus *Lucullo*, aliisque Primoribus, cum *Caesare*, *Crasso*que conspirationem iniit, adeo ut *Triumviratus* diceretur, adeoque in eorum incidit *Respublica* potestatem, firmatâ magis amicitia cum *Caesare* nuptiis *Julia* filia, quam *Pompejus* duxit. Itâ inter se *Consulares Provincias* divisere, datæque *Pompejo Hispaniæ*, *Crasso* Syria, & *Parthicum bellum*, *Caesari* Gallia & Germania; cum-

que in quinquennium prorogari *Lucius Cajus Trebonius* Tribunus plebis promulgasset, *Marcus Cato*, quoniam Legem impedire nitebatur, in vincula ductus est; Parthicum tamen bellum *Gabinio* contigit, qui Romæ accusatus, atque à *Cicero* defensus, evasit quidem pœnas, sed iussus Exercitum dimittere, successorem habuit *Crassum*, qui eo bello perit, delecto etiam Exercitu, adversus quem Parthi etiam exanimem propter *Viri odium* sæviere, liquatoque auro os ejus implevere, ut insatiabilem auri cupiditatem exprobrarent, arque ita iriderent, cum apud Parthos eam explevisse significarent.

Jam igitur is erat rerum Status, adeoque Magistratus Universi *Casaris* atque *Pompeji* arbitrio suarum partium Viis demandari videbantur; dum autem *Casus* Gallicum bellum gerebat, *Pompejus* occultis artibus aded progredi statuit, ut tandem solus rerum potiretur, nec enim amplius parem ferre poterat, agnoscebatque, nec Superiorem à *Cæsare* ferri posse, *Julia*que obitu dissoluta erat affinitas; Igitur aded tegebat animum, ut nil aliud cogitare videretur, quam *Reipublica* incolumitatem, undè Criminationes in *Cæsarem* ejus arte ferebantur, quod in Gallia, Exercitūque *Supremum Principem* ageret, Romæ autem, cum jam nulla esset Legum autoritas, homines Cupiditatem, ambitionemque suo arbitrio explere patiebatur, ut ad eum Senatus, Populusque universus verteretur, qui *Rempublicam* restitueret, eaque specie *Summam rerum* assequeretur; nec enim *Cæsare* melior, sed occultior erat; jamque vi & armis Magistratus invadebant, palamque *Rempublicam* lacerabant, undè *Clodius*, quoniam cum *Tito Annio Milone* de Consulatu contendebat, ab eodem occisus fuit, & *Ipsaus*, *Scipio*, aliique in forum armati processere, *Populum* cogentes, ut *Magistratus* daret, quos ipsi ambire fatebantur; quare *Pompejum* omnes intueri, rogare, ut tertium *Consul* esset, utque *Collegam*, quem voverit, cooptaret; Hinc spes *Cæsari* Consulatum arripiendi, nec enim adhuc *Pompejus* in suspicionem venerat, aded consilia, sensusque abditi erant; ille verò *Scipionem Consulem* declaravit, *Cæsaris*que habendam rationem in proximis Comitibus dixit, etiam si absens esset; quā de causā licet ægrè tulisset *Casus*, neglegens eo tempore fuisse, credidit tamen, quod sequentibus Comitibus *Consul* omnino esset, nec interea belli Gallici status aliud tentare patiebatur; *Pompejus* contra nedum aditum ad Consulatum, augendamque magis potentiam *Cæsari* intercludere, sed eum opprimere in animum

animum induxerat, cum jam sciret, haud repulsam denuò latu-
rum; igitur nil omittit, quod firmandæ Potentiæ, augendisque
viribus conducere putat, *Senatum, Patriciorum Principes, totamque
fermè Nobilitatem* ad partes trahit, *Consulesque Cajum Claudium Mar-
cellum, & Lucium Lentulum* creari curat, quorum operâ Legiones
duas à Gallico Exercitu, prætextu Parthici belli, Italiam revocat,
Senatumque ad Decretum illud adigit, quo *Cæsar* Exercitum antè
certam diem dimittere jubebatur; *Cæsar* tamen cum factione suâ
frustrâ, ut idem *Pompejus* faceret, nitebatur; Quapropter *Tribuni
plebis Antonius & Cassius*, nequidquam intercedentes, ad ipsum *Cæ-
sar*em fugere coguntur, *Senatusque* telum illud explicat, quo ar-
mari Consules, ipsèque *Pompejus* jubebantur, cum nedum Consuli-
bus, sed eidem mandaverit, ut *viderent*, nè quid *Respublica detri-
menti* caperet; cumque frustrâ de Concordia actum esset, cum
nullæ *Cæsaris* conditiones placerent, ille diù cunctatus, *Rubiconem*
tandem cum Exercitu pertransiit, & *Patria hostis* à Senatu decla-
ratus, bellum intulit, quo nullum atrocius unquam fuit, quòque
Respublica adedò agitata, concussaque, ut tandem omninò ever-
sa remaneret; cum enim nedum Româ, sed totâ Italiâ *Pompejum* re-
cedere, atque in Græciam navigare coëgisset, Hispaniamque sub-
egisset, victis *Afranio ac Petrejo* Pompejanarum partium, eorumque
Exercitibus in deditionem acceptis, *Dictator* primum à *Marco Le-
pido* renunciatur, postea vero cum *Servilio* seipsum Consulem creat,
bellumque prosequitur, *ejus Virtutem adeo Comitante fortunâ*, ut licet
priùs ad Dyrrachium à *Pompejo* superatus videretur, cum tamen
adeo in Pharsalicis Campis attrivit, ut in Ægyptum fugere coëge-
rit, ibique *Ptolomæi* Regis jussu interfectus fuerit, missò *Cæsari*
Capite, ad cujus adspæctum lachrimasse *Cæsarem* fertur; Iterumque
Dictator dictus, ipsum Ægypti Regem aggreditur, confectoque
Alexandria periculossimo prælio, *Regnum* *Cleopatæ* permi-
sit; altero autem anno *Aphricanum* etiam bellum expedit, cum
Juba Rege Scipione simul & Catone de victis, unde *Cato* mortem sibi
apud Uticam conscivit; cæteri que etiam; *Petrejus* namque *Jubam*,
sequæ interemit, & *Publius Scipio* in navi circumventus, cum ab ho-
stibus quæreretur, seque ipsum interficeret, responsum dedit, *Impera-
tor*, inquit, *bene se habet*; adeò immani odio contra *Cæsarem*
ferebantur, horrebantque venire in ejus potestatem; Romam in-
de reversus, summòque gaudio exceptus, cuncti enim ordines ad

De bel-
lo Civili
Cæsa-
ris, &
Pompeji

fortunam mutati erant, 4. triumphos egit, ex Gallia nempe, Ægypto, ex Ponto & Africa, epulumque, atque omnis generis spectacula edidit, censumque egit, quo Civium Capita 150000. censa fuere. Quoniam verò *Pompeji* filii Hispaniæ bellum renovare conabantur, profectus adversus eos, post varias expeditiones summam Victoriæ non sine maximo discrimine apud Mundam urbem adeptus est, quo in prælio *natus major Pompeji filius* acerrimè dimicans occubuit; *Sextus autem Pompejus* effugit. Ità Romam triumphans rediit, cunctique ei à Senatu honores decernuntur, interque eos ut *Pater Patriæ* appellaretur, utque *Sacrofanctus*, ac perpetuum *Dictator* esset, atque hinc tandem Reipublicæ imago ipsa concidit, cum *Solus Cæsar* Summum Imperium sub *Dictatoris* nomine acceperit, nec ostendere potestatem abstinerit, cum *Senatui* eos honores deferenti antè *Ædem Veneris* Genitricis sedens minimè assurrexerit, *Marcum Antonium* Capiti suo Diadema imponentem haud objurgaverit, ipsumque Diadema in Sella reposuerit; *Tribunus* autem *Plebis* *Epidio Marullo*, & *Cesonio Flavo* invidiam, tanquam Regnum affectanti, moventibus potestatem abrogavit.

De Cæsaris Dictatura. En igitur Reipublicæ Romanæ orbem usque ad *Dictaturam*, seu potius *Tyrannidem* Cæsaris perductum! vidimus enim initia sub *Romulo*, qui eam æquis adeo Legibus, ordinumque ac Munerum distributione temperavit, ut vel *insans* hostium in medio adulescere potuerit, donec ambitione simul ac nefario scelere *Tarquini Superbi* corrupta, concidisse visa est. Surrexit autem & quidem robustior *Bruto Authore*, mansitque, donec ambitio atque superbia *Optimatum* animos invasit, corruptique, ut à *Populo Plebs discreta* suos Magistratus obtinuerit. Vulnerata inde Respublica, morbis semper & languoribus obnoxia, adeo tandem jactata est, ut nunc *Patriarum* impotentiam, nunc *Plebis* furorem experta, 10. tandem debuerit ferre *Tyrannos*; è quorum manibus evasisse quidem visa est, sed in *Plebis potestatem* adeo incidit, ut ab eo tempore perpetuis concussa motibus continuum sui spectaculum præbuerit; donec tandem inverso rerum ordine *Plebs* ipsa *Legis ferenda* potestatem nacta à *Demagogis* dominari, eorumque ambitioni deservire cepit; cumque unus alterum non pateretur, nullaque amplius *Legum* esset autoritas, quoniam ad ipsorum nutum figi ac refigi videbantur, ad arma ventum est; hinc Civilia bella orta, hinc *Mariana Syllanæque* factiones cædibus proscriptionibusque attritæ.

tritæ. Hinc *Triumviratus* primò *Cæsaris*, *Crassi* atque *Pompeji*, postea verò *Civile bellum*, immane adeò, ut plus sanguinis eo quinquennio, quo duravit, effusum fuerit, quàm integro 50. annorum spatio in bellis aliis, ipsæque *Syllana* atque *Mariana* Clades umbra tantum atque imago fuerint, donec alter eorum rerum potitus *Republicam* sustulerit adeoque autoritate gauderet suâ, ut *Sylla* magnanimitatem, qui *Reipublica* formam restituit, atque *Dictatura* exacto tempore se abdicavit, derideret, id ideo effecisse inquit, quoniam literas nescivisset, licet *Cæsar* ipse, quod pejus fuit, nec *scriberet uti*; cum vel debuisset eo *Magistratu* se abdicare, vel armatum militem ad Corporis custodiam adhibere, nec fidere Universis.

Nec tamen tunc temporis negaverim omnem Potestatem ad unum conferri pacis interfuisse; cum non aliud discordantis Patriæ presens remedium, quando jam sine Legibus & Magistratibus in Republica vivebant, nec propterea in libertate erant, cum nomen tantum & imaginem *Respublica* haberet; In partes namque tot per annos divisa, dissolutio potius societatis videbatur & Ordinis; sed *Cæsar* uno omnia momento mutare aggressus, invisio perpetuo *Dictatoris* nomine, amotisque Corporis custodibus sibi ruinam accessivit; nam paulatim insurgere, ac vel Instituta veteris *Reipublicæ* firmare melioremque formam restituere debebat, vel si dominari malebat, libertatemque præripere, ipsamet *Reipublicæ* Instituta pedetentim oportebat invertere, nec unquam armatos Corporis Custodes amovere. Reus igitur affectata Tyrannidis *Optimatum* iudicio, cum nullum ex legibus superesset auxilium, de eo interficiendo conspirant simul præcipue *Marcus Brutus Prætor*, *Cajus Prebonius*, & *Cajus Cassius*, & ex ipsis *Cæsaris* partibus *Decimus Brutus*, illumque in Curia *Pompeji* 23. vulneribus confodiunt, postquam confecto Civili bello, brevi 5. mensium spatio Romæ Summam Potestatem exercuisset; occupatò postea *Capitolio*, cum factionem *Cæsaris* timerent, eum tenuerunt armati, donec *Senatus* oblivionem cædis decrevit, obsidisque *Antonii* & *Lepidi* liberos acceperunt.

Sed *Marcus Antonius*, qui sub *Dictatore Cæsare* *Magister Equitum* fuerat, tuncque *Consul* erat, in eo rerum statu optimum ratus, nec *Senatus* auctoritatem, nec *Leges* curare, sed aperta vi atque armis potestatem retinere, suoque cuncta arbitrio moderari, seditiosa Concione Populum ita commovere cepit, ut *Cæsaris* Corpus publice concremaret, ædibusque Civium flammam ac ferrum intenderet,

De Cæsaris ne-
ce.

De Marco Antonio & Octaviano.

taret; *Antonius* autem suam tantummodò ambitionem explere satagens, *Plebi* quidem seditionem prohibuit, sed per vim *Legem* tulit de Provinciarum permutatione, sibi que imperat Provinciam Galliam, cui *Decius Brutus* obstitit, Mutinamque Exercitu occupat.

Cajus autem *Octavianus* 18. annorum juvenis, testamento *Cæsaris* hæres ex parte dimidiâ institutus, ejusque ex sorore *Accia* Nepos in nomen quoque adoptatus erat; jamque Romam ex Epyro auditâ *Cæsari* morte venerat, præcipuamque spem in *Antonio* reposuerat, ut ejus auxilio interjectorum *Cæsaris* ulcisceretur. *Antonius* autem seu insitâ superbiâ despiciens Juvenem, seu illum cupiens opprimere, nè insurgeret, cumque *Cæsari* nomine gravis sibi fieret, adeò malum animum ostendit, ut sagacissimus *Octavianus* statim agnosceret, nil ab eo nisi hostilia expectanda; adeoque licet *Cæsari* nomen assumpsisset, spe illâ ductus, nec in totum frustratus, quòd iis auspiciis Veterani *Cæsari* milites ei prestò essent, si rerum temporisque conditio permitteret, *Caput* esse partium; ea tamen cum *Consulibus* maturitate se gerit, aliàmque personam fingit, ut Senatui, disertoque sed parùm prudenti *Ciceroni* fidem faceret, se *Antonium* persequi, partes Reipublicæ suscipere, oblitus *Cæsari*, ejusque interjectorum; itâ *Cicerone* ipso suadente præcitur Exercitui adjungiturque *Hircio* & *Pansa* *Consulibus* cum pro *Consulari* Potestate, ut adversus *Antonium* hostem judicaret, Mutinamque obsidentem, ubi *Decius Brutus* erat, bellum gereret. Itâ facto Romanæ jam Reipublicæ imminente, dum adolescens simulat *Pompejanarum* partium gratiam, Reique publica studium, imponitque non dominandi cupidine, Veteranos per largitiones concivisse, sed ut *Antonii* propulsaret injurias, tot Senes Sapientissimos decipit ut arma darent, quibus *Rempublicam* everteret, eâ inani *Ciceronis* conjecturâ ducti, quòd itâ bellum cum *Antonio* absolveretur, cum ejus Exercitum ad *Octavianum* *Cæsaris* Nepotem atque hæredem signa transferre putaret. Ille autem pugnavit quidem ad *Matinam*, quoniam non ferebat tempus alienam personam statim exuere; cælis tamen in prælio *Consulibus* *Hircio* & *Pansâ* (sive hostis illos seu *Pansam* *Venerum* *Vulneri* affusum, seu milites *Hircium* & *machinator doli* *Cæsar* abstulerant) utriusque Copias sibi adjunxit, tuncque demum Romam venit, statimque invito Senatu Consulatum arripuit, Legemque protulit, de questione habenda in eos, quorum operâ Pater occisus esset; qui absentes damnati sunt; tumque simul cum *Antonio* ac

Lepido

De
Octa-
viani
aribus.

Lepido conspirat. ita ut 3. Viri Reipublica constituenda per quinquen-
nium præssent, atque sui cujusque inimici proscriberentur, Pro-
vinciæque inter eos dividerentur; adeoque Nobilium Virorum,
Equitum, Senatorumque proscriptiones, Cædésque in Commer-
cium venire visæ sunt; 100. enim 30. Senatores proscripti, inter-
que eos *Lucius Paulus* frater *Marci Lepidi*, & *Lucius Caesar* Antonii
Avunculus; tumque *Cicero* ipse simplicitatis suæ pœnas luit, jussu
enim *Marci Antonii*, adversus quem Philippicas scripserat, à *Popilio*
quodam legionario milite, cujus Patrocinium egerat, occisus est,
capite quoque cum dextra manu in rostris posito. Tunc verò
apertè arma contra Rempublicam versa, gesto, confectoque,
summâ felicitate, bello contra *Brutum* & *Cassium* conjuratorum Prin-
cipes, cum quibus in Macedonia ad Urbem Philippos *Octavius* ipse
& *Antonius* acie decertarunt; ac licet utrinque dextra Cornua vi-
cissent, *Cassius* tamen, qui in pulso Cornu erat, totum Exercitum
fusus esse ratus, seipsum interfecit; *Brutus* autem victus altero
prælio, mortem etiam sibi ultro conscivit, annum agens 37., dum-
que se occidebat, ita exclamasse fertur; *O iniqua Virtus! ego te uti*
Dominam sequebar, tu autem fortuna servebas! Victis igitur hostibus
trifariam quidem Romanum divisere Imperium, sed primùm dece-
ptus *Lepidus* spe amicitie, desertusque ab Exercitu, vix abrogato
Triumviratu ab *Octavio* vitam impetravit. Cum ergo 2. essent,
nec unus alterum pati posset, licet priùs Antonium Tarentino,
Brundisinoque fœdere, ac nuptiis sororis *Octavia* devinxisset, cau-
sas tamen prætexuit simultatum; unde cum Ægypti esset, Reginam-
que *Cleopatram* adamaret, *Octavii* ipsius odio sororem repudiavit,
eamque duxit, prætendebatque ex Imperii distributione Ægyptum
universum, Regionisque ultrà Euphratem; ille autem Reipubli-
cæ partes agere simulans, ut in Urbem veniret *Antonius*, utque fi-
nito tempore Triumviratus deponeret Imperium, causas belli præ-
texebat; hinc in Epyrum cum Exercitu trajecit, & *Marcum An-*
tonium ad Actium navali prælio vicit, qui cum Alexandriam pro-
fugisset, obsessusque à *Cæsare* esset, seipsum interfecit; ita in Urbem
reversus 3. triumphos egit, ex Ilirico nempe unum, alterum ex
Actiaca victoria, de *Cleopatra* alterum, quæ nè in ejus potesta-
tem veniret, mortem sibi consciverat.

Antequàm autem inversum Reipublicæ statum sub *Octavio*,
qui nomine Principis Rempublicam ipsam sub Imperium accepit, adver-

tamus, considerare non displicebit, non minori imprudentiâ conjuratos, quàm postea *Senatum* se gessisse; illi enim *Cæsar* nihil timentem, ac sine armis *Republicam* tractantem aggressi, factionis ejus Principes, præcipuèque *Antonium* ipsa in Urbe omisere, ut vix occiso *Cæsare* timore correpti nedum *Republicam* non restituerent, sed sibi ipsis cavere tenerentur, cum si rem voluissent opportunè perficere, erant quoque *Cæsar*is necessarii armis opprimendi; cum enim Duces remanissent Julianarum partium, nec solummodò Plebs ipsa ob Agravatas Leges, & quia ejus causam perpetuò *Cæsar* egerat, iisdem partibus obnoxia mansisset, nullo modo poterat res perfici, adeoque majores excitari motus visi sunt; *Senatus* autem cum *Octavianum* videret *Cæsar*is Nepotem eo nomine superbire, animum ejus, occultaque consilia rimari tenebatur, nec fronti, quam conditio temporum effingebat, fidem habere. Quod si effecisset, *Antonium*que omnibus copiis opprimi jussisset, vetus *Reipublicæ* forma restitui potuisset. Sed jam nimia felicitas, vitia, factionesque adedò *Reipublicam* laceraverant, ut nunquam potuisset ritè coalescere, adeoque fati *Reipublicæ Romanæ* debebatur, ut ex ea maximum prodiret Imperium, cujus juvenis ille, qui *Senatum* decepit, quique hostes debellavit universos, nec tantum armis, sed consilio, doloque, fundator esset.

De O-
ctaviani
Cæsaris
Principi-
patu.

Cum igitur, nè Julianis quidem partibus nisi *Octavius* ipse Dux reliquus esset, disceptationem simulavit cum amicorum intimis de forma *Reipublicæ*, ut se pro *Republica* curas omnes suscipere crederetur; monuit tamen liberè *Agrippa* pristinam formam restituendam, libertatemque firmandam esse: qui enim ajebat, eandem naturam acceperunt, ex eadem Gente nati, iisdem moribus imbuti sunt, iisdem Legibus utuntur, eundem corporum animorumque usum Patriæ exhibent, quò non eos jussum sit, caterorum quoque omnium honorum participes esse? qui enim eadem conditione nati sunt, aequalitatem appetunt, eaque potiti gaudent, destituti dolent; neque volunt sub anius semper esse Imperio, neque ferunt, se laborum, periculorum, impendiorumque participes rerum meliori communione privari. Ad hæc, subdit, multi genere, divitiis, aut aliâ fortunâ excellentes Viri, alioqui boni, Principatui tamen unius hominis infestissimi existunt. Hos neque si augeri patiâre, tutus vires, neque si opprimere coneris, jussu ages. Si iis Exercitus ac Provincias committes, periculum erit, nè tecum *Reipublica* à te instituta statim subvertatur. Neque enim Vir egregius ullus sine magno animo nascitur.

seitur. Sin autem hujusmodi viros nullis negotiis præcias, sed ea ignavis ac contemptis injungas, mox & strenuorum iram, ob contemptam à te eorum fidem, concitabis, & maximis in rebus clades patieris. Et denique petito à Romanorum Regibus exemplo: nos ipsi, inquit, Romani, cum antè diverso modo Republicâ institutâ, Regum nempe temporibus, multa pertulissemus incommoda, deinde libertatem appetivimus, eamque consecuti ad tantam hanc Potentiam pervenimus, non aliis quidem, quàm Popularis Reipublica adjecti bonis, cum & Senatus auctor fieret, & Populus juberet.

Sed cum viderimus post arreptam à Plebe Leges ferendi Potestatem in Democratiam deterrimam evasisse Romanæ Reipublicæ statum, atque propterea Civilia bella, quæ tandem Rempublicam oppressere, propter factionum contentiones oriri debebant; nullam hinc fuisse eo tempore Reipublica formam, sed potius dissolutionem Societatis, atque Anarchiam advertimus; potentior namque factio imagine Reipublicæ Dominationem impotenter exercebat; unde meritò *Castra*, dixerat Antonius, Pompej, *Senatum appellatis*? Postquam igitur Octavius Cæsar debellatis undique hostibus eam potestatem nactus esset, ut Reipublicæ formam, quæ melius videbatur, dare potuisset, vel ad sua initia debuisset Reipublicæ statum revocare, quod erat difficillimum, Plebs enim Romana nunquam potuisset in ordinem redigi, cum armata esset, suisque Magistratibus assueta, & ad eam molem Respublica creverat, ut sine Rectore stare & librari nequivisset; vel Principatum capere. Optimè igitur *Macenas* contra Agrippam suasit, ut solus capefferet Imperium, quod Populo & Senatui reddere, aut permittere nil aliud erat, quàm gladio armare, ut Rempublicam invaderent, discerperentque. Nec igitur aliud discordantis Patriæ remedium fuit, quàm ut ab uno regeretur; hinc sapientissimè Augustus, qui solus difficillimam iis temporibus regnandi artem adeò calluit, ut vel exemplo docuisset videatur, restituendæ Reipublica desiderium ostendit, atque ut impossibile omittere simulavit; eam autem adeò moderari cœpit, ut nil immutare videretur; deposito enim Triumviri nomine Consulens se ferens, & ad tuendam Plebem Tribunitio jure contentus, ubi militem donis, Populum annonâ, cunctos dulcedine otii pellexit, insurgere paulatim, munia Senatûs, Magistratuum, Legum in se trahere, nullo adversante, cum ferocissimi per acies aut proscriptione cecidissent: ceteri Nobilium, quanto quis servitio promptior, opibus & honoribus extollerentur, ac

novis ex rebus aucti, tuta & praesentia, quam vetera & periculosa malent. Neque Provincia illum rerum statum abnuebant, suspecto Senatus, Populiq[ue] imperio ob certamina Potentium, & avaritiam Magistratum, invalido Legum auxilio, qua vi, amittu, postremo pecuniâ turbabantur.

Sub initiis igitur Imaginem Reipublica reliquit, dum ipse arcanis Consiliis Dominationem exerceret, ita enim Mecanatem suasisse Dio scripsit: (a) Minime vero, inquit, priscam Magistratum Potestatem conservabis, ne res in priorem statum recidat; sed honore quidem servato ipsis, relictoq[ue], potentiam in tantum diminuas, ut nihil dignitatis quidem deficiat, virium autem ad molendum res novas nihil superfit. Quod si Regni nomen ut execrabile reformidas, rem ipsam amplectere; poterisq[ue] utiq[ue] omisso Regio nomine sub Caesaris Appellatione & Imperatoris, & qua ultrò dabunt Romani Cognomena, plenâ Potestate uti. Igitur Dictaturam quoq[ue] pertinacissimè recusavit, Princepsq[ue] Senatus dictus est, sicut cùm libertas & Respublica prorsus adhuc valebant, usureceptum erat; accepto etiam Augusti nomine, quod Senatus tribuisse videtur, vel quia Imperium auxit, vel ut Sacrum, Sanctumq[ue] esse denotaret; nam

Sancta vocant Augusta Patres, Augusta vocantur

Templa Sacerdotum ritè dicata manu.

Accisimus.

Hinc etiam difficilem Reipublica partem suscipere affirmavit specie recusantis quod flagrantissimè cupiebat, nec perpetuò; unde preces & Vota decennialia. Distribuit igitur Provincias, pacatasq[ue] Senatui commisit; cæteras, ubi nempe Legiones adesse oportebat, pro se retinuit, ut Reipublica Vires penderent à nutu suo, nec, ut *Cajus Caesar*, armatos custodes neglexit, cùm primus *Pratorianas cohortes* instituerit, quæ pro custodia *Principis* perpetuo excubarent, eosque largitionibus devinxit; utq[ue] perpetuo ac sine difficultate sumptus ad tuendos milites suppetere, *Ærariam* instituit militare, novumq[ue] Vectigal imposuit, *Vicesimam* nempe hæreditatis ac Legatorum, & *Centesimam* rerum Venalium.

Complexione autem Magistratum & præcipuè *Tribunitia Potestatis* in perpetuum, maximòq[ue] Sacerdotio (*Pontificatum* namque maximum mortuo Lepido suscepit) vim ac Potestatem Summi Imperii explicabat, ne nomina videretur usurpasse Populo invisa; Quapropter cùm Religionis & Legum Potestas, quibus Respublica omnis continetur, penes illum esset, nil erat, quod ultrà desiderare potuisset.

(a) Lib. 52

Qui

Qui igitur nec Rempublicam everfam, nec libertatem Romanam deletam scripsere, vocum discrimina ac Juris-Consultorum subtilitates & exempla proferentes, rerum simulacra atque imagines pro rebus ipsis accepisse, ipsamque Statûs rationem, quam Augustus invexit, cæterique secuti sunt, tanquam Reipublica fundamentum jactitasse videntur; ut enim per Divina in arbitrium suum humana omnia redigerent, nedum *Auguratum* & *Quindecimviratum Sacrorum*, sed ipsum etiam Pontificatum maximum exemplo Augusti ad Gratianum usque tenuere, licet Imperatores Christiani animo rejecissent; Laus tamen Gratiano debetur, quoniam primus exteriorem faciem superstitionis illius Muneris à se avertit. *Tribunatum* autem nedum assumebant. ut jura Populi universa ad se traherent, sed ut cum Divino jure, cum humanis Legibus inviolabiles redderentur; undè rectè Tacitus id summi fastigii vocabulum reperisse Augustum scripsit, nè Regis aut Dictatoris nomen assumeret, & tamen appellatione aliqua cætera Imperia premineret.

Censuram etiam alio sub nomine, ut odium, invidiamque ejus Magistratus averteret, *morum* nempe *Legumque regiminis*, assumpsit; & cæteri quoque secuti *Cæsares* exemplum, ut etiam famam & Statum Civium suæ Potestati subjicerent, quibus *Pro-Consulare Imperium* adjunctum fuit, quod in Provinciis *Summam ac liberam denotabat Potestatem*; ac propterea florente Republicâ perquam raro & paucis, atque præfinito tempore concedebatur; Imperatores autem perpetuè assumpsere, ut *Consules* viderentur Provinciarum omnium, eamque explicarent Potestatem in Provinciis universis, quam prius *Pro-Consules* explicabant in sua, quod Imperium licet statim ac Urbe egrederentur cæteri explicassent sublati insignibus, Augustus tamen etiam intrâ *Pomærium* ex *Senatûs-Consulto* retinuit, atque ita ned. m *Urbanos Magistratus* ad se traxit, sed perpetuum etiam *militarem Præfecturam*, in qua *Cardo Principatûs* præcipuè vertebatur, cum Exercitus universos sub Potestate haberet, à quibus propterea Augusti, ut prius cæteri Duces, Imperatores dicebantur; quod autem à *Senatu munera quadam Consularia* reciperent. & quædam cum Consulibus communia haberent Imperatores, etiam si Consules creati non essent, quodque *Senatum* convocarent, utque *jus referendi* semel, aut bis, aut ter, de una re, duabus, aut tribus haberent, atque in *Senatum* ipsum cooptari paterentur, Ritus erant potiùs, ut simulacra ex integro manere viderentur, cum ipsi receptis moribus insisterent; quare *Patres Patria* quoque

quoque nuncupati; honores autem ad firmandam potestatem adeò capessivèrè, ut etiam Divinos expeterent, atque ut Dii coli vulerint, nam *Augustum* templis etiam, & effigie numinum per flamines & Sacerdotes coluèrè. Quod si aliquam videbatur Senatus auctoritatem explicare, id potissimùm eveniebat, dum extinctà Cæsarum familià Imperatores nullo Successionis ordine nunc à *Senatu* ipso, nunc ab *Exercitibus* eligebantur, vulgato, maxima cum Reipublicæ perniciè, arcano, *posse alibi Imperatorem, quàm Roma fieri*; Tunc enim nè viderentur in *Rempublicam* irrepissè, cuncti Magistratus atque honores decernebantur, ut juxtà Leges præscriptosque mores, ac Cæremonias legitimè inaugurati viderentur, atque tutius liberiusque regnarent; Ut enim ab ipsis Imperatoribus Exemplum sumamus, dic quæso Sodes, quænam *præter speciem* fuisset *Senatus* auctoritas, si Regnatricis Augusti domus viguisset? quando licèt, eadem Magistratuum vocabula; versus tamen adeò erat rerum status, ut nihil usquam prisca & integri moris cerneretur, cunctique exutà æqualitate jussa Principis adspiciabant? *Augustus* namque Subsidia *Dominationi Claudium Marcellum* Sororis filium, & *Marcum Agrippam* assumpsit, illumque Pontificatu & *Curuli Ædilitate*, hunc verò geminatis Consulatus extulit; Genitos autem *Agrippa*, quem Generum quoque sumpserat, *Cajum & Lucium Cæsares*, Principesque juventutis appellari curavit, privignos quoque *Claudium & Drusum*, *Liviæ* artibus devinctus, Imperatoriis Nominibus auxit, integrà etiam tum domo suà; Cùmque Nepotes ipsos mors propera, vel *Novercæ Liviæ* dolus abstulisset, *Drusoque* pridem extincto, *Tiberius Nero* solus è privignis esset, eum Imperii Collegam accepit, Consortemque assumpsit *Tribunitia Potestatis*, omnesque per Exercitus ostentavit. Ille verò, dum *Augusti* valetudo gravefceret, propter Matris literis accitus ex Illirico, eodem tempore, quo cessasse satis *Augustum* fama vulgavit, *Imperator* auditus est, *Posthumumque Agrippam* Augusti Nepotem, quem uti rudem bonarum artium & robore Corporis stolidè ferocem in Insulam *Planasiam Liviæ* artibus projecerat, occidi jussit; cumque, Centurioni, factum, quod imperasset, nuncianti respondisset, *neque imperasse sese, & rationem facti reddendam apud Senatum* (quoniam *Augusti* jussa simulabat, quibus scilicet Tribuno ad Custodiam apposito præscripserat, nè cunctaretur *Agrippam* morte afficere, quando-cunque extremum diem ipse explevisset) monitus fuit, *ne arcana domus*

De Ti-
berio
Cæsare.

domus, nè *Consilia amicorum*, *Ministeria militum vulgares*, nève resolveret vim *Principatus*, eamque *Conditionem* esse Imperandi sciret, ut non aliter ratio constet, nisi uni reddatur. Quæ igitur Respublica? An enim iuste conveniunt libertas & dominandi ratio? An dum ruere in servitium videbantur Consules, Patres, Eques? An dum in Verba *Cæsaris Tiberii* jurabant *Senatus*, *Miles & Populus*, Rempubicam mansisse dicemus? Vel quoniam in Senatu duntaxat ambiguus loquebatur, cum signum Prætoris Cohortibus ut Imperator daret, Excubiæ, arma, cætera Aulæ, miles in forum, miles in Curiam comitaretur, literasque ad Exercitum mitteret tanquam adepto Principatu, veterem Reipublicæ formam excepisse dicemus, & rerum simulachra pro rebus ipsis accipiemus? *Tiberius* igitur Monarchiam exeruit per artes & arcana, licet sub Imperatorum temporibus non negaverim, Statum Romanæ Civitatis non unam sumpsisse formam; nunc enim *Principatus* erat, nunc reipsa *Monarchia*, & quanto longior à regno facie rerum videbatur, eo intentius erat, quoniam ad *Dominationem* omninò vergere cernebatur, dabatur enim famæ, ut vocati electique à *Republica* potius, quàm per artes factionesque militum eandem invalisse viderentur.

Sed nec rerum faciem *Tiberius* pati voluit, cum *Comitia* è campo transtulisset ad Patres; ad eam namque diem licet potissima arbitrio Principis, aliqua tamen studiis *Tribunum* fiebat. Neque *Populus* ademptum jus quæstus est, nisi inani rumore. Nec propterea aucta *Senatus* Potestas, quoniam Senatu utebatur, dum expedire arbitretur, cum si vim ipsam attendamus, *Senatum Curiam Judicium* efficit, nec libera suffragia erant, cum Patribus metus semper esset, si intelligere viderentur. Quare ingens *Annalium* Taciti materia *judicia Majestatis*, quæ *Tiberius* reddidit, atque à Senatu excerci voluit, undè Delatores in pretio, genus hominum publico exitio repertum, quorum ope callidà *Tiberius* arte præstantes Viros, & à quibus metuabat sustulit; quare per præmia etiam & largitiones eliciebantur, quorum primus *Hippo* eam vitæ formam iniit, quæ postea celebris calamitate temporum, & audaciâ hominum evasit. *Comitia* tamen *Consularia*, licet eò Principe ac deinceps fuerint, ille tamen modò subtrahis Candidatorum nominibus, originem cuiusque, & vitam & stipendia descripsit, ut qui forent, intelligeretur; aliquando quoque eâ significatione subtrahit *Candidatos* hortatus, nè ambitu *Comitia* turbarent, suam ad id curam polli-

pollicitus est : plerumque eos tantum apud se profectos differuit, quorum nomina *Consulibus* edidisset ; posse & alios profiteri , si gratiæ aut meritis confiderent ; *Speciosa Verbis*, *re inania ac subdola* : *quantoque majori libertatis imagine tegebantur*, *santæ eruptura ad infensum servitium* ; Et dum *Piso* sententiam in Senatu dixit, absente Principe *Senatum & Equites* posse sua munia sustinere, *Asinium Gallus* contrà, quia speciem libertatis *Piso* præceperat , *nihil satis illustre respondit, aut ex dignitate Populi Romani nisi coram & sub oculis Cæsaris* : *Eoque Conventum Italia & adfluentes Provincias præsentia ejus servanda* ; Cùm tamen censuisset *Gallus* in quinquennium Magistratum *Comitia* habenda ; utque Legionum *Legati* qui antè *Præturam* eà militiâ fungebantur, jam tum *Prætores* destinarentur, *Princeps* 12. Candidatos in annos singulos nominaret ; *Tiberius* quoniam *Sententiam eam altius penetrare, & arcana Imperii tentari sensit*, quasi tamen augetetur *Potestas ejus*, favorabili in speciem *Oratione* elusit, *Vimque Imperii tenuit*. Post eum *Cajus Caligula* Potestate ipsam in *Dominationem* vertit, nam *Diademate Capiti* imposito, *Dominum* se jussit appellari, admonitusque & Principum & Regum se excessisse fastigium, *Divinam sibi Majestatem asserere cœpit*, monentique *Antoniz Aviz* : *nemento*, respondit, *omnia mihi in omnes licere*, tragicum illud subinde jactans ; *Oderint, dum metuant* ; Quare nec sub *Tiberio* servus melior, nam aliàs è medio sublatus fuisset, ut cæteri ; nec dum rerum potiretur, *deterior Dominus* unquam fuit.

De Caligula
Dominatione.

Eoque sublato licet de restituenda Republica Senatus in Capitolium à Consulibus vocatus consultaret, salutatur tamen *Claudius* à Prætorianis militibus Imperator, honoresque è more decernuntur, sub quo Principe liberti vim *Dominationis* tenuere ; *Callixtus* nempe, *Narcissus*, atque *Pallas* ; cumque *Princeps* cuncta Legum & Magistratum Munia in se traxisset, ingentem iis prædandi materiam patefecit. Nec aliàs *Nero* Imperium est assecutus, nam *Agrippina Mater*, postquam *Claudius* veneno sumpto, quod ipsa parari jusserat, extremum trahere spiritum videbatur, atque jam exanimis esset, dum res firmando ejus Imperio componeret, ire in melius valetudinem Principis vulgabat ; postea verò foribus Palatii repente diductis, egressus ad Cohortem *Nero*, quæ aderat *Excubitis*, exceptusque festis vocibus, inditus læticæ *Castra* petiit, & congruentia tempori præfatus, præmissò donativo *Imperator* acclamatus

De Nerone.

matus est; secuta inde Patrum *Consulta*, Cælestesque honores *Claudio* Decreti; licet autem Curiam ingressus, formam futuri Principatus præscripsisset; non inquit, se negotiorum omnium judicem fore, ut clausis unam infra domum Accusatoribus & Reis, paucorum potentia grassaretur (ita judicia Claudius exercuerat) nihil in Penatibus suis venale, aut ambitioni pervium: Discretam domum & Rempublicam: teneret antiqua munia Senatûs: Consulum Tribunalibus Italiâ & publica Provincia assisterent, illi Patrum aditum præberent. Se mandatis Exercitibus Consultorum. Nec per quinquennium fides defuit, non enim erat Neroni infra servos ingenium, & vividum animum *Afranius Burrus* atque *Anneus Seneca* moderabantur. Vi postea *Dominationis* convulsus ac in pejus mutatus est ob Matris præcipuè ambitionem atque impotentiam, metumque *Britannici*, quem ipsa dominandi cupida, quoniam potestatem minuerat. *Nero*, adultum jam esse, veramque ac dignam stirpem fatebatur, suscipiendo Patris Imperio, quod insitus & adoptivus per suas injurias exercebat; & profecto haud erat inanis metus; namque *Agrippina* filium, decus, pudorem, Corpus, cuncta Regno villiora habebat. Exorsus igitur à *Britannici* parricidio, quem veneno aggressus est, aded postea in sævitiam, cunctaque flagitia ruit, ut immanius monstrum vix tulisse orbem dignoscatur; licet non negaverim ob detectas Conjuraciones sævire sæpius coactum fuisse; Senatûs autem servitutem, scædamque adulationem ex eo conjicere licet, quod cum literas ad eum de Matris cæde misisset *Nero*, *Supplicationes* apud omnia Pulvinaria decrevit, utque *Quinquatria*, quibus compertæ essent insidiæ, ludis annuis celebrarentur; aureum *Minervæ* Simulacrum in Curia, & juxta Principis imago statureretur: Dies Natalis *Agrippinæ* inter nefastos esset.

Defectâ verò cum *Nerone* Juliorum, Claudiorumque regnatrice domo, evulgatòque arcano posse alibi quam *Roma* Imperatorem fieri non aliam Senatûs Potestatem explicabat, quam per metum ac vim honores decernendo, ut ritus servarentur, utque auspiciata initia Imperii & confirmatus titulo Principatus videretur. Quæ quantâ sint extimanda satis liquet iis, qui ritus quoque ac cæremonias in Regum ac Principum Inauguratione animadvertunt, qui nec Populi aut Procerum approbationem omittunt; Unde Cæsarum *Dominatio* longè Romanos ipsos Reges antecellebat, cum illi omnia ad se traxissent, nil præter imaginem ac simulacra relinquentes, quæ sæpius vim *Dominationis* exercendo nec quòque patiebantur;

D d

nam

nam sub *Galba* afferebant venalia cuncta præpotentes liberti, quorum manus *subitis avida*, & tanquam apud Senem festinantes, eadem novæ *Aulæ* mala æquè gravia intulere; nec melior fuisset ad-
De Gal-
ba Otho-
ne ac Vi-
tellio.

De Ve-
spasiano,
Tito &
Domi-
tiano.

De
Nerva
Traja-
no.

De Ul-
pio Tra-
jano.

De Ha-
driano
Antoni-
no &
Marco
Aurelio.

De
Comodo
Pertina-
ce, ac
Didio
Juliano.

quasi adsciri sibi Successorem Adoptionis jure, haud esset Rempublicam dare, ac si suæ familiæ hæreditas fuisset? Quid autem de *Othone*, *Vitellio*que? Nec sub *Vespasiano* licet bono Principe *Dominatio* remissa est, quamquam *Titus* biennio, quo imperavit, *Dominationem* in Principatum vertisse videretur, nec duntaxat pro Republica optimus, sed pro singulis, cum diem absque beneficiis perdidisse diceret, unde *delicias humani generis* nuncuparunt; *Domitianus* autem velut uno ictu Rempublicam exhaust; quare sub eo præcipuè sicut vetus *Ætas* viderat quid ultimum in libertate esset; ita quid in servitute Roma vidit & passa est, adempto per inquisitiones loquendi, audiendique Commercio; quo occiso post 15. annorum tyrannidem *Nerva Trajanus libertatem* verè miscuit & *Principatum*, ac licet post 16. Menses defunctus, diuturnam tamen felicitatem in Rempublicam invexit, *Ulpium Trajanum* adoptando, qui à Senatu Populoque Romano *Optimi* Cognomen meruit; unde sæpius *intensam Monarchiam* exercuisse Cæsares, raro *Principatum* agnoscimus, licet jure Senatus, Consules, ceterique Magistratus sua munia habere, Cæsares autem mandatis Exercitibus consulere debuissent; Cæteri namque *Principes* semper Legionibus poscentibus Imperium obtinuerunt, licet à Senatu honoribus è more decretis; *Hadrianus* enim postquam Imperium à militibus oblatum susceperat, à Senatu confirmari postulavit per literas; *Antoninus* autem prius jam adoptione *Cæsar* erat, qui quoque *Marcum Aurelium* adoptavit, & in Societatem *Tribunitia Potestatis* adscivit, re *Philosophus* magis quam verbo, licet filii *Commodi* amore convulsus, monstrum illud *Reipublica* dedisset, *Cæarem*que adhuc puerum appellasset, & præter Leges ante *Æratem* ad Summos Magistratus evexisset, & ad consortium *Tribunitæ Potestatis* atque Imperium admisisset. *Pertinacem* autem *Præfectus Prætorio Lethus*, *Electus*que *Cubicularius* deduxerunt in Castra; postea verò cum milites acclamassent, *Senatum* adivit, eique Imperium acceptum

De
Septimio
Severo.

ptum tulit. *Didius autem Julianus* à Prætorio milite pecuniâ emit Imperium, factumque inde *Senatus Consultum* ut cætera. *Severus* autem cognitâ ejus ignaviâ cum Exercitu apud Illiricum, cujus Duxor erat, Romam migravit, Senatumque adegit, Imperatorem illum declarare. Atque hic est ille *Severus*, qui nunc Leonem ferocissimum, nunc verò Vulpeculam quàm maximè subdolum egit, *Pescenniumque Nigrum* Exercituum Asiæ Præfectum, ab iisque Imperatorem salutatum aggressus confecit ut Leo, *Albino* autem res novas etiam in Gallia molienti *Cæsaris* titulum misit, atque *Senatus Decreto Collegam Imperii* fecit, ut dolis opprimeret; *Exeditus* enim bello Asiatico, interfectoque *Nigro*, in Galliam migravit, *Collegæque* suo Vitam cum Imperio ademit, quod postea *Antonino Caracalla*, & *Gethæ* filiis reliquit; *Caracalla* verò, ut solus rerum potiretur, *Getham* sustulit, eique Cœlestes decrevit honores, responditque consulentibus Amicis: *Sit Divus*, dummodo non vivus; In amicos etiam fratris crudeliter sævit, acutissimique *Ingenii Juris Consultum Papinianum*, quoniam ejus parricidium defendere noluerat, interfici jussit; Principatum autem in *Tyrannidem* vertit, æquiusque agere visus est, dum ebrius esset; Cum *Matre* flagitiosissima, avidissimæque potestatis incestum commisit, atque ut *Concubinam* habuit; cum enim datâ ejusdem operâ nudam aspexisset, illæque æstuantem libidine animum his verbis ostendisset: *quàm vellem, si liceret*, respondit *Mater*: *si libet, licet, an nescis te Imperatorem esse, & Leges dare, non accipere?*

De An-
tonino
Caracalla.

Eo autem *Macrini* operâ sublato; à militibus factum ignorantibus administrandum *Macrinus* ipse suscepit Imperium, literisque ad Senatum missis nedum sibi, sed *Diadumeno* filio honores omnes, atque Imperatoria Jura decerni curavit, licet in *Macrino*: sciendum, scripssisset *Herodianus*, quod *Cæsar* fuisse dicatur, non autem *Augustus Diadumenus* puer, quem plerique parem fuisse Patri Imperio crediderunt, quibus à militibus iisdem trucidatis, lectus fuit maximo cum plausu *Varus Avitus*, quoniam *Caracallæ* filius putabatur, occulto stupro ex *Consobrina* genitus, unde *Antonini* nomen adsumpsit, *Elagabalus* quoque dictus à *Sacerdotio Solis*, quo in *Phœnicia*ungebatur. Ejus tempore adeò impotenter *Semiamira* Mater *Dominationem* exercuit, ut *Senatus seminarum* visus fuerit, quem *Senatum* communiter vocitabant, qui mulierum negotia cognoscebat; unde ipsam *Augustorum dominationem in Gynacocratiâ* ver-

De Ma-
crino, ac
Diadu-
meno.De Va-
rio Avi-
to Ela-
gabal.

*De Alex-
andro
Severo.*

tisse diceres. Cùm autem se probris omnibus fœdâsset, nihilque flagitii reliquisset quo corruptior ageret, nisi quòd uni ex illo Exoletorum grege, qui semper aderat, cui nomen *Hietocles*, in modum solemnem Conjugii denuberet, adeò militare odium excitavit, ut tandem ab iis interfectus, cadaver ejus in Tyberim præcipitarent. Successit autem *Alexander Mammeæ filius*, quæ soror erat *Matris Elagabali*, quem ipse adoptaverat 12. annorum puerum, cùm adoptatus ipse 14. annorum esset, adeoque *Cæsar* Senatûs Decreto eo vivo renunciatus, postque obitum acclamatione militari deductus in Senatum, eodem die *Pontificatum maximum, Tribunitiam Potestatem, & Consulare Imperium* accepit; delatum tamen *Pii* nomen recusavit, licet *Antoninum* etiam & *Magnum* crebris acclamationibus appellâsset; trucidatus quoque à militibus in bello Germanico, cùm imperâsset annis 13. quoniam severior reddi videbatur, Matricque nimis avaræ addictus esset.

*De Ma-
ximino
Thrace.*

Sed eò jam devenum erat, ut nedum *Creatio Imperatorum* à voluntate Militum penderet, sed exteris quoque ac Barbaris deferretur Imperium, nec aliam Senatûs partem haberet, quàm *Decreta* edendi, quibus honores è more mandabantur; quare cæso *Alexandro Maximinus Thrax*, neglecto quoque Senatûs Decreto, *Augustum* appellari se fecit, licet postea ut autoritate legitimâ regnare videretur, per literas Militum voluntatem Patribus aperuit, qui repentè timore correpti, eandem comprobârunt. Is autem primò *Bubulcus* in Thracia, cùm militiæ se addixisset, sub *Septimio Severo* stipendia meruit, & propter robur, pernicitatemque Corporis custos evasisit, evectusque sub *Caracalla* ad militares dignitates, sub *Macrino*, quem oderat, militiam deseruit; occiso autem *Elagabalo* denuò miles in pretio apud *Severum* fuit; cùmque *Augustus* esset, impotenter, crudeliterque dominatus est; generis enim sui consocios interemit, *Alexandri* amicos sustulit variis modis, & militum alios in crucem egit, alios animalibus nuper occisis inclussit, feris alios objecit, multos fustibus elisos necavit, & *Senatorum* plurimos per *delatorum* artes, quos subornaverat, perdidit. Filium autem sibi *Collegam Imperii* adscivit. Cùm verò insensus in dies ob scelera evaderet, *Africanus Exercitus Gordianum* Octuagenarium maternâ origine à *Traiano*, Paternâ à *Gracchis* ortum, justum æquè ac nobilem senem, Imperatorem salutavit, plaudente Româ, ac etiam comprobante Senatu, qui immanem illum *Thracem* eâ spe hostem

*De Gor-
diano,
& Filio.*

hostem judicavit, Collegamque simul Imperii Gordiani filium declaravit; quâ rerum novitate commotus Maximinus, Romam magnis itineribus properabat, ut Urbem diriperet, Senatûmque trucidaret universum; dum interim *Capelianus*, Maximini partes secutus in Africa, Gordiani filium in pugna interimit, Patrêmque ad eam desperationem adigit, ut laqueo vitam finiat; quare trepidi Patres, atque tota Civitas *Maximum Pupienum* Præfectum Urbi Imperatorem creant, Collegamque addunt *Calium Balbinum*, atque Adolescentem *Gordianum* senis jam dicti Nepotem Cæsarem declarant; *Pupienum* bellum contra *Maximinum* in se recipit; profectusque cum Exercitu, Aquilejam munit, in cujus obsidione *Maximinus* cum filio trucidatur à militibus, ex pessimo genere nec habendum Catulum clamantibus. Reverso hinc Romam *Pupieno*, ortisque inter eum, *Balbinum*que dissensionibus, cum is ut ignobilem contemneret, ille verò *Balbinum* ut ignavum, quoniam nunquam ordines duxerat, & milites utrosque odissent, quia *Senatus* elegerat, ambos trucidant; solusque *Gordianus*, concordibus inter se Senatu, militibusque, *Augustus* salutatus est, qui tandem *Philippi Arabis* in bello Persico dolo periit, qui post *Misisthei*, vel *Senatus* elogio eminentis Viri mortem *Præfectus Prætorio*, milites ad seditionem concitavit, eorumque acclamatione Imperium arripuit, *Augustos*que honores à Senatu extorsit, morbo extinctum *Gordianum* simulans, à quo ad *Valerianum* plurimi *Cæsares* intercurrent, quos Latinorum Historia *Augusta* nec memorat, sed *Casauboni* industriâ ex aliis Scriptoribus supplentur; traditque *Zonaras*; *Imperatores* à Senatu declaratos primò *Martium* quendam gravem sapientemque Virum; postea verò Patrum quoque suffragiis *Severum Hostilianum Augustos* honores assecutum esse. Sed *Aurelius Victor Gallum* quoque atque *Hostilianum Perpernam* Imperatores à Senatu fuisse declaratos affirmavit. Flu-
tuabat igitur *Respublica*, & nunc arbitrio militum jactabatur, nunc licet *Senatus* tantisper suam autoritatem exserere videretur, majores tamen inde motus oriebantur, nam nec ullius erat apud milites momenti, nec *Principes*, quos *Reipublicæ* dabat, à militibus obsequium & fidem sperare poterant; nulla igitur certa *Reipublica* forma: nullæ Leges, Jusque succedendi prorsus inane; unde *reperitur Summa* penès refractarios ac tumultuantes milites esse videbatur, quorum metu *Senatus* præter adulationem & obsequium nil poterat è *Reipublica* decernere.

De Maximo Pupieno. Cælio Balbino, & Gordiano juniore.

De Philippo Arabe.

De Martio. De Severo Hostiliano Gallo, atque Hostiliano Perperna.

De Decio Pa- Decium igitur Illiricus Exercitus Augestum acclamavit, &
tre, ac à Senatu confirmatus est, cujus etiam suasu filium Decium in Con-
Filio. fortium Imperii admisit; sed sua munia *Magistratibus* permittere vi-
De Jota- debatur: perpetuis autem seditionum motibus agitatus, vix bien-
piano, nio cum Collega filio imperavit; nam in Syria quidam *Jotapianus*
Lucio erat, quem *Philippo* adhuc *Arabe* imperante milites *Imperatorem* sa-
Prisco, lutaverant, & *Laucius Priscus* Gothorum auxiliis Thraciam, Mace-
ac Julio doniamque occupaverat; cumque adversus eum *ambo Decii* pro-
Valente cessissent, alter quoque *Julius Valerius* dictus invasit Imperium.
Imperii Cunctis autem è medio sublatis, *Deciorum* fortunà; tunc primum
invasio- *Gothi* Scytharum, Tartarorumque agminibus immixti, Romani Im-
ribus. perii Provincias diripere cœperunt, *Masiam*que occuparunt; eos
De Tre- igitur aggressus *Decius*, vicisset protinus, si *Treboniani Galli* dolus, &
boniani hostium victoriam, & vitam non præripuisset; consilio namque e-
lo, & jus Barbari copias diviserunt, ut alii in insidiis essent propè quan-
Imperii dam Paludem; alii in primo congressu fugam paludem versus si-
invasio- mularent. Cum ergo victor *Decius* insequeretur, ventum est ad
ne. *Galli de-* insidias, & licet fortiter *Deciani* pugnassent, loci tamen iniquitate
lo, & periire, ceciditque primò *Decii filius*; senior autem nè vivus in
Imperii manus hostium veniret, in voraginem paludis se projecit, quæsi-
invasio- tumque cadaver nunquam repertum est; tunc verò proditor ille
ne. *Gallus* foedissimum *Populo Romano* cum Gothis Scythisque foedus ini-
 iit, quo nedum eas Regiones permisit, verùm *Tributum* etiam
 bis centum drachmarum auri singulis annis pendere se adstrinxit,
 ut *solemni fœdere* jugum Scythicæ servitutis accipere videretur; hinc
 undique contemni Imperium cœpit, & Barbarorum incursionibus
 infestari; Gothi namque ipsi Dardaniam, Thraciam, Thessaliam,
 Macedoniamque diripiebant, nec Asiæ parcebant, imò nec Italia
 satis tuta. Quorum exemplum alii quoque *Populi* sequentes ar-
 ma capere, imprimisque Parthi Syriam, Armeniamque occupare,
 Scythæque ipsi haud ampliùs pretio, prædæque contenti, Italiæ im-
 minere videbantur; quare *Æmilianus Dux*, cum pro Concione mi-
 litibus, si *hostes vicissent*, pretium illud iisdem distribuere pollicitus
 esset, eos tanto impetu aggressi sunt, ut major eorum numerus
De Æ- ceciderit, reversusque in *Mœsiam* *Æmilianus*, cum præmia militi-
miliano. bus largiretur, ab iisdem *Imperator* salutatur; *Gallus* autem, cum ad-
 versus eum proficisceretur, à suismet militibus simul cum filio tru-
De Lici- cidatur. Interea Germanicæ Legiones *Licinium Valerianum* Impera-
 torem

torem acclamârunt, quarum exemplum secutæ Italicæ, *Emilianum*, quem tanto ardore ac studiis ad *Augustos honores* evexerant, nefariè trucidârunt; atque in verba *Valeriani Cæsaris* jurârunt, qui septuagenarius jam aded cunctorum plausu suscepit Imperium, ut si potestas creandi Imperatorem singulis fuisset, haud alium electuri viderentur; erat enim omnium opinione integerrimus æqnè ac nobilissimus, refertque *Trebellius Pollio*, cum Censor *Decii* temporibus eligi deberet, omnium suffragio digniorem illum fuisse judicatum, unoque ore auditum fuisse: *Valeriani vita censura est, ille de omnibus judicet, qui est omnibus melior: ille de Senatu judicet, qui nullum habet crimen: ille de vita nostra sententiam ferat, cui nihil potest obijci, &c.* Cui *Gallienum* filium priùs Cæsarem appellatum *Senatus Consortem Imperii* dedit. Profectus autem ad *Perfas*, cum, ut ait *Trebellius*, ductu cujusdam sui Ducis, is erat *Macrinus* Gener, cum summam omnium rerum bellicarum commiserat, seu fraude, seu adversâ fortunâ in ea esset loca deductus, ubi nec vigor, nec disciplina militaris quidquam valere potuit, in hostium potestatem venit; scribitque *Aurelius Victor*, iussu Saporis Regis foedè laniatum interiisse; *Agathias* verò, cutem è cervice ad pedes detractam; cum autem captivitatis fama Romam advolâisset, nemo minùs quàm *Gallienus* filius doluit, nilque ausus pro Patris libertate, totus se voluptatibus permisit: mortuum autem Parentem solemni *Apotheosis* decreto consecravit, quemque liberum reddere nequiverat, more temporum illorum effecit Deum; adedque processit ignaviâ, ut *Gallias*, *Hispaniam*, ipsamque *Italiam*, *Ravennam* usque *Germani*, *Thracias*, & *Græciam* *Gothi* diriperent; *Dacia* verò univèrsa trans *Danubium* in potestatem hostium veniret, actumque de univèrso Imperio foret, nisi Orientem servâset *Odenatus Palmyrenorum Princeps* cum filio *Hercule*, quem propterea Collegam Imperii adscivit *Gallienus*, iisque à *Mœnio Tyranno* interfectis, *Uxor Zenobia*, à quibus *Perse* victi ac cedere coacti; Occidentem verò *Cassius Posthumus* Cæsaris nomine defendisset, *Gallias*que nutantes conservâset. Atque hi sunt ex 30. illis Tyrannis, qui propter *Gallieni* socordiam, Imperii Provincias occupârunt; nam in *Gallia* post ipsum *Cassium Posthumium*, filiumque *Posthumium* quoque, *Lollianus*, à quo interfecti, Imperator proclamatus est, eodemque tempore *Victorinus*, ejusque filius, qui *Lollianum* sustulerunt, & hos *Marin* quidam faber ferrarius interfecit, qui tribus tantummodò diebus

De
triginta
Tyrannis.

diebus *Imperium* quoque gustavit, quem *Victoriani* Vidua secuta est, nomine *Victoria*, Materque Castrorum nuncupata; post quam *Tetrici* Pater ac filius, qui postea ab *Aureliano* Principe confecti fuere. Pannoniæ verò quidam nomine *Ingenuus* Imperium sibi arrogare ausus est, postque eum, *Regilianum* milites salutârunt, quem secutus *Aureolus*. Nec minùs Italia & Græcia seditionibus laboravit; *Macrini* namque Pater ac filius Imperatôres audiebantur, idemque ausus filius alter nomine *Quietus*, ut quoque *Balista*, *Valens* ac *Piso*; *Ægypti* autem augustos honores usurpabat *Æmilius*, & *Saturninus*; relati quoque inter Tyrannos *Crennianus*, *Timolaus*, *Trebellianus*, & Romæ *Gallieno* abiente *Claudius Censorianus*; *Cyriadem* quoque *Trebellius* Pollio refert, quamvis sub *Valeriano* defecisset. Hos autem retuli, ut veluti oculis subjicerem *Reipublicæ* faciem, quæ spretis semel Legibus ed devenerat, ut violenter refractariorum militum arbitrio nunc ab uno, nunc ab altero cujuscumque Nationis homine abriperetur; nunc verò uno eodemque tempore plures discerperent. *Gallienus* autem Romam adventantis *Aureoli* strepitu, alto velut somno expergefactus, ei obviam processit, mirumque fuit vicisse; cùm autem *Tyrannum* Mediolani obsideret, dolo ejusdem, qui præcipuos *Gallieni* Duces in suspicionem adduxerat, quodd *Gallienus* eosdem occidere in animum induxisset, iisdem conspirantibus occisus est; moriens autem *Flavium Claudium* successorem nominavit, eique *Insignia Imperii* misit, qui nedum voluntate militum, sed Senatûs universi plausu Imperium accepit, communibus namque suffragiis priùs etiam uni *Claudio* concedebatur Imperiû; de eoque *Trebellius*: *si diutius*, inquit, *in hac esset commoratus Republica*, *Scipiones & Camillos*, omnesque illos *Veteres* suis virtutibus suis consiliis suâ prudentiâ superâset; in eo enim *Traiani Virtus*, *Antonini Pietas*, *Augusti moderatio*, & *magnorum Principum dona* sic fuerunt, ut non ab aliis exemplum caperet, sed etiam si illi non fuissent, his ceteris reliquisset exemplum. Is *Aureolum Tyrannum* confecit, *Barbaros*, *Scythas*, *Gothos*, *Sarmatâsque* universos debellavit, ita ut ad 320000. millia periisse referatur, mirumque quod de *Gothis* narratur, qui cùm *Graciam Athenâsque* diripuissent, *Libros* universos comburare in animum induxerant; unus autem ex illis sententiam immutavit, his verbis: *Abstineamus hanc injuriam ab his Codicibus*, quibus *Graji homines*, dum studiosius incumbunt, minùs ad bella sunt idonei. *Claudius* autem *Victor* postquàm vix tertium anni Imperium ince-

De
Flavio
Claudio
Augusto.

cœperat, apud Syrmium morbo correptus, vitam finiit, successor-
 que *Quintillus* frater 17. tantum diebus imperavit, atque à Militi-
 bus, qui gravem & adversus militarem licentiam sævum Principem
 oderant, trucidatus est, licet *Zosimus* spontè venas sibi incidisse
 scripserit, postquam lectum *Aurelianum* audivit, cui se imparem vi-
 ribus rebatur.

De
Quin-
tillio
Fratre.

Aurelianus ergo licet obscurà Familià genitus in Dacia Ri-
 penfi, seu Mœsia, per gradus ad dignitates militares evectus, atque
 à *Valeriano* Consul designatus, Gothorum victor, ad priscos fines
 produxit Imperium, deque *Zenobia* Orientis tunc fermè Domina, &
Tetrico, qui Gallias occupaverat, triumphum egit. Licet autem
 bellis inclaruisset, severè admodum superbèque dominabatur, su-
 perimposito etiam capiti Diademate; nec proinde dubitare fas erit,
 delatos ei haud fuisse consuetos à Senatu honores; eo verò *Mnesiei*
Liberti dolo sublato, milites tunc primum obsequium erga *Senatum*
 literis ad eum missis testati sunt, orantes, *Aurelianum* inter Deos re-
 ferre, deque Patribus aliquem dignum *Senatûs* judicio Principem
 mittere; hinc *Tacitus* primæ sententiæ Senator eligitur, Vir sa-
 pientià, priscàque integritate clarissimus, atque is 6. mensium spa-
 tio, quo imperavit, *Libertatem* quoque cum *Principatu* miscere vi-
 debatur, cum è *Senatûs* judicio *Rempublicam* administraret, cæte-
 risque Magistratibus sua munia relinqueret; Post eum tamen fra-
 ter *Florianus* nullà *Senatûs* auctoritàte Imperium arripuit, duobus
 que tantum mensibus tenuit, Tharsi à militibus, cum contra *Pro-*
bum expeditionem suscepisset, interfectus. *Probus* autem militum
 faustis vocibus acclamantium: *Probe, Auguste, Dii te servent*, Impe-
 rator salutatur; *Senatui* tamen scripsit, sibi quidem à militibus de-
 latum *Augusti* nomen, orare tamen, ut *Senatus* de se decerneret,
 quid è Republica videretur, cunctisque juxta morem decretis ho-
 noribus *Rempublicam* capelessit, Galliàque, Thracia, Asia à Barba-
 rorum incursione liberatis, *Bonoso* etiam & *Procuro*, qui se *Cæsares* se-
 debant, debellatis, Vineas *Legè* Domitiani *Annonarià* intermissas Gal-
 los atque Pannonios habere permisit; cum autem jacturasset, un-
 dique devictis hostibus tempus instare, quo militum opera inutilis
Reipublica redderetur, ii apud Syrmium seditionem excitârunt, at-
 que eum, qui se in quandam Turrim receperat, cum quin-
 quennio regnâset, interemerunt.

De Au-
reliano.

De
Tacito.

De Flo-
riano.

De
Probo.

De Bo-
nosò, &
Procuro
Anti-
Cæsari-
bus.

De Au-
relio
Cbaro
Nume-
riano,
& Cba-
rino.

De Dio-
cletiano,
Maxi-
mino
Hercu-
leo Au-
gustis,
atque
Cesari-
bus Ga-
lorio
Maxi-
mino, &
Constā-
tio Chlo-
ro.

Post quem, *Aurelium Charum*, Narbonæ in Gallia natum, *Augustum* creârunt, qui è Sarmatico bello profectus in Persas Mesopotamiam cœpit, & Ctesiphontem, ultrâ etiam progressurus, ni Fulmine suprâ Tigridem fuisset absumptus; post quem, *Numeriano* etiam ab Exercitu deferuntur *Augusti honores*, erat namque cum *Carino* fratre Cæsar etiam à Parente nuncupatus; sed dùm ejus oculi pro nimio fletu, quo *Patrem* prosequeretur, vitium contraxissent, & in lectica gestaretur, quam claudi jusserat, nè lucem videret, factione *Apri* Soceri, quem *Præfectum Prætorio* constituerat, interemptus est; Exercitus autem *Diocletianum*, qui, ut ait Eutropius, *libertinus erat*, Annulini Senatoris, *Augustum* acclamavit, qui *Aprum* statim spectante Exercitu suismet manibus contexit: *nunc tandem*, inquiens, *fatalem Aprum occidi*, quoniam, cùm apud mulierem quandam in Galliis diversaretur, illùmque notâset parsimoniâ, *Diocletianus* tunc liberaliorem fieri, cùm esset Imperator, inquit, muliercula verò *Imperatorem* fore dixit, cùm *Aprum* occidisset. *Diocletianus* autem nuncupatus à Dioclea Græca Urbe, è qua originem traxit. Cùm autem *Carinus* defuncto Patre Augustos suscepisset honores, bellum exarsit inter utrosque, victorū tandem *Carino* ad Margum Mœsiæ, Collegam sibi adscivit *Diocletianus Maximianum Herculeum*, qui ex Cæsore *Augustus* etiam declaratus, Galliam adversus *Amannum* & *Ælianum* adjunctâ sibi rusticorum turbâ, qui *Bacanda* dicebantur, cuncta turbantes, pacavit; cùm *Ægypti* *Diocletianus* ipse bellum gessisset contra *Achilleum* quendam, qui rebellionem concitârat, *Purpuramque* sumperat, quem victum deditumque feris dilaniandum objecit. Quoniam verò undique bellorum motibus turbabatur Imperium, ambo sibi *Cæsares* adscivere, *Diocletianus* quidem *Galerium Maximinum*, *Maximianus* verò *Constantium Chlorum*, cum quibus affinitas etiam intercessit; *Constantius* namque *Theodoram* duxit *Herculei* privignam, *Galerius* autem *Valeriam* *Diocletiani filiam*. Igitur *Constantius* in Britanniam profectus, *Herculeum* verò in Africam; *Maximinus* autem, qui Armenarius dicebatur, in Orientem; cùm *Diocletianus* *Ægyptiacum* bellum gereret; debellatis autem hostibus universis, cùm Romæ triumphâset *Diocletianus*, ac *Maximianus* Nicomediæ; alter verò Mediolani; *Constantius* atque *Galerius* è Cæsaribus *Augusti* appellati sunt, Romanumque Orbem ad eò divisere, ut *Constantius* quæ trans Alpes sunt, Italiam quoque, & Africam obtineret, *Gale-*

rim

rius quidquid inde ad orientem Solem est ; Sed postea *Constantinus* Transalpinis solummodò regionibus contentus, cæteras *Galerio* permisit, qui duos adscivit Cæsares, *Severum* nempe & *Galerium Maximinum* sororis filium, *Severo*que Italia, Oriens *Maximino* permittitur ; *Constantio* autem Eboraci in Britannia defuncto successit *Constantinus* filius ex Helena Bythyna procreatus, quam Concubinam plerique fuisse scripsere, Eutropius autem uxorem, dum privatus esset, repudiatamque iubente *Dioletiano*, ut *Herculei Privignam Theodorum* duceret, qui tamen nondum *Augustus* Cæsaris duntaxat appellatione contentus erat. At Romæ *Maxentius* *Herculei* filius à Prætoriano milite *Augustus* salutatur ; unde adversus eum ab *Augusto* *Galerio Maximino* missus *Severus* Cæsar, qui desertus à militibus, Ravennam fugere coactus fuit ; quare *Galerius* ipse adversus eundem Romam processit, sed scedè quoque proditus in Illyricum concessit, ubi *Licinium* Cæsarem nuncupavit. *Herculeum* interim *Maximianum* capeffendi Imperii cupido exstimulabat, quare è *Lucania* Romam reversus, *Dioletianum* etiam (qui Carnunthi tunc temporis in Pannonia morabatur, & Salonæ supremum diem clausit) impellere frustra conatus, *Severum* Cæsarem dolo, ac fraude Ravennâ retractum in Appia Via trigesimo ab Urbe lapide jugulavit ; tunc autem *Maxentio* etiam filio insidias struere cœpit, quibus detectis, in Galliam se recipere coactus, adversus *Generum Constantinum*, quem subdolè *Augustum* nuncupaverat, nefaria quoque moliebatur ; sed his etiam patefactis per *Faustam* filiam, uxoremque *Constantini*, quæ maritum prætulit Patri, depræhensusque, facultate acceptâ liberæ mortis, *Massiliæ* laqueo sibi gulam fregit. Interea *Galerius*, postquam *Licinium* Cæsarem constituerat, fato functus erat, adscriptusque à *Maxentio* Genero inter Divos ; quare uno eodemque tempore 4. Augusti Rempublicam occuparunt, *Constantinus* nempe *Constantii* filius, *Maxentius* *Herculei*, *Maximinus* *Daza* *Galerii* ex sorore Nepos, qui ab eodem cum *Severo* Cæsar nuncupatus fuerat, indignèque sibi *Licinium* prælatum tulerat, & *Licinium*, interque eos bellum exarsit ; nam *Constantinus* *Maxentium* aggressus, qui bellum prius indixerat, quasi Patris necem vindicaturus, victis ad Veronam ejus Ducibus, eum tandem ad *Milvium* Pontem debellavit, fugiensque *Tiberi* submersus est. *Licinium* autem *Maximinum* in Illyrico vicit, qui fugere coactus in Asiam apud *Tarsum* Ciliciæ veneno sumpto, sed inefficaci, inter horribiles cruciatus

ciatus absumptus est. Quapropter *Constantinus*; & *Licinius* Augusti, Competitoribus debellatis rerum potiti, non diù pacem servârunt, licet ad eam inter se firmandam affinitas accessisset, ductâ à *Licinio Constantiâ* fore *Constantini*; ruptoque fœdere, quoniam *Licinius* Provincias *Maximino* ereptas usurpare nitebatur (licet vera & gravior causa, quod alter alterum Consortem Imperii haud ferre poterat) ad *Cybalim* *Pannoniæ* Oppidum primò pugnatum est, deinde in *Campo Mardienti*, victis semper *Licinianis*; tandem percusso denuò fœdere, ac *Liciniano* puero, *Constantini* Nepote *Cæsare* nuncupato, Imperium de integro partiti sunt inter se, interfecto, ut auctore turbarum, *Valente*, quem post *Cybalensem* *Cladem* *Licinius* Cæsarem dixerat; sed eadem causa ambos coëgit rursus arma capere, *Liciniusque* primus *Constantinum* causatus, quod ultra suos limites alienam ditionem invaderet, fœdus rupit, ac denuò insignem *Hadrianopoli* cladem accepit, victusque iterum navali pugna propè *Bizantium*, postremò ad *Chalcedonem* prælio debellatus, in *Victoris* potestatem venire coactus est; vitamque interpositâ sorore obtinuit, occiso *Martiniano*, qui etiam, *Licinio* ex *Europa* in *Bythyniam* fugiente, Cæsar nuncupatus fuerat, cum antea Magister Officiorum esset. *Licinius* autem ad *Thessalonicam* relegatus, cum ibi quoque turbandis rebus vacaret, interfectus est.

Quare à *Tacito* *Augusto* ad *Constantinum* nullæ fermè *Senatus* in eligendo Principe partes fuere, cum ex milicum arbitrio, perque prodicionis scelera, nunc unus, nunc alter Imperium occupasset; undè tumultuarii tot Duces rerum potiri conati sunt, & aliquo tempore degustârunt Imperium, deque eo Cæsares & Augustos nuncupando quasi hæreditas fuisset, plures nedum disponere visi sunt, sed & in partes cernere; Quapropter à militum nutu & Augustorum, quos ipsis eligere placebat, cuncta pendere videbantur, nec ordo, nec jura vigeant, nullaque *Reipublica* ratio habebatur; postquam autem debellatis hostibus Romam ibant, *Senatus* nullam aliam explicabat auctoritatem, nisi triumphos, cunctosque honores de more decernendo; nullo igitur discrimine Barbari, Romani, Nobiles, Plebeji; Sublati imò nuper à pecoribus & sylvis è gregariis militibus mox *Tribuni*, postridie Cæsares aspiciabantur; adeoque deterrima erat *militaris Dominatio*, quæ dissidentibus Exercitibus inter Augustos illos diversarum partium immania peperit *Civilia*

vilis bella, viamque struxit Barbaris, ut primò Imperium occuparent, postea verò pessumdarent.

Sed veniamus ad *Constantinum*, qui debellatis, cæsisque hostibus solus jam *Augustus* Divino Numine afflatus nedum finem dedit diris persecutionibus, quibus ferrò, flammâ, & ferarum laniatu in Christianos sæviebatur, sub *Nerone* præcipuè, qui Urbis incendium, quod ipse iusserat, ut imaginem ardentis *Trojæ* cerneret, Christianis objecit, *Trajano*, *Antonino Philosopho*, *Severo*, *Maximino Decio*, *Valeriano*, *Aureliano* ac *Diocletiano* Augustis, sed eà Religione rejectâ, quam post Civitatem à Græcis, Hetruscisque hautam *Romulus* primò, dein *Numa* invexerant, adeoque *Civitate* posterior ac pars Politices erat, eam Religionem amplexus est, quam *DEus* ipse ante omnem Civitatem, nec propter Rempublicam, sed propter homines ipsos, ut nempe finem suæ Creationis assequerentur, docuit, atque in plenitudine temporum implevit, Mortales ipsos assumptâ humanitate sanguine suo redimens; Quare sicut Religio illa medium fuerat ad firmandum *Civitatis* ordinem, ita nunc *ipset met Ordo Civitatis* in Divina Religione medium esse debet ad finem ab ea propositum; adeoque præcipuus *Christiana Civitatis* finis, sicut est Summum illud & præstantius bonum, *Salus* nempe *æterna*, nec acquiescit in eo fine, quem sibi proponebant Civitates aliæ, ut scilicet beatam Vitam degerent, ita maxima *Summarum Potestatum* Cura in custodienda, servandaque Religione versari debet, nè contra finem ipsum agere videantur; ea namque potissimum finem illum alterum beatæ Vitæ longè nobiliorem præstat, cum si mandata Dei custodirentur, & vitia exularent universa, & tranquillitate jucundissimâ fruerentur *Cæli hominum jure Sociati*, adeoque interiori etiam felicitate gauderent universi.

Ille igitur, qui in *Crucis signo* vicerat hostes, pace Ecclesiæ restitutâ, cum ad Rempublicam se vertisset, quasi nova rerum facies, quæ nunc cernitur, ab eo etiam sua deberet initia capeffere, sedem Imperii *Bizantium* transtulit, *Roma* Urbem illam æquando, quam propterea Constantinopolim suo è nomine nuncupavit, neque solummodò *Juris Italici*, sed ipsius etiam veteris Romæ prærogativâ decoravit; cumque in Exercitibus Barbari etiam innumeri militarent, iisque agro dato in ditionibus Imperii ad instar *Coloniarum* degere indulsisset, exemplum dedit, quod cæteri secuti Principes, diripiendæ Italiæ occasionem præbuere, cum nec fines Imperii

De Con-
stantino
Cōstan-
tio, at-
que Cō-
stante.

ut prius custodibus Legionibus tueretur; quod tandem ut hære-
dicatam tres inter filios cerni iussit, *Constantinum* nempe, cui Trans-
alpinas Provincias assignavit, *Constantium*, cui permixtus Oriens, &
Constantem, cui Italia, Africa & Illyrium concessa. Sed profecto vis
erat Providentiæ, quæ dissolutione Imperii Romanam Christianæ Rei-
publicæ Caput, sedemque Petri Successorum, à quibus etiam sua-
viter regeretur, iusto tempore reservaverat; vix enim *Constantino*
defuncto bella inter fratres orta sunt, & *Constantinus* Duces *Constan-*
tis fratris apud Aquilejam oppresserunt, *Constantius* autem conspira-
tione militum fugere coactus *Cressio Marcellino* atque *Magnentio*, qui
natione Francus, duarumque Legionum Præfectus, Occidentis
Imperium invaserat, præcipuis authoribus, apud Helenam Pyre-
neo proximum Castrum interemptus est, quo etiam tempore *Ve-*
tranius Magister Militum Purpuram apud Murfam Pannoniæ infe-
rioris induerat. Sed hic suis à militibus ad privatam vitam redire
coactus, *Magnentius* autem bellis apud Murfam & Ticinum à *Con-*
stantio victus, nec non ad Longaticum, Castellum Juliarum Alpium,
atque circa montem Seleucum in Gallia, Lugduni sibi mortem con-
fecit, quem secutus *Decentius* frater, Cæsarque dictus, laqueo sibi
gulam fregit.

Constantius igitur sublati etiam *Nepotiano* Eutropia *Constan-*
tini Magni Sorore genito, qui velut *Augustus* Romæ agebat, & *Syl-*
vano, quem Exercitus Galliæ Imperatorem nuncupaverat, solus
rerum petitus est, dixitque Cæsarem *Julianum* *Constantini* magni
ex fratre Nepotem, erat namque filius *Flavii Julii Constantii* ex Uxore
Basilina, habueratque fratrem *Gallum* ex Uxore *Galla*, quem *Con-*
stantius ipse Noctæ interfici jusserat, quoniam in Galliis multa patra-
verat facinora, alii namque alterius fratris ejusdem *Constantini*, qui
Elavius Dalmatius Hannibalianus dicebatur, filii, *Dalmatius* nempe,
militari factione, silente potius *Constantio* quam jubente ut *Eutro-*
pius, aut ejusdem insidiis, ut *Zosimus* scripsere, jam pridem extin-
ctus, & *Hannibalianus*, quem *Nobilissimi & Patritii* dignitate *Con-*
stantinus Patruus ornaverat, Regemque Ponti constituerat, etiam
Constantii jussu à militibus interfectus fuerat. Quare solus è *Con-*
stantini agnatione superstes *Julianus* Cæsar, rebus ad Argentoratum
præclare gestis, cum fines Imperii recuperasset, noluit intrà *Cæsa-*
ris potestatem contineri, *Augustique* honores adsumpsit in Gallia;
quæ de causâ cum adversus eundem *Copias* è bello Persico mo-
visset

visset *Constantius*, in itinere mortuus est; licet Successorem suæ potestatis eundem *Julianum* statuisset dicatur; Tunc autem *Julianus*, quasi Augustos honores, quos acceperat, respueret, precibus adigi simulavit ad suscipiendum Imperii onus; aderant namque Urbis Constantinopolitanæ Legati, orabantque, ut morâ omni depositâ ad *obtinendum sibi obtemperare paratum tenderet Orientem*; cumque Constantinopolim intrasset, *Senatus* officiis & popularibus *Consulum* plausibus inauguratus est, professus *Principatam* deferente nutu Cœlesti absque ulla publicæ rei suscepisse jacturâ. Redacta verò ad se unum *Romana orbis curatione*, cum prius ut omnes nullo impediante ad sui favorem alliceret, adhærere cultui Christiano simulasset, defectione ad Gentium ritus bellum Christiano Populo consultò ac fraudulenter movit, non quidem faciendi *securi* aut *gladio* ut prius, sed clausis Christianorum Scholis, averfisque prorsus ab Ecclesia præmiis & honoribus literarum, ut nempe ignorantia & caligo ingeniorum, atque Ambitio Religionis nostræ progressum sisterent, ac imò cursum revocarent; adeoque, ut inquit *Marcellinus*, ubi adesse sibi liberum tempus faciendi quæ vellet, advertit, sui pectoris patefecit arcana, & planis absolutisque Decretis aperiri *Templa*, Arisque *Hosias* admoveri, & reparari *Deorum* statuit cultum; sed eventum habuit, quem fugiens Athanasius prædixerat, *nubeculam esse citò transituram*; bello enim Persico, dum incautiùs sese infert, lethale vulnus accipit, reversusque in Castra, postquam suorum ordines licet sauciùs instaurasset, cunctantem animam multis suos allocutus efflavit, nullo Successore relicto; præfatus enim erat, consultò sese de Imperio nihil mandare, nè uti solet, in multitudine discrepantibus studiis amicorum ex invidia, *Reipublica* discordiâ Exercitûs periculum pararet; Tunc autem milites *Jovianum* acclamârunt, quo Imperium abnuente, quodd se *Gentilibus* imperare diceret nolle, milites se Christianos esse unâ voce fassi sunt, atque itâ volentem vestibus Augustalibus ornatum è Tabernaculo eduxerunt. Pacem autem cum Persis necessariò magis, quàm è dignitate fecit, Provinciis quinque Transigridanis à *Galerio Maximino* bello partis, hostibus restitutis. Obiit autem in Galatiæ finibus apud Dadastanam vix octavo mense Imperii exacto, post quem *Valentinianus* Imperator Niceæ in Bythinia creatur, adscitoque Collegâ Fratre *Valente*, qui participem quidem legitimum Potestatis, sed in modum

De Julianiano.

De Joviano.

De Valentiniano.

dum Apparitoris *Morigerum* esse protestatus est, Orienti eum præfeci-
cit, ipse Occidentem moderaturus contra Saxones movit, quos inter
invas paludes attrivit; victis quoque Alemannis usque ad Oceanum
pervenerat. Cumque in Sarmatas & Guados bellum pararet, apud
Prægitionem hostium Legatos audiens, effluente subito sanguine ex-
spiravit, licet scripserit Pomponius, eum subitâ irâ incensum inci-
disse in morbum, quo arescentibus venis, cum sanguinis nihil emit-
ti potuisset, mortem obierit. *Valens* autem *Procopium* Juliani cogna-
tum, qui paucarum Legionum ope Imperatorem se ostentabat,

*De Va-
lente.*

vicit in Phrygia salutari, atque in fuga interfectus est; Gravis hic
quoque Orthodoxis, cum in Arianam hæresim illapsus esset; paga-
nos etiam Philosophos *Juliano* charissimos partim supplicio sustulit,
partim multavit exilio; tandem ipse à Gothis victus, incertum
quo mortis genere occubuit; sunt enim qui acie illum cecidisse
scripserunt, alii palude haustum, multi denique Tugurio, ad quod
saucius confugerat, conflagrante, ignem injicientibus hostibus, ab-
sumptum esse, nec enim post pugnam repertus est usquam. *Gra-
tianus* igitur, qui à *Valentiniano Augusto*, & ipse Augustus nuncu-
patus fuerat, unde morem institutum antiquitus supregressum esse
scripsit *Ammianus*, quoniam non Cæsares sed Augustos *Germanum*
nuncupavit & *Filium*, Imperium solus capessiverat, fratremque
Valentinianum vix quadrimum, eo apud Treviros absente *Augustum*
in Castris appellatum non modò non repulit, sed lubens quoque
in consortium potestatis admisit; Defuncto autem Valente, *Theo-
dosium* Collegam Orienti præfecit, à quo Barbaris undique debella-
tis, *Augustus* etiam & Consors Imperii declaratus est; ipse verò cum
Gallias petivisset, ibique Alanos, quorum habitum & mores indue-
re videbatur, Romano militi anteponeret, eorum indignationem

*De
Gratia-
no, &
Valen-
tiniano.*

*De
Maxi-
mo, &
Theodo-
sio.*

adeo movit, ut cum *Maximus* è Præfecto Britannia Imperatorem se o-
stentaret, relicto *Gratiano* ad eum transiverit, qui tandem ab *Anthra-
gacio* quodam Classis *Maximi* Præfecto ejusque jussu dolo interfectus
est, *Maximus* verò debellatus à Theodosio ad Aquilejam, interfectusque
cum filio *Victore*, quem Imperii participem fecerat; ad ipsum nam-
que confugerat *Valentinianus*, postquam *Maximus* ipse rupto foede-
re, ad quod percutiendum *Valentinianum* adegerat, nec Provinciis,
quibus cesserat contentus, Italiâ etiam fugere coëgerat, Sororemque
eidem *Theodosio* nuptui dederat, eo tamen pacto, impellente præcipuè
Justina Matre, ut nullam suscipiendo bello moram asserret, quod,

rei

rei indignitate, & *Valentiniani* necessitate permotus, suscipere professus est; hostibus igitur undique debellatis Romam ambo profecti, maximum egerunt triumphum; cumque postea in Gallias se contulisset *Valentinianus*, apud Viennam ibidem ab *Arbogasto* Magistro militum, cui totum se commiserat, occiditur, qui *Eugenium*, quoniam ipse sibi diffidebat, Scriniorum Magistrum Imperatorem saluari curavit. quos adortus *Theodosius* sub Alpibus Juliis Aquilejam versùs ad Flumen frigidum, cum è tuo Exercitu Gothi terga vertissent, orando magis, quàm feriendo pugnavit, atque mirandà Dei ope vicit, cum Sagittæ, telaque in hostes retorquerentur ventorum vi, undè *Claudianus*:

- - - Gelidis Aquilo de monte procellis
Obruit adversas acies, revolutaque tela
Vertit in Authores, & turbine repulsi hastas.
O nimium dilecte Deo! cui fundis ab antris
Æolus armatus acies, cui militat Æther,
Et conjurati veniunt ad Classica Venti.

Captus igitur in acie *Eugenius* *Theodosii* jussu à militibus tradidit, *Arbogastus* suâ se jugalat manu; hinc solus Occidentem atque Orientem *Theodosius* moderatur, nec tamen diu fruitur, quinto post Victoriâ mense fato functus Mediolani: Pius adeò Princeps, ut *Sacris* ab *Ambrosio* interdictus, cum gravior in Thessalonicensis fuisset, qui Magistrum militum eâ de causâ interfecerant, quòd captivum Aurigam, quo in ludorum celebratione uti debebant, solvere detrectâisset, missis militum cohortibus, quæ 7000. Civium trucidârunt, æquo animo tulit *Ecclesia* Leges, & *Episcopi* disciplinam; Quare *Theodoretus* inquit, Tali tantaque Virtute Pontifex & Imperator erant illustres, nam utrumque ego admirror; Illius quidem libertatem: hujus verò obedientiam, itemque servoris flammæ illum, & hujus fidei puritatem; hinc *Ambrosius* ipse in Oratione funebri: dilexi, inquit, Virum, qui cum Corpore solveretur, magis de Ecclesiarum Statu, quam de suis periculis angebatur.

Post eum *Arcadius* atque *Honorius* jam tum vivò Patre *Augusti*, divisum ex *Theodosii* voluntate Imperium ita tenuère, ut *Arcadius* Orientem, *Honorius* Occidentem moderaretur, datis Tutoribus huic *Stilicone*, alteri verò *Rufino*; atque ab hoc tempore nunquam amplius coaluit: Tutores autem infidi ambo per omne scelus propriam augere potentiam, purpuramque sibi sumere studebant, licèt

Ruffinus sub ipsis initiis *Stiliconis* operâ interfectus, Orientem turbare nequiverit, undè *Claudianus* dubitanti sibi, cur nefarios aded Viros patiat *Deus*, respondet:

*Abstulit hunc tandem Ruffini pena tumultum,
Absolvitque Deos: jam non ad Culmina rerum,
Injustos crevisse queror. Tolluntur in altum
Ut lapsu graviore ruant.*

Honorium autem *Stiliconis* fraude aded jactatum vidit Imperium, ut Gothi nedum Pannoniam & Græciam, quæ Orientis Imperii erant, sed Italiam ipsam *Alarico* Duce diriperent, sede ipsâ Imperii Urbe Româ captâ, aded ut *Attalum* è Præfecto Urbis Imperator ab eodem *Alarico* videretur constitutus, ejectusque, se recepit in Gallias; cumque resumere tyrannidem tentasset, neglectusque à Gothis, capitur à *Constantino* Comite, atque *Honorio* traditur, à quo obruncatâ manu in Insulam *Lyparam* relegatur. Ipso interea *Ravennæ* latitante, foedissima *Romani* Imperii facies undique cernitur, Gothis Gallias, Vandalis atque Alanis Hispanias occupantibus, Tyrannisque perpluribus *Purpuram* sumentibus; nam *Constantinum* ex infima militia in Britannia Imperator à militibus acclamatur, atque antè eum *Marcus* & *Gratianus* rebellaverant; digressus inde cum filiis *Constante* in Gallias, quem *Casarem* dixerat, & *Juliano*, ab eodem *Constantio* Comite victus est, atque ad *Ravennam*, *Honorio* jubente, interfectus; recensetur quoque *Jovinus* Tyrannus, cui interfecto frater *Sebastianus* successit; sed his omnibus è medio sublatis, pacatus jam Occidens videbatur, & *Honorius* *Placidiam* Sororem, quàm à Gothis receperat, extinctò *Ataulpho* *Alarici* Successore, cui invita nupserat, *Constantio* Patricio secundis nuptiis conjunxerat, quem in consortium quoque Imperii admisit, puerumque *Valentinianum* ex iisdem Nuptiis ortum jam ante Imperii consortium *Nobilissimi* honoribus ornavit, extinctoque *Honorio* à *Theodosio* *Arcadii* filio, atque Orientis Imperatore *Casar* primò nuncupatus, Italiam cum *Placidia* Matre Augustæ titulo decoratâ mittitur, cum vix quintum ætatis annum ageret, oppressoque *Joanne* Tyranno, qui ex *Primicerio* *Notariorum*, postquàm *Honorius* fatò cesserat, *Purpuram* *Ravennæ* sumere ausus erat, Mater ipsa moderabatur Imperium; Hoc autem imperante jam instare ruina Imperii videbatur, *Africam* namque *Vandali* occupaverant, *Hispanias* *Angli* invaserant, *Gallias* *Franci*; & *Attila* Rex *Hunorum*, postquàm

No-

De
Valen-
tiniano.

nobilissimas Urbes in Galliis evertisset, licet vltus ab *Ætio* militiæ Magistro & Sociis in Campis Catalaunicis, reparatis Viribus majore Exercitu denuò transgressus Alpes, Italiam omnem, ferrò, flammâque vastavit, eademque flammâ *Urbs Roma* conflagrasset, nisi *Leonis Summi Pontificis* veneratione compulsus nedum sententiam mutasset, sed totâ Italiâ cedere in animum induxisset; quare cum etiam in Gallia *Lupi Episcopi* monitu Tricastinorum Urbem diripere abstinuisset, inter milites joculariter jactatum Castinus inquit: *haud immeritò Leonem cessisse in Italia, qui Lupum in Gallia reformidasset, plusque, cohibendo Attilam, momenti habere Ferarum nomina, quam hostium armatas manus.*

Valentinianus autem eo metu liberatus, sequuto *Placidia* matris obitu, suo vivere ingenio cœpit, atque à *Flavio Maximo*, ut in uxorem fraude admissum adulterium ulcisceretur, *Ætio* prius, quem timebat, apud *Valentinianum* ipsum prodicionis infimulato, adeò, ut ab eodem in Palatio obruncaretur, interfectus est; qui & Imperium, & matrimonium etiam invalit, *Eudoxiâ Augustâ* ductâ, quæ à *Theodosio minore Patre* *Valentiniano* juncta erat; illa verò, ut *Imperatoris, ac Viri* necem ulcisceretur, Carthaginem ad *Jensericum* Vandalorum Regem misit, orans, ut Romam veniret, atque Tyrannum eriperet. Qui propterea cum è Carthaginis portu solveret, interrogatus à Nauta, quò cursum intendi vellet, in eos, respondit, quibus iratus est *Deus*; Romamque ingressus cum ingenti Exercitu, *Leonis* quidem *Papa*, & *Eudoxia* precibus ab incendio Urbis abstinuit, sed per 4. dies diripuit, cunctasque opes absumpsit; fugiens autem *Maximus* vix 3. mensium Tyrannus occisus, ac membratim à milite Romano *Urso* discerprus est; Revertens verò *Jensericus Eudoxiam* cum filiabus *Placidia*, & *Eudoxia tertiâ* abduxit in Africam, hancque *Humerico* filio uxorem dedit, alteram quæ *Olybrio* postea rerum potito nupsit, ad *Leonem Augustum* cum matre, quæ etiam abusus erat, Constantinopolim misit; Interim verò *Avitus* quidam *Avernus* militum Magister ab Exercitu Gallicano dolosè Imperator nunciatur, suscipiturque Imperii insignia, quæ nec ab eo ampliùs, nec à successoribus tueri poterant; quare paulò post quam creatus fuerat, desertus à Gothis, Imperio caruit & vitâ, *Placentiæ* interfectus *Ricimeri* jussu, licet scripserint alii, abdicato Imperio ejusdem *Ricimeri* operâ *Placentinum Episcopum* evasisse. Igitur quamvis absque *Augusti* titulo Occidentis Imperium suis hu-

- De Majoriano.* meris propè totum sustinebat *Ricimerus*; cùm interim *Leo* Orientis Imperator *Augustum* dare voluit Occidenti, ac propterea *Majorianum* Italiam misit, ingentis animi Virum, qui licèt *Ravennæ* Augustos sumpsisset honores, Senatui tamen, ut priscos mores, atque umbratilem illam ejus auctoritatem servare videretur, scripsit: *Imperator*, inquit, *factus sum*, *Patres conscripti*, vestris, militumque *susfragiis*. *Ad capiendum Principatum non voluntate meâ, sed obsequio publica devotionis accessi*. *Favete nunc Principi, quem fecistis, & tractandum verum curam communicate nobiscum, ut Imperium, quod mihi vobis annuentibus datum est, studiis communibus augeatur*. Sed *Ricimero* Patricio in consiliorum, rerumque omnium societatem adscito, cùm rebus necessariis consulere cœpisset, nec duntaxat *Africam* *Vandalis* eripere, sed *Gothos*, *Alanos*que è *Galliis* ejicere tentasset, *majora* etiam ausurus, si diù vixisset, *Ricimeri* fraude quarto Imperii anno apud *Verdonam* à *Severo* quodam interfectus est, propriâque auctoritate eundem, militaribus paratis antè studiis, *Augustum* inscio Senatu, atque injussu *Leonis* declaravit, & anno *Tyrannidis* quarto veneno sustulit, totamque *Rempublicam* pro suo arbitrio moderabatur; Tum *Leo* post *Inter-regnum* unius anni, ac mensium aliquot, *Anthemium* Patricium opibus ac genere maximum Imperatore Occidentis declaravit, inito prius inter *Leonem* ipsum, atque *Ricimerum* foedere, ut *Gracus* Romam mitteretur *Augustus*, cuius filiam ipse in uxorem acciperet; sed *Barbarus* ille, cùm *Divini*, cùm humani juris violator, licèt jam *Augusti Anthemii* gener, quæsitis coloribus bellum Civile excitavit, captâque Urbe, *Anthemium* ipsum interemit, licèt prius pacem cum ipso *Epiphani* Episcopo operâ inivisset; jamque arbitrio suo *Augustos* eligens, *Olybrium* *Valentiniani* generum *Anthemio* suffecit, ac tandem fato functus, non diù *Olybrium* ipsum superstitem habuit; post quem *Glycerius* quidam *Gundibato* Ricerii Nepote, quem *Olybrius* Patricium fecerat, hortante, Senatu inscio, ac *Leone* invito *Ravennæ* insignia Imperii sumpsit; quare *Augustus* *Leo* *Julium* Nepotem cum Classe Italiam misit, *Augustum*que Occidentis declaravit, qui *Glycerium* tandem *Romæ* captum ex *Augusto* *Salonæ* Episcopum apud *Dalmatas* fieri cœgit; cùmque *Orestem* *Gothum* Exercitui præfecisset, ut *Galliarum* reliquias, quæ Occidentis Imperii erant, à *Barbarorum* incurSIONIBUS tueretur, ab *Oreste* ipso insidiis *Ravennæ* capitur, atque occiditur, Filiumque suum *Romulum* *Momyllum* quamvis puerum, mili-

militum suffragiis declarat *Augustum*, quem propterea nuncupā-
runt *Augustulum*, ut Imperium, quod in *Augusto* cœpit, finem ha-
beret in *Augustulo*, nam Italia ab *Odoacre* Turcilingorum Rege cum
Scythiis & Herulis auxiliariis occupatâ, cæsisque *Oreste*, ac *Paulo*
fratre, non sine ludibrio *Augustulum* ille exuere Purpuram, atque
in exilium abire cœgit, denuoque Roma *Regium* pati nomen de-
buit, *Odoacrem* namque ipsum Italiæ Regem salutare coacta est.

Haëtenus Imperatorum seriem evolvimus, ut quibus initiis *Conclu-*
ortum, quove progressu fundatum, auctumque Imperium, ac tan-
dem quibus potissimum causis collapsum fuerit, dignosceretur;
Augustus namque, ut diximus, summo arcano munia Magistratum
& Legum in se trahens nomine *Principis* Rempublicam sub Impe-
rium accepit, reliquitque Successoribus; primusque *Tiberius*, cum
ipsam *Comitiorum* imaginem transulisset ad Patres, quos præcipue
in iudiciis Majestatis exercuit, libertati, quæ jam ipsâ *Augusti* ætate
moriens erat, finem dedit. Cæteri postquam Imperium jure san-
guinis arripiebant, à *Senatu* inaugurari videbantur, decretis hono-
ribus, & Magistratibus, quorum jam explicabant potestatem, ut
prisce moris imaginem retinerent. Extinctâ verò *Juliorum*, *Cla-*
udiorumque regnatrice domo, Legiones constituere *Augustos* visæ sunt,
trepidique duntaxat *Patres* in honoribus decernendis promptitudine
certare; mansitque Imperium velut *familia hereditas*, nam adoptio-
nibus, *Cesarum* nuncupationibus, honoribusque, quos ipsi *Augu-*
sti tribuebant, ad quos vellent, Imperium trans mittebant; *Conjor-*
tes quoque Imperii admittebantur, donec *Antoninus Caracalla*, ut
ex Dionis fragmento indubium redditur, specie Privilegii, jusetiam
Romana Civitatis extinxit, cum omnes *Romanâ Civitate* donâsse
simularet. Unde *simulacra* quoque vereris Reipublicæ deleta, &
jam pridem Provinciæ aliter divisæ videbantur. Nam *Augustus*
pacatas, atque imbelles *Senatui* regendas reliquerat & *Populo*;
eas autem, quæ præsidario milite indigebant, sibi retinuerat, ut
Exercitus in Potestate haberet, quas tum per Legatos administra-
bat cum dignitate Proconsulari, tum per Procuratores cum digni-
tate Pro-Prætoriâ, licet Rectores omnes fuerint nuncupati; *Ha-*
drianus postea Italiam etiam, quam *Augustus* in 11. Regiones di-
viserat, cum Insulis in 17. Provincias, seu Dioceses distribuit,
quas partim Consularibus ut *Venetias & Istriam, Æmiliam, Lyguriam,*
Flaminiam, Pycenam, Tusciam, & Umbriam, Pycenam suburbicarium,

Campaniam, atque Siciliam; partim Correctoribus, ut Apuliam, Calabriam, Samnium, & Brutios; partim Præsidibus regendas dedit, ut Alpes Cottias, Rhetiam primam, atque secundam, Valeriam, Sardiniam, Corsicam, &c. Et Constantinus alia etiam divisione facta in Imperiis nempe Occidentis, & Orientis, utroque in Provincias, seu Dioceses majores atque minores accuratius distributo, 4. Præfectos Prætorio constituit, ut nimiam ejus Magistratûs potestatem diminueret, unum nempe Italiæ, à quo Italia, Africa, & pars Illyrici regebantur, Galliarum alterum, à quo Hispania, atque Britannia; tertium Orientis, cui Ægyptus quoque, Asia & Pontus commissi; ultimum Illyrici, qui Macedoniam etiam & Daciam moderabatur. Præfectus autem Italia, & Galliarum post Imperatorem Occidentis primum obtinebat locum, ut ille Orientis & Illyrici sub Orientis Imperatore; jussu enim Constantinus Magistratus omnes sub Præfectis Prætorio esse, adeoque Præfectus Urbis Constantinopolis Proconsules habebat Africa, Asia, Vicarios, Consulares, Præsides, Correctores, Comites, Duces, &c. atque sub dispositione Præfecti Prætorio Italiæ pars quoque Illyrici, & Africa erant, sub eoque Vicarii erant Italia, atque Urbis Roma, & sub eo Italiæ 4. illa Consulares Provincia erant, Venetia nempe, & Æthiopia, Emilia, & Lyguriam, Flaminia & Picenum Annonarium; sub eo autem Urbis Romæ, 4. etiam Consulares, Tuscia nempe, Umbria, Picenum suburbicarium, Campania & Sicilia; duæ verò Correctoriales sub eodem Urbis Romæ Vicario, ut Apulia & Calabria, Lucania & Bruttii; 4. Præsidiales sub illo Italiæ, ut Alpes Cottia, Rhetia prima, Rhetia secunda, Samnium; 3. Præsidiales sub Vicario Urbis, ut Valeria, Sardinia & Corsica.

Sed cunctas sigillatim commemorare Provincias inane foret, cum apud Autores passim reperiantur; quare id solummodò innuisse sufficiat, ut arbitrato suo Augustos Romanum Orbem moderatos esse demonstraretur, Senatûque, Potestate vacuum nomen, nil aliud præstitisse, quàm acceptum ab Exercitibus, explicatumque Imperatorum suffragium novis etiam titulis, si Imperatores non sprevisent, exornasse, decretaque de more, licet inaniter, fecisse. Quoniam verò nullis certis legibus, sed voluntate duntaxat militum dari, adimique Imperium videbatur, bella, quæ propterea necessarîo exarserunt, Imperium ipsum pessumdare debebant; uno enim eodemque tempore plures Augusti Legionibus Imperii ad ejus perniciem utebantur; hinc Barbari in auxilium adfeci; hinc illis

illis datus ; hinc dum unus, dum alter studiis militum diviso jam Imperio , translatâque Sede , ut nec ipse Occidentis *Augustus* Romæ degeret, diripere potius, quàm moderari satagebat, eò tandem per-ventum erat , ut à Barbaris ipsi Imperium pro lubitu dari vide-retur. Nec ut celerior esset occasus, muliebres scelus defuit, cum & ipsæ Barbaros inuitassent, *Syrena* enim *Stiliconis* uxor *Alaricum* incitavit, & *Honoria* *Valentiniani* soror *Astilam*, vel absentis amo-re capta, unde *Sigonius* : *Honoria*, inquit, *Valentiniani* soror, cum ad *Aula* decus *Virginitatem* turri cogeretur, ac libidine inflammata, *Astilam* *Hunorum* Regem in *Italiam* ad sui *Connubium* inuitasset , voto frustra-ta , libidinem cum *Eugenio* *Procuratore* suo explevit. *Eudoxia* verò præ-fati *Augusti* uxor *Petronio* *Maximo*, à quo sublatus vir erat, nupta, *Carthaginem* ad *Jensericum* misit, orans, nè hominem nefarium sine-ret gaudere *Valentiniani* Cade. Quibus malis, nè quid penitus deef-set, *Patrum* quoque ac *Romanorum* *Civium* accessit ignavia, qui dete-stantes ut venena doctrinas, insanabiliumque flagitiorum labe corrupti, nil in rebus humanis boni noverant, nisi quod fructuosum esset, & *Amicos* tanquam *Pecudes* omnes potissimum diligebant, ex quibus se sperabant ma-ximum fructum esse capturos, superbiq; adeò, ut osculanda *Capita* in mo-dum *Tamorum* minacium obliquantes, adulatoribus offerrent genas sua suavianda, vel manus.

Finis Exercitationis Primæ.



Ad Lectorem.

HAbes cordate Lector Opusculum, quo Civilis Doctrinæ fontes saltè indicari vides; quoque Romanæ Civitatis formas, conversionesque ad *Augustulum* usque potes intueri. Brevi sequetur alterum, ut uno veluti obtutu cum præcipuarum Civitatum Politiam, tum rerum humanarum Orbem spectare queas; utque exemplis ipsis, aliorumque eventis eadem Civilis facultas illustretur. Scio quidem Orbem, ceu magnum Animal, parva ista Edulia despiciere, cum vix succipienis satur fieri pallam sit; spem tamen fovere licebit, non adeò abs te, cui fortasse *mens quieta, intelligensque humani, Diviniq; Juris*, summi Numinis benignitate, concessa, rejici debere; cum nec disputationibus, nec vanis rerum immixta, aut Authorum cumulo reſerta, sed continenti, connexaque Oratione processisse, *Summamque rerum* qualitercumque adumbrasse animadvertas. Scopum igitur vel ostendisse sufficiat; cum his literis, eaque sapientiâ animum oporteat informare, quæ *bonum Virum*, simulque *bonum Civem* efficiunt; unde vox illa Euripidis precantis Deos: *Nè mihi sancta, sed quorum Civitati sit usus.*

Quibus autem sermonis elegantiam, cæteraque Grammaticæ pulpæ rimari cordi est, carpendi, clamandique quantum lubet facultas esto. Me nec adeò his delectari, nec hujusce laboris patientem sciant, & nucleum, non verò corticem captare consuevisse.

Authores si adire velis, Aristotelem, præcipuè, Dionysium, Halicarnasæum, T. Livium, Tacitum, Dionem Cassium, Putarchum, cæterosque Romanorum Hystoriæ Scriptores evolvere non displiceat, cuncta enim ex his discerpisse haud ignoras.

Errores corrigere supervacaneum duxi, cum possis ipsemet advertere, & nec leves indulgendi causæ; primâ tamen Paginâ, pro *materia*, legas, *machina*, & Pag. 6. vers. 7. *mutuam dependentiam, processumque, ac ordinem ipsimet animi motum*, corrigas, *mutua dependentia, processusque, ac ordo ex ipsimet animi motibus*; pag. verò 43. vers. 17. pro *conductions, concessiones*, *renovari* pro *renovari* legere oportebit. & pag. 40. *Gubernatoris*, adde *Navis*; licet in quibusdam Exemplaribus, Typographo tempestivè admonito, nec irrep'erint. Alia quidem errata. interpunctionesque præcipuè, benignitate tuâ parvi facias; tædio namque, nec uno impedimentorum genere affectus, accuratè his operam impendere nequibam, & ad alia properare mens erat. Vale.